

Landesbibliothek Oldenburg

Digitalisierung von Drucken

**Introdvctio Ad Libros Canonicos Bibliorvm Veteris
Testamenti Omnes**

Præcognita Critica Et Historica, Ac Avtoritatis Vindicias Exponens


Introdvctio Ad Libros Historicos Bibliorvm Veteris Testamenti, Præcognita
Critica Et Historica, Ac Avtoritatis Vindicias Exponens

Carpzov, Johann Gottlob

Lipsiæ, MDCCXIV.

VD18 90517652

urn:nbn:de:gbv:45:1-18317



Landesbibliothek Oldenburg

Theol. II B h/2




Landesbibliothek Oldenburg

	Blue	Cyan	Green	Yellow	Red	Magenta	White	3/Color	Black
centimetres	1	2	3	4	5	6	7	8	9
inches	1	2	3	4	5	6	7	8	9
	12	13	14	15	16	17	18	19	20

B.I.G. Farbkarte #13



Landesbibliothek Oldenburg



Landesbibliothek Oldenburg

INTRODVCTIO
A D
LIBROS HISTORICOS
BIBLIORVM
VETERIS TESTAMENTI,
PRÆCOGNITA CRITICA ET HISTORICA,
AC
AVTORITATIS VINDICIAS
EXPONENS.

ADORNATA STUDIO
IOH. GOTTLLOB CARPZOVII,
S. THEOL. PROF. PVBL. EXTR. ET ECCL-
SIASTÆ THOMANI.

LIPSIAE,
APVD HÆRED. FRIDER. LANKISIL.
AN. MDCC XIV.



INSTITUTIO
AD
LITEROS HISTORICOS
BIBLIORVM

VERITATIS TESTAMENTI
PRÆCOCITATIA CRITICA ET HISTORICA

AVATORUM INDICES



JOH GOTLIBUS CARPSONI
S. THOMOL TROL LARL. EXTR. ET ECCL.
S. CLAST. THOMANI.

ALIAS

AB AD HERBL. TRIDEL. FANNESI

AN. MDCC XIX



Landesbibliothek Oldenburg



L. B.

Gratiam & pacem a fonte salutis
CHRISTO!



Vod in more positum Viris doctis video,
ut lucubrationum suarum, quas cum
orbe erudito communicant, rationem
ac modum statim in limine exponant,
causasque scribendi edisserant, id im-
præsentiarum datum mihi esse negotii
intelligo, dum P. I. Introductionis Bibli-
cæ in lucem emitto. Mirari enim for-

te poteras L. B. post tot doctissimorum Scripturæ interpretum
Præloquia, *Præcognita*, *Prolegomena*, *Apparatus*, *Bibliothecas*,
Thesauros, *Criticas*, *Enchiridia*, aliaque id genus literarum mo-
numenta, quibus divini Codicis prænotiones copiose tradun-
tur, novam me moliri Introductionem, & post Homerum,
quod ajunt, Iliadem velle scribere, in animum induxisse. Sed
nec actum me egisse, nec operæ ac otii, quod a sacri muneric
occupatione non equidem nimium suppetit, fecisse jacturam
intelliges, si consilii causas, & primam operis occasionem, tum
& instituti cognoveris rationem.

Tertius hic labitur annus, ex quo honesti quidam, & san-
ctoribus mancipati studiis me convenienter Iuvenes, modeſte
contendentes, ut quæ circa afferendam Scripturæ Sacræ autori-
tatem, eamque a μωϋδελων & Pseudo-Criticorum strophis vin-
dicandam, tum circa librorum sacrorum appellations varias,
Scriptores, argumenta, scopum, chronologiam & partitionem





tenenda Theologiae consecraneo essent, ipsos edocerem, de-
mum etiam præcipuos adjicere Doctorum, nostra pariter ac
diversarum religionum castra sequentium, commentarios.
Annui eo libentius pio ipsorum desiderio, quo impensius a te-
neris inde ungiviculis sacras literas & amavi & trivi. Hinc
prima cura de autore erat, cuius ductum secuti recta via ad
metam pergeremus. Sed, ut verum fatear, adeo vel prolixos
nimis & prægrandes mole, ut collegii, quod dicunt, & explica-
tionis modum excederent; vel in iis tantum operosos & oc-
cupatos, quæ ad Systemata potius Theologiæ, quam ad Isago-
gen faciunt Scripturæ; vel vindicias solas absque autoris, sco-
pi, chronologiæ investigatione, aut vice versa hanc absque vin-
diciis, & autoritatis assertione tradere; vel demum in alio pla-
ne decurrere campo, & data saltæ occasione, ac ᾧ εν ταρόδῳ
ea, quæ huc spectant, attingere eos deprehendi, ut qui votis
nostris ex aſſe responderet, nullus reperiatur. Quæ ne gra-
tis asseruisse videat, e re futurum existimo, si brevem talium
Scriptorum recensionem inire, & quæ cuique ratio, quis tra-
stanti modus sit, paucis aggrediar indicare.

Vbi quidem e nostratis primo loco b. ÆGID. HVN-
NIVS occurrit, cujus epitome Biblica, vel summarium, compre-
hendens summas breves & argumenta capitum totius sacre hiſto-
riæ Vet. Test. Canonice, Tom. III. Opp. Lat. p. 1356. seqq. legi-
tur: Sed præterquam, quod in Iobi historia delinit, nec adeo
per universum Veteris Testamenti codicem vagatur; singu-
lorum saltæ capitum argumenta in summam & epitomen-
redigit, plura vero non addit. Succedit Vir summus & cir-
ca sacras literas de ecclesia Christi immortaliter meritus, MI-
CHAEL WALTHERVS, qui in Officina Biblica toties re-
cusa, Scripturam adeuntibus adeo prætulit facem, ut nostras
longe supergrediatur laudes. Heideggero sane in concinnan-
do Enchiridio suo suppetias adeo tulit, locis ut compluribus vi-
tula ejus arare non dubitaverit, studiose licet dissimulato no-
mine





mine Waltheri. Verum cum longe ulterius illa pateat, quam præsens fert institutum, totaque P. I. illam, quæ de Scriptura Sacra est, tractationem, eo ordine ac modo, quo in Systematibus aut Locis communibus Theologorum fieri consuevit, copiose exhibeat; contra vero P. II. qua singulos ordine libros discutit, de eorum scopo, chronologia & autoritate divina nimis concise agat, & latius in observationibus Philologicis & Exegeticis se diffundat, objectiones vero Critorum recentium, maximam partem post Venerandi Theologi obitum demum extortorum, nec non Commentarios plane taceat; inservituram quidem labori nostro existimavimus, manudictionis autem, quam explicatione nostra Auditoribus tradere possemus, defungi vice non posse censuimus. Paulo curatus institutum nostrum pressisse videtur b. LAVRENTIVS FABRICIVS, Dantiscan. Hebraicarum literarum quondam in Academia Wittebergensi Professor Publicus, in *Partitionibus Codicis Hebrei*, quarum in bibliopoliis cum nullam superesse copiam intelligeret Vir de politiori literatura & Philologia bene merentissimus Thomas Crenius, *Thesauro librorum Philologicorum I.* p. 217. insertas ab interitu vindicavit, notisque subinde adspersis illustravit. Verum in his quoque de Scriptore uniuscujusque libri, deque autoritate divina, & iis, quæ cum novis Criticis disputari solent, denique de commentariis altum silentium est. Magni ABRAHAMI CALOVII *Prolegomena Commentario in Genesim præmissa*, tum illa quoque, quibus *Biblia Illustrata* circa libros singulos instruxit, magno quidem nobis adjumento fuisse grata mente profitemur; verum non id agebat Incomparabilis Theologus, ut apparatus Biblicum strueret, sed ut solida textum illustraret exegesi, & a Grotii detorsionibus liberaret atque assereret. Hinc mirum non est, obiter ab ipso tradita, nonnunquam etiam leviter faltem tacta fuisse, quæ ampliorem hic requirunt declarationem. Sic & cum
πτερον, b. IOH. GERHARDI *Exegesi Loci I. de Scriptura S.*

* 3

com-





comparatum est, cuius §. 119. seqq. singulos ordine libros Scripturæ, sed perquam concise, pro ratione instituti sui, collustrat, & ampliorem aliis excurrendi aperit campum. Pariter D. IOH. HENR. MAJI *Dissertationes IV. de Scriptura S. latifundium nostrum non exhaustiunt, sed in genere saltem in demonstranda S. Codicis θεοπνευστικης, ejusque in arcam testamentariam repositione, canonis constitutione, & germanica b. Lutheri translatione versantur.* Tandem novissime Anonymus quidam Vir eruditus, & in lectione commentariorum apprime versatus *Personalia ac vitas Scriptorum Biblicorum germanico idiomate Ratisbonæ An. 1708. seqq. evulgare cœpit, & ad Psalmorum usque pervenit volumen, reliqua se adjectum pollicitus, si vitam Deus & otium concesserit.* In quibus concinnandis non possum quidem non Viri laudare industriam, qui tamen si eo, quo circa Mosen & Josuam cœperat, tramite perrexisset, majorem sine dubio iniisset apud lectores gratiam, quam dum in sequentibus partibus, quicquid unquam in adversariis suis repererat, vel ab aliis congestum deprehenderat, miscella turbataque farragine in unam conjectit massam, multa sœpe folia & integras Dissertationes ex aliorum Commendationibus, iisque nonnunquam tritisimis ac ubivis obviis, de rebus quoque plane hic non spectantibus, transcripsit, totum Spanhemii de Iobi Historia tractatum, cuius tamen & seorsim abunde, & in Operibus junctim editis copia est, operi suo inseruit, intolerabili porro citatorum mole lectori satis illusit, eoque effecit, ut jam in IX. partes opus excreverit, quod tamen in unum, nec grande nimis cogi poterat volumen, si vel decies ibi dicta & repetita demantur, vel judicij falce ἀπροσδιόντως resecentur, vel sua quæque Scriptoribus restituantur. Quæ dum ex vero pronuncio, quod αὐτοψία docet, nolim quidem ejus me adversarium profiteri, cum minas undique & certamina spiret, alios tanquam impares tanto negotio supercilioso despiciat, & jam absque adversario, quod sciam, prælium conserat,

quo





quo vel invitatos in assensum rapiat, vel faltem minis & convi-
ciis terreat & compescat, ne quod de satura ipsius sentiunt, li-
bere profiteri ausint.

Jam ad Pontificios pedem promovens, multos qui-
dem eorum in hac desudasse arena deprehendo, ita tamen,
ut & ecclesiæ suæ, abjecte nimis de Scripturæ autoritate, inte-
gritate, textu authenticō & puritate statuētis, hypothesib⁹
velificentur, & ea subinde immisceant, quæ plane abludunt a
scopo, rursusque omittant, quæ quam maxime huc faciebant.
SIXTI SENENSIS, Ordinis Prædicat. *Bibliotheca sancta*
sua quidem laude spolianda non est, cum multa in compen-
dio exhibeat, quæ in spissis aliorum Voluminibus frustra quæ-
ras; sed maxima libri pars in iis cum cura occupatur, quæ ad
exegesin potius ejusque vindicias, tum & ad librorum sacro-
rum exposidores spectant, quam quæ lectorem necessaria præ-
cognitorum imbuunt cognitione. **NICOLAVS SERA-
RIVS**, celebris inter suos, nec omnino ineruditus Scriptor,
Prolegomena Biblica peculari volumine condidit, quibus tamen
Romanæ ecclesiæ in Scripturæ integritatem, textumque au-
thenticum calumnias coacervasse, magnoque asseruisse conatu
satis habet, ad librorum autem distinctam non progreditur
considerationem. Quam accuratius pensi habuit **IACO-
BVS BONFRERIVS**, in *præloquiis in totam Scripturam S-*
quæ commentario in Pentateuchum ex parte præmisit, ex
parte subjicit; verum in iis quoque & de adscendis in Ca-
nonem Apocryphis, & de inurenda Scripturæ obscuritatis nota,
& de vario sacrarum literarum sensu, ejusque eruendi modis
diversis multum laborat, in Hebraica autem Philologia minus
quam exercitatus. Habet quoque **ANTONIVS POSSE-
VINVS** in *apparatu sacro* circa plurimos Scripturæ libros
nonnulla vel sibi observata, vel potius ex aliis compilata, haud
injuria Montacutio (*Analect. Eccles. Exerc. V. Sect. 4. f. 177.*)
librorum ille carnifex, & omnium Scriniorum, tacitis tamen no-

mini-





minibus, compilator dictus. Obiter tamen illa quoque & absque ordine tradit, aliud omnino agens. Eruditionis itaque & ingenii palmam memoratis jam suæ Ecclesiæ Scriptoribus, omnium judicio, præripuit PET. DANIEL HVETIVS, Episcopus Abrincensis, in doctissima *demonstratione Evangelica*, haud ita pridem a Ioh. Tolando in *Dissertatione*, quam Origines Iudaicas inscripsit, necquicquam sollicitata; cuius Propos. IV. librorum sacrorum Scriptores juxta ac autoritatem contra Spinosam, Hobbesium, alios asseruit & vindicavit; sed vero cum aliud in erudito opere institutum exequatur, cetera sciens omisit, quæ ad præcognita pertinent sacra. Idem quoque IOSEPHO de VOISIN usu venit, qui licet in *observationibus ad proœmium pugionis fidei Raym. Martini de librorum Biblicorum distinctione, autoritate, & Scriptoribus, ex Rabbinorum sententia multa erudite moneat*, plenam tamen horum tractationem a præsenti negotio habuit alienam. Eam vero ingenti molimine struere allaboravit CHERVILNVS A S. IOSEPHO, Carmelita discalceatus, dum *Bibliothecam Criticæ sacræ circa omnes fere sacrorum librorum difficultates quatuor in folio Tomis, Lovanii A. 1704 & Bruxellis A. 1705. 1706. editis* adornavit. Sed haud abs re monet titulus operis, non ingenii vi, sed patienti labore collectum esse, cum miscellanam collectaneorum, parum judiciose digestorum faraginem exhibeat, & bona malis misceat, absque delectu. Conspectus Operis, qui in limine Tomi I. comparet, spem facit, fore ut Tomo ultimo circa singulos Veteris & Novi Testamenti libros quinque expendat, nimurum quis autor, quo tempore scripserit, qua lingua, quanta libri autoritas, & tandem ejus *Synopsin*, eo fere modo, quem Lightfoot, la Haye, & alii sequuntur: sed quantum mihi quidem de eo constat, ad metam non pervenit, verum in *Dissertatione XIV*, quæ est de polyglottis, substitut, morte, quod hariolor, forte præventus, ne ad umbilicum opus perduceret. Quid vero IOSEPHVS MARIA TORRE,
Genuen-





Genuensis, ex ordinē Prædicator. in *Institutionibus* suis ad Verbi Dei scripti intelligentiam præstiterit, definire non ausim, cum oculis illas usurpare integrum mihi nunquam fuerit. In *Diaro vero Literatorum Italiae (Giornale dei literati d'Italia T. V. A. 1711. p. 404.)* opus in quatuor dicitur partes divisum, quarum 1. de Scripturæ S. existentia agat, autore, Canone librorum, de libris Canonis Veteris & Novi Testamenti, deque libris Apocryhpis: 2. de textu Hebraico, Græco, editionibus & versionibus. 3. de obscuritate Scripturæ S. sensu mystico, figuris & interpretationibus. 4. de Sacræ Scripturæ perfectione, œconomia, Anti-Christo, traditionibus, hæresiarchis &c. Propius itaque ad mentem nostram accedunt CLAVD. FRASSENII Theologi Parisiensis *Disquisitiones Biblicæ*, quatuor libris comprehensæ, & Lutetii Parisiorum A. 1682. in 4. excusæ; quarum liber tertius de Vet. & Nov. Test. librorum canonibus cum antiquis, tum recentioribus, eorundem librorum distributione, integritate, obscuritate & variis sensibus c. 1--4. porro de cujusque inscriptione, autore, scopo, divisione & controversiis cap. 5 & 6. agit; sed & ille partim nimis frigide & festinanter versatur in iis, quæ majorem tamen requirebant attentionem, partim Ecclesiæ suæ placitis cœco obsequio insistit. Ut taceam, quod ex vero pronunciat D. D. Ioh. Henr. Majus (in *præfatione Examini Historiæ Criticæ N. T. Simonianæ præmissa*) Frassenium ea, quæ apud nostros etiam homines centies repetita inveniuntur, & non absque maximo tædio leguntur, in IV. libris disquisitionum Biblicalium repetiisse. Selectiores utique his observationes subministrat SCIPIO SGAMBATVS, Neapolitanus S. I. libris III. Archivorum Vet. Testamenti, quibus singulos Scriptores Sacros a mundi incunabulis ad Christum natum exhibet, eorumque maximam partem supposititia, tum quoque genuina & cum primis sacra atque canonica Scripta recenset, & erudite omnino ex antiquitate

* *

Rabbi-





Rabbinica illustrat, sed id quod res est, Sacri Codicis genuinam
indolem, autoritatem & fidem siccō præterit pede. RICHARDVS SIMONIVS Congregat. orator. Presbyter
in Historia Critica Textus Vet. & Novi Testamenti, gallico idio-
mate conscripta, insignem & eruditionem & industriam ad
institutum præsens attulit, multaque præclare observavit :
cum vero in id unum omnes intendat ingenii nervos, ut tex-
tum originalem dubium, luxatum, mirisque modis turbatum
omnibus persvadeat, non tam ducem viæ eligendum existi-
mavi, quam adversarium, cuius detegendæ, profligandæ, &
catie pejus ac angve fugienda sint insidiæ, autoritati divini Co-
dicis structæ. Omnium demum optime expectationi meæ
respondit LVDOV. ELIAS DV-PIN, qui cum *Novæ
Bibliothecæ Autorum Ecclesiasticorum*, gallico sermone adorna-
ta, Tomo I. Parisiis A. 1693. edito, eruditam *Dissertationem præ-
liminarem de Autoribus librorum Biblicorum* præmisisset, paulo
post operæ se pretium facturum ratus, si majori circa libros
Biblicos cura dispiceret, peculiari tomo *Prolegomena Biblica*
in supplementi vicem Bibliothecæ suæ A. 1701. subjicit, cuius
P. I. c. 3. singulos Veteris Testamenti libros; *P. II. cap. 2.* No-
vi Testamenti monumenta ordine perlustrat, & quæ circa
generalem eorum notitiam observanda erant, nervose ac sæ-
pe satis fideliter tradit, fuseque ab aliis disputata cum judicio
in compendium mittit. Attamen cum & ille textum utrius-
que Testamenti originalem suas passum fuisse corruptelas &
labes, ex ecclesiæ Romanae decreto statuat & tueatur, fontes-
que corruptelarum ostendere satagit, Apocryphos Canoni
operose inserat, & Sententiae Pontificiorum in Scripturam
injuriaæ nimis inserviat, autoritatem quoque Canonicorum
Scriptorum ab ecclesiæ testimonio suspendat, non potest ejus
lectio studiosæ juventuti tuta satis fide commendari.

Præter





Præter hos Reformatæ quoque religionis doctorum in.
hoc decurrit stadio industria, quæ præ ceteris BRIANI WAL-
TONI nobis dedit *Apparatum Biblicum* insigni refertum eru-
ditione, & Bibliis Polyglottis Anglicanis Tōmo præliminari
præmissum, posthac quoque Ioh. Henr. Heideggeri cura Ti-
guri A. 1673. seorsim excusum. Attamen non in libros ille
singulos inquisivit, sed præter Ludov. Cappelli Chronologi-
am Sacram, Eduardi Breervord tractatum de ponderibus, &
alia opuscula integra, *sedecim* Waltoni in Biblia Polyglotta
tradit *Prolegomena*, quæ de lingvarum natura ac origine, de
literis seu characteribus, de lingva Hebraica ejusque qualitati-
bus, de Bibliorum editionibus, versionibus variis, de Masora
& id genus aliis argumentis Philologicis copiose agunt, inta-
cta autem relinquunt ea, quorum nos cura jam tangit. Mul-
tum præterea huc conferre poterit FRIDERICI SPAN-
HEMII Fil. Tom. I. Opp. qui in Historia ecclesiastica a condi-
to Adamo ad æram Christianam pag. 257--480. varia suis locis
inspergit, ad bibliorum librorum notitiam apprime facien-
tia; sed cum id ageret Vir doctissimus, ut integrum Ecclesiæ
& gentis, quæ domicilium ac sedem illorum temporum ec-
clesiæ præbebat, Iudaicæ historiam componeret, ad librorum
contemplationem obiter saltē dilabitur, nec de industria
vel prō dignitate satis illos perlustrat. Propius huc spectat
IOH. HENRICI HOTTINGERI *Thesaurus Philologi-
cus*, seu *Clavis Scripturæ*, qui ex recondita Hebraorum do-
ctrina egregie omnino, maxime L. II. cap. I. p. 454, de monu-
mentis canonicis differit, & insignem nobis subinde opem
tulit: vellem tamen & ille ut, quæ de Iudeorum religione,
gente, proselytis, festis, adversariis, de ipsorum Theologia,
porro de Scripturæ versionibus, de Masora & Kabbala toto li-
bro I. prolixè tradidit, alii servasset tractationi, hac vero Scri-
pturæ clavē aditum ad libros Sacros tantum reserasset, ma-





joremque in singulis iis excutiendis operam posuisset. IOH. COSINI Episcopi Dunelmensis Angli, quid ferat *Historia Scholastica Canonis S. Scripturæ A. 1657 & 1672.* procula, tum & Iohannis Eduardi *discursus de autoritate, stylo & perfectione librorum Veteris & Novi Testamenti*, Londini, sermone Anglico, editus in 8. A. 1693. dicere non habeo, cum nulla mihi lucubrations istas perlustrandi copia unquam sit facta. Vnus itaque superest IOH. HENRIC. HEIDEGGERVS, cuius si lucem aspexisset *Pharos Biblica*, seu *Introductio generalis ad Scripturam Veteris & Novi Testamenti*, in præfatione Enchiridii promissa, haberemus haud dubie instructissimum Bibliorum apparatus, qui pro singulari Viri & eruditione & dexteritate nihil fecisset reliquum. Postquam vero omnis ejus spes cum Autoris obitu decollarit, *Enchiridion tamen ille Biblicum* A. 1681. Tiguri vulgavit, quo in brevem coëgit epitomen, quæ circa libros singulos censebat. Sed præterquam quod divinam eorum dignitatem nec afferat, nec vindicet (quod quidem in *Exercitationibus Biblicis* posthumis præclare perquam præstitit) tum quoque errores haud leves, maxime in citandis nostræ Ecclesiæ Doctribus committat, quorum sat prolixum texuit indicem Vir Celeberrimus Thomas Crenius *Animadversion. Philol. P. II. p. 101. seqq.* brevitatis nimium quantum studiosus, multa silentio prætermittit dicenda, & in enarrandis capitum contentis copiosius, quam in examinandis librorum præcognitis versatur, adeoque multa intacta, multa reliquit superadenda.

Hinc itaque satis, opinor, appareat, nullam adhuc in publicum prostare ad *Scripturam Isagogen*, ita comparatam, ut remotis peregrinis, & ad rem non facientibus digressionibus, ea præcise exponat, quorum cognitio aditum ad sacram tabularum lectionem & viam sternit. Neque adeo abs

re





re fore credidi, si adhibitis autorum, quos allegavimus, lucubrationibus, tum & consultis præstantissimis interpretum Commentariis ea brevitate, quæ lectori tedium abstegeret, ea quoque copia, quæ sufficeret instituto, introductionem adornarem. Quam dum non prælo, sed auditoribus meis pararem, varia interpellarunt, eamque in sententiam me demum induxerunt, ut quæ cum ingenti temporis dispendio, nec exiguo sphalmatum periculo in calatum dictanda vel describenda erant, typis subjicerem, communique sacra operantium usui destinarem. In qua ita versatus sum, ut inscriptionem & nomenclaturam libri primo omnium examinarem, mox de loco ac sede, quam in Canonis codice tenet, dispicerem, tum vero ad Scriptorem pergerem, & in eo investigando Spinosæ aliorumque retunderem *Φλυχρίας*, quibus nimiam libris sacris novitatem affingendo, eorum simul ele vant autoritatem. Posthæc in argumentum libri & scopum inquisivi, eumque dum a multis cum libri usu confundi viserem, ab utilitate ejusdem varia distinxii, & cum primis luceenter demonstrare annussum, quo pacto ad Christum totius Scripturæ nucleus, vel manifestis oraculis respiciant, vel teste alludant singuli divini codicis libri. Hinc ad autoritatem eorum canonicam progressus, eamque cum interna Spiritus S. virtute quivis ipse sibi conciliet, argumentis externis & *ναὶ ἀνθρώποις* conatus sum stabilire, criminacionibus Spinosa, Simonii & aliorum, quibus dignitatem eorum convellere allaborant, profligatis. Tum quoque de Chronologia, quæ ad intelligendam Scripturam insigne confert momentum, paulo dispexi curatius, eamque quoad licuit, ex ipsa Scriptura delineavi, in ceteris doctissimi Vsserij dictum secutus, exceptis Iudicum & Estheræ temporibus, in quibus ab eo discendum mihi erat. Tandem libri generalis subnectitur Partitio, & singulorum capitum contenta memoriae causa in bre-





vem rediguntur Tabulam & synopsin, quæ uno intuitu totius libri structuram & ordinem ob oculos ponit. Ultimo tandem loco commentarios diversarum subjici religionum, iisque formam ac editionis locum & annum addidi, ut eo plenius de iis constaret lectori. Hunc fere per omnia servavi modum tractandi, procul habens, quæ Exegeticæ aut Philologicæ, vel demum Polemicæ aut doctrinales erant, questiones. Pariter quæ de affectionibus Scripturæ, integritate, immunitate ab omni corruptela, de versionibus item, de Masora & similibus in Systematibus Theologicis, vel in b. Glassii Philologia & toties traduntur alibi, sciens volensque præterii, ut ab instituto aliena. Desiderare autem quis forte poterat, ut eorum, quæ circa Geographiam sacram, circa pondera & mensuras, circa Reipublicæ Iudaicæ faciem, pro temporum diversitate diversam, circa templi aut tabernaculi structuram, circa vestimenta aut vasa sacra, interpretibus crucemfigunt, primas quoque lineas hic duxissemus. Sed mens non erat falcem in alienam immittere messem, aut ea immiscere, quæ ad antiquitatem Iudaicam vel ad ipsam spectant locorum difficultum exegesin, vel denique ad *ενωντοφαιρουσινων* conciliationem. Aliam plane & singularem hæc talia poscunt tractationem, quæ in obscuero sita & explicata, vix integris voluminibus a doctissimis Philologis eruta satis & explanata sunt. Adeat vero, qui de Geographia sacra & antiquissima cognoscere cupit, Sam. Bocharti *Phaleg & Canaan*, Frid. Spanhemii *Geographiam sacram & ecclesiasticam* Tom. I. Opp. statim in principio obviam, plurimisque mappis Geographicis instructam, & Nicol. Sansonii *Geographiam sacram*, Clar. Clerici cura recusam; qui de temporum ratione plura desiderat, Ioh. Seldeni legat de anno civili Iudeorum, August. Varenii de annis Sabbathicis & Jubileis Iudeorum, & Nic. Mulleri de Iudeorum anno lunæ-solari, & Turcarabum anno mere-lunari

tra-





tractatus : qui de Festis, Ioh. Ionstonum, Ioh. Meyerum,
Theod. Thummium & August. Pfeifferum consulat, de Festis
Iudæorum ex instituto agentes. Ut quæ de sacrificiis, riti-
bus, templo, de nummis, mensuris, ponderibus & pretiis
nummorum, aliisque antiquitatibus prolixe & erudite disse-
ruerunt viri docti bene multi, silentio nunc prætermittam.
Ea enim omnia extra orbitam posita, nec nobis censui tan-
genda. De cetero vero in citandis autorum suffragiis, tum
demum verba ipsorum allegavi, cum vel a veritate aberran-
tes confutandi essent, vel assertionibus nostris insigne afferre
robur, vel clariorem affundere lucem viderentur : eum ve-
ro, qui multorum est, sectatus morem non sum, ut librorum
ac nominum allegationibus integra foia compleant, iisque
nescio quam lectionis variæ ac eruditionis vanam aucupen-
tur gloriolam ; unum tamen & alterum e posterioribus nomi-
navi, ut haberent lectores, quem adire & consulere possint,
sicubi ampliorem desiderent informationem ; tum &, ut
sententiam meam eruditorum firmarem consensu ; denique,
ut per quos profecerim, quorum usus sim suppetiis atque la-
bore, grata ac memori mente, quod ingenui & Christiani
hominis esse existimo, hoc ipso profiterer : Vbi vero produ-
cendi in aciem erant sententiæ alicujus vel primi autores vel
assertores, paulo in citandis eorum nominibus fui libe-
ralior.

Sic perorata causa tractandique methodo, superest ut,
cur imperfectum opus, ejusque pars prima saltem in lucem
prodeat, ratio reddatur. Et per me sane vel in scriniis deli-
tescere omnis hæc opella, vel pars hæc I. successuras domi
expectare, secumque una in publicum producere potuisset, ut
integrum & numeris suis absolutum sisteretur opus. Sed
cum inopinata negotiorum moles nuper in me devoluta, ho-
ras, quæ ceteris elaborandis & poliendis dicandæ fuerant, sibi
ven-





vendicarit, & quod reliquum est, his superaddere nunc non permiserit; erant tamen, quæ editionem si non integri, affecti saltem libelli urgerent. Paranda enim Auditoribus erant exempla, quibus in Scholis nostris Biblicis tamdiu uterentur, donec reliqua succederent; & quod caput rei est, iis quoque, quibus proxima post Deum debetur a me pietas, reddenda erat temporis atque laborum ratio, & standum promissis, quibus obsequia ipsis mea adstrinxeram. Absque his fuisset, integrum omnino dedissemus tractatum, in quo tamen, qua licuerit contentione atque studio pergam, ut hanc propediem Pars II. quæ Poëtica est, eamque III. Prophetica excipiat, adeoque totum V. T. sistatur illustratum. De Novo nondum constitui, experimentum prius hinc capturus, num Lectoris desiderio juxta ac expectationi respondeant nostri conatus; quod si intellexero, calcar mihi addetur, pari industria ad explicanda Novi Fœderis præcognita pedem promovendi.

Quod supereft, mecum habitare, meoque me metiri modulo ac pede didici, ut nec parandæ famæ, captandæque gloriæ aptum hunc laborem, nec omnium satisfacturum votis præsumiam. Cumque labi & in tanta rerum, multis retro Seculis a nobis dissitarum, caligine hallucinari ab humana sorte alienum non sit, ab omni eum lapsu vix promittere ausim immunem. Quare modeſte & humaniter monentibus me non modo locum daturum sancte polliceor; sed & si habeant Viri docti, pii & verbi divini amantes, quæ ad opel- lae facere possint emendationem, rogatos, qua par est, obser vantia velim, ut mecum benevole communicent, & in quibus Partes subsecuturæ ad lectorum commoda instrui queant felicius, benigne suppeditent. Quod ut in beneficii loco sum habiturus, ita in ingratum illud aut morosum, vel sententiæ præfracte tenacem se contulisse nunquam experientur.

Si





Si qui demum alto conatus nostros supercilios despiciant, ea cumprimis de ratione, quod non ad seculi morem novis opinionum portentis turgeant, sed trito jam aliis tramite incedant, ii nec lectionem aut approbationem libri invitatis sibi obtrudi existiment, & id de me sibi persvadeant, non tam nova quam vera me sectari, & iis saltem pretium operæ statuere, quæ ad sacrarum literarum & statuminandam autoritatem, & juvandam facilitandamque faciunt lectionem; iis vero Criticorum commentis plane non delectari, quæ vel meritis nituntur conjecturis, & tam faciliter repudiantur negotio, quam adstruuntur, vel dignitatem sacrarum literarum in discrimen adducunt, aut labis vel corruptelæ eis maculam adspergunt. Demum vero studiose Iuventuti, iisque scripsisse me cogitent, qui vel a tanta librorum suppellectile instructi non sunt, ut varias mutuo conferre Doctorum sententias in promptu habeant, vel eo non abundant otio, ut singulorum excutere opuscula & sententias sub examen vocare possint, sed paucis foliis comprehensa cupiunt ea, quæ circa generalem sacrorum voluminum præcognitionem sunt tenenda. His si utilem me navasse operam, si ecclesiæ Dei aliqua ex parte inservisse, si ad Scripturæ Sacraæ expeditiorem lectionem aliquid me contulisse intellexero, sat amplum id laboris præmium statuam, Deoque O. M. cuius omne istud est, quod exequimur, gratias decernam immortales. Quem tibi L. B.

mihiique propitium & fonspatorem ex animo
precor. Vale.



CON-



*** * ***

CONSPECTVS CAPITVM.

CAP. I.	
De Scriptura S. in genere	pag. I.
CAP. II.	
De Veteri Testamento in genere	p. 20.
CAP. III.	
De Pentateucho sive Lege Mosaica	p. 38.
CAP. IV.	
De Genesi	p. 55.
CAP. V.	
De libro Exodi	p. 82.
CAP. VI.	
De Levitico	p. 100.
CAP. VII.	
De Numerorum libro	p. 120.
CAP. VIII.	
De Deuteronomio	p. 134.
CAP. IX.	
De Libro Iosuæ	p. 145.
CAP. X.	
De Libro Iudicum	p. 166.
CAP. XI.	
De Libro Ruth	p. 195.
CAP. XII.	
De Libro priore Samuelis	p. 2II.
CAP.	

CON-





CAP. XIII.

De Libro posteriore Samuelis p. 233.

CAP. XIV.

De Libro priore Regum p. 239.

CAP. XV.

De libro posteriore Regum p. 274.

CAP. XVI.

De Libro priore Chronicorum p. 279.

CAP. XVII.

De Libro posteriore Chronicorum p. 300.

CAP. XVIII.

De Libro Esdræ p. 304.

CAP. XIX.

De Libro Nehemiæ p. 335.

CAP. XX.

De Libro Estheræ p. 350.

*Quæ per Typographi incuriam sphalmata irrepserunt, L. B. pro
æquitate & in nos benevolentia sua haud gravatim corriget,
eorumque Syllabum Partibus seqq. subjunctum expectabit.*

—ОЯТИ

Invæ





Iuvat pagellam vacuam b. WALTHERI Sen. ornare epigram-
mate, cui ex animo adstipulamus:

BIBLIA noster amor, dulcissima BIBLIA, dia-
BIBLIA deliciæ, lautitiæque meæ!

Divitias habeant locupletes, Regnaque Reges,
Divitias habeam BIBLIA Sacra meas.

BIBLIA semper amo, Sacra BIBLIA semper
amabo,

Castus amor Εἰλιων, Sanctus amor Εἰελιων.
Ἐγενον erunt mihi BIBLIA, erunt eademque
πάρεγενον.

Dulce erit in BIBLIIS vivere, dulce mori.
CHRISTE, Tibi in BIBLIIS vivam moriarque
beatus,

BIBLIA te sacra habent, dantque docentque
pios.

Sancte Liber, venerande Liber, Liber optime,
salve,

O animæ nostræ BIBLIA dimidium!
Totum imo dicenda meæ sacra BIBLIA mentis,
CHRISTVM quæ datis, o BIBLIA noster
amor!

INTRO.



Q. D. B. V.

INTRODVCTIO AD LIBROS BIBLICOS VETERIS TESTAMENTI.

CAPVT I.

De Scriptura Sacra in genere.

Varia Bibliorum nomina §. 1. Librorum in Canonicos & Apocryphos distri- Summar-
butio §. 2. Codicis universi in Vet. & Nov. Testamentum partitio §. 3. um capitatis.
Varia Bibliorum versiones & editiones §. 4. Commentatores Pontificii:
Rabanus Maurus. Glossa interlinearis & ordinaria. Lyra. Paulus
Burgenſis. Matth. Doring §. 5. Hugo de S. Victore. Hugo de S. Charo.
Guil. Eſtius. Eman. Saa. Job. Steph. Menochius. Jac. Tirinus. Job.
Gagnaeus. Biblia magna. Biblia maxima §. 6. Jac. Gordonus. Felicia-
nus Capito. Franc. Luc. Brugensis. Anton. de Escobar & Mendoza-
Corn. a Lapide. J. B. du Hamel §. 7. Reformati: Job. Calvinus. Franc.
Junius. Job. Piscator. Biblia Herbornenſia. Ludov. de Dieu. Ludov.
& Jac. Cappelli. Job. Coccejus. Biblia Belgica. Sixtin. Amama. Job.
Deodatus. Sam. Maresius. Paul. Toffanus. Hugo Grotius. Critici sa-
cri: Matth. Poli Synopsis: ejusdem annotationes Anglo sermone scri-
ptæ in Scripturam §. 8. Lutherani: Lutherus. Ejusdem ab insultibus
Simonii vindicatio. Job. Brentius. Luc. Oſander. Biblia Vinarienſia §. 9.
Dan. Cramerus. Andr. Oſander. Job. Quistorpius. Phil. Henr. Fried-
libius. Theod. Hackspanius. Abrab. Calovii Biblia Germanica; &
illustrata Anti-Grotiana. Summaria Würtembergensia. Sal. Glaffit En-
chiridion. Mich. Waltheri Harmonia Bibl. Andr. Preückneri vindicæ
Bibl. Aug. Pfeifferi dubia vexata. Job. Sanberti observationes poſt-
buma §. 10.

A

S. I. Varia



INTRODVCTIO AD LIBROS BIBLICOS

De Scriptura S. in genere.
Appellatio.



§. I.

Aria sacer codex fortitus est nomina, apud Hebreos pariter ac Christianos scriptores. Illis תּוֹרָה dicitur ex Neh. VIII, 8. מִקְרָא ērīna, institutio, cui Salvatoris congruit allegatio Joh. X, 34. XV, 25. קְתֻבַּה / מִקְרָא scriptura, scriptum, ex Exod. XXXII, 16. cui γέαθης Joh. XIX, 37. & τὰν γέαθων respondet appellatio Matth. XXII, 29. Joh. V, 39. ספר יהֹנָה liber Domini ex Jes. XXXIV, 16. מגְּלֵה volumen e Ps. XL, 8. & בית מקדש sanctuarium Domini, & domus sanctuarii, quam variae Bibliorum editiones in fronte titulum gerunt: קְתֻבֵּי חֲקָרֶת scripture sanctitatis, quod Apostolus per ἵερα γεαμματα 2. Tim. III, 15. & γέαθας עִשְׂרִים וְאֶחָד עֲשָׂרֶת libri sanctitatis: viginti quatuor scil. libri, uno systemate comprehensi: allegorice quoque בְּלָה Spōsa, ob eximiam, qua gaudet, perfectionem salutatur. פְּסִיק propriæ quidem finem versiculi, & metonymice ipsum versiculum; sed & per synecdochen universam Vet. Test. scripturam designat, unde בָּעֵל Elia Levitæ Doctorem Biblicum notat. De singulis v. Hottinger. Thesaur. Phil. Lib. 1. cap. 2. Sect. 3. p. 88. sgg. Christianis tritissimum τῶν βιβλίων Bibliorum nomen est, non tam ex Syracidis Prologo, quod vult Menochius, quam ex Græcorum Patrum usu, Chrysostomi cumprimis, cui perquam frequens est, petitum. Porro διαθηκόγεαθα testamentaria scripta libri sacri audiunt; Codex Dei apud Augustinum in Ps. LXIII. Instrumentum apud eundem, & Tertullian. lib. de pudic. c. X. & contra Marcion. lib. 4. c. 3. denique κανών, regula, autoritate Pauli nuncupatur Gal. VI, 16. Phil. III, 16. Conf. Rivetum Iagob. c. 1. To. II. Opp. p. 853. Suicer. Thes. Ecclesi. suis II. &, quod ad canonis appellationem attinet, Virum Illustr. Petr. Dan. Huetium demonstr. Evang. Prop. IV. p. 533. §. 1.

II.

Distributio
1) in libros
Canonicos
& Apocryph.

Et hæc postrema quidem Canonis denominatio perpetuo ecclesiæ usu adeo Scripturæ est appropriata, ut genuini ejus primæque autoritatis libri a secundariis, qui Apocryphi sunt, haec nomenclatura discernantur. Ut ut enim Patres nonnulli ecclesiæ, cumprimis Occidentalis, Apocryphos quoque libros, sacros interdum dixerint, divinos & Canonicos; ingenitem tamē, quæ inter utrosque intercedit, autoritatis differentiam hac

dñufo-



άκυρολογία eos haud sustulisse, probe observat b. Gerhard. *Exeg. Loci* ra 8. in *ge-de Script. S. §. 107.* Quin primam potius & per multa secula continua-

nam fert ætatem distinctio in libros κεκανονισμένης in canonem adscriptos,
& ἀκανονιζόμενα extra canonem constitutos, Athanasio in *Synopsi*, aliisque Patri-
bus usurpata, quibus canon tunc librorum sacrorum collectionem & cata-
logum notat, legitimo synagogæ vel ecclesiæ consensu determinatum &
comprobatum. Hinc & ἀκανονιζόμενα Βιβλία Concilio Laodiceno sunt libri,
publica ecclesiæ autoritate in canonem non recepti, cum *Can. 50.* ita de-
cernit : ὅτι ὁ δεῖ ιδιωτικὸς Φαλμᾶς λέγεται εὐ τῇ ἐκκλησίᾳ, ὃδὲ ἀκα-
νονιζόμενα Βιβλία, αἷλα μόνα τὰ κανονικὰ τῆς παλαιᾶς καὶ καινῆς διαθή-
κης quod non oportet privatos *Psalmos* in Ecclesia legi, nec libros non ca-
nonicos : sed solos canonicos *Vet.* & *Novi Testamenti*, qui sequenti *Can. 60.*
sigillatim recensentur. Duo quippe ad canonicum Scripturæ librum
αναχρήστα Theologi requirunt : Θεοπνευσίαν nimirum 2. Tim. III, 16.
& solennem ad perpetuum normantemque ecclesiæ usum destinationem.
Unde Damascenus *lib. IV. de orthodoxa fide c. 18.* apocryphos, v. g. Sapien-
tiam, Syracidem &c. a canonicis distinguens, ἐνάρεσοι μὲν καὶ παλαιῷ, in-
quit, αἷλα ἐν ἀριθμηταῖς ὃδὲ ἔκεινοι εὐ τῇ κιβωτῷ, pulchri quidem & ho-
nesti (hi libri sunt) sed non numerantur (inter canonicos) neque pone-
bantur in arca, quod, quando ab autoribus suis ecclesia offerebantur,
digni olim habitu non sint, qui cum reliquis canoniciis, ab ecclesia ap-
probatis, in arcam ecclesiasticam reponerentur.

III.

Canonis porro universi sistema, divina Pauli autoritate 2. Cor. III, 2) in *Vetus*
14. in *Vetus & Novum Testamentum* dispescitur. Non sensu legali, qua-
si lex nova in N. T. proponatur, quod Papistæ juxta cum Judæis conen-
dunt; nec foederis respectu, quasi in V. T. legale, in *Novo Evangelicum*
Dei cum hominibus pactum proponatur, quod Augustino aliquando
visum est in *exposit. Epist. ad Galat. T. IV. Opp. p. 347.* Ut enim V. T. non
tam legem ipsam & pactum legale, quam dispensationem illam divinam
circa religionis & politiæ Israëliticæ dispositionem designat ; *Novum*
non ipsum pactum gratiæ, sed dispositionem divinam circa novam de-
ctrinæ Evangelicæ administrationem & promulgationem per totum or-
bem novis sacramentis sanctitatem, observante b. Calovio *Bibl. Illusfr.*
proleg. p. 2. & omnino *ad Ebr. VIII, 13. T. IV. p. 1285. sq.* significat : ita
non minus in libris V. T. de foedere Evangelico, quam in libris N. T. de
foederis legali agitur & docetur. Unde idem Augustinus *lib. 3. contra*

*& Nov. Te-
stament.*

ra S. in ge-
mere.

duas epistolas Pelagii, ut & lib. XX. de Civ. Dei cap. 4. Mosaica & propheta usque ad Johannem scripta, rectius *Vetus Instrumentum*, pariter ac Evangelica & Apostolica scripta *Novum Instrumentum* verius quam Testamentum dici censet, quandoquidem utraque de utroque Dei testamento agant. Sola itaque temporis ratio hic loci habetur, quatenus *Vetus Test.* chronologice tempora ecclesiae ante, *Novum tempora* post incarnationem Christi denotat, & Johanne baptista limite utrumque distinguitur. Libri proin V. T. illi sunt, quos Moses & Prophetae ante natum Christum ; libri vero Novi Test. illi, quos Evangelistae & Apostoli post Christum in carne exhibitum conscriperunt. Hinc alibi de nō Augustinus, Testamentum *Vetus de Christo* exhibendo, *Novum de* exhibito agere ; *Novum in veteri latere, Vetus in Novo patere*, afferit. Confer b. Carpzov. *Diss. in 2. Petr. I. 19. sqq. cap. II. Apb. 3. p. 798.* & b. Schröder. *de principio Theolog. Sect. I. qn. 9. 10. p. 69. sqq.* Patrum vero in hæc duo Testamenta allegorias citavit Gerhard. *Diss. Isagog. I. c. 4. §. 3.*

IV.

Affectiones.

Versiones &
Editiones.

Quæ nunc de divina Scripturæ inspiratione, Canonis porro integritate, textus originalis authenticæ dignitate, aliisque, quæ Scripturæ sunt, affectionibus proferri in medium possent, ad Systemata Locosque Theologicos pertinere, nec adeo hujus loci esse existimamus. Propius forte ad institutum nostrum accederet, si varias Bibliorum *versiones*, ac quid de singulis sentiendum, & *editiones*, ac quid in singulis præstatum sit, recenseremus : sed verendum, ne sic in limine statim dicendorum obruamur copia, & post Homerum Iliada scribere aggrediamur, eum viri doctissimi tam copiose in hoc argumento, tamque versati sint solide, ut spicilegio vix locum reliquise videantur. E multis nominasse sufficiat Joh. Henr. Hottingerum, qui *Bibliothecarii Part. II. tot. de Bibliorum authenticis exemplaribus*, tam MSCtis quam impressis, de Polyglottis, de variis in vernacula linguis translationibus &c. & *Thesauri Phil. L. I. cap. 3. p. 249. sqq.* de paraphrasibus Chaldaicis, Syriacis, Arabicis, Persicis, Græcis ac Latinis de industria agit ; Brianum porro Waltonum, Anglum, qui *Prolegom. in Biblia Polyglotta IV. V. IX. X. XI. XII. XIII. XIV. XV. XVI.* in versiones Bibliorum Orientales, tum & in Vulgatam Latinam paulo curatus inquirit : & e nostris b. Christ. Kortholm, qui *tract. de variis Scripturæ editionibus Kilonii 1686. edito*, de versionibus, Chaldaica c. 3. Syriaca c. 4. Græcis c. 5. LXXviral c. 6. Latinis in generè c. 8. Vulgata Latina c. 9 - 14. Latinis aliis c. 15. Samaritana c. 16.

Ara-



Arabica & Turcica c. 17. Æthiopica c. 18. Persica c. 19. Armenica c. 20. ra S. in ge-
 Ægyptiaca s. Copta c. 21. Italica c. 22. Gallica c. 23. Hispanica c. 24. Germa-
 nica c. 25. Belgica c. 26. Britannica s. Anglo-Saxonica c. 27. Danica c. 28.
 Suecica, Finnica, Lappica, Islandica, Gothica c. 29. Polonica, Lithuanica,
 Livonica, Russica c. 30. Bohemica, Hungarica, Slavonica c. 31. erudite pero-
 rat. De b. Lutheri versione Germanica integrum contextuit historiam Magnif.
 D. D. Joh. Friedr. Mayerus Hamburgi A. 1701. editam, ultra quam vix
 est, quod desideres; adjecta dissertationum de translationibus Bibliorum
 Germanicis ante Lutherum, sive editis, sive ineditis, & de notis veterum
 Biblicis, mantissa. Demum nuper admodum Jacobus le Long. Parisin.
 Congregationis Oratorii D. J. Sacerdos & Bibliothecæ domus Parisiensis
 Praefectus Bibliothecam Sacram s. Syllabum omnium ferme Sacra Scriptu-
 ræ editionum ac versionum stupendo sane labore construxit, a Viro Clar.
 Christ. Fried. Boernerio S. Th. D. & humaniorum literarum in Acad.
 Lips. Professore P. auctam, notisque illustratam. Cujus P. I. c. 1. Biblia
 Polyglotta, c. 2. Biblia linguis Orientalibus edita, c. 3. Græca, c. 4. La-
 tina: P. II. c. 5. Gallica, c. 6. Italica, c. 7. Hispanica, c. 8. Biblia linguis
 Romanensibus exarata, c. 9. Germanica, c. 10. Danica, Suecica, Anglo-
 Saxonica, Anglica, c. 11. Slavica, c. 12. Islandica, Wallica, Hibernica, Can-
 tabrica, Lithuanica, Finnica, Lapponica, Hungarica, c. 13. Mexicana,
 Mixteca, Virginiana &c. secundum varias, quibus in lucem prodierunt,
 editiones recensentur, adiectis haud raro ἐπινέσει & observationibus
 ad editionis Historiam aut indolem spectantibus. Codicum præterea
 MSCtorum, quotquot hodie innoverunt, indicem locupletissimum suo
 loco exhibit: tum etiam Concordantias Biblicas variis linguis concin-
 nata, & variantium lectionum Syllogas opus laboriosissimum sistit.

V.

In universa Biblia non tam prolixos commentarios, quam notas & Commen-
 tarii & an-
 ticipations concisas doctorum virorum industria nobis dedit. Quo-
 rum eruditam recensionem D. D. Mayerus instituit in dissertationum notationes
 Decade, cui Bibliothecæ Biblica nomen fecit. Hos inter, ut Patres præ-
 tereamus, quorum nullius integer in omnes utriusque Instrumenti libros
 commentarius ad nostram transmissus est ætatem, primo loco nomi- DD. Ponti-
 namus RABANVM MAVRVM Abbatem primo Fuldensem, post ficiorum:
 Archi-Episcopum Moguntinum, scriptorem seculi IX. cuius in univer-
 sam Scripturam commentarii lucem nondum omnes adspexerunt, MSCti
 vero in Bibliothecis latēt inediti, quorum exactum dedit catalogum



De Scriptura S. in genere. Nic. Serarius Moguntiacar. Rerum Lib. IV. p. 631. sq. Sequitur GLOSSA, tum interlinearis, in obscuriorum saltet vocabulorum explicacione hærens, & Anselmo Laudunensi, Doctori vergente XI. & ineunte XII sec. florenti vulgo adscripta; tum ordinaria, amplior paulo & ex variis antiquis Doctoribus collecta, eaque juxta Guil. Cave eidem Anselmo, juxta alios vero Walafrido Straboni Monacho Fuldensi, Rabani Mauri discipulo, sec. IX. sub Ludovico Pio inclarescenti, accepta ferenda. Excepit utramque NICOLAVS de LYRA, ex Lyra Normanniae vico oriundus, Ordinis Minor. S. Francisci frater, A. C. 1340. fato functus, qui in Scripturam universam Postillas perpetuas, in quibus sensum literalem, adhibitis saepius Rabbinorum observationibus & glossis indagat; præterea quoque *Moralia*, postillis, quibus ut plurimum junguntur, paulo prolixiora reliquit. His PAVLVS de S. MARIA, ab Episcopatu, cui præferat, BVRGENSIS dictus, ex Judæo Christianus, additiones notabiles adjecit, quibus Lyrani Aristarchum agens, plurima ejus loca sape non infeliciter sub censuram vocavit. Contra vero eum Lyrani in se patrocinium causamque suscepit MATTHEVS DORING, vel ut aliis audit, DORNIC, Saxo, Ordinis Minorum frater, replicas Burgensi opponens, ausu tamen feliciore quam successa. Singulorum horum labores (Rabano Mauro excepto) textui Vulgato juncti, sex prodierunt tomis in Valle Engadi S. Engethal A. MDVII. Conrado Leonitorio procurante, qui peculiari tomo, eoque VII. reportorium Alphabeticum sententiarum præstantium, ex glossis atque commentariis diuersis collectarum addidit. In singulis quid desiderari possit, prolixe sat monuit Rich. Simonius Hist. Crit. V. T. L. III. cap. XI. p. 414. sqq.

VI.

HVGGO de S. VICTORE natus Comes de Blankenburg, postea Canonicus & Abbas in cœnobio S. Victoris (unde ipsi nomen hæsit) ad muros Parisi. Ordinis Augustini, ac propter excellentem doctrinam Didascalus, & ob assiduam Augustini lectionem & imitationem lingua Augustini, item Augustinus alter dictus, suam in explanandis Scripturæ libris quamplurimis operam haud infeliciter collocavit. Extant inter Opp. ejus Parisiis A. 1525. & Venetiis A. 1588. excusa, tomo primo de scripturis & scriptoribus sacris prænotations: annotationes elucidatoria in Pentateuchum, Judices, libros Regum ac Psalmos aliquot: in Ecclesiasten homilia 19. annotat. elucidatoria in Threnos, Joëlem & Abdiam: annotationes elucidat. allegoriarum in totum V. T. exceptis Prophetis & libris



bris sapientialibus: annot. elucid. allegoriarum in quatuor Evangel. annotationes literales & questiones in Epistolas Pauli. HVGO de S.CHA. nere.

RO alias de S. THEODORICO dictus, natione Burgundus, Ordinis Prædicat. Presbyter Cardinalis Tit. S. Sabinæ A. 1260. defunctus, edit in universam Scripturam Commentarios juxta quadruplicem sensum, Scholastico i. e. brevi sermone absque ullo fuso secularis eloquentiæ, ait Possevinus in Apparatu S. p. 770. In Psalmos scorsim scripsit; quanquam incertum & sub judice adhuc lis sit, an illa in Ps. commentaria Hugonis sint, an Alexandri Alensis? Prius d. l. affirmat Possevinus. Primus porro Concordantiarum Biblicalarum inventor vulgo creditur, quas cum Conrado Alberstadio Monacho, conjunctis quingentorum Monachorum e diversis cœnobiis operis, in Alphabeticum ordinem digessit & collegit. Vide Sixt. Senens. Bibliotheb. s. lib. IV. p. 254. Calvis. ad A. C. 1240. Genebrardum ad A. C. 1254. Opera ejus omnia in universa Biblia V. & N. T. septem tomis Venetiis recusa sunt in fol. 1600. quibus To. 8. rerum ac verborum locupletissimus index accessit. Majorem tamen eruditionis laudem procul dubio meretur in annotationibus in difficiliora loca totius scripturæ

G V I L . E S T I V S, Duacensis Academiæ Cancellarius & Primarius Theol. Professor, qui A. 1613. vivis excessit; porro **E M A N V E L S A A**, Lusitanus, Soc. Jesu Theologus & in Urbe Professor, in brevioribus notationibus in totam Scripturam, quibus Ebræos & Græcos potissimum idiosismos explicare annititur, gaudens brevitate, accurate autem feligens & suo loco disponens e Patribus atque e Glossa tum interlineari, tum ordinaria, que ad institutum faciebant, sed dubia & obscura resecans, ex Possevini judicio Appar. s. p. 503. **J O H . S T E P H A N . M E N O C H I V S** Jesuita in scholiis, s. brevi explicatione sensus literalis in utrumque Testamentum; **J A C O B V S T I R I N V S** Jesuita & Collegii Antwerpensis Vice-Rector, in brevi & nervosa totius Scripturæ explicatione, quam tamen in locis controversis ex merito castigavit Sam. Maresius in Anti-Tirino suo; & **J O H . G A G N Æ V S**, Doct. & Cancellarius Academiæ Parisiensis, qui quamquam non in universum codicem S. sed in epistolas saltem Apostolicas & Apocalypsin animadversiones conscriperit, nobis tamen hic loci prætereundus non est, quod *Joannes de la Haye* Parisiensis Lector, Concionator Regius & in Gallia Minorum Procurator Generalis, eundem superioribus quatuor suo loco adjecit, opusque satis magnificum, quod **B I B L I A M A G N A** inscripsit, quinque tomis Parisiis A. 1643. ex integris dictorum interpretum commentariis consarcinavit.



De Scriptura S. in genere.

cinavit. Usu longe insigniori, quam quem altera ejusdem *de la Haye* collectio præstat, A. 1660. sub. tit. BIBLIORVM MAXIMORVM, novendecim voluminibus in lucem protrusa, in qua omissis textu authentico sola Vulgata exhibetur, ita tamen, ut cuilibet commati versiones Orientales non modo, sed & Slavonicam, Gothicam, Italicam, Hispanicam, Gallicam interdum, in Latinum idioma translatas subjiciat, easque cum textu Vulgato contendat, tandemque Lyrani, Estii, Menochii, Tirini & Gagnæi annotationes subjungat. Cujus sumptuosus licet, at sterilis ac jejuni omnino operis quis scopus, qui nævi sint, accurate delineat laudatus D. Kortholt. c.l. cap. 31. §. 13. sqq. p. 388. sqq. Confer etiam Rich. Simon, c.l. p. 417.

VII.

Præter supra dictos JACOBVS GORDONVS Jesuita, Tolosani & Burdegalensis Collegiorum Rector, *commentaria ad sensum litteræ in Biblia universa conscripsit*: opus in tres tomos divisum & Lutetiae Parisiorum excusum A. 1632. In notis geminum præfixum sibi scopum habet: primo, ut ostendat, quis sit literæ germanus ac dogmaticus sensus, quem mystico longe anteponit; deinde, ut Hæreticorum, quos vocat, & Novatorum corruptelas retundat, omniaque ad Catholicum sensum revocet. In quibus ita versatur, ut ad nonnulla loca satis sit copiosus, & contrario vero capita bene multa vix paucis verbis illustret, vel sicco prorsus pede prætereat. Ad hæc de verbo Dei & librorum Canonicon variis editionibus, Ebraica, Græca, Latina, ad finem V. T. ex instituto agit: ad initia vero librorum παράδηλα s. historiæ sacræ cum regnis rebusque gestis profanis collationem instituit; tandemque opus totum tabulis Geographicis & Chronologicis passim exornat. Vindicias potius quam commentarium exhibit FELICIANVS CAPITONVS Narniensis, & Ord. Servorum Archiepiscop. Avenionensis, in explicationibus Catholicis Locor. fere omnium Veteris ac Novi Testam. quibus ad stabiliendas hæreses nostra tempestate abutuntur Hæretici, ut titulus habet, per Gaudiosum Floridum, Servitanæ familie Theologum, autorisque alumnū in tres partes digestis, eodemque curante primum in lucem editis Venetiis in fol. A. 1579. postea Coloniæ A. 1605. recusum hoc opus est sub rubr. *Promptuarii Sacri, continentis utriusque Testamenti principiorum locorum explicationes, quibus hæretici abutuntur.* De FRANCISCO LVCA BRUGENSI, Theologo Lovaniensi & ecclesiæ Audomaropolitanæ Decano, eo minus in præsentiarum attinet dicere,

quia



quia notationes ejus Criticæ in libros Sacros utriusque testamenti, quibus variantia discrepantibus exemplaribus loca summo studio discutiuntur. Tomo IX. Criticor. Anglicorum (edit. Francof.) integræ exhibitæ, haud adeo multam textui S. lucem, meo quidem judicio, foenerantur. ANTONIVS de ESCOBAR & MENDOZA *commentarios literales & morales* in V. & N. T. IX. Tomis struxit, Lugduni tribus voluminibus A. 1667. editos, quibus tamen non tam sensum explicat, quam locos communes suppeditat, exiguum forte interpreti sacro opem laturos. Haud dubie in oraculorum sacrorum expositione anteponendus ipsi est CORNELIVS a LAPIDE Belga, primum in Lovaniensi, tandem in Romano S. I. Collegio Sacrari. literar. Professor, qui in omnes utriusque Testamenti libros satis copiosos edidit commentarios, Jobo duntaxat & Psalmis exceptis; quos tamen etiam in destinatis habebat, nisi morte A. ætatis 71. Chr. 1637. præventus, cœptam pertexere telam prohibitus fuisset. Tomis XII. iteratis saepius vicibus Antwerpia, Colonia, Parisiis ac Lugduni recusa ejus Opp. lucem adspicerunt. E recentioribus nominandus cumprimis est I. B. du HAMEL, Presbyter & Professor Regius Parisiens. qui Biblia S. vulgatae versionis selectis annotationibus, ex optimis quibusque interpretibus excerptis illustrata, Parisiis Tomis II. in fol. A. 1706. evulgavit. Autoris itaque ingenio non annotations ipsæ, quas aliunde se mutuatum in præfatione ultro fatetur, sed earum ex optimis Commentatoribus congestio & delectus debentur, in quo medium inter scholia plus satis contracta, & Commentarios paulo longiores viam insistere cupiens, difficiliora saltem loca exposuit, omissis quæ obscuritate non laborant, discrepantesque. Autorum, sicubi in diversum abeunt, sententias brevissime recensuit; curiosas vero, quæ doctorum exercent ingenia, circa textum dissertationes, ab instituto suo alienas, habuit procul. In limine cujusque libri Autorem, ætatem, argumentum exhibit. Prolegomena IV. absolvuntur dissertationibus, quarum prima de Scripturæ autoritate & integritate; secunda de textus Hebraici antiquitate, autoritate, integritate & mutationibus, quas ex Romanæ ecclesiæ sententia est expertus; tertia de versionibus, LXXvirali, aliisque Græcis, de Syriaca & Chaldaica, & Latinis ac Vulgata in primis; quarta de stylo & charæctere Scripturæ S. iisque, quæ ad multipli- cem Scripturæ sensum & varias exponendi rationes spectant, differit. In calce operis duæ adjectæ sunt tabulæ, una quæ Chronologiam, altera quæ Geographiam sacram complectitur universam.



VIII.

Reformatorum agmen dux gregis JOH. CALVINVS dicit, Pastor & Sacr. literar. Professor Genevensis, qui exceptis libb. Judicium, Ruth, posteriore Samuelis, utroque Regum & Chronicorum, Estheræ, Nehemiae, Esdræ, Proverbiis porro, Ecclesiaste, Cantico & Apocalypsi, reliquos omnes ita interpretatus est, ut Genesin commentario illustrarit, reliquos IV. Mosaicos in harmoniam redegerit ; in Josuam, Psalmos, Jesaiam, Johannem Evangelistam, Acta, omnesque N. T. epistolias commentarios ; in priorem Samuelis & Jobum homilias ; in XII. prophetas minores, Jeremiam, XX. priora capp. Ezechieli, atque Danielem prælectiones struxerit ; Evangelistas demum 3. priores in harmoniam rursus disposuerit. Quæ omnia in Operum Calvini edit. Genevensi A. 1617. Tomos V. in nitidissima Amstelodamensi autem A. 1667. tomos VII. priores conficiunt, quibus in utraque editione duo adhuc tomii didacticorum & polemicorum, aliorumque opusculorum accedunt. Post hunc FRANCISCVS JVNIUS Theologiae & Ebraæ Linguæ Professor primo Heidelbergensis, deinde Lugdunensis, brevibus sed eruditis scholiis universa Biblia, a se atque Emanuel. Tremellio jussu & autoritate Friderici Electoris Palatini, in Latinum translata, illustravit : interpres Scripturæ Scaligero tantus visus, ut ab *Apostolorum temporibus parcm Theologum haec tenus nullum viderit seculum*, referente Thoma Gatakero Cimi L. II. cap. 9. Opp. p. 315. qui ibid. Eduardi Livelæi in prefat. ad annotationes in Prophetas quosd. minores sententiam allegat : Tremellio & Junio qui multa deberi negat, ne ille aut judicii expers, aut invidus est. Observarunt tamen eruditi, Junium in singulis fere impressionibus multa immutasse, ita ut postrema Bibliorum ejus editio a prima innumeris in locis plurimum variet. Eandem porro plus vice simplici castigavit JOHANNES PISCATOR, Philosophia sacra rumque literarum in schola Herbornensi Professor, qui novam Scripturæ versionem Latinam, ad eos libros, quorum Junio-Tremelliana ipsi non probatur, adornavit, eamque *analyse Logica, scholis & observationibus locorum doctrinae* singulis capitibus deductorum instruxit, quibus a Matth. Polo elogium meruit, ut *scholia Piscatoris acuta sape & solida expertum se esse fateatur prefat. ad T. I. Synops. Crit. Germanicam* porro versionem novam, jussu & auspiciis Johannis Comitis Nassaviens. idem Piscator contexuit & evulgavit, singulisque capitibus difficiliorum locorum succinctam explicationem pariter ac usus praticos subjunxit. Quæ

Pisca-



Piscatoriana Biblia scatere vitiis & blasphemias & erroribus infinitis, affirmat b. Menzerus T. III. Gieffens. Disp. XV. §. 6. p. 435. neque aliud fuisse novæ illius translationis publicande consilium, quam ut dogmata Zwingliana & Calviniana longe lateque disseminarentur. Universis Bibliis (quæ communi nomine HERBORNENSIA appellantur) geminus accessit index, multo laboris & temporis impendio a Piscatore compositus, a quo sibi caveant juniores, monet b. Hülsemannus Method. Studii Theolog. p. 286. ob corruptelas singulis ferme vocibus studio affectas. Huic Piscatoris labori censuram opposuit Paul. Röderus, sub rubr. Biblia neu verdeutscht von dem Calvinisten Johann Piscatorum und seinen Gehülfen; Der gemeinen Lutherschen entgegen gehalten/ und nach dem Grund des Christlichen Glaubens und der fürnehmsten Haupt-Sprachen/ beyde auf die Probe gesetzet ic. cum approbat. Facultat. Theol. Jenensis in 4to A. 1607. Nec defuit causæ sua Piscator, vindicias Röderianæ censure opponens sub tit. Apologia i. e. Vertheidigung der neuen Herbornischen Bibel/ wider das Läster-Buch Paul Röders/ Pfarrers zu Kochberg/ Herbornæ in 4to A. 1608. Confer etiam de Bibliis Herbornensis b. Himmelium in Harmon. Calvino-Papiſt. part. I. p. 18. Porro LVDOVICVS de DIEU Leidensis Theologiae Professor, vir ex Gerh. Joh. Vossii Harmon. Passion. L. II. c. 8. p. 308. elogio, probitate & doctrina eximius, animadversiones maximam partem philologicas, insigni eruditio refertas, in quibus ex Chaldaeorum Targumim, Syrorum & Aramaicis, aliorumque versionibus, ut & Hebraeorum Commentariis & recentiorum observationibus difficiliora quæque loca illustrantur, in libros utriusque Testamenti omnes reliquit, junctim sub Critice Sacra titulo Amstelodami A. 1693. in fol. recusas, ita ut ad calcem Apocalypsis accesserit Syriaca, ex MSCto Syriacis & Hebraicis typis, cum sua versione olim a de Dieu evulgata. Sed & par nobile fratrum LVDOVICVS & JACOBVS CAPPELLVS, quorum ille natu minor Hebraicæ linguae & Theologiae Professor in Academia Salmuriensi, hic Pastor & Professor Sedanensis, sacras literas eruditis uterque observationibus discutit. Et Jacobi quidem, demum post obitum, observationes in selecta Pentateuchi loca, & in reliquos Vet. Test. libros universos, fratris filius A. 1689. observationes vero in Nov. Testam. frater ipse Ludovicus A. 1657. in lucem emisit. Ludovici vero notæ critice in plerosque libros V. T. Commentarius in oīlo capp. Genesios, a secundo nimirum ad nonum usque, Commentar. in cap. LIII. Jesaiæ, nec non in Abdiam, Micheam, Nabumum,



De Scriptu-
ra S. in ge-
mere.

Habacucum, Sophoniam, Aggaum, Zachariam, Malachiam, porro notæ criticæ in Apocryphos libros plerosque, & spicilegium notarum in libros Novi Test. hodie extant. JOHANNIS COCCEJI quo minus mentionem hic faciamus, causa est, quod plurimos Vet. Test. libros, historicos maxime, intactos reliquit. Potiori jure BELGARVM ad novam versionem Belgicam NOTÆ perpetuæ hic referendæ sunt, a præstantissimis Belgii Reformati Theologis, ex Synodi Dordracenæ decreto, consignatae. Cujus versionis & annotationum historiam, autores, censores, sumptus, fata fuse persequitur Vir. Clariss. Henr. Ludolf. Benthem in Holländischen Kirch- und Schulen-Staat P. I. cap. 7. 10-10 p. 225. sqq. & Joh. Leusdenius in Philologo Ebreo-Mixto p. 70. sqq. Apparatum huic versioni subministrabat SIXTINVS AMAMA, literarum Hebraicar. in Acad. Franequerana Professor, in Anti-Barbaro Biblio, quo, dum aliquot centurias crassissimorum errorum circa particularem Scripturæ locorum interpretationem sub censuram vocat, Vulgatamque in primis castigat, dictis simul plurimis utriusque Instrumenti dubiis insignem affundit lucem. Ubi vero b. Lutherum ejusque Germanicam versionem indignius habet, insignem sæpiissime Germanicæ linguæ imperitiam prodit. Ceterum dicta illa Scripturæ diligentius expensa Syllabus ad calcem operis digito indice monstrat. Præclarum operis elogium in Riveti reperies *Isagog. ad Script. S. cap. XI. num. 7.* ejusdem vero argumentum, scopum & usum ipse exponit Amama, apud Thomam Crenium *Animadvers. Phiol. & Histor. P. III. cap. 3. p. 83.* sqq. Memoratas Belgarum annotationes, una cum JOHANNIS DODA TI, Professoris Theol. Genevensis succinctis observationibus, versioni Italicae Bibliorum ab ipso concinnata olim junctis, veteri Genevensi versioni Bibliorum Gallicæ adjecit SAMVEL MARESIVS, Theologus Groningensis, suisque easdem explicationibus & glossis auxit, editis duobus volumin. in fol. Amstelodami A. 1669. In notis angelicæ passim desiderare eruditos, observant Act. Erudit. Lips. mens. Jun. A. 1707. p. 242. & p. 243. addunt: *in illustranda novis observationibus vi* & proprietate phrasum sacrarum rariorem esse, & non nisi ubi summa urgere necessitas videretur & fere invitum a versione priore discessisse, licet hanc paulo plus luminis exigua mutatione quandoque sensibus sacris affordi potuisse. Pari fere instituto PAVLVS TOSSANVS, Theologus primo Heidelbergensis, post Hanoviensis Pastor, versioni Germanicæ Lutheri suas, una cum Diodati & Belgarum integris, marginales notas



notas per universum Codicem Sacrum adspersit. Verum peculiari dis-
ra S. in ge-
putatione, quæ tomo VII. Giessens. 17. est p. 417. sqq. b. Joh. Winkelmann-
nere.
nus has Tossani notas ad examen vocavit, gravissimorumque de bapti-
smo, de Cœna Domini, de persona Christi & de electione errorum,
quos in margine ad seducendum simplicem lectorem assuerit, quibusque
multa Scripturæ dicta depravarit, postulans, Tossanum Biblia Germanica
Lutheri, contra ipsius mentem, propagandorum errorum Zwinglii & Cal-
vini organum & quasi vehiculum effecisse, §. 7. conqueritur. Adderem his
HVGONEM GROTIUM, si de religione, quam serio & constan-
ter amplexus fuerit, satis constaret; eo tamen nomine hic allegandum,
quod in universum Codicem S. eruditas omnino, si Philologiam & an-
tiquitatem spectes, Judæis autem sèpius, Socinianis haud raro, & non-
nunquam Pontificiis nimium faventes, quin & profanas alicubi, annota-
tiones congescit. Hos demum omnes & libri mole, & rerum ubertate
atque copia CRITICI SACRI superant, opus collectionem inter-
pretum in scripturas præstantiorum, Seb. Munsteri, Pauli Fagii, Fran-
cisci Vatabli, Claudio Badelli, Seb. Castaloni, Isidori Clarii, Andr. Masti,
Joannis Druſii, Phil. Codurci, Rod. Bayni, Franc. Forerii, Edovardi Live-
lei, Dav. Hæschelii, Hug. Grotii, Jos. Scaligeri, Laurent. Vallæ, Erasmi Ro-
terodami, Nicol. Zegeri, If. Casauboni, Cappellorum, Job. Pricæi, aliorum-
que novem tomis, juxta Londinensem editionem, in Francofurtensi in
septem redactis exhibens; impensa tanto operi (quod docet prefatio)
suppeditante Cornelio Bee, industriam vero in recensendis colligendisque
commentationibus & operam collocantibus Jo. Pearsonio Archi-Dia-
cono Surienſi, Anton. Scattergood, ecclesiæ Lincolniensis Canonico, Franc.
Gouldman, ecclesiæ Okendon australis in Comitatu Essexiensi Rectore,
& Rich. Pearson Coll. Regii Socio. Septem tomi priores (Francofurtensi
exemplaris quinque) perpetuam Commentariorum in singulos Bi-
bliorum libros singulaque capita veluti catenam, duo posteriores au-
tem varios tractatus Philologicos & ad antiquitatem sacram spectantes
sistunt. Accesserunt in Belgica operis editione interspersa suis locis, &
ex Jo. Drusii notis majoribus, ex Cartwrigthi, Sixtinii Amame, aliorumque
observationibus collecta augmenta, quæ Francofurtenses Bibliopolæ
supplementorum tomo II. excerpta, continua serie exhibent, præterea Nor-
toni Knachtbullii animadversiones in libros Novi Test. sub finem libri an-
nectunt, promissos vero III. & IV. supplementorum tomos, una cum in-
structissimis, quos polliciti sunt, indicibus, adhuc debent. Diffitendum



ra S. in ge- tamen non est, insigniorem adhuc usum præbere MATTHÆI POLI
nere.

Theologi Londinensis *Synopsin Criticorum aliorumq; S. Scripturæ interpre-
tum*, V. voluminibus comprehensam, in quam ex Criticis sacris, ex Bibliis
Joh. de la Haye, aliisque seorsim editis non Reformatorum solum, sed &
Pontificiorum atque nostratium Theologorum commentariis, sententias
& expositiones diversas retulit, perpetuoque in canonicos omnes Scriptu-
ræ libros commentario enarravit. Iniquior equidem, quam par erat, operi
censor obtigit Marcus Meibomius, Ex-Professor Gymnasii Amsteloda-
mensis, qui *præfatione specimenis secundi novarum in S. Hebreo Codice in-
terpretationum & explicationum suarum*, Amstelodami A.1678. editi, post
alia convictionum plaustra in hæc tandem verba erumpit: *Perniciosus
vulgo concionatorum usus est Synopseos Criticorum, nisi dispunctionum to-
mus, praesertim in V. T. brevi edatur.* *Quod certe auxilium & beneficium
ab ecclesiæ Anglicanæ antifititibus flagitant sacra literæ.* - - *Quid ergo?*
dicet aliquis; *nullamne tam immenſi operis utilitatem reperiſi?* Nullam
equidem aliam reperio, quam quæ ex largissimo indice percipiatur, praesertim
quod ad *Vetus Test.* attinet. Scire enim curiosus inquisitor pauca lectione pote-
rit, quoniam plororumque commentatorum & interpretum de difficulti loco
sententia sit. Nam qui rationes auctorum cognoscere volet, cur ita verte-
rint aut explicarint, integra eorum commentaria adibit. *Synopsin enim
dumtaxat dedit Polus.* *Oſſa plerumque, carne plenioris explicationis &
nervis rationum nudata.* Sed invidiam Meibomio, ingentisque lucri
spem elusam hoc expressisse judicium, ipsa *præfat. citat.* haud obscure
indicat, uberiorusque Benthemius exponit *Holl. Kirch- und Schulen-
Staat P. II. cap. 4. §. 89. p. 378.* Qui etiam §. 125. p. 461. Melchior. Ley-
dekkerum Theologum Professor. Trajectinum haud paulo magnificen-
tius de his Polisentire lucubrationibus testatur. Idem porro *POLVS* an-
notationes in *Biblia Sacra*, idiomate Anglo duobus ingentibus volumi-
nibus, quibus componendis etiam A.1685. immortuus est, reliquit, quibus
non alienas, ut in *Synopſi*, sententias recenset, sed suam de cujusque loci
sensu mentem expromit, ἐναντιοφανῆ conciliat, & dubia solvit. Prodier-
unt Londini A.1688. & recensentur in *Actis Erudit.* Lips. *Supplem. Tom. I.
Sect. 4. p. 184. sqq.*

Lutherano-
rum.

Sed nec nostra ecclesia dexterrimis Scripturæ interpretibus desti-
tuitur, quos inter primas tenet Megalander *LUTHERVS*, qui non
modo plurimos Codicis S. libros, Genesin nimirum *T. IV. & IX. Altenb.
&*

IX.



& T. VI. Lat. Witteb. Exodum usque ad cap. XX. T. III. A. f. 524. sqq. etiam S. in genere. Deuteronomium T. V. A. f. 1031. sqq. Psalmorum plurimos seorsim, Contere. heleth T. V. A. f. 1181. Hoseam T. VIII. A. f. 593. Joëlem T. VI. A. f. 919. Amosum T. VI. A. f. 1000. Obadja T. VI. A. f. 1036. Jonam T. III. A. f. 351. Micham T. VIII. A. f. 67. Nahum T. VII. A. f. 662. Habacuc T. III. A. f. 418. Zephaniam T. VII. A. f. 676. Haggæum T. VII. A. f. 697. Zachariam T. IV. A. f. 276. Malachiam T. VII. A. f. 701. Evangelium Johannis T. VI. f. 1122. Epistolam ad Galatas T. I. A. f. 151. & T. VI. A. f. 509. priorem Petri T. II. A. f. 405. ejusdem posteriorem T. II. f. 464. & Judæ T. eod. f. 486. integris vereque aureis Commentariis explicavit; præter hæc vero cetera quoque Scripturæ capita scriptis suis & homiliis variis illustravit, ut perpetui uberrimique in universa Biblia Commentarii vicem praestent, si ad ductum indicis laboriosissimi, quem D. Sagittarius tomis Altenburgensibus T. X. cap. 3. f. 185. adjecit; ut & illius, quem b. Calovius *Pædia suæ Theologicæ subnexuit Sect. III.* tomis Lutheri evolvantur. Nasutus equidem Criticus ille, cui nihil ad palatum est, quod non ab ipsius profectum est ingenio, *Richard. Simonius* b. Lutheri nostri Exegeticis quoque laboribus multam adspergere laborem conatur, simplicitatem eorum, immistasque peregrinas nec ad rem facientes excusiones & quæstiones Theologicas criminatus. Verba Aristarchi in Hist. Crit. V. T. L. III. Cap. 14. p. 432. ita habent: *Il n'a rien d'élévé ni de savant dans ses Commentaires sur la Bible: tout y est bas & simple: & comme il avoit étudié la Théologie, il a plusôt composé une Rapsodie de questions Théologiques, qu'un Commentaire du Texte de l'Ecriture.* Sed salva res est, totumque Simonii judicium hominis in religionem & veritatem odium spirat. Quam enim ille in vitio ponit simplicitatem, nos laudi ducimus Commentatori, cujus profecto non est flosculos sectari, prolixis rhetorizationibus suspensos lectorum animos tenere, vel inani subtilitate texum obscurare, sed plane, perspicue, simpliciter verborum enarrare sensum. Numnam Origenis in allegorisando subtilitas, an Hieronymi in explanando textu Sacro simplicitas majorem in ecclesia meruit applausum? Quanquam ingenium prorsus Lutheri commentariis denegare nemo possit, nisi expers ingenii ipse. Quæstiones vero Theologicas, quas non sane a textu alienas, sed ad exhaustiendum ejus latifundium apprime facientes, interpretationibus suis inferuit noster, grata mente exoscularum, istudque scripturam explicandi genus jejunis illis & sterilibus glossis, quæ in minutius hærent, & præter aridam paraphrasin vix aliud



De Scriptura S. in genere.

aliud quid tradunt, longe anteponendum censemus. Verum cum suæ factæ hominibus transfigat hanc controversiam Simon, cum Lorino, cum Pererio, cum Eman. de Naxera, cum Georgio Ambianate & sexcentis aliis, quibus late vagari solenne est, & sepe longe petitis disquisitionibus lectorem in devia abripere. Sed sufficient, quæ dicta sunt; nunc e diverticulo in viam. Jungendus Lutherio JOHANNES BRENTIUS esset, Theologus Würtembergensis, magnus scripturæ interpres, & de ecclesia Christi octo tomis commentariorum in varios utriusque fœderis libros, Tubingæ A. 1576. evulgatos, insigniter meritus, ipsique Megalandro charus, quod Lutheri ad Brentium literæ, *præfationi ejus in Amosum præmissæ* testantur; nisi complures proflus intactas præteriisset Codicis S. partes: cujus proin mentionem ad singulos, quibus explanandis operam dedit, libros sumus facturi. Utriusque autem vestigia felici perquam successu LVCAS OSIANDER, Tubingensis Theologus presit, qui versionem Vulgatam e fontibus non emendavit modo, sed & perpetua paraphrasi sensum literalem orthodoxe, nervose, perspicue reddidit, insertis hinc inde locorum communium præcipuis. Magno Hülsemanno nostro ita sane se probavit hic labor, ut & ob simplicitatem styli, & propter synopticam errorum demonstrationem, quibus obnoxia est Vulgata Latina, singulari eum encomio ornaret *Prælect. in F. C. Art. I. c. 6. §. 5. p. 237.* Quin & b. Calovio hæc paraphrasis ob retentum unicum literalem sensum, in Psalmis propheticis cumprimis, Vinariensium paraphrasi præferenda videtur *Bibl. Illust. in Ps. 89. p. 1071. b.* Sed ipse quoque Simonius, quid reprehenderet in hoc labore, non reperiit, nisi quod non satis assecutum esse Latinum interpretem immerito criminetur Osiandrum, *disquisit. Critic. de variis Bibl. editionibus sub finem cap. 23.* Insigne hoc opus tribus in fol. tomis constans, suas & autoritate b. D. Jac. Welleri, M. Dav. Fortnerus in vernacula transfudit, versioneque Luheri Germanicæ una cum scholiis ejus adjecit paraphrasin, notis scorsim a textu collocatis, Lüneburgi Anno 1650. Commemoranda hoc loco etiam sunt BIBLIA, Ducum Saxo-Vinariensium, maxime Sereniss. Ernesti Pii auspiciis, a Theologis ea ætate principibus adornata, scholiisque perpetuis sensum literalem in vernacula succincte explanantibus illustrata, & ab auspice ERNESTINA; ab oppido & sede principum, qui auspicem Ernestum attingebant, VINARIENSIA; a loco ubi typis exscripta sunt, NORIMBERGENSIA dicta. Quorum autores ex b. Calovii in *prolegom. ad Bibl. Ill. T. I. p. 13.* recensione non pigebit



bit adscribere : *Autores operis, inquit, quantum ad nos pervenit fama, hi ra S. in ge-
fuere : b. D. D. Job. Gerhardus Genesin, Danielem & Apocalypsin elabora-
vit : b. D. Olsnerus P. P. Erfurt. Leviticum : libros historicos partim b. D.
Himmelius, partim b. Hubmeierus, Superint. Heldburgensis, nimirum libros
Regum & Paralipomenon, partim M. Schlevogt, utpote Esdram & Nehemi-
am : M. Dilherrus Jobum : Psalterium vero & libros Salomonis b. D. Sal.
Glassius : (ipso teste Philol. S. mantissa p. 1491.) b. D. Weber Superint. Or-
drans. Esaiam ; b. D. Andreas Keslerus Ezechielem, ut & libros Apocryphos,
excepto Syracide, quem b. D. Mengering illustrasse dicitur : b. D. Groshain
Prof. Erfurt. Mattheum exposuit : M. Pratorius Superint. Schleusing. Mar-
cum & Lucam : M. Mylius Concionator Aulicus Cranichfeld. Johannem :
b. Job. Major Superint. Jenens. Acta Apostolorum & Epistolas Jobannis :
b. Job. Himmelius Epistolas ad Romanos & Corinthios : b. D. Nic. Zapfius
Superint. Epistolas minores Paulinas : M. Neander, Pastor Lobested. Episto-
lam ad Hebreos. De reliquis libris Biblicis, pergit b. Calovius, non con-
stat, a quibusnam elaborati sint, quod forte a Revisoribus operis factum ;
hos autem suisse trigam illam Johanniticam, b. Gerhardum, b. Majorem, &
b. Himmelium, ut & b. Glassium accepimus ; e quibus vero præcipuas par-
tes & directionem Adamantio Germanico, b. Gerardo nostro, Theologo
incomparabili suisse demandatas, e præfatione operis, scopum, contenta &
usum exhibente, Jene 25. Junii Anno 1640. data novimus. Ceterum ad-
versus Erbermanni suggillationes has Bibliorum annotationes defendit,
commentatorumque fidem ac industriam asseruit b. D. Joh. Musæus in
pref. ad tr. de conversione, & in Vindictis Bibl. Lutheri.*

X.

Paulo aliter se habet b. D. DANIEL. CRAMERI, ecclesiæ b.
Mariae Pastoris & Professoris Pædagogii Stetinensis, explicatio Biblica
(Biblische Auslegung) qua non interlineariter, sed post grandiores ca-
pitum pericopas annotationes literales, ususque practici versioni Lutheri
latus cingunt, ad usum moralem præcipue & homileticum facientes. Por-
ro ad disputationum Theologicarum exercitium accommodatae potissi-
mum sunt annotationes marginales b. D. ANDREÆ OSIANDRI,
Lucæ filii, Theologi & Cancellarii Tubingensis, & ecclesiæ Præpositi,
quibus Scripturam omnem juxta Vulgatam, sed a Parente emendatam
versionem in difficilioribus locis explicavit, & utilissimis observationi-
bus, ex Patrum orthodoxorum & præstantissimorum istius seculi Theolo-
gorum lucubrationibus, nec non ex Form. Concordiæ excerptis illus-
travit,

C

vit,



De Scriptu
ra S. in ge-
nere.

Præclare quoque de sacris literis meritus est JOANNES QVI-
STORPIVS, Theol. Professor & Superintendens Rostochiensis, anno-
tationibus biblicis in universum Codicem A. 1648. in 4. editis, varia eru-
ditione refertis. Nec sua fraudandus est laude PHIL. HENRIC.
FRIEDLIBIVS, ecclesiæ Jacobinæ apud Stralsundenses Pastor & Mi-
nisterii ibidem Senior, qui edito Stralsundi A. 1649. observationum biblica-
rum tomo, in septem classes distincto, 1. idiotismos in fontibus occur-
rentes, 2. contradictiones apparentes, 3. exceptiones, 4. objectiones,
5. adagia, 6. circumstantias personarum, locorum, temporum, 7. quæ-
stiones enucleans & evolvens, utilem multis operam præstitit. Præter-
eundus porro non est THEODORICVS HACKSPANIVS
Theologiæ & linguae Hebrææ Professor Altorffinus, qui *natus Philologico-*
Theologus varia & difficilia Scripturæ loca, juxta seriem librorum bibli-
corum ad Evangelium usque Johannis discussit; quas post autoris obi-
tum tribus voluminibus in 8. Norimbergæ A. 1666. Georg. König evul-
gavit, Theologus itidem Altorffinus. Laudem eæ, ex b. Calovii judicio,
merentur, ubi non singularitatis vel novitatis Calixtinæ labem ferunt,
cui quippe adeo fuit deditus autor, ut in taxanda b. Lutheri versione ni-
mis maluerit esse liberalis, quam a Calixtinis pessimi commatis princi-
piis defletere. Vide Calovii *Comment. in Gen. V, 24. p. 618. sq.* Haud
ingratam porro concionatoribus operam navavit b. D. JOHANNES
OLEARIVS Sen. Concionator Aulicus Primarius, Consiliarius Eccles.
& Superintendens General. Magdeburgo-Saxonicus, explicatione Biblio-
rum Germanica, tribus in fol. tomis Lipsiae A. 1678. excusa. Libris sin-
gulis præcognita, appellationem, contenta, partitionem, scopum & cano-
nicam autoritatem breviter explanantia præmittit; pericopis autem ca-
pitum, phraseos & fontibus petitam explicationem, usum practicum &
monita doctorum ecclesiæ, ipsiusque b. Lutheri subjungit. Tandem et-
iam ad magnum devolvimur ABRAHAMVM CALOVIVM,
Theologum & Superint. General. Wittenbergensem, qui & vernacula-
versionem nostram interlineari, maximam partem ex b. Lutheri scriptis
deprompta illustratione, locisque parallelis, & observationibus textua-
libus, tribus tomis in fol. A. 1681. Wittenbergæ in lucem emissis solide
explanavit: & *Bibliis Illustratis* Hugon. Grotium, cuius integras operi suo
inseruit notas, sicuti monstri quid alit, sub censuram vocavit, præterea
vero, ubi Grotius nihil annotavit, textus difficiliores, dubiaque geographi-
ca, genealogica & alia adeo evolvit solide, ut suo sane merito Theologiæ

con-



consecraneis quam commendatissimum hoc opus esse debeat, Francofurti quatuor in fol. tomis exscriptum A. 1672. Quod enim Joh. Clericus P. III. artis Criticæ p. 396. suppresso licet nomine Calovium suggilat, eumque nunquam emtores inventurum fuisse mordacibus scriptis censet, nisi iis callide integrum opus Grotianum in Scripturam Sacram inseruerit, nimia in Grotium venerationi, vel calumniandi potius libidini, Clerico familiari, acceptum est ferendum. Longe sane honorificentius & pro eo, ac par erat, de hoc Calovii opere Matthæus Polus judicat Tom. II. Synopseos Crit. Biblic. in prefat. ad Lectorem candide fassus, *Calovium multa Psalmorum & aliorum librorum loca, a toto fere orbe Christiano tum veteri tum novo de Christo jure meritoque intellecta, a nonnullis temere in alienum sensum detorta, erudite solideque vindicasse.* Sed locum quoque hic sibi vendicant SVMMARIA BIBLICA WURTEMBERGENSIA, auspiciis Sereniss. Ducis Würtemberg. Eberhardi III. a gravissimis Theologis, D. Job. Jac. Heinlino, Abbe Bebenhusano, D. Jerem. Rebstockio, Abbe coenobii Blaubeyrensis, & D. Job. Conr. Zellero Superint. Generali & Abbe Bebenhus. in usum publicarum ecclesiarum Würtembergensis prælectionum adornata, & novissime A. 1709. Rev. Facult. Theologicæ Tubingensis accessionibus, novaque præfatione aucta & instructa, cum Lipsiæ VI. voluminibus in 4. nitide recuderentur. Textum quidem ipsum qua concepta verba non sistunt, commoda tamen paraphrasi eum ita eloquuntur, ut sicubi nodus occurrat, perspicue ille & breviter solvatur, sensusque capitum nervose planeque edifferatur. Posthæc cuilibet capitis parti usus adduntur practici, non nudo porismate indicati, sed uberiore declaratione per meditationes, argumenta, exempla & similia deducti, ut Laicorum licet ædificationi destinatus liber sit, haud exiguum tamen concionatoribus quoque utilitatem præstare possit. Eodem fere instituto, sed longe contractiori modo b. D. SALOMON GLASSIVS Enchiridion S. Scripturæ Practicum (Biblisches Handbüchlein) jussu Seren. Ducis Ernesti Gothani concinnavit, quo post b. Joh. Sauberti summaria, ex Vinariensibus Bibliis repetita, cuilibet capiti porismata practica subneicit: opusculum nimia brevitate laborans, & in quo frustra omnino, quod ad textus explicationem faciat, quæres. Quod superest, b. D. MICH. WALTHERO Theologo & Superint. generalissimo Cellensi, in Harmonia Biblica, non tam notis textum illustrare, quam ἐναντιοφανόμενα conciliare & dubia tollere: M. ANDREÆ PRUCKNERO, qui Comiti



De Scriptura S. in generore.

miti a Castello a Sacris erat, in quinque Vindictarum Biblicalarum partibus, textum a corruptelis adversiorum liberare & asserere: b. D. AVGUSTO PFEIFFERO in dubiis vexatis difficilia V. T. loca, tum voces quoque peregrinas, textui Græco Novi Test. immistas, eruere & enodare constitutum fuit. Tandem etiam D. JOHANNIS SAVBERTI Theologi & Antistitis Altorffini operibus posthumis editor D. Joh. Fabricius, Theol. Helmstadiensis, selectiorum Scripturæ dictorum explicaciones ejusdem inseruit, numero haud adeo multas, varia eruditione referatas, novitate tamen haud usquequa laudabili conspersas.

CAPUT II.

De Veteri Testamento in genere.

Summarium capitinis: Librorum Sacrorum in arcam ecclesiasticam repositio, eorumque in loco publico asservatio. Canonis Veteris T. per Esdram constitutio asseritur §. 1. Genebrardi canonis compositio triplex rejicitur. Sententia & argumenta Theologorum Batavor. de hac quæstione examinantur. Fabula de restituto ab Esdra per miraculum canone refutatur. Esdræ autóγεαφον Bononiense suspectum §. 2. Librorum V. T. numerus & ordo §. 3. Eorundem distinctio p. Judaica in Legem, Prophetas & Hagiographa; p. Christiana §. 4. Textus Sacri in Sedarim, Parashas, Haphtaras, Capita & versus distinctio §. 5. Divina V. T. autoritas a Manichæorum impugnatione & objectionibus vindicatur, & argumentis demonstratur §. 6. In calculo S. quales anni? mensum in Scriptura designatorum explicatio. Anni apud Hebreos initium duplex. Illustriores totius V. T. epochæ vel Periodi §. 7. Tabula Synoptica in omnes V. T. libros §. 8. Commentarii Rabbinici in totum V. T. R. Salom. Jarchii, Aben Esra: Aben Melechi: Alscheibchii: Abarbelis: Day. Kimchii: R. Levi ben Gersom. Jalkut, ejusque commentator R. Abraham ben Sam. Gedaliah §. 9.

§. I.

Canonis V.
T. constitu-
tio.

Augustum non modo Scripturarum auspicium Deus ipse tabularum legis inscriptione fecit, sed & Moses, fidelis Dei servus in tota domo ejus, non sine expresso Domini sui mandato & instinctu (Exod. XVII, 14. XXIV, 4. XXXIV, 27.) ad exarandos libros



libros sacros animum operamque contulit, legisque universa se conscriptum volumen, Pentateuchi nomine nobis cognitum, Levitis, vel Sacerdotibus potius filii Levi, juxta Deut. XXXI, 9. tradidit, ad latus arcæ foederis reponendum & publice asservandum, Deut. c. I. v. 26. Num intra latus, num extra vel juxta latus arcæ foederis? porro, num in peculiari ad hos usus destinata arca, an vero in capsula quadam, arcæ foederis ad latus annexa, asservatus hic liber legis fuerit, varia & anceps est inter Hebraeorum non modo Magistros, sed & Doctores Christianos disceptatio, ex significatione voc. צְדָקָה אַרְכָּה c. l. definienda. Late eam prosequuti sunt, allatis, quæ in utramque partem urgeri solent, argumentis & testimoniis, Buxtorfius in *historia arcæ foederis* cap. III. p. 32. c. V. p. 55. Huetius *Demonstr. Evang. Prop. IV. de canone libror. sacr.* §. 8. & D. Joh. Henr. Majus erudita de libris *Canon.* in *arca foederis reconditis* dissertatione, quæ ejus de *Scriptura S.* dissertationum secunda est, & p. 51. sqq. legitur. Nostram impræsentiarum hanc item non facimus, obseruisse contenti, quod usus inde invaluerit, ut quoties per Prophetas virosque Θεοφορουμένους conscriptus quidam & canonii destinatus esset liber, publica ille autoritate in sanctuario asservaretur, ut in casu dubio ad authentica illa exemplaria recurrere & provocare liceret. Inde sane canonicos Scripturæ V. Testamenti libros aestimatos & ab Apocryphis distinctos fuisse, quod illi in vel juxta arcam fuerint repositi, hi vero ab ea exclusi, ex allegato supra cap. I. §. 2. Damasceni loco manifestum est; & multo magis ex vestigiore longe Epiphanii testimonio, qui *I. de mensuris & ponderibus* c. 4. p. 162. T. II. opp. de Sapientiæ & Syracidis libris loquens: αὕται χείσι-
μοι μὲν εἰσι, καὶ ὡφέλιμοι, αἱ δὲ εἰς αἱρέθυνταν ῥητῶν εἰν αὐτοῖς
Διὸ δὲ ἐν τῷ Αἴρων αἱρέθησαν, τὰς ἐν τῇ τῆς διαθήκης κιβωτῷ ταμεῖ-
utiles & fructuosi illi sint, in scripturarum numerum nequaquam referri
solent. Unde nec in testamento arca collocati sunt. Recte in postremis
verbis Petavius interpres initialem particulam versioni suæ inseruit, &
ad marginem: negatio forsitan deest, observavit; quam mendose in Gra-
eco deesse, e nostris b. Dorscheus *Theol. Zachar.* P. II. p. 79. e Reformatis
Suicerus *Thesauri Eccles.* I. col. 2. voc. Αἴρων. invicte demonstrarunt. In-
de porro canonici libri ἐνδιάθετοι γραφαὶ Patribus audiunt, ut Epiphanius, paulo ante citata verba, ait: οὐδὲ τῶς αἱ εἰποτεπτὰ βιβλοὶ οἱ ῥηταὶ
οὐδὲ ἐνδιάθετοι, atque ita viginti septem libri germani & canonici sunt: quia
in sacrarium illi & canonem reponebantur: distincti eo nomine ab αἴ-
ρεψις, ita dictis, quod arcerentur αἴπο τῆς αἴγιας κεύπτης, a crypta illa



vel capsula sacra, qua reliqui canonici asservabantur. Integer hic homines libris canonicis constituit, usque dum in Chaldaam captivus populus deportaretur. Postquam vero tempore captivitatis Babylonicae sacra omnia misere turbata, ipsumque vastatum & eversum templum esset, tandem regis Artaxerxis autoritate Esdras cum Duce Zorobabele sub finem captivitatis Hierosolymas missus est, ut ecclesiam Judaicam omnemque cultum divinum, in Chaldaa insigniter depravatum, ad divinæ legis regulam restauraret, Esdr. VII, 6. sqq. Qui primam sibi & ultimam saecorum voluminum curam ratus, seu ut c. l. v. 10. textus habet, totus occupatus לְרֹשׁ אַתְּתָוֹרֶת יְהוָה in inquirenda lege Domini, cum collegis ceteris, viris Synagogæ magnæ, quos inter Haggæum, Zachariam, Malachiam & Nehemiam numerant Hebræi, codices biblicos undique collegit, ordinavit, ab heterogeneis, quæ irrepserant, scriptis segregavit, & in unum corpus ac Systema, quod *Vetus Testamentum* vocamus, primus omnium rededit, a quo tempore nullus amplius liber in canonem Veteris Test. est relatus. Confer huc omnino laudatum sèpius Buxtorfium *Tiberiad.* c. X. & XI. Cum autem in urbis templique vastatione Chaldaica, arca pariter ac libri Scripturæ penes arcam fœderis collocati incendio conflagraverint, quod b. Carpzovius *disput. quonam area per-*
venerit? Cap. II. §. 14. p. 88. affirmit; vero videtur simile, novam arcam servandis libris canonicis post redditum fabricatam, & in sanctissimo templi secundi loco a Synagoga magna collocatam, inque ea compositum ab Esdra & Synagoga magna canonem asservatum ad Messiaæ usque tempora fuisse, quibus adhuc, vel Christo ipso judice, scriptæ legis custodes & depositarii Judæi erant, ὅτι ἐπισεύθησαν τὰ λόγια τῷ θεῷ, ut Paulus docet Rom. III, 2. Quid? quod hodienum ejus rei vestigium in Synagogis Judæorum deprehendatur, scrinium asservanda legi sacrum, Tertulliano *Judaicum armarium* appellatum.

II.

Genebrardus
do multipli-
cata.

Contra vero ea, quæ dicta sunt, Genebrardus triplicem comminiscitur Systematis V. T. constitutionem, a totidem Synodis factam: quarum primam ad Esdræ tempora annumque O. C. 3610. refert, eamque libros 22. quos Canonicos veneramur, composuisse; secundam tempore Eleazarí circa annum O. C. 3860. Hierosolymis coactam, Tobiam & Ecclesiasticum superioribus adjecisse; tertiam circa Johannis Hyrcani tempora A. O. C. 3950. libros Judith, Tobiae atque alios confirmasse, Macchabaicos vero primum canoni intulisse autumat. Omni tamen non modo anti-



antiquitatis testimonio, sed & similitudine veri in hoc commento adeo Test. in
destituitur, ut, Riveto judge, ne apud suos quidem fidem inveniat. Sed genere.
de Apocryphorum, quos dicimus, canonica autoritate solliciti Serarius,
Guilielm. Bailius Jesuita, aliique Pontificis doctores, geminum utpluri-
mum canonis compositionem statuunt: Esdrinam alteram, quam &
nos admittimus; alteram recentiorem, quæ eandem cum ceteris auto-
ritatem Apocryphis conciliarit, in qua tamen demoustranda & evincen-
da mire astuant, operamque omnino ludunt. *Inconcessum enim haëte-*
nus & tam apud Christianos quam Judeos ἀναμφισθέντες fuit principi-
um, simul & semel Canonem V. T. autoritate prorsus divina constitutum
esse ab Esdra & אֱנֹשִׁי כְּנָסֶת צְרוּלָה viris Synagoge magna recte infert
Hottinger. *Thef. Philol. lib. I. c. 2. quest. 1. p. III.* Alio & diverso sub præ-
textu contra Esdrinam canonis compositionem Clericus insurgit, *Theo-*
logorum Batavorum nomine, Simonii adversariorum in sentimens sur l'hi-
stoire Critique du Vieux Testament, fidem sollicitans primo Judæorum,
quorum traditione sola hæc sacrorum voluminum in unum Systema col-
lectio Esdræ tempore facta constet, cum tamen nugivendulos esse, rerum
domi gestarum ignaros, in singulis vero & obtrudendis mendaciis au-
daciissimos eos, innumeris probari queat traditionum exemplis; deinde
& sanctorum Patrum, qui nimis improvide Rabbinos, cœcos duces, se-
cuti eandem fabulam magno applausu in ecclesiam introduxerint: Sed
sit licet sublesta Talmudicorum fides in aliis, hæc tamen de Esdræ circa
libros sacros inquirendos studio traditio divina nititur autoritate Esdr.
VII, 10. quam temere in dubium vocare sine profanæ impietatis nota
haud licet. Unde nec sancti ecclesiæ Patres eo nomine vapulant, quan-
do ea a Judæis accepere, quorum vestigia tam manifesta in sacris literis
deprehendebant; quanquam in eo imponi sibi passi sint, ac si corruptas
vel perditas Scripturas Esdras per miraculum restituerit, de quo paulo
post. Potissimum in ultimo argumento robur videtur situm, quo Esdræ
temporibus Canonem collectum fuisse haud posse colligunt inde, quoni-
am res Esdra posteriores in Scriptura continentur. Imo & Nehemiam
multo plures collegisse libros, quam qui in nostro conspiciantur canone,
per 2. Macch. II, 13. Verum, ut prius gratis dicitur, nec dum evictum est;
ita ex Macchabaico loco librorum diversorum in Bibliothecam collectio,
non vero canonis constitutio conficitur. Quem tandem componendi
canonis modum iidem Theologi Batavi p. 216. sq. conjiciunt, privatæ eum
piorum hominum industria forte deberi, qui, quæ ex majorum suorum
libris



libris superfuerint, conquisiverint, donec sequioribus temporibus capita Synagogarum decreverint, ut non tantum libri legis, quemadmodum factum post redditum ex captivitate Babylonica fuerit, sed Prophetarum etiam volumina legerentur; meritis iste conjecturis nititur & eo tendit, ut incerta, dubia & anceps Scripturæ S. autoritas reddatur. Publicam autem, non privatam, canonis compositionem fuisse oportuit, siquidem ut liber aliquis canonicus sit, non sufficit, eum esse divinitus inspiratum, sed hoc insuper requiritur, ut divinitus ordinatus atque consecratus, ac traditus sit ecclesiæ pro regula fidei & morum, ut cap. prec. §. 2. jam observavimus, fusiisque deducitur a D. Joh. Henr. Majo *dissert. III. de Scriptura S. cap. 2. §. 5. p. 102.* qua diatribe hanc anonymorum sententiam, prolataque in medium argumenta ex instituto expendit, solideque profigat. Neque tamen capropter fides adhibenda fabula est, magno patrum, Irenæi nimirum, Tertulliani, Basili, Augustini, Theodoreti consensu licet receptæ, & libri Apocryphi 4. Esdr. c. XIV. testimonio nixa: Esdras sive solum, sive una cum Synagoga magna libros sacros, urbe a Chaldaicis expugnata, temploque Salomonis incenso, igne absumptos, prorsusque desperditos, divino afflato restituisse universos: cum vel maxime etiam in captivitate Babylonica scholas, in quibus Moses & Prophetæ prælegebantur, habuerint Judæi; & post Chaldaicam illam templi ruinam, ac ante Esdras, Daniel in libro Jeremiæ numerum annorum captivitatis Judaicæ scrutatus fuerit Dan. IX. 1. 2. imo Mosis servi Dei v. 11. & 13. & Prophetarum v. 6. libros evolverit. Quid? quod ipse testetur Esdras cap. VI. 18. Judæos reduces factos, etiam ante suum in patriam redditum, habuisse librum legis, & ex ejus præscripto cultum & ordinem ecclesiasticum instaurasse? Vide post alias b. Dorscheum *Theol. Zach. P. II. Loc. 1. qu. 2. §. 53. p. 81. sqq.* & qui, quæ ad hanc controversiam spectant, summa diligentia & fide congregavit & discussit b. D. Dav. Christiani *Disp. Anti-Jesuitic. de Scriptura S. V. tota, p. 193. sqq.* Esdræ vero ἀυτόγεαφον in civitate Bononiensi, in templo S. Dominici hodienum asservari, nemini facile persuadebit Finus Adrianus in *flagello Judæor. lib. IV. cap. 2.* confutatus Hottingero *cit. loco quest. 2. p. 115. sqq.*

III.

Librorum
numerus.

In prima isthac, quam modo diximus, canonis V. T. collectio-
ne XXIV. numerarunt libros Esdras & College: V. Mosaicos & le-
gales; VIII. propheticos, Josuæ scilicet, Judicum, Samuelis, Regum,
Jeremiæ, Jesaiæ, Ezechielis, & Δωδεκαπτον; & XI. Hagiographa,
Ruth



Ruth nimirum, Psalmos, Jobum, Proverbia, Coheleth, Canticum, Threnos, Danielem, Esther, Esdram & Paralipomena. Compendii vero causa nere. & in memoriam subsidium ad XXII. juxta literarum alphabeti Hebraici numerum, ultima eos redigit antiquitas, Rutham libro Judicum, & Threnos prophetiae Jeremiæ connumerando, ut ex Josephi lib. I. contr. Appion. docet Eusebius lib. III. His. Eccles. cap. 10. Tandem etiam viginti septem a quibusdam numerati sunt Veteris Testamenti libri, nullis quidem universo codici vel additis vel demtis, sed variata saltem partium computatione, quam multiformem exhibet Buxtorff. Tiberiadis c. XI. p. 25. sq. & Sixtus Senensis Biblioth. S. p. 3-8. Ceterum libros, quos etiamnum circa contradictionem canonicos veneramus, calculo suo confirmant uniformiter, recensent, & ab Apocryphis distinguunt Athanasius in Synopsis Scripturæ, quæ accuratam librorum Biblicorum recensionem tradit & edit. Commelin. T. II. Opp. p. 61. sqq. legitur: Gregorius Nazianzenus Carmine XXXIII. περὶ τῶν γνησίων Βιβλίων τῆς Θεοπνέυστης γέαφης, edit. Paris. A. 1630. T. II. p. 98. Epiphanius l. de mensuris & ponderibus c. IV. T. II. Opp. p. 161. sq. Damascenus L. IV. de orthod. fide c. 18. p. 347. Hieronymus in Prologo galeato. Concilium Laodicense Can. 60. ut alios nunc taceamus.

IV.

Hinc porro ortum trahit Judaica librorum Veteris Test. distinctio borundem in תורה legem, בְּתִיבָּם Prophetas, & נְבִיאִים quæ Epiphanius d. l. distinctio convenientissime γέαφηα reddidit, seu, ut vulgo audiunt, Hagiographa. Qui prolike multumque in ejus explicatione versatur Abarbenel prefat. Comment. in Josuam, fundamentum ac rationem distinctionis in diverso revelationis ac influentiæ gradu constituit & modo. Horum enim supremum Judæorum Doctores Mosis assignant, quocum ore ad os, absque visionum & somniorum involucris Deus collocutus sit, Num. XII. 6. 7. 8. proximum prophetis tribuunt, qui sive dormientes, sive vigilantes, omni sensuum ministerio orbati, vel vocem audierint secum loquentem, vel visiones propheticas in ενσάσει viderint: infimum, quem רוח dicunt, viris Θεοπνέυσοις concedunt illis, qui integris manentibus sensibus, instar aliorum hominum loquuti sunt, ita tamen, ut, quantum somniis vel visionibus propheticis non gauderent, facultatem nihilominus divinam super se quiescentem senserint, qua excitante & suggerente verba laudis & confessionis, vel alia divina juxta ac civilia dixerint ac literis mandarint. Ita R. Dav. Kimchi docet prefat. in Psal-

D

mos,

De Vet.

Test. in ge. mos, & Maimonides *Lib. II. More Nevochim c. 45. p. 317. sqq.* Pentateuchum ergo dicunt sublimissimo revelationis genere editum, ideo legem appellari, quia præcepta divina continet: prophetis libros historicos, Iosuæ, Judicum, Samuelis, Regum, porro Jeremiam, Ezechielem, Jesaiam & ἀνθρώποις οὐδεναπέραπληστικόν adnumerant, eo quod horum autores Spiritu prophetarum acti scripserint: reliquos, Ruth nimirum, Psalmos, Jobum, Proverbia, Ecclesiasten, Canticum Canticorum, Threnos, Danielem, Estheræ, Esdræ & Chronicorum libros scriptos, scil. בְּרוּת הַקּוֹרֵשׁ כִּתְבוּרִים appellant, quod autores eorum ex prophetarum ordine ac sensu non fuerint, per Spiritum S. tamen oracula ediderint. Quanquam vero negandum non sit, vero haud esse absimile, Christi jam in visibili carne inter mortales versantis ætate hanc librorum canonicon distributionem cognitam, ipsique Christo usurpatam fuisse, cum *Luc. XXIV, 27. 44. omnem Scripturam Mose, Prophetis & Psalmis, i. e. hagiographis absolvi;* Matth. XXIII, 35. autem Genesin primum, Chronica ultimum in Hebreo codice locum obtinere, haud obscure indicat: eo tamen, quem ex Rabbinorum traditione allegavimus, sensu nostratum Theologorum merere calculum non potuit. Nec enim Danielis atque Davidis ex sensu Prophetarum eliminationem; nec historicorum quorundam ab aliis ejusdem generis, v. g. Ruthæ a Judicum, Chronicorum a Regum, Threnorum quoque a Jeremia, Estheræ ab Esdra &c. divisionem; nec ipsam inter prophetiam ac Spiritum S. distinctionem probant, ut ex Calovii *Critico S. p. 384.* & Fabricii *Partit. Codic. Hebrei c. 5. p. 259.* (edit. Crenian.) & Reformatorum Hoornbeekii *de convincend. Jud. proleg. p. 41. sqq.* atque Heideggeri *Exercitat. Bibl. VII. §. 70. p. 208.* evidenter appetat. Sunt quidem etiam inter Christianos Doctores, qui distinctionem istam ad saniorem reductam sensum non prorsus repudiant, si per prophetas solum intelligentur, qui munus propheticum in erudienda regendaque ecclesia situm obibant; hagiographi vero si sint, qui, licet propheticus in ecclesia munere publico non gauderent, ut Reges, Sacerdotes aut similes, peculiari tamen ad exarandos libros sacros illuminatione Spiritus Sancti instructi essent, ut David & Salomon Reges, Daniel purpuratus, Esdras scriba, Jobus & Nehemias principes: tamen ne sic quidem vitio omni partitionem isthanc carere, laudatus D. Calovius docet *T.I. System. Theol. p. 498. sq.* Hinc nostrates potiorem materiæ rationem habentes, in *legales, historicos, doctrinales & propheticos:* vel per τειχοτουιαν in *historicos* a Genesii ad Estheram; *poeticos* a Jobo ad *Canticum;*



cum; & propheticos a Jesaia ad Malachiam, libros sacros dispescere Test. in genere.
maluerunt.

V.

Minores textus sacri distinctiones in סוריות *ordines*, quorum ho- Textus S.
die fere exolevit usus; ut & majores illæ lectioni in sacris publicis fab- distinctio
bathicæ accommodatae sectiones, in Pentateuco ברכות *Paraschæ*, Paraschæ
in Propheticis libris הפטרות *Haphtare* dictæ, ad Masorethas referun- & Haphtare
tur autores. Non sane postremos illos, Talmude recentiores, quod *ræs.*
cum Elia Levita contendit Rich. Simonius *Hist. Crit. V. T. L. I. cap. 28.*
p. 152. 157. sq. sed primos, Esdram quippe & Collegas, cum jam Christi &
Apostolorum temporibus eam obtinuisse, haud obscure colligi posse vi-
deatur ex Act. XIII, 15. & XV, 21. Vide Buxtorff. *de Abbreviat. Append.*
p. 281. sqq. ubi indice alphabetico Paraschæ sistit, earumque ut & Haph-
tararum originem describit. Longe vero recentior est usitata nobis in
פְרָקִים / quæ & Latino vocabulo *Capita* apud Hebraeos di- Capita.
cuntur, distinctio; quæ vulgo Hugoni Cardinali, cuius *cap. præc. §. 6.*
facta est mentio: ab aliis autem Stephano Langthono Archi-Episcopo
Cantuariensi, qui circa A. C. 1200. floruit: rursus ab aliis conversis ad
Christianismum Judæis, Græcorum τμήματα s. sectiones imitantibus tri-
buitur, ut erudite & copiose de hoc arguento disputat nunquam satis
laudatus Buxtorffius *Concordant. Hebraic. præfat.* * * & Fabricius *Partition.*
Coditis Hebræi cap. 7. toto p. 263. Minimas denique Hebræi textus in *versiculos;*
בּסּוּקִים *versus* distinctiones, quas rursus Simonius recentissimum in-
ventum arbitratur, Esdræ nihilominus ceterisque Synagogæ magnæ vi-
ris suos pariter debere natales Rabbini credunt. Quanquam horum
aliqui, in lege per versus dispescenda, Mosis quoque autoritatem & tra-
ditionem agnoscant, nec adeo certo sibi constent, allegati in utramque
sententiam Buxtorffio *Tiberiad. cap. VIII. p. 10. a. & cap. XI. p. 27. a.* & in
de punctorum antiqu. p. 80. sq. Sane, si arctissimum, qui inter versuum di-
stinctionem & accentuum consecutionem, porro qui inter accentus &
puncta vocalia, in accentuum gratiam saepè immutata, intercedit consi-
deremus nexus, non possumus non ad sacros scriptores ipsos, primamque & Θεοπνευστον librorum biblicorum consignationem, versuum re-
ferre distinctionem: nisi punctorum vocalium in dubium vocare anti-
quitatem literis coævam velimus, a Buxtorffio, b. Wasmutho, aliisque
Theologis nostratis fuse multumque demonstratam. Hinc & e Pontificiis Julius Bartoloccii *Biblioth. Rabbin. P. IV. p. 186.* copiosus in eo
D 2 est.



De Vet.

Test. in ge- est, ut utramque & in Capita & in versus distinctionem Esdra longe anti-
nere. quorem & textui coævam esse doceat, nec alias præter Scriptores sacros
agnoscere autores ; unde Eliæ Levitæ traditionem, quasi ante Esdræ
tempora universa Scriptura unius instar versiculi fuerit, nullis distinctionum
notis disterminata, exsibilat, atque ex Nehem. VIII, 8. & Talmud.
Cod. Nedarim cap. 4.p.37. b. confutat.

VI.

Divina au-
toritas im-
pugnata

Adversus divinam canonicanque antiqui Fœderis autoritatem jam
pridem insurrexerunt *Manichei*, Vetus omne Testamentum a malo He-
breorum Deo profectum, &, ut ad fidei confirmationem ineptum, ita
bonis moribus plane adversum esse, blasphemantes. Cum primis *Fau-*
fus ille *Manicheus*, contra quem Augustinus XXXIII. libris strenue rem
Christianam defendit, illos libros divinos esse negabat, qui 1) Patriar-
chas & Prophetas, quos atrocissimum criminum ipsi reos agunt, laudi-
bus vehant & commendent, v. g. Abrahamum ex impatientia prolis, ne-
glecta uxore, ancillæ commistum ; eundemque matrimonii sui nundi-
natorem, qui duobus regibus Abimelecho & Pharaoni, turpis quæstus
causa, uxoris copiam fecerit : Lothum incestuosum : Jacobum german-
narum sororum & utriusque famularum, quatuor adeo uxorum, mari-
tum : Judam cum nuru Thamare concubentem : Davidem adulter-
um & homicidam : Salomonem trecentarum uxorum & septingenta-
rum pellicum vagum concubitorem ; Mosen in Ægypto homicidam, in
exitu prædonem, in bellis crudelem, &c. qui 2) varia complectantur
præcepta v. g. de circumcisione, sacrificiis, &c. quæ Christianis observa-
re nefas sit : qui 3) terrena duntaxat & temporalia bona, ac hæreditati-
tem ab animæ commodis longe remotam Dei servis promittant ; qui
4) & Christum de ligno pendentem, sanctosque martyres simili mortis
genere extintos Deut. XXI, 23. & virgines ac cœlibes Deut. XXV, 7. diris
devoveant. Quibus tamen conviciis verius, quam argumentis abunde
satisfecit *diuersis libris* Augustinus, ad 1) lib. XXII. c. *Fauſt.* regerens, Abra-
hami polygamiam non ad libidinem exsatiandam, sed ad maturandum
semen benedictum initam, tunc temporis a Deo toleratam fuisse ; nec
incredulum promissioni divinae fuisse, cum hæredem ipsi quidem Deus
promiserit, sed ex qua femina, non prædixerit ; dum vero Saram foro-
rem dixit, tacuisse aliquid veri, non dixisse aliquid falsi, & affirmando
fororem, non negasse uxorem ; pariter Jacobi Patriarchæ polygamiam
prohibitam tunc non fuisse ; Mosen porro Deo jubente & Ægyptum

spo-



spoliasse & bella gessisse, nec adeo sacerdientem, sed Domino obedientem se Test. in genere præstissee; in occidendo vero Ægyptio futuræ Ægyptiorum cladi propheticæ prælufisse: Lothi vero ut & Judæ incestum, Davidis adulterium & homicidium, Salomonis libidinem & idolatriam, & quæ sanctorum peccata alia sunt, narrari solum, non approbari, & cum legibus divinis iisdem in libris damnentur, non ad imitationem proponi, sed ad cautionem: plane ut Apostolus monet 1. Cor. X, 6. sqq. Ad 2) resp. Augustin. lib. VI. c. Faust. c. 2. Manichæos omnino nescire, quid intersit inter præcepta vitae agendæ & præcepta vitae significandæ. Legem itaque, quæ umbram habuerit futurorum bonorum, adveniente corpore abrogatam utique ex Pauli monito Ebr. X, 1. Col. II, 16. 17. & tamen divinam fuisse, tamdiu quippe observandam, quamdiu sapientissimo visum fuit legislatori. Ad 3) resp. lib. IV. contra Faust. in illis temporalibus figuræ fuisse futurorum & spiritualium bonorum, quod clarius adhuc Apostolus docet Hebr. XI, 9. 10. 13. sqq. Ad 4) reponit August. lib. XIV. c. Faust. c. 3. Christum utique maledictum pro nobis factum, non proprii peccati patratione, sed alieni imputatione, dum nostri criminis poenam in se suscepit, Gal. III, 13. 14. Maledictum autem alterum & ad tempus Veteris Test. tantum pertinere, & ad contemtores profanos conjugii spectare, non vero virgines, quas beatas prædicet Esaias LVI, 4. Paulo aliam ingressus viam, eodem tendebat Adimantus itidem Manichæus, ἐναγγεῖο Φανόπευκα, quibus Novo Test. contravenire Vetus apparet, studiose colligens & invicem committens, unde porro divinos esse negabat, qui Evangelicis & Apostolicis scriptis adversentur, libros. Sed & hos retudit furores peculiari contra Adimantum libro Augustinus, sententias amice componens, quæ adversa concurrere fronte heretico videbantur; quæ levia nec magni ponderis, & ubivis obvia, brevitatis studio prætermitto. Ceterum argumenta pleraque, quibus Vet. Testamenti majestatem concutere annisi sunt heretici, in compendium redigit & pro captu solvit Sixtus Senens. Bibliotheca S. Lib. VIII. her. 1. p. 779. sqq. aliquanto fusiis ea proponit & examinat Natalis Alexander Histor. Eccl. Vet. Test. dissert. XI. Tomo II. p. 32. sqq. Noltram vero fidem circa divinam V. T. autoritatem, Christi ac Apostolorum firmat autoritas, qui ad Mosis & Prophetarum scripta, tanquam ad divina oracula in dirimendis fidei controversiis, in instruendis rudiorum animis, in formandis moribus vitae, nunquam non provocarunt, sermonemque propheticum Thaboria revelatione voceque cœlitus delapsa βεβαιότερον pronunciant 2. Petr. I, 18. 19. firmat luculentum



Test. in ge- λογίων τὸς Θεοῦ, scriptis Vet. Test. a Paulo tributum encomium Rom. III, 2.
nere. firmat exacta vaticiniorum (maxime circa Messiam in carne manifestan-
dum) tot seculis eventus suos antevertentium adimpletio, ne in minūmis
quidem circumstantiis spem fidelium frustrata, irrefragabili sane divini-
tatis testimonio: firmat cum primis divina & insita his libris virtus, qua
lecti vel auditи mentem collustrant, 2. Cor. III, 18. coll. 13. sqq. corda pene-
trant & convertunt, Act. II, 37. coll. 17. 25. 34. & c. VIII, 32. sqq. & de di-
vina veritate ac origine sua, haud secus ac Novi foederis scripta, testimo-
nium perhibent, 1. Joh V, 6. Taceo miraculorum ibi commemoratorum
majestatem atque gloriam; amicam porro Prophetarum cum Mose,
totiusque Novi Test. cum Vetere confensionem & harmoniam; fidem
quoque, quam ipsa sibi conciliant & facile apud omnes impetrant pro-
phetica monumenta; legum denique ac praeceptorum, quae tradunt, mi-
rabilem sanctitatem ac sapientiam, aliaque, quae Augustinus & ceteri ur-
serunt Patres, divinitatis argumenta.

VII.

Antiquissimorum inde a mundi ortu temporum ratio haud obscuris
indiciis, primum per τεκνογονίας intervalla, hinc per Abrahā & semi-
nis ejus peregrinationem, demum per imperii Israelitici vicissitudines in
Scriptura Veteris Test. adjectis annorum numeris, distinguitur & desi-
gnatur. Qualem vero annum, Lunæ-Solare, num Solarem Politicum
sacræ literæ describant, non una omnium est sententia. Priorem prisco
ævo obtinuisse, credit cum aliis Wilh. Langius, qui Lib. I. de annis Christi
cap. 9. sententiam suam ita exponit: *Annus Patriarcharum talis fuisse vi-
detur, ut menses a prima phasē inciperent, si phasē haberi poterat; sin mi-
nus, tum trigesimus primus a priori phasē dies, primus mensis sequentis esset;
annus vero a messē dependeret, que si XII. mense expleto nondum matura es-
set, integer mensis anno adderetur, adeoque tredecim mensum annus effet.*
Contra vero ea Josephus Scaliger nulla anni Lunaris vestigia in Scriptu-
ris ante redditum ex Babylone extare, vel inde colligit, quod David & Sa-
lomon XII. tantum Praefectos militum & annonæ in aulis suis constitue-
rint, quorum singuli unius mensis curam egerint, & universi annum ex-
plerint. At si Lunæ-Solaris fuisse vel Lunaris, tredecim constitui oportuisset, quod anni Embolimai postulasset ratio. Nec alia desunt firmiora
Scripturæ documenta, quibus, annum Mosaicum mensibus XII. consti-
tuisse, liquido conficitur. Itaque hæsitante licet Dionys. Petavio rectius
Scaliger, cumque secuti complures, e nostris præcipue D. Behmius lib. I.

Manu-



Manuduct. Chronol. tit. 2. c. 3. & tit. 3. c. 2. & b. D. Aegid. Strauchius Bre-
viar. Chronol. lib. 4. c. 3. qu. 2. annos solares intelligi, statuunt, quibus hi-
storiam sacram distinguit Spiritus S. & quos stylo Scripturæ שָׁנָה וּמֵאוֹת
annos dierum appellat: ita nimirum dispositos, ut e XII. mensibus 30.
dierum constarent, & s. ἐπαγομένοις, duodecimo mensi, qui 35. dierum
fuerit, additis, summamque 365. dierum in universum expleverint; qua-
lem quippe anni formam etiam Ægyptii veteres, ab Hebreis haud dubie
mutuo acceptam, observarunt, ut Diodor. Siculus lib. I. Bibliothecæ, in
Thebæorum computo describendo, Herodotus in Euterpe s. l. 2. Strabo
lib. 17. aliquie perhibent profani Scriptores. Argumentum, quo isthac
sententia nititur, diluvii historia sat firmum suppeditat. Cœperunt etenim
pluviæ die XVII. mensis secundi, Gen. VII, 11. decrevit autem paulisper
aquarum copia post decursum 150. dierum, v. 24. & c. VIII, 3. quorum
ultimum diem XVII. septimi mensis fuisse, e c. VIII, 4. constat. Cum
itaque quinque menses anni antediluviani 150. dies complexi fuerint,
singulos menses triginta diebus æqualiter definitos fuisse, certum est, nec
aliter de reliquis septem mensibus anni habendum. Unde consequitur,
menses ibi commemoratos cum motu Lunæ paria facere non potuisse,
quod lunaris mensis non nisi e 29. diebus 12. horis circiter constet. Ne
vero vaga esset mensium tempestas, intercalatum anno 120. mensem
integrum Scaliger existimat: & hinc esse, ut tot annorum in pœnitentia
tempore antediluvianis determinando Gen. VI, 3. mentionem Deus
fecerit, quod hæc Seculi Patriarchalis notissima quantitas esset. Quan-
quam hunc embolismum, tanquam nulla vel probabili ratione, vel do-
cumento historiæ nixum rejiciat Campegius Vitringa in *hypotyposi Hisp.*
& *Chronol. Sac. p. 6. §. 21.* Licet vero recentior & in hunc diem usitata
anni Hebræi forma Lunaris sit, sed ad Solarem accommodata, cum
mensibus utantur Lunaribus proprie sic dictis, constituta Neomenia se-
cundum Φάσεις Lunares: intercalatio tamen mensis decimi tertii
ἐνθελμαῖς, רְאַזְוָן alter Adar dicti, efficit, ut universo annorum calcu-
lo nihil decadat, etiamsi singulorum annorum variet forma. Eundem
vero annorum modum formamque Spiritum S. in computo Biblico
ubique servasse, credibile est, & ad chronologię S. certitudinem omnino
necessarium, licet in ordinandis constituendisque sacris, post exitum ex
Ægypto, Deo ipso autore quædam intervenerit mutatio. Ceterum
nomina mensium peculiaria an primis temporibus præsto fuerint, fere
dubitatur, cum in historia diluvii & alias passim ab ordine solum deno-
minentur.



minentur. Habis mentionem primi mensis Gen. VIII, 13. Exod. XL, 2. 17. secundi Gen. VII, 11. Num. IX, II. tertii 2. Chron. XV, 10. quarti Jer. LII, 6. quinti Jer. c. I. v. 12. sexti Hagg. I, I. septimi Gen. VIII, 4. 2. Chron. V, 3. octavi 1. Reg. XII, 32. noni 1. Chron. XXVII, 12. decimi Gen. VIII, 5. undecimi Deut. I, 3. duodecimi 2. Reg. XXV, 27. Sequior tamen ætas suis menses singulos nominibus signavit hoc modo, ut esset

I.	<i>Nisan</i> Neh. II, 4. Esth. III, 1. qui & <i>Abib</i> est, Exod. XIII, 4.	-	-	respondens nostro	Martio,
II.	<i>Tiar</i> , qui & <i>Ziv</i> , 1. Reg. VI, 1. 37.	-	-		Aprilis,
III.	<i>Sivan</i> Esth. VIII, 9.	-	-		Majo,
IV.	<i>Tbamuz</i>	-	-		Junio,
V.	<i>Abb</i>	-	-		Julio,
VI.	<i>Elul</i> Neh. VI, 16.	-	-		Augusto,
VII.	<i>Thisri</i> , qui & <i>Ethanim</i> , 1. Reg. VIII, 2.	-	-		Septembri,
VIII.	<i>Marchesvan</i> , qui & <i>Bul</i> , 1. Reg. VI, 38.	-	-		Octobri,
IX.	<i>Caslev</i> Neh. I, 1. & Zach. VII, 1.	-	-		Novembri,
X.	<i>Thebeth</i> Esth. II, 16.	-	-		Decembri,
XI.	<i>Sibeth</i> vel <i>Schebath</i>	-	-		Januario,
XII.	<i>Adar</i> Esth. III, 7. 13.	-	-		Februario.

Utut vero ante Ægyptiacam servitutem Patriarchæ annum a mense Thisri & auctumnali cardine forte inciperent; posito scilicet, quod mundi creatio in auctumnum incidens, eam tempestatem anni primi auspicalem reddiderit; postea tamen ex Dei ipsius jussu Exod. XII, 2. anni auspicium a vere capiebant Judæi, ita ut mensis Abib, qui septimus hactenus fuerat, deinceps primus totius anni constitutus sit; quod Usserius observat *Annal. Vet. Test. I. p. 21.* & Johannes Lightfoot in *Spicilegio in Exod. Secl. XVII. T. I. Opp. p. 171.* qui præterea æquitatem legis de mutato & in tempus vernum rejecto anni principio in eo consilere credit, quod annuntiatio Evangelii per Johannis baptismum principium suum, redemptio autem humani generis consummationem ab illo anni tempore esset habitura. Quidam ergo, annum Judæis duplicem fuisse, inde colligunt: *Politicum* a mense Thisri incipientem, in nundinationibus rebusque politieis observatum; & *ecclesiasticum*, qui mense Nisan coepit,

1610. 1611.



rit, juxta quem festivitatem celebratae sint. Ita sane Joannes Seldenus, *Test. in peritissimus antiquitatis Judaicæ interpres, in dissertat. de anno Civili & genere.*

Calendario Veteris ecclesie s. Reipubl. Judaicæ cap. i. p. 4. statuit: *Anni initium aliud erat, quo Festorum recurrentium atque id genus aliorum aliquot ratio habita, aliud quo Jubilæi ac anni Sabbathici inchoandi. Prius in Vere statueratur, seu sub initium Abib, seu in Nisan, quod per tempus vernum vagari solebat, & τὸ ἑταῖρον αἰώνιον seu anni initium etiam a Fl. Josepho (Orig. Judaic. lib. I. c. 4. & lib. 3. c. 10. & alibi) nuncupatur, uti quidem & Philoni (lib. 3. de vita Mosis) posterius in Autumno s. Tisri mense, qui a Nisan septimus est.* Non tamen desunt, quibus haec initii annorum Judaicorum duplicatio improbatur, firmo quippe Scripturæ vel antiquitatis documento destituta. Gemina quidem in Scripturis anni revolutio occurrit, quarum altera sub æquinoctium vernale constituitur, 2. Chron. XXIV, 33. quo tempore in expeditionem profiscuntur reges, 2. Sam. XI, 1. id est, juxta R. Dav. Kimchi בְּעֵת הַיּוֹם tempore veris; altera in festum collectionis frugum conjicitur, Exod. XXXIV, 22. quod in auctumnum incidebat, Lev. XXIII, 39. dudum vero observavit Scaliger prolegom. ad *Canones Chronologie Isagogicos* ** 2. sq. revertionem anni, vel quod idem est תְּקִוָּת הַשָּׁנָה revolutionem anni, non præcise anni finem vel initium, sed τρεπτὰς ἐνίαυτας, quas Græci appellarunt, notare. Quod ad æram tandem seu Epocham attinet, qua in putandis temporum intervallis Veteris Test. usi fuerint fideles, probabile videtur, primorum seculorum simplicitatem vix aliam, quam orbis conditi epocham admisisse, cum ab Historico Sacro non ad certum ærae aliquujus annum res gestæ alligentur, sed secundum Patriarcharum ætatem omnia disponantur, secundum quam mundi ætas tum putabatur: donec Abrahami forte succederet, eamque Israelitarum ex Ægypto vindicatorum, & hanc conditi, ac demum ex ruinis restaurati templi exciperet epocha. Ceterum præstantissimis Chronologis, Torniello, Petavio, Ussorio, aliisque commodissimum visum est, universum temporis tractum, quo Vetus Testam. circumscribitur, ad illustiores quasdam periodos vel Epochas aut sex, aut septem revocare, ad hunc fere modum, ut



ftam. in ge- zere.	I. fit a mundo condito usque ad diluvium	- annorum 1656. Gen. V,3. sqq. VII, 6.
	II. a restaurato mundo usque ad Abrahæ ex Ur Chaldæorum vocationem	- - - 427. Gen.XI,12. sqq. XII, 4.
	III. ab ἐπαγγελίᾳ Abrahæ de semine benedicto data, usque ad Israelis exitum ex Ægypto	- - - 430. Exod.XII,40. Gal.III,17.
	IV. ab exitu adjecta fundamenta templi Salomonici	- - - - 480. 1. Reg. VI, I.
	V. ab exstructo primo usque ad libertatem exstruendi secundi templi	- - - - 476.
	VI. a reditu ex Babel usque ad natum Christum	- - - 531.
	Ex quibus ab O. C. ad natum Christum annorum summa conficitur	- - - - 4000.

Singularum Periodorum rationes una cum dubiis, quæ seriem summam-
que temporum turbare videntur, infra examinabimus suis locis.

VIII.

Tabula
Synoptica.

Superest ut in memorie beneficium universam librorum Veteris,
Testamenti structuram tabula Synoptica delineatam exhibeamus, quam
damus sequentem:

Universum Vetus Testamentum complectitur libros

I. Historicos, exhibentes res gestas ecclesiæ

α) Patriarchalis, in *Genesi* capp. 50.

β) Israeliticæ, & quidem

(1) sub Theocracia s. imperio divino, ministris imperii

a. Mose, in *Exodo* capp. 40. *Levitico* capp. 27.

Numeris capp. 36. *Deuteronomio* capp. 34.

b. Josua, in libro *Josua* capp. 24.

c. Judicibus, in libro *Judicum* capp. 21. &

Ruth capp. 4.

(2) sub Monarchia s. imperio regio,

in libb. *1. Samuel.* capp. 31. *2. Samuel.* capp. 24.

1. Regum capp. 22. *2. Regum* capp. 25.

1. Chronicor. capp. 29. *2. Chronic.* capp. 36.

(3) sub



- (3) sub *divæx̄ia* s. in captivitate Babylonica, in lib. in genere.
Esther capp. 10.
- (4) sub *ç̄ḡis̄onç̄atia* s. imperio procerum,
Præside Esdra, in lib. *Esdræ* capp. 10.
 - - - *Nehemia*, in lib. *Nehemias* capp. 13.

II. Poëticos, quorum

- α) tragicus, liber *Jobi* capp. 42.
 β) eucharisticus, lib. *Psalmorum*, qui 150.
 γ) morales, *Proverbia* capp. 31. *Cobeleb* capp. 12.
 δ) mysticus, *Canticum Cantorum* capp. 8.

III. Propheticos, tradentes vaticinia

- α) mole majora, ut *Jesiae* capp. 66. *Jeremias* capp. 52. cuius
 & *Threni* c. 5. *Ezechiel*. capp. 48. *Daniel*. capp. 12.
- β) mole minora, ut *Hoseæ* capp. 14. *Joëlis* capp. 3. *Amos*
 capp. 9.
Obadiah capp. 1. *Jona* capp. 4. *Micæ*
 capp. 7.
Nahum capp. 3. *Habacuc* capp. 3. *Zephaniae*
 capp. 3.
Haggai capp. 2. *Zachariae* capp. 12. *Malachie*
 capp. 4.

IX.

Qui universum Vetus Testam. seorsim explicaverint Commentatores, præter eos, quos supra laudavimus, nunc non succurrunt, nisi Rabini, quorum tamen per pauci omnes & singulos V. T. libros illustrarunt. Hos inter ex Judæorum sententia palmam ceteris præripuit רָשִׁי Raschi h. e. רַבִּי שְׁלֹמֹה יְהוּדֵי R. SALOMO JARCHI, vel ut aliis restius audit רַבִּי שְׁלֹמֹה יְצָחָקִי Rabbi Salomo Isaaci. Vide Abarbanel Comment. ad Zephan. III. fol. 276. col. 2. R. Leon de Modene de ceremonies parmi les Juifs preface ** 10. a. & p. 52. Joh. Mollerum in Homonymoscopia p. 247. & Breithaupt prefat. in Jarchii Comment. in Pentateuch. a. Commentariis in omnes V. T. libros & maximam Talmudis partem scriptis tantam nominis apud suos celebritatem nactus est, ut sapientibus sequentis ævi communiter פרשׁת הַרְתָּה id est interpretes legis dicatur. Talmudicis tamen interpretationibus & fabulis nimium additus, concisoque & per obscuro stylo gaudens, ænigmata saepius, quam illustrationes in medium profert. Fato functus est A. C. 1105. MSCtum

E 2

com-



in genere.

commentariorum R. Salomonis volumen elegantissimum, quod Iosephus Scaliger Bibliothecæ Leidensi Academicæ legavit, commendat Buxtorff. *Biblioth. Rabb. p. 295.* Succedit רַבִּי אָבֵן עֲזָרָא R. ABRAHAM ABEN ESRA, stylo eleganti, sed ad Philosophicum dicendi genus attemperato, Scripturæ libros omnes satis dextre & erudite expōnens, ut solus *Sapiens ille κατ' ἐξοχὴν* dici meruerit. Imo, ex Richardi Simonii sententia, vix alium inter Judæos interpretes deprehendas, qui majori cum judicio sensum literalem Scripturæ explicaverit Aben Esra *Hist. Crit. V. T. L. 3. c. 5. p. 374.* Multis tamen in locis valde depravatos esse commentarios ejus, conqueritur Hottinger. *Biblioth. Orient. p. 2.* Porro רַבִּי שְׁלֹמֹה אָבֵן מֶלֶךְ R. SALOMO ABEN MELECH Hispanus in universa quoque Biblia commentatus est, inscriptionem notis suis ex Ps. L. 2. mutuatus, מְכֻלָּל יוֹפֵר *Michlal Jophi* eas appellans. Sensum literalem ad Grammaticæ ductum eruere, volumque propriam & accuratam explicationem suppeditare, brevitati simul studens, allaboravit. Magnæ quoque inter suos autoritatis est רַבִּי מֹשֶׁה אַלְשִׁיךְ R. MOSES ALSCHEICH, circa finem Sec. XVI. clarus & commentarii in univerſa Biblia (ut vult Buxtorff. *Biblioth. Rabbin. p. 400.*) de sacris literis meritus. Speciosis cumprimis titulis commentarios suos ornavit: תּוֹرַת מֹשֶׁה *Legem Mosis ex Jos. VI. I. 31.* commentar, in Pentateuchum & Prophetas priores inscribens: מְרוֹאֹת הַצּוּבָחוֹת *specula militantium ex Exod. XXXVIII. 8.* comment. in Prophetas posteriores: עֵינֵי מֹשֶׁה *Oculi Mosis in Ruth: Exaltationes Dei ex Ps. 149.* 6. in Psalmos: *Multitudo margaritarum ex Prov. XX. 15.* in Proverbia: רַבְּרִים טְבִים *verba bona ex Zach. I. 13.* in Ecclesiasten: חֲלַקְתּוּ מְחֹקָק *Portio legislatoris ex Deut. XXXIII. 21.* in Jobum, & sic porro. Cumprimis etiam דָּרָן יִצְחָק אַבְּרָבָנָל DON ISAAC ABARBANEL Lusitanus, A.C. 1437. natus, copiosos in Pentateuchum, Prophetas priores & posteriores, in Daniellem & alias Scripturæ libros conscripsit commentarios, Christianis haud omnino absque fructu consulendos. Insigni eum elogio b. D. Pfeiffer. ornat in prefat. Commentario Abarb. in Prophetas priores Lipsiæ A. 1686. excuso præmissa: *inter Commentatores Ebraeorum*, inquit, si subtilitatem ingenii, dexteritatem judicii, ἐνυπεδοῖαν, πολυμάθειαν, & πρᾶξιν διδοῖαν spēctes, facile eminet Don Isaac Abarbenel, Hispanus, qui ante duo propemodum secula floruit & A.C. 1509. mortuus est, imo, quod alias de Maimonide Scaliger olim dixit, idem nos in alio scriptioris genere de Abar-



Abarbenele asseverare nulli dubitamus, quod scilicet inter interpretes diffu- in genere, fiores ferme unius nugari desierit. Secus autem de ipso sentit Julius Bartoloccius Bibliothecæ Rabbini. P. III. p. 875. scribens: *fuit vir perspicui, sed pessimi ingeni: in labore studiorum infatigabilis, jejunii patientissimus, vigiliis adfuetus, ita ut insomnes noctes studii gratia traheret. Scripturarum vero sacrarum diligens, sed plerumque mendax explanator, & ita facilis in scribendo, ut intra paucos dies nonnullos Sacrae Scripturæ libros explicarit & edidisset.* Celebre etiam inter Judæos nomen est ר' דוד קמץ (qui circa A. C. 1190. floruit) adeo, ut in illum quadrare dicant, quod in Pirke Avotb cap. 3. §. 17. afferitur: אֶם אֵין קְמַח אֵין חֹרֶה Si non est farina, neque est lex, quo ad ipsius nomen alludunt: unde porro jactant: אֵין קְמַח בְּלִי קְמַח Non esse farinam sine moliture, ac si dicerent: non est doctrina sine doctore Kimchio. Scripturæ libros omnes, præter Legem ac Megilloth, de quibus dubitatur, planis, perspicuis, & in explicanda litera operosis commentariis illustravit, & ad grammaticæ regulas sermonis sacri structuram diligenter examinavit. Patre natus est R. Josepho Kimchio, eruditio pariter Scripturæ interprete, cuius expositiones filius frequenter in commentariis suis bibliis allegat. In omnes quoque Scripturæ libros commentarios compoisse dicitur לוי בן נרשות R. LEVI BEN GERSOM Hispanus, circa A. C. 1290. clarus; cuius tamen libros erroribus scatere, maxime cum fidei sacræ historiæ V. T. detrahatur, & ad somnia ac visiones omnia reducat, Bartoloccius observavit P. I. Bibl. Rabb. p. 661. a. & P. IV. p. 6. b. Cum primis concionatoribus Judæorum perhara & utilis est magna illa in universam Scripturam commentariorum collectio, quæ *Pera Rabbinica* inscribitur, & R. SIMEONI concionatori Francofurtensis Synagogæ accepta fertur, qui inde ר' ראש הדרשנימ concionatorum princeps audit. Is ex variis antiquissimis libris, Siphra, Siphre, Mechilta, Rabbos, Tanchuma, Talmud & Hagada sententias Darschanim s. concionatorum in Scripturam collegit, eamque non quidem ad literalem, sed allegoricum sensum perpetua velut catena duobus voluminibus ita explicavit, ut Parte I. expositionem diversorum Rabbinorum in Pentateuchum, II. in reliquos sacros libros exhiberet. Buxtorff. *Biblioth. Rabb.* p. 350. Bartolocc. *Bibl. Rabb.* IV. p. 409. sq. & p. 28. b. In hanc *Peram* primus ברהה אברהם *sædus Abrahe* ex Gen. XV, 18. inscriptum struxit ר' אברהם בן שמואל גדריה R. ABRAHAM BEN SAMUELIS GEDALIAH, inquiline Jerosolymitanus, una cum textu τε duobus tomis in fol. A. 1650. Liburni editum, de quo c. l. Bartol. P. I. p. 52. sq.



CAPUT III.

De Pentateucho sive Lege Mosaica.

Summarium capitinis.

Pentateuchi appellatio evolvitur; Paulo tamen 1. Cor. XIV, 19. non indigata §. 1. Mosen Pentateuchum exarasse, negatur Hobbes: Spinoza: Simonio: Theologis Batavis Simonii adversariis §. 2 affirmatur autem & evincitur §. 3. Mosen & Mosaica contemptum a Lutherio haberi, negatur §. 4. Descriptio & chronologia Mosis §. 5. qui alias, preter Pentateuchum, extantes hodie libros, consignasse negatur §. 6. Exarati per partes Pentateuchi ordo: & in V. libros distributio §. 7. Ejusdem argumentum & scopus §. 8. Mosis in scribendo Pentateucho consilium, ex mente Clerici §. 9. examinatur §. 10. Commentatores Patres: Hebrai: Lutherani: Pontifici: Reformati: Remonstrantes §. 11.

§. I.

Appellatio.

Mosaicorum librorum complexus Hebreis חמשה חומשי תורה vel concisius חמשה quinque quinquerumores Legis, a librorum scilicet numero, quorum quilibet pars חמשה l. quinta pars audit, appellatur: cui Græcum πεντάτευχον vel ἡ πεντάτευχος scil. βιβλος liber quinque voluminum exacte respondet. Dubium vero haud immerito interpretibus videtur, ad hanc nomenclaturam suis πέντε λόγοις 1. Cor. XIV, 19. an respexerit Paulus, quod quidem Hieronymus vult in ad Paulinum epistola: Huc usque Moses, inquiens, hic usque Pentateuchus, quibus quinque verbis loqui se velle Apostolus in ecclesia gloriatur. Ceterum universus Pentateuchus Hebreis communiter חמשה תורה nomine venit, quia ecclesiastica & politica statuta Israelitis a Deo prescripta complectitur.

II.

Scriptor impugnatius.

Scriptorem Pentateuchi Mosen fuisse, cum Judaica pariter ac Christiana, unanimi tot seculorum consensu, crediderit antiquitas, non defuere tamen, qui in dubium vocare sunt aucti. Et Thomas quidem Hobbesius Leviathan. P. III. cap. 33. Mosis libros non ab autore, sed ab obiecto sic dictos contendit, non quod a Mose conscripti sint, sed quod de Mose agant; quamvis largiatur, fieri posse, ut ea scripserit, que his libris ab eo scripta esse barrantur, nimurum librum legis, qui uti videtur, continetur cap. XI. Deuteronom. usque ad Cap. XXVII. Haec assertuisse satis ipsi est, cum argumenta, quibus thesin suam confirmet, nulla proferat, paucis iis

CK-



exceptis, quæ a Peyrerio mutuatus est. *Iсаасus enim Peyrerius, celebris techo.*
 ille infastæ proliſ Præ-Adamitarum parens, Mosen Judæorum quidem
 componuisse fastos ſatis operosos exiftimat, tum etiam rerum omnium
 genesin ante Adamum conditum iis præmisſe: at Mosaica intercidiffe
 autographa, & qui Mosen ſecuti ſunt apographorum concinnatores, bre-
 viores multo creationis universæ & primorum Judæorum apices tetigif-
 fe, hinc Mosaicorum non niſi excerpta quædam & ſchediasmata tumultuaria ſuperereſſe; *System. Præ-Adam. Lib. IV. cap. 1. p. 173. & cap. 2. p. 182.*
His nequierit Benedictus Spinoſa in tractatu historicō-Politico cap. 8. p. 103.
 ætatem libris Mosaicis ultra Esdram concedit nullam, quippe quem pri-
 mum omnes, quos in ſacro codice deprehendimus, libros historicos, res
 ante Esdræ ætatem geſtas enarrantes, contexuſſe ſuſpicatur. Et primo
 quidem loco Deuteronomium conſignaſſe, dein vero ad integrum He-
 bræ gentis historiam, ab orbe condito ad ſumma urbis vaſtationem,
 ſtruendam animum applicuſſe, cui ſuo loco Deuteronomium inſeruerit.
 Neque tamen manum operi ultimam imponere potuſſe, morte intem-
 pestiva fortallis præpediūm Esdram, *cap. 9.* contendit: hinc iſtos ejus
 commentarios non niſi mancos, mutilos, multisque mendis fœdatos ad
 nos transmiſſos eſſe, ſic ut de priſca historia nihil habeatur hodie integrum,
 nihil quod non multa correctione egeat. Dudum quidem *Aben Eſram*,
 quem ut liberioris ingenii virum & non minoris eruditioſis commen-
 dat, hoc præjudicium, ac ſi Pentateuchi ſcriptor Moses fuerit, animad-
 vertiſſe, neque tamen auſum fuiſſe, mentem ſuam aperte explicare, ſed
 rem obſcurioribus tantum verbis, præ Phariseorum metu, qui hæreticum
 eum habuerint, qui aliud viſus ſit ſentire, indicaffe, dum ad Deut. I, 1. ad
 verba illa: בְּעֵבֶר הַוָּדָן וְגַן וְאֶם תְּבִין כֹּוֹר הַשְׁנִים עָשָׂר נֶם וַיְכַתֵּב מִשְׁתַּח וְחַכְמָנוּן אֲז בְּאָרֶץ בְּזָהָר יְהֹוָה יִרְאָה גַּם הַנֵּה עָרֵשׁ בְּרוֹלְתָּה רַהֲמָת Modo intelligas
*mysterium duodecim: etiam & ſcripſit Moses legem: & Kenahana itaunc
 erat in terra: in Dei monte revelabitur: tum etiam lectum ſuum lectum
 ferreum, tum cognofies veritatem.* Unde ſex argumenta exculpit Spi-
 noſa contra præjudicium, quod vocat, Mosaicæ ſcriptionis, quæ ſuis lo-
 cis infra videbiſſus. Demum haud ita pridem *Richardus Simonius Gal-
 lius, Presbyter congregationis Oratoria Hift. Crit. V. T. Lib. I. cap. 2.* jam
 inde a Moſis temporibus ſcribas fingit ſive Actuarios quosdam publicos,
 ab ipſo Moſe in Hebraicæ Reipubl. initio conſtitutos, ſecundum lauda-
 bilem, quem in aula Pharaonis degens deprehenderat, Ægyptiorum
 cetero-



ceterorumque Orientalium imperiorum morem. Nec enim, Josepho lib. 2. *contra Appion.* & Eusebio testibus, cuivis inter Judæos fas fuisse annales scribere, sed solis Prophetis, qui futura & longe dissita cœlesti Sp̄itu providebant. Hos autem sribas, publica autoritate munitos, quanta poterant diligentia ac fide, acta reipublicæ literis consignasse, ex quorum prolixis commentariis deinceps, occasione ita ferente, compilata sint, quæ nunc habemus, scripta sacra. Id licet neutiquam a Mose, sed variis diverso tempore factum sit ; Pentateuchum tamen a Mose scriptum dici posse, quia Mosis imperio scribæ historiam consignaverint. Nam & Mosen scripsisse dici, quæ tamen non sua ille sponte, sed Dei iussu scripserit : & Deum Gen. III, 21. Adamo & Evæ ex pellibus vestimenta fecisse, & iis utrumque induisse dici, quas Deo jubente iidem sibi fecerint & circumposuerint. Interim cum varii compilationis hujus fuerint autores, qui singuli suum habebant institutum ; hinc contigisse autumat cap. 5. quod historiæ aliquando male junctæ sint, & repetitio-nes crebræ atque oculos occurrant. Accessisse præterea & hanc calamitatem, quod, cum voluminibus vel foliis singulis sua inscriperint veteres, quorum partes singulæ nullo aut glutine aut consutione junctæ, circa cylindros volutæ, atque ubi usus erat, evolutæ fuerint, evenerit, tñ turbatis permixtisque foliis neque suo loco repositis, pericoparum etiam ordo mire aliquando & misere turbatus sit. Si quid ergo Mosis attribuendum sit de Pentateucho, sola legum scriptio ei, ut legislatori, competit : reliqua prisci mundi & populi Israëlitici historia, nescio quibus quorum scribarum commentariis, variis certe & parum judicio sis accepta ferenda ; eaque turbatis voluminum partibus ita turbata & confusa, ut nisi medica divæ Critices manus accesserit, vix ulla Deo digna sapientia in libris istis inveniatur. Tantos errorum cumulos dum castigare gestit Anonymus tractatus Gallici autor, cui titulum fecit : *Sentimens de quelques Theologiens de Hollande sur l' histoire Critique du Vieux Testament, composée par le P. Richard Simon : à Amsterdam 1685.* novum in lucem portentum edidit, meris, quod ipse fatetur, conjecturis nixum. Sacerdotem nimirum Israëliticum, a Rege Assyrio e Babylonia in terram sanctam missum, ut novos gentilesque Palæstinae incolas ritum, quo regionis istius Deus amabat coli, edoceret, 2 Rcg. XVII, 24-28. sive solum sive adjutum ab aliis, historiam de mundo unius Dei virtute condito, & epitomen historiæ Judaicæ legisque populo latæ recensio-nem compoñuisse, persuasum habet ; ut rudes scilicet populos illos ab

insana



insana πολυθείας opinione abduceret, Deumque non nisi unum esse, teucho, quem Israelitæ adorent, doceret. Annum, quo hæc gesta sunt, determinare arbitratur difficile, nisi quod post XVIII. regni Josæ contigisse videantur. Ceterum sententia suæ explosum substernit errorem, moderno Samaritano charactere, qui priscis Judæis patrius fuerit & vernaculus, Pentateuchum primitus fuisse exaratum. Ridiculam istam, dum sub censuram vocat, acriterque perstringit conjecturam Hermannus Witsius Theologus Lugduno-Batavus, *Miscellan. Sacr. Lib. I. cap. 14. § 7.* eandemque ut & totum fœtum ad Johannem Clericum parentem refert, graviter ipsum §. 23. & 30. hoc nomine compellat, errorisque profani postulat. Cujus Clericum annis sequentibus puduisse, ex *dissertatione tertia Commentario in Genesim A. 1693. premissa* satis appetat, in qua id sibi datum negotii existimat, ut Mosen universi Pentateuchi autorem esse probet, allatisque rationibus confirmet, & quæ in contrarium afferri solent argumenta, diluat: quanquam quod ad Genesin attinet, resque ante Mosen natum vel ad ultimum gestas, eas ex omnis ævi Patriarcharum scriptis, quibus a prima mundi origine ætatis sue gesta memoriae prodiderant, compilasse & cum seculi sui historia conjunxisse Mosen perhibeat. Θεοπνευσίας quippe ita sollicitat: *Nusquam sibi hæc a Deo patefacta dicit* (Moses,) *neque, quanquam fieri potuit, quisquam, Mose tacente, pro comperto affirmare susineat;* præter Rabbinos, quos nunquam mentiri puduit & quos proinde non moramur. *Versimilius est, Patriarchas veterisores scriptis ea consignasse & posteris etiam commendata reliquisse;* quo factum sit, ut, cum in Mosis manus pervenissent, ea describere & cum ætatis sue historia connectere aggressus sit. §. 1. Ita sane Clerico Pauli assertum, quo πᾶσαν γέραφην θεόπνευσον 2. Tim. III. 16. pronunciat, & Mosaiam Scripturam haud dubie complectitur, Rabbinorum mendaciis accensendum erit, quæ proinde non moramur; nec in ἀγίῳ θεῷ αὐθεώπῳ numerum censumque referendus Moses erit, quos Petrus in scribendo ὑπὸ πνεύματος ἀγίας Φερουένας, a Spiritu Sancto actos, 2. Ep. I. 21. affirmit, quia nusquam sibi a Deo patefacta dicit Moses, quæ ante se gesta literis consignavit: & humana tandem, atque ab erroris & lapsus periculo haud immunia Mosaiica scripta erunt, quæ, quam profane & αθεολόγως ab homine, qui interpretem Scripturæ agere gestit, proferantur, quis non videt?

III.

Alia vero omnia Sacra pagina docet. Mosen enim leges consignasse *bindicatus*: literis, divinitus jussum, ex Exod. XXIV, 4. 7. XXXIV, 27. & Deut. XXXI,



24. 25. 26. ad oculum patet: prophetias pariter, (quarum pericopa quædam, ut Mosaica Nhem. I, 8. 9. laudatur) ex Deut. XXVIII. XXIX. XXX. XXXI. hujusque v. 19. 22. cum primis clarum est: nec non historica, quod ex consignatione belli Amalekitici Exod. XVII, 27. maxime vero ex itineris Israelitarum per deserta delineatione Num. XXXIII, 2. arctissimoque historiarum & pacti cum Israele initi nexus constat. Quid? quod liber legis Mosaicæ (non sane Deuteronomium, sed Pentateuchus integer, qui תורת יהוה ביר-משה liber legis Domini per manum Mosis scil. scripus, dicatur, ut ita ex plurium etiam Interpretum mente autographum Mosis indigitetur? Sic Mosen de se scripsisse, aperte testatur Christus Joh. V, 46. 47. libris procul dubio illis, qui ad hunc diem perspicua de Messia testimonia perhibent, qualia Gen. III, 15. XLIX, 10. sqq. Num. XXIV, 17. sqq. Deut. XVIII, 15. sqq. & passim in modernis Mosaicis leges. Idem Salvator Luc. XXIV, 44. Lucas c. l. v. 27. Philip-
pus Joh. I, 46. testantur. Et sigillatum quidem Exodum Mosi auctori vendicat Salvator Marc. XII, 26. sententiam allegans ex Exod. III, 6. Leviticum Paulus Rom. X, 5. citans Lev. XVIII, 5. Numeros idem Apostolus Ebr. III, 2. citans Num. XII, 7. Deuteronomium, approbante tamen Christo, Sadducæi Marc. XII, 19. citantes verba ex Deut. XXV, 5. 6. Gene-
sis quoque haud obscure Mosi tribuit Jacobus Apostolus, gentibus conversis Act. XV, 20. sq. sanguine abstinendum ideo censens, quia Moses omnibus gentibus sanguinis esu interdicens Gen. IX, 4. singulis Sabbathis legatur in Synagogis. Hinc est, quod universus Pentateuchus Moses dicitur Luc. XVI, 29. Act. XV, 21. 2. Cor. II, 14. 15. ea fane ratione, qua liber quilibet vulgo auctoris sui nomine venit. Quod superest, argumenta, quæ ab adversariis in aciem produci solent, solide discussa repieres a Pet. Dan. Huetio Demonstr. Evang. Prop. IV. cap. 14. Guilielmo Saldeno Oriorum Theologic. Lib. I. Exerc. 2. p. 19. sqq. Heideggero Exerc. Bibl. IIX. IX & X. Peyerium, præter nominatos, data opera confutavit Sam. Maresius præfat. Apolog. pro divinitate Scripturae p. 28. 36. & Joh. Pythius in Re-
spons. ex etiastica ad tratt. de Prædamitis cap. I. Clerico, quoad Theolo-
gorum Batavorum personam sustinet, ex instituto se opposuit Witsius c. l.
p. 121. sqq. & e nostris Vir Clar. Sebæt. Edzardi pecul. disput. Utrum
Pentateuchus a Samaritano Sacerdote sit conscriptus? Quæ omnia huc
repetere & aliorum expilare scrinia, nostri non est instituti; ne tamen
partibus nostris defuisse omnino videamur, ad Mosaicos libros singulos,
quæ in ipsorum præjudicium & contumeliam ex ipsis excerpta detor-
quentur, diluere & enodare conabimur.

IV.



IV.

Mirari hic subit impudentissimam Papistarum calumniam, qua b. Lutherum onerant. Hunc etenim Jodocus Coccius tom. I. *Thesauri lib. VI. art. 5.* hæreticis illis accensere non erubescit, qui Mosen & Mosaica scripta summe autoritatis esse negant. Quocum Leonh. Marius facit, in Proleg. Comment. in Pentateuchum Se^t. 3. n. 32. Mosen a Lutheru*m* impudenter tractari criminatus. Hos calumniando superat Schereru*s* Dom. 18. post. Trin. Conc. 4. p. 632. Lutheru*m* affingens, quod Mosen hæreticorum pessimum, damnatum & anathematizatum hominem, Pontifice & ipso Diabolo nequiorum dixerit, aliaque, quæ in Lutheri scriptis frustra quæres. Quanquam vero largiamur, Lutherum, ubi cum tentatis de exagitatione & condemnatione legis Mosaicæ loquitur, Mosen audiendum negasse, & Evangelicis potius consolationibus Christoque Mediatori locum dandum afferuisse; licet quoque demus, Lutherum rigorem legis Mosaicæ in redarguendis, accusandis, urgendis hominum conscientiis mirifice exaggerasse, eique suavissimas Evangelii consolationes, nunquam satis commendatas, opposuisse: nullibi tamen conviciis Mosen infectari aut proscindere Lutherum reprehendes. Hostem Christi dixit Mosen *Colloqu. Mensal. cap. II. fol. 157.* verum non in calumniam personæ, sed ad exclusionem doctrinæ Mosaicæ legalis a negotio justificationis & salutis nostræ, in quo utramque paginam Christus facit fide apprehensus, exclusis omnibus legis operibus, juxta Gal. V, 4. Singula vero Lutheri loca, quibus colorem criminacionibus suis conciliare adversarii conantur, ex Megalandri mente explicarunt & a detorsionibus vindicarunt b. Gerhardus *Lib. II. Spec. Confessionis Cathol. Artic. I. Append. 2. p. 32j.* & b. D. Joh. Müllerus *Lutheri defensi cap. XI. §. 152. sqq. p. 310.*

V.

Natales ipse suos Moses exposuit Exod. VI, 16, 18, 20. ex Jacobi quippe prosapia, patre Amramo & matre Jochebeda, avo Kahatho, proavo Levi Patriarcha oriundus. Conf. i. Chron. VII, 1. 2. 3. Quæ vero circa matrem Mosis Jochebedam ex Exod. VI, 19. & II, 1. dubia moventur: 1) an ætate jam nimium proiecta Mosen, præter naturæ ordinem ac modum, enixa fuerit? 2) an filia Levi, & Amrami uxor pariter ac amita? & quomodo Liberator Israelis de origine incestuosa natus fuerit? accurate solvit D. Varenius in *Exod. Det. I. Loc. 2. p. 52. sqq.* Porro, quæ circa nativitatem, conservationem & educationem ejus, tum & fugam ex Ægypto redditumque in illam & liberationem gentis Israëliticæ evenierint, satis copiose



copiose edisseruit Exod. II - XII. Ea vero omnia fabulis mirifice augent pro more suo Judæi ; Regem Ægypti præmonitum, ut ab Hebræo pueri sibi caveret, regni sui vastatore futuro ; sed & parentibus Mosis divino oraculo futuram per ipsum Hebraeorum ex Ægyptiaca servitute liberationem prænunciatam fuisse : Mosen infantem regium diadema capit suœ impositum in terram projecisse, & pedibus conculcasse : bello adversus Æthiopes ipsum ducem præpositum, singulari stratagemate victoriam obtinuisse : hinc cum filia Regis Æthiopum, cui Tharbis nomen, conjugium iniisse, & quæ sunt nugæ aliae, tradentes, ut apud Josephum lib. II. *Antiquit. cap. 5.* Philonem *I. t. de vita Mosis*, Ezæchielum Poëtam Judæorum Tragicum, cujus carmina Clemens Alexandrinus lib. I. *Seromat. edit. Sylburg. p. 344.* & Eusebius lib. IX. *præparationis Evangelicæ cap. 28. 29.* servarunt, & ex iis videre est, quæ ex Artapano refert Eusebius c. l. *cap. 27.* & quæ ex Schalschelet hakkabala, aliisque Rabbinis, ut & Elmacino, Patricide, aliorumque Arabicis monumentis larga segete congesit Hottingerus *Smegmatis Oriental. Lib. I. cap. 8. sect. 2. p. 394 - 468.* unde abundantissime circa nativitatem, vitam, res gestas & mortem Mosis Rabbinorum commenta haurire possunt, qui hæc talia in deliciis habent. Temporum vero circa res a Mose gestas rationem ductu Scripturæ S. hanc docet Usserius, Lightfootus, Calovius, calculo consentientes :

Anno

Orb.

- | | |
|------|--|
| 2433 | nascitur Moses in Ægypto, anno 64. a morte Josephi. Dissentit <i>Calvistus</i> in annum 2372. <i>Chytreus</i> in ann. 2373. <i>Lutherus</i> in ann. 2374. <i>Pareus</i> in ann. 2443. <i>Torniellus</i> in ann. 2464. nativitatem ejus conjicientes. |
| 2473 | annos natus 40. Act. VII, 23. invisit fratres suos, cædit Ægyptum, ex Ægypto profugus in terram Midian se recipit. |
| 2513 | annos natus 80. a Deo ad liberandam gentem suam ex rubo ardente vocatur, Exod. III. & IV. |
| - | mensis Abib (qui haec tenus septimus fuerat, nunc primus totius anni, Exod. XII, 2. constitutus est) die 15. fer. 3. (i. e. d. 5. Maii) Israelem ex Ægypto educit. |
| 2514 | mense tertio ab exitu, legem a Deo in monte Sinai promulgatam accipit. |
| - | tabernaculum erigit. |
| 2553 | mense 5. die 1. fratrem Aäronem morte sibi erectum deflet, annos natum 123. |
| | 2553 mense |



- 2553 mensē 10. mortis nuncio accepto, Josuam successorem sibi con-
teucho.
firmat.
- 2553 mense 12. vivis excedit Moses in monte Nebo, annos natus 120.

VI.

Omnium itaque antiquissimum & scriptorem & religionis omnis *S. Ius Pen-*
fontem, imo pro Deo gentibus quamplurimis habitum cultumque fuisse *tateuchi*
Mosen, cum Guil. Saldeno *Oratio Theol. L. I. Exerc. 1.* & cum primis Huetio *scriptor.*
demonstr. Evang. Prop. IV. cap. 2 - 11. p. 83 - 272. perquam erudite demon-
strantibus, facile largimur: nec dubium, quin antiquissimi Philosophi &
Græciæ Sapientes, quicquid religionis vel divinæ sapientiæ spirant, ex Mo-
saicis vel libris vel traditionibus petierint & pro suis venditarint inventis;
unde tantam inter Mosen & Platonem convenientiam, teste Cle-
mente Alex. *lib. I. Strom. p. 342.* deprehendit Numenius, ut Mosaiantem
Platonem crederet, τι γάρ ἐστι Πλάτων, ὁ Μωσῆς ἀττικοῦ; quid
enim aliud Plato, quam Moses est Attica lingua usus? Libros tamen, præ-
ter Pentateuchum alios ad posteritatem transmissos eundem composuisse,
negamus. Αὐτὸν Φίλιος Μωσέως liber, qui ascensum Mosis de cam-
pestribus Moab in montem Nebo, variaque Mosis jamjam morituri cum
Deo peracta colloquia exponat, citatur quidem a Protogene, Episcopo
Sardicensi in *actis concilii Nicæni P. II. cap. 20. p. 131.* ut & ab Origene
περὶ ἀρχῶν lib. 3. cap. 2. idemque fuisse perhibetur, ex quo Judas Apo-
stolus *Epiſt. v. 9.* testimonium Michaelis Arch-Angeli altercantis cum Sa-
tana de cadavere Mosis depromserit: dignus Gilberto Gaulmino visus,
quem jam ante Hebraice Constantinopoli & Venetiis sub tit. פְּתִירָה
נַשְׁׁמָה excusum, Parisiis denuo Hebraice, cum notis & versione Latina
typis exscribi curaret. Vide Sixt. Senens. *lib. 2. Biblioth. S. p. 109.* & Va-
lent. Schindlerum *Lexico Pentaglotto p. 1041.* Porro etiam *Apocalypseos*
Mosis Cedrenus meminit *Histor. p. 3. ad Opera Creat. sexti diei.* Uter-
que tamen apocryphus Athanasio in *Synopsi Scripturae* est, qui tertium his,
testamentum Mosis inscriptum, addit. Alios præterea libros Mosis no-
men præferentes, ab hæreticis Sethianis confictos, memorat Epiphanius
in I. Panarii, eodem cum memoratis loco ac censu habendos.

VII.

Solum itaque Pentateuchum Mosis exaratum manu, Canonique de- *Scriptionis*
scinatum cum constet; dubium tamen est, an eo quem Heideggerus *ordo.*
Exercit. Bibl. IX. §. 2. p. 247. suppeditat, ordine *scriptionem absolverit.*
Mosen quippe existimat primo acta præcipua in *commentarios retulisse,*



De Penta-
techo.

uti ex consignatione Amalekitici belli Exod.XVII,14. colligere liceat: Ex his enatum **ספר הברית** *librum fæderis*, promissiones & leges Dei, ac præcipuas res gestas complexum, Exod.XXIV,4.7. Tum Deum ipsum legem Decalogi tabulis lapideis insculpsisse, Exod.XXIV,12. XXXI. XXXII, 15. 16. 19. &c. Reliqua Mosen addidisse, tum ea, quæ ad legis & Evangelii doctrinam pertinent, tum integrum ecclesiæ historiam inde ab origine mundi ad gubernationem usque Josuæ successoris. Verum nec θεοπνευσίας ratio, nec apta & concinna orationis Mosæicæ, perpetuo nec interrupto pergens filo, cohæsio, hanc frustulatim factam Pentateuchi compositionem admittere videtur: licet dari possit Heideggero, quatuor posteriores libros, forte successive & per intervalla, iis temporibus Pentateuchi fuisse conscriptos, quorum res gestas complectuntur. Incertum porro in 5. libros est, an ejusdem in quinque libros distributio, qua hodie utimur, ad Moses referenda sit, quod quidem cum Philone e Pontificiis Josephus de Voisin *observation. in proœmium pugionis fidei Raymundi Martini edit. Lips. p. 97. a. & e nostris b. Calovius proleg. Comment. in Genes. p. 118. §. 6. & Bibl. Illustr. T. I. p. 212. a. affirmat: b. Waltherus vero Officin. Bibl. §. 645. p. 460. negat, eo quod legis liber nusquam allegetur nisi unus. Non tamen inconveniens partitionis ejus ratio ea redditur, quod in primo libro ecclesiæ plantatio & propagatio: in secundo protectio & gubernatio; in tertio ecclesiastica constitutio; in quarto politica administratio; in quinto major & uberior confirmatio exhibeat.*

VIII.

Argumen-
tum.

In eo itaque potissimum arguento versatur Pentateuchus, ut historiam non modo & chronologiam orbis, mira tamen brevitate, eoque, qui fini Scripturæ divinitus intento exacte respondet, modo texat, gestaque Patriarcharum & populi Israelitici ad Mosis usque mortem fata exponat; sed ut in primis ecclesiæ V. T. primævam constitutionem ac in-dolem, tum etiam dogmatum, quæ illis temporibus publice in Ecclesia sonuerunt, ὑποτύπωσι tradat. Quæ omnia secundum singulos ejus libros Theodulfus Aurelianensis Episcopus, circa ann. 850. clarus, apud Lorinum *Commentar. in Numeros proleg. p. 6.* his versibus scite complexus est:

Quicquid ab Ebræo stylus Atticus atque Latinus
Summis, in hoc totum codice, Lector, habes.
Quo loca prima tenet Genesis, primordia mundi,
Diluviumque canens, gestaque magna Patrum.

Exo-



Exodus Ægyptum spoliat, secat æqua rubra,
Pandit iter eremi; lympha ibi, lexque datur.
Inde sacerdotum gentem Leviticus ornat,
Et typice exponit dona sacris typicalis.
Bella virosque liber Numeri describit, & actus,
Queis fregit Moses idola, stupra, duces.
Post repetit legem, populo benedit, & alma
Jura dat, ac dicto carmine victor abit.

Longe tamen ulterius scopum suum sacer scriptor porrigit, Messiam Scopus? mundi Salvatorem potissimum tot vaticiniis & promissionibus describens, tot typis ac allegoriis adumbrans, imo per legem eundem tanquam Medicum & opitulatorem quærendum docens, ut non solum Nathanael Mosen præ ceteris de Jesu Nazareno scripsisse, Joh.I,45. perhibeat, sed & Christus ipse Joh.V,46. Luc.XXIV,27. in Mosaicorum librorum lectione ad doctrinam de promisso Messia animos attendere jubeat. Cui Paulus consonat Act.XXVI,22. Rom.III,21. cap.IV. toto, cap.X,6. sqq. 1.Cor.X,4. 2.Cor. III, 14. 15. & in Epist. ad Hebræos passim. Præterea quoque ecclesiæ ortum & incunabula, sedem & populum, jura & privilegia demonstrare constitutum erat auctori.

IX.

Quo generali ostendo scopo non contentus Joh. Clericus, anxië Mosis in porro *dissert.* *tertia Commentario ejus in Genesin premissa* §. 6. inquirit, scribendo quod potissimum consilium, qui fines Mosi in scribendo edendoque Pentateucho specialiores fuerint? Quam maximi momenti ad intelligendum: Pentateucho specialiores fuerint? Quam maximi momenti ad intelligendum: genda obscurissima libri loca quæstionem, qui rite expedierit, nullis sa- ex mente tis amplis gratis beneficium ejus rependi posse existimat. Has cum Clerici ante eum nemo, ipse mereri conatus est, ex Mose ipso colligere sibi vi- fus, quæ hanc in rem dici posse videntur. Premisso itaque & concessa fine illo generali, Mosen ad edocendum populum Hebraeum, Deum unum esse colendum, & qua ratione coli Deus ille vellet; tum etiam ad leges ab eodem acceptas populo tradendum scripsisse: speciales dehinc indagare fines §.7. aggreditur. Ubi observari cupit 1) Mosis animum non fuisse, totius humani generis annales scribere ad sua usque tempora, sed tantum ea ex historia præteriorum seculorum feligere, quæ cum generali illi, quem modo dixerat, fini, turn aliis singularibus conducebant. Quo factum sit, ut innuméri prætermisssis, quæ legentium curiositas fliguntur solet, nudam penè Chronologiam primorum temporum tradat;

pauca



pauca tamen adsparget, quibus Israëlitæ ad observationem legis facilius adduci posse existimabat : 2) animum Moysi fuisse, populi Hebrei historiam scribere a conditore ejus Abrahamo, quem Deus ex Chaldæa in Chananaam ire jussit, ubi Hebreæ gentis proprie incunabula quærenda. Unde obiter discendum sit, ex ejus silentio non licere semper argumentari, nec posse affirmari, e. c. alias omnes gentes a Deo illis temporibus fuisse derelictas, quia de Dei in illas beneficiis nihil habeat Moses : 3) videri hoc quoque spectasse, ut mores Israëlitarum non apertis tantum præceptis, sed obliquiori etiam per narrationes, docendi ratione, quoad posset, emendaret : 4) historia sua Mosen Israëlitarum animos a vicinorum fabulis, adeoque religionibus, quæ sæpe iis nitebantur, alienare aggressum esse, quod exemplis allatis ostenditur : 5) videri etiam non modo scripta lege, sed etiam edita, atque additis mandatis, quibus eam singulis septenniis legi jubebat, Deut. XXXI, 10. tacite Ægyptiorum sacerdotum mores reprehendisse, apud quos erant arcani ritus & arcana dogmata, quæ in vulgus efferre nefas habebatur : 6) jactantiam plerorumque gentium reprimere voluisse, quæ conditores suos summopere laudabant atque in Deorum numerum referebant ; cum ex adverso Moses demonstret, ortos eos esse a Cham, Noachi filiorum tertio, qui ne vir quidem bonus haberi potuerit, nedum ut in Deorum numerum referri posset : 7) licet Hebreæ gentis historiam scribat, & copiosius de ejus rebus agat, quam de ceteris, non tamen existimandum esse, plenos eum conscribere voluisse annales. Hinc mirum non esse, ordinem temporis, qui in pleniori servatur historia, fuisse ab eo neglectum. Hæc fere sunt, quæ Clerico singularia fuisse videntur Mosis consilia, hi reconditiores in scribendo fines, præter universalem illum & manifestum, qui primo intuitu legentibus sese objicit, adducendi nimirum Israëlis ad unius veri Dei cultum.

X.

Istis vero Clerici assertis, licet aliquam præ se speciem ferant, nec per omnia rejicienda videantur, insunt tamen haud pauca, quæ censuram merentur. Et primo quidem universa isthac sollicitudine supersedere potuisset, si Θεόπνευστον crederet Mosaicam Scripturam. Sic enim non Mosis, amanuensis saltem divini, cuius utique consilio & voluntate allata non est ipsius prophetia (2. Petr. I, 21.) sed Dei, Scripturæ autoris, indagandum fuisset consilium, quo ductus certa scribendi methodo portius, quam alia usus sit ; ecquid præterea spectarit, in compendio antiquissime histo-

examina-
tum.

bistoria, quod posteris reliquit; quare tam multis omisis, aliorum minoris, ut nobis videtur, momenti eventuum meminerit; quare certis verbis usus sit; quare obiter nonnulla, cetera vero copiosius & sepius dixerit? qualia Clerici curiositas flagitat & venatur. Quorum tamen ratio dari haec tenus alia nulla potest, quam quia divinæ sapientiæ ita commodissimum & quam maxime e re fuit visum. Generalis quippe Scripturæ ut totius, ita Mosaicæ finis est, erudire homines ad salutem per fidem, quæ est in Christo Iesu, 2.Tim.III,15. Ideo quippe Deus in verbo suo literis consignato sese patefecit, ut ab hominibus juxta essentiam & voluntatem suam recte agnitus, modo divinæ sapientiæ congruo coleretur, & in hac ac æterna vita celebraretur. Huic subserviunt fines specialiores respectu nostri divinitus intenti, qui sunt διδασκαλία, ἔλεγχος, ἐπανόρθωσις, παιδεία & παραδίδοσις, Apostolo Rom.XV,4. & 2.Tim.III,16. memorati. Cum ergo Mosis ævo quinque ipsis volumina canonem absolverent, quem Deus ipse perfectum esse testabatur, quando ei nec addi quicquam, nec demi voluit, Deut.IV,2. hinc ad eum quoque modum, divina sic moderante sapientia, universa horum voluminum structura, connexio, dictio disposita est, fines istos ut perfecte assequi valeret. Cur vero in his diffusis, in aliis, quæ nobis prolixiorum poscere videbantur enarrationem, concisius versetur Mosis, vel Spiritus Sancti potius per Mosen scribentis oratio, nostrum tam non est rimari curiosus, quam religiose venerari. *Quis enim cognovit mentem Domini? aut quis ipsi a consilii fuit?* Cum quo deliberavit, ut intelligentem redderet eum, & instrueret illum viam iudicii; doceretque illum scientiam, & viam intelligentie ostenderet illi? Es. XL,13.14. Rom.XI,34. Recte ex Scaligeri sententia, *nescire velle, quæ Magister maximus docere non vult, eruditæ inscitia est.* Hæc vero insuper habens Clericus, in sacro codice evolvendo haud secus ac in profano versatur autore. Quod nec ipse diffitetur, cum institutum hoc suum exemplo præfationum illarum illustrat, quæ Asconius Pedianus aliquot Verrinis Ciceronis præmisit, quæque ad intelligendum Ciceronem haud leve sint adjumentum. Jam quod ad ipsas ejus conjecturas attinet, frustra eas operis totius fine & consilia jactat, cum hujus duntaxat vel illius sint pericopæ, si modo essent, quod subjecta observationibus exempla demonstrant; nec ad scopum Scripturæ supra memoratum omnes collimant, quo tamen respicere singula his libris proposita, modo evictum est; neque firma omnes nituntur ratione, quando v.g. in prima & septima observatione Mosen annales vel humani generis, vel Hæbreæ gentis

G

condere



condere voluisse inde negat, quia brevissima ejus sit historia ab initio rerum usque ad Abramum, aliaque plurima ab eo sint omissa. Ut ut vero sit de annalibus humani generis, quod nec ipsi affirmamus, ecclesiae tamen inde ab ortu generis humani accuratam exhibit historiam. Cur vero grata illa & nervosa brevitas, qua primis XI. Capitibus plus quam duo annorum millia complectitur, vitio vertetur Spiritui S. quæ vel Livo fraudi non fuit, capitibus primis quinque libri primi, res a Troja capta & eversa ad conditam Romam 430. annorum complectenti, & reliquis ejusdem libri 55. capitibus ab Urbe condita ad exactos Reges annorum 244. complexum exhibenti, qui tamen multo fusiis sequiorum temporum historiam persequitur? Quod tandem ordinem temporis, qui in pleniori servatur historia, a Moysi neglectum criminatur Clericus, injuria Moysi vel Spiritui S. potius illata haud vacat. Id enim cum primis tam accurata Genealogiarum recensione, tamque sollicita non annorum modo, sed & mensum atque dierum, quibus singula evenerunt, annotatione agitur, ut quæ ex nullo peti potest autore profano, a primo orbis exordio ad occupatam Chananæam Chronologia inde contexatur. Videatur cap. V. & XI. Geneseos, Exod. XII, 40. Num. I, 1. Deut. I, 3. II, 3. Cujus rei fidem ipse fecit Clericus Tabulis Chronologicis commentario subiunctis, quibus temporum seriem vel maxime ex Mosaicis declarat monumentis. Licer vero per περιήγησις, per ὑπερον περιήγησιν, aut per parenthesin extra locum & seriem posita quedam in Mosaicis videantur, quod tamen evictum nondum est; non tamen ea propter ordinis temporum negligens dici Moses debet, cum accuratis certisque scriptoribus in more positum sit, saepius & sapienti consilio περιήγησις usurpare. Sed e diverticulo in viam; nec enim vacat & ab instituto nostro alienum est, singulas ejus observationes sub censuram vocare, ne lites ferendam adferamus lectori.

XI.

Commentarios in Pentateuchum nobis reliquerunt, præter eos, quos in universa Biblia cap. præced. II. §§. ultimis laudavimus, e Patribus Græcis CYRILLVS Alexandrinus Archi-Episcopus, qui γλαφυρῶν in Genesim libros VII. in Exodum libb. III. in Leviticum librum unum, in Numeros unum, unumque in Deuteronomium struxit, quos editionis Parisiensis A. 1638. Opp. Tomi I. pars posterior complectitur; & THEODORETVS Episcopus Cyri in Syria, cuius in Pentateuchum quæstiones Tomus I. Opp. edit. Græco-Latinæ Paris. A. 1642. exhibet: ex Latinis
AVGV-

Commen-
tatores:
Patres,



AVGVSTINVS, qui quæstionibus pariter Pentateuchum illustravit techo. T. IV. Opp. p. 83. sqq. quanquam haud immerito in dubium eæ vocentur eruditis ap. Gerhard. *Conf. Cathol. P. I. Gen. p. 676. sq.* Venerabilis BEDA, Presbyter Anglus, qui T. IV. Opp. Pentateuchum expositionem literalem concinnavit: ISIDORVS Hispalensis Episcopus, qui suis in Mosaicos libros Commentariis rerum potius apices & argumenta prosequitur, quam verba, Opp. edit. Coloniensis p. 283. sqq. tandemque BRVNO Astensis, Abbas Caisinensis, Episcopus Signiensis & Cardinalis, A. 1125. pie defunctus, cuius expositiones in Pentateuch. Opp. edit. Venetæ A. 1651. T. I. & in Bibliotheca PP. maxima T. XX. f. 1308. sqq. leguntur. ORIGENEM sciens prætermitto, quod & in Deuteronomium nihil ipsius extat, & in priores quatuor Mosaicos homiliarum ejus Latina tantum versio, Ruffino interprete redita supereft, exceptis paucis, quæ Huetius hinc inde excerpta Græco-Latinæ Origenis editioni inseruit, fragmentis.

Hebreis

Inter Rabbinos plurimi explicandæ legi operam suam impendebant, sed impari instituto pariter ac successu. Celebris inter Judæos nec Christianis ignotus est R. MOSES BEN NACHMAN, qui ביאור על התורה elucidationem in legem, qua textum S. allegorice cum primis illustrat, composuit, Venetiis impressam A. 1545. Sed & ר' R. BECHAI, qui A. C. 1291. floruit, commentarium in legem scripsit, intellectu saepe difficilem, propter interspersa haud raro varia Cabalistica. Acerbior quoque nonnunquam in Christianos est, ut hinc censuram Venetorum incurrit, deletionem locorum quorundam passus. Impressus est Venetiis apud Bombergum in fol. A. C. 1526. & 1546. cum locis Scripturæ in margine notatis. Porro R. ABRAHAM Hispanus, qui vulgo etiam סבָע R. Abraham Seba audit, & circa A. 1510. inclaruit, haud incelebrem in legem commentarium elaboravit, quem ex Cant. I, 13. צוֹר קְמֹר fasciculum myrræ inscripsit, Venetiis excusum apud Dan. Bombergum in fol. A. C. 1513. Haud exiguae quoque inter suos autoritatis est R. ISAAC BEN ARAMAH, cuius in legem & V. megilloth commentarius עקרת יצחן Ligatio Isaaci inscriptus, Philosophico-Theologicus est, & Aristotelem saepius de mundi æternitate, & in quæstionibus aliis refutat; prodiit Venetiis A. C. 1573. R. MÖSES HADDARSCHAN Gallus legis interpres Galatino frequenter allegatur. R. OBADIA SAFORNO ex concionibus in legem commentarium consarcinavit, אמרוי נועם verba jucunda dictum, & Constantinopolit & Cracoviæ impressum in quarto. R. SCHEM TOF suam legis interpretationem a nomine suo

G 2

כתר



INTRODVCTIO AD LIBROS BIBLICOS

De' Pentateucho.

52 כתר שם טוב Coronam nominis boni appellavit, Venetiis typis exscriptam in fol. A. C. 1601. Magni præterea inter Judæos usus, ad lectio-nes sacras in Synagogis ex eo peragendas, est commentarius Mosaicus cuiusdam הוזקיה HIS KIAE sive EZECHIAE, quem a nomine suo חזקוני Chaskuni inscriptit. Hinc est, ut una cum textu Ebraico & Chaldaica paraphrasi atque cum commentario R. Salomonis in usum sa-crorum publicorum junctim prodierit Venetiis A. C. 1524. & Basileæ 1606. in fol. Magnæ autem præ ceteris omnibus & antiquitatis & inter Judæos autoritatis est זוהר Sobar, Commentarius in legem Cabballisti-cus, qui a Judæis ad R. SIMEONEM BEN JOCHAI autorem refertur, & in spelunca quadam terræ, in qua per annos XII. metu Imperatoris Romani delituerit, ab ipso scriptus creditur. Fabulam Talmud tradit *Tract. de Sabbatho cap. 2. fol. 33. p. 2.* a Buxtorffio confutatam *Ab-breviat.* p. 190. sqq. Summæ vero antiquitatis argumentum inde ducent Judæi, quod nullius unquam libri Talmudici mentionem hic Commentarius faciat, nec Gemarae locum ullum tangat, imo vero potius in multis doctrinæ Gemarae repugnet. Interim constitutiones ejus circa ea, quæ in Gemara non sunt explicata, pro authenticis a Rabbinis receptæ sunt & in usum traductæ. Impressus est Cremonæ A. C. 1559. in fol. Fertur quoque in Commentariis Mosaicis is, qui Consolatio inscribitur, alias ירלמְדָנוּ Jelammedenu dictus, quod ea voce fre-quenter admodum utitur, cum ex præmissis doctrinas certas elicit & proponit. Excusus est in fol. Constantinopoli A. C. 1528. & postea cum additamentis recusus Verona A. C. 1595. Tandem רבנן dicuntur glossæ s. Commentarii in legem & V. libellos RABBA BAR NACH-MONI, qui circa A. C. 300. clarius fertur. Textum ad literam non explicat, sed allegoriis & fabulis delectatur, & varius admodum est, lin-gua Hierosolymitana conscriptus & Græcis vocabulis maxime abun-dans. Singulæ ejus partes nomine singulorum librorum Mosaicorum /ברשות רבא /veniunt, adjecta singulis voce ut v. g. in Genesin /ברשות רבא /in Exodum /שמורת רבא /in Numeros /במרקך רבא /Commentarii dicantur. Excusus Cracoviæ est A. 1608. Ex hoc opere R. SAMVEL LANIADI homiliae excerptis & concinnavit, quas כל' חנוכה Vas desiderii ex Jer. XXV, 34. inscriptis, excusas Venetiis in fol. Commentarii, qui עלת שבת Holocaustum Sabbathi (ex Num. XXVIII, 10.) audit, autor fertur R. SCHVEIB, ex recensione Hot-tingeri Bibliotheb. Orient. p. 3. R. ISAAC KARRO, circa A. 1510. clarus



clarus suas in Pentateuchum curas תולדת יצחק Generationes Isaaci teucho. appellat, quibus multa loca per universum Pentateuchum breviter explicat, dubia sua, quæ proponit, solide solvit, & quæstionum varietate se haud mediocriter doctrinam probat. Plures prætereo, quorum syllogen ac titulos Hottinger c. l. exhibit. Unum adhuc addo inter Judæos tristissimum in Legem Commentarium Hebræo-Germanicum, qui צאנח וריאנה inscriptus, Judæis vulgo Zenorennæ dicitur, titulo ex Cantic III, II. petito. Excusus est Cracoviæ in fol.

Lutherani Theologi, qui suis in Pentateuchum lucubrationibus Lutherani, præclare de ecclesia meriti sunt, ita habent: JOHANNES BRENTIVS Theologus Tübingerensis T.I. Opp. DAVID CHYTRÆVS enarrationibus in V. libros Mosis, Wittebergæ in fol. 1590. typis exscriptis: BALTHAS. BIDEMBACHIVS in der ausführlichen Erläuterung und Predigten über die Bücher Mosis/ Tübinger 1604. ERASMVS MARBACHIVS in ὑπουργίας in libros Mosaicos, Argentorati in 4. editis: CHRISTOPH. PELARGVS Superintendens Marchiæ Generalis, cuius sub initium seculi superioris commentaria in Pentateuchum seorsim Lipsiæ in 4. prodierunt: cumpromis JOH. ADAM. OSIANDER Theol. Tübinger, qui uberrimo in Pentateuchum Commentario, sacrum cum exegesi textum, lectiōnum & versionum varietatem, antilogiarum conciliationem, chronologiam, quæstionum solutiones, objections cum vindiciis, observatioes Philologicas & Locos Communes doctrinales exhibit, tomis V. in fol. Tübinger impressis A. 1676. sq. AVGUSTI VARENII Decades in libros Mosaicos selecta saltē loca sub examen vocant: MICHAEL WALTHERVS vero in Spongia Mosaica Noribergæ A. 1642. in quarto excusa, loca controversa afferit, & turpissimos abusus, quibus Judæi, Pontificii, Calviniani, Anabaptistæ, Photiniani & Weigeliani præcipua Pentateuchi oracula depravant, absterit.

E Pontificiis, præter CORNEL. A LAPIDE, cuius T.I. Opp. Pontifici, Commentaria in Pentateuchum complectitur, non contemnendus interpres JACOBVS BONFRERIVS est, Soc. Jesu Theologus & in Academia Duacensi Sacrar. literarum & Linguæ S. Professor, qui Commentarium in Pentateuchum satis copiosum, amplissimis in totam Scripturam S. præloquiis instructum, Antwerpiae 1625. in fol. edidit. Cui NICOL. SERARIUM addas, Jesuitam pariter, & variis in scripturam, quos inter etiam in Pentateuchum unus est, Commentariis clarum:



CORNELIVM porro JANSENIVM, Episcopum Iprensem, famosum sc̄t̄e Jansenisticae autorem, cuius in V. libros Mosaicos Commentarius posthumus A. 1641. Lovanii in quarto in lucem editus est : THOMAM de VIO Cajetanum, Cardinalem S. Xysti, cuius in omnes libros Biblicos, exceptis Cantico Canticorum, Prophetis & Apocalypsi, Commentarii extant : JOHANNEM FERVM, cuius in V. libros Mosis explicatio Coloniae in fol. A. 1571. prodiit: THOMAM MALVENDAM, Ordinis Prædicatorum apud Lombajenses primum, deinde Romæ Theologiae Professorem, qui in universa Biblia commentarii molitus, in explicando XVI. cap. Ezechielis A. 1628. morte abreptus, ut adeo post mortem demum autoris A. 1650. excusa Lugduni V. voluminibus in fol. opera ejus, quorum I. Tom. Pentateuchum explicat, lucem adspexerint: LEONHARDVM MARIVM, cuius in Pentateuch. commentatio Coloniae in fol. A. 1621. impressa est: HIERONYMVM ab OLEASTRO, cuius Commentar. in Pentateuchum Lugduni in fol. A. 1586. denuo prælo subjectus est: AVGUST. STEVCHVM Eugubinum, cuius annotationes in dictos libros & Lugduni seorsim emissæ sunt, & T. I. Opp. edit. Venetæ A. 1591. leguntur.

Reformati,

Ex Reformati HENRIC. AINSWORTH Anglum nominamus, cuius *Annotationes upon the Pentateuch* Londini A. 1639. evulgatae prostant : HENRIC. ALSTEDIVM, cuius concisæ in Pentateuch. sunt annotationes, Herbornæ in octavo A. 1631. impressæ: BENEDICT. ARETIVM, cuius breves, sed non omnino spernendi Commentarii in Mosis Pentateuchum Bernæ exscripti sunt A. 1602. & FRANCISCVM BVRMANNVM Theologum & Professor. Ultrajectin. qui Pentateuchi expositionem Belgico idiomate, sub tit. *Wet ende het Getuygenisse* Trajecti A. 1680. evulgavit, in Germanicum postea sermonem conversam & Bremæ editam. Quibus addi forte poterit dubiorum conciliator FRANCISCVS RIDDER, qui Belgiæ stylo het *Schriftuerlyk Licht over schynstrydende duystere en misduydinge texten der V. Bæken Mosis* V. tomis edidit in quarto Roteroda- mi A. 1675.

Remon-
strantes.

E cœtu Remonstrantium JOANNES CLERICVS A. 1693. Genesin, & A. 1696. reliquos quatuor Mosaicos libros, nova versione, paraphrasi perpetua & notis, quibus Commentarii Philologici nomen fecit, grammatici autem sensus fines non egreditur, nec Theologicis digres-



digressionibus occupatur, erudite illustravit; præmissis Genesi tribus dissertationibus criticis, subjuncta de Sodomæ excidio, de statua fali & tabularum chronologicarum appendice. Exodo pariter paraphrasin & animadversiones in Johannis Evang. c. I, 1-18. præmisit; adversarios nactus Eliam Benoist, qui animadversionibus istis *tres dissertationes epistolicas* Roterodami A. 1697. in octavo excusas opposuit, & Johannem van der Wayen, qui Clerici de λόγῳ sententiam *dissertatione*, Stephani Rittangelii *Libræ veritatis præmissa*, sub examen vocavit. Appendicem quoque Exodo de maris Idumæi trajectione; Numeris de decimis dissertationem Joh. Seldeni, & tabulas Chronologicas & Geographicas subjecit.

CAPUT IV.

De Genesi.

Libri appellatio evolvitur. Genesim an sit liber ille rectorum? Jos. X, 13. Summarium.
 §. 1. Argumenta, quibus a Mose libri scriptionem abjudicant cum A-um capitit,
 ben Esra & Spinoza Bibliomastiges, ex Gen. XII, 6. XIII, 7. XXII,
 14. XXXVI, 31. XIII, 18. XIV, 14. X, 8. sqq. XX, 7. XL, 15. petita, ex-
 aminantur & discutiuntur. An transpositæ & confuse Geneseos pe-
 ricopæ? §. 2. De conscriptionis substidiis: tempore: confilio §. 3. Libri
 argumentum & scopus. An vaticinia futurorum rerum gestarum
 enarratione insinuantur? §. 4. Chronologia. An anni Patriarchales
 menstrui duntaxat, vel minores nostris? Discrepancia inter calcu-
 lum τῶν LXX. Senum, & textus Hebraici notatur §. 5. Divina & ca-
 nonica libri autoritas assertur: & a Juliani Apostatae argumentis
 vindicatur §. 6. Partitio libri §. 7. Tabula Synoptica §. 8. Com-
 mentarii Patrum, Lutheranorum, Pontificiorum, Reformatorum, Fa-
 naticorum §. 9.

§. I.

Genesis Hebreis, ex recepto more, ab initiali vocabulo בְּרֵשֶׁת Appellatio.
 appellatur, quasi principium & Bibliorum dicas, & rerum
 omnium. Rabbinis nonnunquam, argumenti præcipui ra-
 tionem habentibus, סִפְרַת צִירָה liber creationis audit; a quo
 non multum abludit Græca γενεσις nomenclatura, quam & Latina ec-
 clesia



clesia civitate donavit, ex interpretatione Græca cap. II, i. petitam. Καλεῖται δὲ ἄστως, ἐπειδὴ καὶ τὸν γένεσιν πάντων περιέχει, ψευδῶς τέ καὶ γῆς, καὶ τῶν αὐθεόπων, καὶ τῶν Φαινούμενων τάττων ὅλων. Vocatur autem hoc nomine, propterea, quod & universorum, cœli pariter ac terræ, hominumque & omnium eorum, quæ visuntur, generationem complectitur, ait Athanasius in *Synopsti Script. T. II.* Opp. p. 66. Forte ita quoque vocari haud absurdè dixeris, quod Patriarcharum primamque humani generis genealogiam exhibet, quo sensu Evangelium quoque Matthæi Βίβλος γενέσεως inscribitur v. i. ex mente b. Erasmi Schmidii, qui *notis ad b. l. p. 5.* de vocis γενέσεως etymologia, variaque significatione prolixe commentatur. Idem vero an **סְפִיר הַרְשָׁךְ** liber ille rectorum vel justorum dicatur, cuius Jos. X, 13. & 2. Sam. I, 18. fit mentio, quod nonnullis apud Hieronymum in c. XLIV. *Jesaiæ* & in cap. XVIII. *Ezech.* visum fuit, haud immerito dubitatur. Elumbe omnino argumentum Judæi pro hac sententia in *Gemara tract.* זורה וברוחה **בְּכָרֶת** cap. 2. & in *Berechith Rabba* urgent, quia *Genesis* contineat res gestas Abrabe, Isaaci & Jacobi, qui præceteris mortalibus שָׁרִים recti sunt vocati: cum Bileam diceret: moriatur anima mea morte rectorum, Num. XXIII, 10. In illo enim libro scriptum esse de Ephraim: & semen ejus erit abundantia gentium: quibus verbis mirabile hoc *Josue* facinus prædictum sit, qui ex Ephraim est prognatus; cum illo imperium habuerit in Solem & Lunam, quæ omnium gentium vitam moderantur naturali quadam sua efficientia; aut quia sui nominis fama ob hoc tam præclarum factum gentes omnes impleverit. Quibus Lyranum suffragari non sine causa miratur Andr. Masius *Comment. ad c. l. Jos.* quanquam e nostratis etiam b. D. Garthius *tract. de Jud. controv.* p. 112. in eadem pedibus iverit sententiam. Illa sane testimonia, quæ ex citato libro *Josua* & *David* depromserunt, tam in *Genesi* quam universo Pentateucho frustra quæres, irrefragabili arguento, neutrum per *Justorum librum* indicari; ut rectius omnino sentiant, qui intercidisse librum, cujuscunque demum fuerit autoris, credunt, jaætura tamen haud adeo deploranda, cum sacrum eundem aut canonicum fuisse, quod quidem Bellarminus & Beccanus contendunt, evincere prorsus nequeant. Confer e nostris b. D. Waltherum *Offic. Bibl.* §. 1332 sqq. p. 1180. & b. D. Jac. Martini *Disput. II. de libris Scripturæ deperditis* §. 72-81. Ceterum cum Tertullianus lib. *advers. Hermogenem* c. 19. T. I. Opp. edit. Rigalt. p. 275. *Originale Instrumentum Genesin* appellat, non tam a reliquis Mosaicis aut Biblicalis, quam a suppositiis vel humanis tantum



tum demonstrandi principiis hoc nomine eandem distinguere videatur.

II.

Mosen ut Pentateuchi, sic & Geneseos scriptorem cap. præc. evici-
mus; negantes vero, ne profanæ υποθέσει decessent, nonnulla ex visce-
ribus libri contra receptam sententiam argumenta exsculpere conati,
cum Aben Esra illumque secuto Spinoza ad Gen. XII, 6. provocant, ubi, ex Gen. XII,
postquam narrasset Scriptor, Abrahamum terram Canaanam pertransiisse 6. & XIII, 7.
usque ad locum Sichem, addit: Et Cananeus tum erat in terra. Cui
paria faciunt, quæ habentur c. XIII, 7. Exorta rixa est inter pastores
gregum Abram & Lotb. Et Cananeus & Pherizaeus eo tempore habita-
bant in terra illa. Unde colligunt, eo, quo hæc scribebantur, tempore
nec Cananæum nec Pherizæum in terra illa fuisse; qui uterque ta-
men cum Mosis ætate patriis finibus nondum expulsus, terram isthanc
utique incoleret, clarum esse, quod nec a Mose, nec ejus ætate confi-
gnari ista potuerint. Sed omnino perperam. Id enim verba volunt,
jam tum Cananæos terram illam incoluisse, cum primum illuc veniret
Abraham; qui loca vacua, ab illis non occupata quærens, divinaque
fretus providentia medium se gentibus inimicis ingesserit, cuius poste-
ritas easdem nunc rerum potentes exturbatura postea, & in servitu-
tem propediem redactura esset. Quod ergo textus affirmat simplici-
ter, id ad continuationem temporisque tractum, imo ad præsentis, quo
hæc scribebantur, temporis exclusionem imperite vel malitiose refert
Aben Esra, & inepte prorsus sensum particulæ נִצְעָנָכִי, in רַאֲדָבָעָכִי adhuc
transmutat, verba sic interpretatus, quasi adhuc in terra ista habitatit Ca-
nanæus, nunc vero, ubi hæc scribebantur, expulsus fuerit. Provocant
ulterius ad Gen. XXII, 14. ubi nomen loci, in quo Isaacum immolatus
fuerat Abrahamus, vocasse dicitur: רְהֹנָה וּרְאָה. Dominus videbit. Ideo, XXII, 14.
addit sacer Scriptor, dicitur hodie: בְּהֵר יְהֹוָה וּרְאָה in monte: Je-
hova videbitur. Quod nomen monti illi prius hæsiisse Spinoza cum
Aben Esra negat, quam structuræ templi dicatus ille fuit, maxime cum
הַר מִזְרָחָה וְהַר יְהֹוָה, unum significare, vel etiam posterius nomen priori
originem præbuisse videatur; unde pronum concludere, librum
hunc Mose longe esse recentiorem. Unde vero novitatem nominis
probabunt? simplici sane assertioni illorum simplicem asserti negatio-
nem pari jure opponere licet. Enimvero ad ipsum Abrahamum nomi-
nis originem textus haud obscure refert, qui Isaaco de pecore holocausti

Scriptor
impugna-
tus

ex Genef.

H. sci-



INTRODUCTIO AD LIBROS BIBLICOS

De Genesi. 58

sciscitanti, אלהים וראה Dominus videbit, v. 8. respondit, atque inde nomen loci postea יהוה וראה Deus videbit vocavit, quia even-
tus pium istud comprobasset augurium, Dominusque de holocausti pe-
core sibi prospexit: idcirco procedente tempore, adeoque Mosis etiam ætate, nonnihil mutato adagio, dici suavit: *in monte, Dominus vi- debitur.* Nec obstat, quod urgent, eum, qui textui illud adjecit, obser-
vasse, quod suo etiamnum tempore in usu fuerit. Quid enim prohibet, quo minus eadem Mosis manu, a qua historiæ consignatio profecta
est, additum quoque sit adagium, inde ab Abrahami ætate ad Mosis us-
que ævum usu tritum? Sat longa omnino temporis hæc intercapedo
est, ut observare possit, טוֹלֵם h. e. ad suam usque ætatem formulam ab
Abrahomo ortam perpetuo usu viguisse. Addit Spinoza tertium ar-
gumentum, temporis rationi superstructum. Quod enim *Gen. XXXVI,*

XXXVI, 31. dicitur: *bi sunt reges, qui regnaverunt in Edom.* רַפְנִי מֶלֶךְ־מֶלֶךְ לְבָנִי יְשָׂרָאֵל antequam dominaretur rex in filios Israel: de regi-
bus Idumæorum intelligendum contendit, qui Idumææ præfuerint,
antequam David eos subigeret, & præsides in terra Edom constitue-
ret, z. Sam. VIII, 14. hinc literis hæc verba consignari prius non potuisse,
quam David gentem illam sub jugum miserit. At enim vero ut taceam,
quod regerit Heideggerus *Exerc. Bibl. IX. §. 25. p. 267.* priores potius Idu-
mæorum reges intelligi, qui ab Esavi ætate usque ad Mosis in Israelem
imperium rerum potiti sunt; siquidem Moses diserte ab Aben Esra in
b. l. מֶלֶךְ & a Philone *de vita Mosis lib. 2. βασιλεὺς* dicatur: nihil quo-
que obtinebit adversarius, licet demus, de temporibus Mose posteriori-
bus & Davidis regnum attingentibus textum loqui. Num enim Mo-
ses, propheticō spiritu futura præsentientem, latèbat, fore aliquando, ut
regem sibi poscerent Israelitæ? Contrarium ex Deut. XVII, 14. &
XXVIII, 36. elucet: an Dei Spiritum, cuius instinctu & inspiratione con-
signata in Genesim credimus, reges olim orituros, gentisque Idumææ sub-
actionem ignorasse, Mose revelare non valuisse existimabimus? Vi-
deat omnino Spinoza, ne una cum libris suis etiam propheticum Mose
eripiat aut denegat lumen, quo reliquos tamen prophetas omnes lon-
go post se intervallo reliquit. Turpiter vero se hic dat Clericus *dissert.*
de Scriptore Pentateuchi §. III. 9. vaticinium verbis istis contineri negans,
cum præteriti temporis phrasibus textus utatur: *& mortuus est & re-
gnavit ejus loco &c.* Inde herbam porrigit Spinoza, fassus, *hanc πε-
ριοχὴν novem commatum, a 31. ad 39. ab aliquo, qui, postquam regnari*

60-



cōperunt Israēlītā, vixit, additam esse. Meminisse sane debebat, Prophetis in more positum esse, ut rerum futurarum, eventus verbis tum præteriti temporis, tanquam si narrarent res transactas, tum præsentis, quasi res præsentes & coram assistentes nunciarent, efferre soleant, quod egregie docet & e b. Franzii de interpret. Script. orac. 47. illustrat Glaf-sius noster Phil. S. Lib. I. tratt. IV. sect. 1. de stylo prophetico, canone 4. p. 225. Nec insolens adeo scriptoribus V. Testamenti est, historiæ subinde futurorum eventuum vaticinia intexere, maxime ubi series ac integritas historiæ, uno loco integre exhibendæ, id postulat. Novum Spinosa argumentum petit inde, quod quædam loca non iis indicentur no-minibus, que vivente Moysi obrinebant, sed aliis, quibus dudum poſtea in-signita sunt. Quod ut evincat, provocat ad Gen. XIV, 14. ubi nomen ex Gen. XIV, Dan occurrit, quod urbi olim Lais dictæ non nisi longe post mortem Jo-^{14.} suæ injunctum fuisse, ex Jud. XVIII, 29. constet. Sic cap. XIII, 18. alii ad-dunt, ubi nomen Hebron legitur, quod non nisi post Mosis tempora op-pido impositum esse, ex Jos. XIV, 15. & XV, 13. liqueat. Enimvero tanti hæc objecta ponderis non erant, illi ut Clariss. Huetius, huic ut Cleri-cus succumberet, fassus uterque, aliena & seriori manu additas recentio-res istas locorum appellations fuisse, ut obscuriora & propter vetusta-tem & desuetudinem ignota nomina notioribus exponerentur. Illam enim Dan, ad quam usque Abraham hostes suos persecutus est, ean-dem cum ea esse, quam antiquitus Lais dictam, de nomine Dan filii Jaco-bi ita nuncupatam esse, Jud. XVIII, 29. dicitur, demonstrari haec tenus non potuit. Diversa autem si fuerit, necesse non est, utramque olim Lais vocatam fuisse, sed illam tantum, de qua c. l. Judic. agitur. Quod si minus placet, nec evinci queat gemina eodem insignita urbs nomi-ne, altera satisfaciens Huetii responsio, non urbis nomen, sed fontis aut rivuli Dan exprimere, ad quem usque persecutio Abrahami pertigerit. Ex duobus quippe fontibus & rivulis Jor & Dan dictis, Jordanis & flu-men coaluisse & nomen, Josephus vult Antiqu. lib. I. c. II. quem Hiero-nymus sequitur & Philostorgius, apud Johannem Antiochensem περὶ ἀρχαιολογίας. Id si sit, mirum non fuerit, Danis appellationem jana Abrahami ætate obtinuisse, cum Jordanis mentio jam c. XIII, 10. fiat. Non ergo est, ut cum Andr. Masio Comment. in Jos. XIX, 47. inde colli-gamus, Mosis libros sic, ut nunc habentur, ab illo non esse compositos, sed ab Esdra, aut alio quopiam divino viro, qui pro veteris & exoletis lo-corum vocabulis nova, quibus rerum gestarum memoria posset optime &



percipi & conservari, reposuerit. Nimis enim lubricum & arenosum substernitur fundamentum, quo tanta opinionum moles nitatur, ruitura haud dubie, si exoletorum cum recentioribus nominum commutatio falsa demonstretur. Nec juvat Masium altera illa nominis Kirjath Arba cum Hebron permutatio, quam *in præfatione dicti Comment.* urget. Nil enim obstat, quo minus, quæ Kirjath Arba primis temporibus dicta fuerat, jam diu ante Mosen Hebron vocaretur. Urbs siquidem prima antiquitate fuit, ut etiam cum Ægyptiorum vetustissimis certaverit, unde Josephus lib. IV. de bello cap. 31. eam Memphi Ægyptia antiquorē dicit. Hinc passim istud nomen in Mosaicis libris Gen. XXIII, 2. 19. XXXV, 27. Num. XIII, 23. reperies, haud obscuro indicio, jam tum appellationem Kirjath Arba per novam Hebron abolitam fuisse. Quod vero Clericus urbem illam a Calebī nepote Hebron dictam suspicatur, meritis nititur conjecturis, nec adeo commode narrationi Josuæ & nexui temporum ac historiæ respondet. Nec firmiori attuntur tālo reliqua,

ex Gen. X, 8. sqq. quæ in medium proferuntur, argumenta. Quod enim, quæ *Gen. X, 8. sqq.* de Nimrodo, deque ejus regno multo fusius, quam de aliis γενεαῖς ceteris regionibus traduntur, videantur commodius & utilius post captivitatem Babyloniam, quam antequam Israelitis commercium ultimum esset cum Babylonii, dici potuisse; id dum assertunt, profligatae prorsus temeritatis indicium Bibliomastyges edunt. An enim Pseudo-Criticorum horum judicio potius, quam Sancti Spiritus, quæque suis locis rite & sapienter disponentis, standum est, ubi dispicitur, an hoc vel alio loco ista commodius ac utilius legantur? Hoc sane commento nihil demum firmum in Scriptura, nihil suo loco dictum videbitur, cum nulli demum narrationi suus defuturus sit censor, qui alio tempore vel loco commodius ea narrari potuisse suspicetur. Neque vero αἰρόπως initia tyrannidis Nimrodis, Babylonis quoque, Ninives & aliarum regni ejus urbium huc referuntur, ubi Chami posteritas, & Babylonicae Monarchiæ fundamenta exponi debebant; hunc omnino locum, non aliud ea sibi tractatio postulabat; maxime ut Israeli constaret, e qua prosapia, quibus orta initiis gens Chaldaeorum esset, quæ Dei vindicis futura olim flagellum, exitiale populo rebelli cladem illatura esset. Imo ere erat vel maxime, ante captivitatem Babyloniam, Babylonis & Chaldaæ gentis cognitio, ut Prophetarum comminationes, aliaque oracula divina eo felicius assequi & intelligere Israelitæ possent. Vox נָבָי etiam, apud Mosen *Gen. XX, 7.* & alibi occurrentis, argumentum præbuit, unde

ex Gen. XX, 7.



unde concludatur, scriptionem Pentateuchi Samuelis aetate aliquanto esse posteriorem, qua quippe recens ea Prophetarum appellatio fuerit, cum I.Sam.IX,9. dicatur: antiquitus in Israele sic dicebat quisque, quum profecturus esset ad consulendum Deum: agite eamus *עֲדָה־הַרֹּאָה* ad Videntem; nam qui *נָבִיא* Propheta bode, is antiquitus vocabatur Videns. Verum uti his verbis non negatur, vocem *כְּבוֹד* priscis quoque cognitam atque usitatam fuisse, sed solum in proverbio isto: *eamus advidentem*, eam fuisse adhibitam inficias itur; ita fieri potest, ut temporibus Mosis in usu fuerit apud Hebreos, deinde temporibus Iudicum frequentius usurpari coepit dictio *וְיָאמֵן* Videns, postmodum prior ista iterum in usum revocata, ut ita evenerit huic voci, quod observavit Horatius in *Arte Poët.*

Multa renascentur, quæ jam cecidere, cadentque

Quæ nunc sunt in honore vocabula, si volet usus.

Quæ haud inconcinna Clerici Comm. ad Gen. XX,7. responsio est: vel paulo generalior antiquitus vocis erat significatio, ut amicum Dei notaret, & rerum sacrarum interpretem, sed a Samuelis aut in sequentibus temporibus in frequentiori usu designabat arcanarum rerum indagatorem & indicem, per quem Deus consulebatur, circa illas res, quas, nisi Deo indicante, assequi mortales desperabant. Ita Witsius *Miscellan. Sacr. Lib. I. cap. I. §. 17. p. 9. sqq.* Tandem objecerunt nonnulli ex Gen. XL, 15. verba Josephi, qui Cananæam terram Hebræorum dicit, cum tamen ea tempestate nec dum in gentem propagati essent Hebræi, sed una Jacobi domo continerentur, nec terram istam occupassent suamque reddidissent: unde constet, post Mosis obitum & Josuæ occupationem, terra hæc scripta esse. Anne vero regio, in qua Hebræi ab annis aliquot Larem posuerant, & ubi longe lateque greges suos pascebant, terra Hebræorum dici potuit? Nec adeo ignote Patriarcharum sedes vicinis regibus erant, quibuscum haud raro foedera pepigerant, Gen. XXI, 32. XXVI, 28. &c. ut non comodiore alio, vel notiore quam terræ Hebræorum cognomine Josephus eum Cananæa tractum designare posset, quem pater ipsius cum fratribus, consentientibus veteribus colonis, tenebat. Et hæc fere sunt, quæ ex Genesi contra receptam de Mose, ejus Scriptore, sententiam in aciem producuntur. Ceterum quas transpositiones pericoparum Peyrerius, scilicet capitulis XX. & XXVI. & Rich. Simonius criminantur, cui historia creationis c.I.II. historia nativitatis Isaaci Gen. XXI, 3. 4. 5. narratio foederis Jacobum inter & Labanem percussi Gen. XXXI, 46. mors Isaaci Gen. XXXV, 29. tempus Judæ a fratribus discedentis

*ex Gen. XL,
15.*

H 3 c. XXXVIII,



c. XXXVIII, i. inversi ordinis exempla subministrant; eae nec demonstrari singulæ, quod cohærentia textus docet, nec, si quæ demonstrentur, eo trahi possunt, ut Mosen libri autorem inde negemus. Optimis sanc ac præstantissimis Scriptoribus in more videmus positum, pro re nata περιλήψεις, ύπεροχογνῶσης & anticipations adhibere, neque tamen inde ordinis quædam luxatio, turbatis foliorum partibus, colligitur; & quæ tandem hæc consequentia erit: dicta quædam sunt in his libris per anticipationem & extra locum tempusque suum, ergo Moses non est librorum scriptor? Quanquam, uti dictum, demonstrare postulatum suum, nedum conclusionem isthanc firmiter inde elicere, ad hunc diem nondum potuerint adversarii, quicquid demum nugentur. Conf. Heidegger. Exerc. Bibl. IX. §. 20. p. 263. & §. 31. sqq. p. 272.

III.

Consignationis
subsidia:

Nullum itaque dubium superest, Mosen Spiritu S. suggestente Genesia exarasse: sed quibus adjutus subsidiis eandem composuerit, non una omnium est sententia. Sunt, qui Patriarchas suis quemque ævi annales condidisse, quibus Moses in rerum longe ante se gestarum enarratione usus sit, existimant; quorum sententiae Clericum adstipulari cap. præc. observavimus; qui licet, qualia & quot fuerint ea Patriarcharum scripta, definire non ausit, conjicit tamen, nonnulla carminibus ὁμοιοτελέστοις exarata fuisse, cum & apud omnes fere gentes antiquissimarum historiarum fragmenta versibus contineantur, & apud Hebræos tempore Mosis usitatum fuisse, ut magnarum rerum memoria carminibus celebraretur, ex Mosis ipsis canticis constet Exod. XV. Deut. XXXII. In partes porro vocat Musicæ antiquitatem antediluvianam, quæ parem Poëseos ætatem suadeat. Ad postremum tamen fatetur, Chronologiam, tot annorum calculo constantem, versibus includi vix potuisse. Sed ea omnia, magno quanquam apparatu suffulta, uno Θεοπνευσίᾳ ariete concussa corrunt, qua si gavisum serio credamus fuisse Mosen, de inquirendis majorum monumentis, quorum adminiculo usus sit, parum solliciti erimus. Quin imo si præsto quoque fuerint Patriarcharum annales, non tamen istorum fide potius, quam immediata Spiritus Sancti suggestione & inspiratione niti Mosen oportuit, ut ipsius πᾶσα γένεθλιον esset Θεόπνευστος, 2. Tim. III, 16. non voluntate hominum allata, sed a Dei Spiritu sibi revelata, 2. Petr. I, 21. Quare nec iis accedimus, qui ex traditione πατροπαράδοτω ea, quorum ipse pars non fuit, hausisse Mosen & in literas redigisse credunt. Quaravis enim nonnulla de his, quæ tradidit in Genesi, habere



bere potuerit ab Amramo patre suo, qui proavo Jacobo per tempus aliquod coævus eundem, uti Jacobus Abrahamum, & hujus pater Thara Nomam audire potuit, cuius pater Lamech LVI. annos cum Adamo transegit; quibus Patribus Deus mandaverat, opera sua nota facere filiis, ut cognoscat generatio altera, Pf. LXXVIII, §. Gen. XVIII, 19. rectius tamen soli θεοπνευστικά omnia tribuimus, absque qua fuisset, tot temporum, locorum, personarum, nominum præsertim & genealogiarum circumstantias, nulla hominum memoria complecti facile, aut absque lapsus & erroris periculo suppeditare potuisset. Fuit igitur, sicut & reliqui Scriptores Sacri παραπολεθηκάς ἄνωθεν πᾶσιν αἰγιζόμενος, affectus omnia cælitus accurate, Luc. I, 3. ut recte concludit Heidegger. Enchir. c. 2. §. 2. p. 17. Quid tandem de Cedreni habendum sit traditione, ex suppositio quodam, cui Parva Genesis nomen erat, monumento hausta, quasi Moses post institutionem Ægyptiacam, hominum consuetudine relictâ, in solitudinem se contulerit, ibique a Gabriele Angelorum principe, ejusque revelatione, originem mundi, primum hominem ejusque statum, diluvium, linguarum confusione, legem, quam Judæis erat traditurus, siderum motum, elementa, Arithmeticam, Geometriam, omnesque didicerit scientias, solide & prolixe monuit Waltherus Offic. Bibl. §. 656. p. 469. sqq. Sed nec de tempore, quo librum conscriperit, satis convenit inter omnes. Benedicto Pererio prefat. Comment. in Genes. §. 12. p. 4. vero videtur simile, ante discessum Hebræorum ex Ægypto, cum in terra Midian greges soceri sui pasceret, eum composuisse; quod & otio tum abundaret ac solitudine, duabus ad commentandum scribendumque rebus maxime opportunis; & vitæ Patriarcharum, quas Genesis exponit, egregia continentis virtutum, patientiæ ac bene vivendi documenta, multum prodesse potuerint Israelitis in Ægypto affictis. Porro Eusebium eidem favere sententiae contendit, dum lib. VII. Præparat. Evang. cap. 7. (ex Trapezuntii distributione cap. 2.) Mosen priscorum Hebræorum vitas, ὡς ἐν πρεσβυτερίοις τῶν ἱερῶν νόμων, que sacris legibus cuiusdam quasi præmit loco essent, memoriam commendasse, iisque divina partim beneficia, partim nonnullorum, qui omnem cum divinitate pietatis sensum abjecerant, scelera simul ac peinas intexuisse, testatur, ratum iis, qui legibus suis instituendi essent, eam cognitionem apprime necessariam futuram, ut eos & ab improborum imitatione deterreret, & ad confessanda proborum exempla stimularet. Verum ut in dubiis Eusebii verbis parum præsidii est: sic rectius omnino sentiunt Theodoretus quest. i. in Genes. & recentioribus To-

tempus.

august

status



status ad cap. XIII. Genes. quest. 132. ac nostratum fere omnes, quod post vocationem divinam, concessamque virtutem propheticam, imo post latam demum legem, cum in deserto populum circumageret, cultumque Numinis instauraret, librum hunc conscriperit, qui & propheticus est, nec alium quam Prophetam Θεόν λητον & Θεόπνευστον agnoscit autorem, & haud obscura latæ legis vestigia exhibit. Tractat hanc quæstionem fusius Jac. Bonfrerius append. ad cap. VII. præloqu. in Script. S. p. 1066. & Dav. Pareus Prolegom. in Genesin p. 14. Quo demum consilio, quibusve adductus rationibus, mundi generisque humani & ecclesiæ cum primis origines & progressus ordine prosecutus fuerit Moses, Theologi nostrates copiose tradiderunt, b. Gerhard. Exeg. Loc. I. de Scriptura S. S. 119. p. 133. & Commentar. in Genes. proleg. p. 4. sq. b. Calovius Comm. in Genes. prolegom. p. 121. b. Waltherus c. l. §. 659. p. 477.

IV.

Contenta libri historica Stephanus Act. VII, 2 - 17. didactica Paulus Ebr. XI, 3-23. in compendium rededit, de quibus paulo post ex partitione & tabula Synoptica constabit. Licet vero Mosaica multa circa naturæ originem & Deum rerum omnium opificem Plato in Timæum atque in Critiam suum transtulisse videatur, ingens tamen inter Scriptorem propheticō lumine collustratum, & Philosophum gentilem, qui veritatem in iniustitia detinuit, differentia intercedit, quam clarius expedivit Dav. Pareus Proleg. in Genes. p. 15. sqq. Scopus porro Mosaicus eo tendit, ut redemptoris mittendi necessitatem, ex generis humani lapsu; certitudinem & qualitatem, ex promissionibus Patriarchis divinitus factis; cultum & fiduciale applicationem, Patriarcharum exemplo demonstraret: simul etiam ortum ecclesiæ & varium per tot secula progressum, in Dei creatoris unice colendi gloriam, perpetuamque ecclesiæ ædificationem explicaret. Quare haud alium libro inscribi posse titulum convenientiorem censem D. Brentius Commentar. p. 2. quam: liber Evangelii, de promissionibus Christi. Et Cyrillus Alexandrinus Genesios explicationem (T. I. Opp. Part. post. p. 1.) ita ausplicatur, ut lib. I. γλαφεων Sermone I. doceat, ὅτι διὰ πάσης τῆς Μωσέως γέαθης τὸ τέχνης μυστήριον αινιγματῶδης σημαίνεται, quod per omnia Mosis scripta mysterium Christi figurate significetur. Hinc parum considerate Origenes, quæ in hoc libro historicæ exponuntur, in allegorias transformat, ut haud immerito b. Lutherus lib. de servo arbitrio T. III. Jen. nullos scriptores ecclesiasticos ineptius & absurdius tractasse sacras literas, quam Origenem & Hieronymum judicet;

& rur-



& rursus alibi hos duos autores fuisse pestilentis hujus exempli afferat, ne simplicitati scripturarum studeretur. Vide quæ de allegorica ejus scripturam interpretandi ratione commentatur Huetius *Origenianor. Lib. II. cap. 2. qu. 13. p. 170.* Nec majorem meretur laudem Jacobus Brocardus, Italus, sed reformatam religionem amplexus, qui circa finem Seculi XVI. in Belgio vixit, editaque *mystica & prophetica Geneseos interpretatione* id egit, ut Mosaicam rerum gestarum enarrationem in futurorum eventuum, maxime sui temporis, v. g. de bello Hispanico, de Antwerpia, de Philippo rege Hispaniae, de Principe Auriaco &c. prædictiones & vaticinia permutteret: quasi scilicet Spiritus S. omnes particulares res gestas per varia secula unico sensu literali, toties & sigillatim mystice ad unamquamque applicando, intendisset. Sed ecclesias Belgicas in Synodo Nationali Middelburgensi A. 1581. congregatas talem rationem prædicendi & scripturam interpretandi illico improbase, & Brocardum per Lambertum Danæum, tunc Professor. Leidensem, & Martinum Lydium ecclesiasten Amstelodamensem postea Theol. Professor. Franequeranum, de hac πρεγεγγία & vertigine monendum censuisse, tradit Voetius *Select. Disputat. P. II. disp. 68. p. 1075.*

V.

Res gestas complectitur Genesis ab orbe condito ad mortem Josephi, annorum 2369. quorum computus ad textus Hebraici normam Chronologia. compositus, ex Usserii, quem sequimur, calculo ita habet:

Ætas mundi PRIMA Antediluviana:

A.O.C.		Ætas Pa- triarch.	Genel.
1.	nocte illa, quæ d. 23. Octob. præcedit (quod supponitur) cœlum ac terra cœrantur: sexto post die etiam Adam.		
130	Seth nascitur, ætatis Adami anno	130	c. V, 3.
235	Enos nascitur Serho, annos nato	105	c. V, 6.
325	Cainan nascitur Enoso, annos nato	90	c. V, 9.
395	Mahaleel nascitur Cainano, annos nato	70	c. V, 12.
460	Jared nascitur Mahaleeli, annos nato	65	c. V, 15.
622	Enoch nascitur Jaredi, annos nato	162	c. V, 18.
687	Methusalah nascitur Enoch, annos nato	65	c. V, 21.
874	Lamech nascitur Methusalæ, annos nato	187	c. V, 25.
1056	Noachus ab Adamo decimus nascitur Lamecho, annos nato	182	c. V, 29.
			1556 Ja-

I



1556 Japhet primogenitus nascitur Noacho, annos nato

500 c. V, 32.

1558 Semus secundo-genitus nascitur Noacho ; quippe qui biennio post diluvium centum annorum fuisse dicitur

c. XI, 10.

1656 diluvio orbis perit, anno ætatis Noachi 600. adeoque post natum Japhetum anno

100 c. VII, 6.

mense 2. die 17. ingressus est Noah arcam, &

II.

pluviam 40. dies & noctes terræ immisit

Deus, & prævaluerunt aquæ super terram

150. diebus (inclusis illis 40. dieb.) vel 5.

mensibus

mense 7. d. 17. aquis deficientibus arca requievit in uno montium Ararat

c. VII,

mensis 10. d. 1. vertices montium conspecti sunt, cum arca jam 74. dies in montibus constitisset

II. sqq.

mensis 11. die 11. h. e. post 40. dies emissus est

c. VIII,

corvus: d. 18. post septem dies columba emissa, quæ reversa est d. 25. post alios 7.

4.

dies iterum columba emissa, quæ reversa

c. VIII,

folium olivæ retulit

5.

mensis 12. d. 2. columba post octiduum denuo

c. VIII,

emissa, non rediit

7. sqq.

12.

Hinc ab Orbe condito ad Diluvium annorum summa

1656

Anni Pa- triarch.

Genes.

A.O.C. Ætas mundi SECUND A, a restaurato mun- do, usque ad Abræ vocationem.

1657 mense 1. die 1. removit Noah operculum aræ

c. VIII,

mense 2. die 27. Noachus ex arca egressus sote-

13.

ria Deo immolavit, annos natus 601. Deus

c. VIII,

terræ se non amplius maledictum pro-

14. sq.

misit, atque iridem signum foederis con-

stituit

1658 Ar.



A.O.C.		Anni Patriarch.	Genes.
1658	Arphaxad nascitur Semo centenario, anno post diluvium	2	c.XI,10.
1693	Salah nascitur Arphaxado, annos nato	35	c.XI,12.
1723	Eber nascitur, Salah patre annos habente	30	c.XI,14.
1757	Phaleg nascitur, cum Noah terram inter nepotes distribueret, Ebero annos nato	34	c.XI,16.
1787	Regu nascitur, Phalego annos habente	30	c.XI,18.
1819	Serug nascitur, Regu annos habente	32	c.XI,20.
1849	Nahor nascitur Serugo annos habente	30	c.XI,22.
1878	Thara nascitur Nahori, annos nato	29	c.XI,24.
2006	Noah annos natus 950. moritur, annis post diluvium 350. Vixit cum Patre Lamech annis 595. cum avo Methusalah 600. cum Proavo Jared 366. cum Mahalaele 234. cum Cainan 179. cum Enos filio Seth nepote Adami 84. Rursus cum filio suo Semo 448. cum nepote Arphaxad 348. cum Salah 313. cum Eber 328. cum Phaleg 239. cum Regu 219. cum Serug 187. cum Nahor 148. cum Tharah 128.		
2008	Abram nascitur Tharae, anno ætatis ejus	130	c.XI,32. XII,1.4. & Act.
2083	Abram a Deo ex Ur Chaldæorum vocatus, Charanem proficiscitur, annos natus	75	VII,4. c.XV,7. Josue XXIV, 12.3.
Hinc a diluvio ad Abrahæ vocationem annorum summa est qui juncti superiori summæ, annos Orbis conficiunt 2083.		427	

I z

A.O.C.



A.O.C.	Epocha TERTIA Abrahami & seminis ejus.	Anti Patriarch.	Genes.
2108	Isaac nascitur Abrahamo centenario, & Saræ nonagenariae anno post exitum Abrahami	25	c.XVII,
2168	Ezavus & Jacobus gemelli nascuntur Abrahamo	17. 21.	
	160. Isaaco annos habente	60	c.XXV,
2259	Joseph nascitur ex Rahele, Jacobo annos habente 91. finito 14. anno servitutis apud Labanem	26.	
2289	Josephus annos natus 30. Pharaonis somnia interpretatus, Pro-Rex in Ægypto constituitur.	25. coll.	c.XXL,
2296	Initium septennii famis in Ægypto	6. &	
2298	tertio famis anno Jacobus cum familia sua in Ægyptum descendit, annos natus	130	c.XLVII,
2369	Josephus moritur annos natus 110. post Patris ac familiae in Ægyptum descensum, anno	9.	
	Hinc a vocatione Abrahæ ad mortem Josephi, qua Geneseos chronologia absolvitur annorum summa	71	c.L, 22.
	Cui si adjeceris summam Epochæ antediluvianæ:		
	Ut & Annos Epochæ Patriarchalis ad Abramum usque:	427	
	Prodicit Summa ab O. C. annorum	2369	

Hæc ad ductum textus Hebraici plana sunt, nec difficultate ulla laborant. Quam tamen, ne deesset scrupulus, injecerunt intempestivi μεταρρητος Patriarchalis impugnatores, quorum sententiam his verbis exponit Augustinus *Liber XV. de Civ. Dei cap. 12.* Neque enim ullo modo audiendi sunt, qui putant, aliter annos illis temporibus computatos, id est, tanta brevitas, ut unus annus noster decem illos habuisse credatur. Quapropter inquiunt, cum audierit quisque vel legerit, nongentos annos quemquam vixisse, deber intelligere nonaginta. Decem quippe illi anni unus est noster: & decem nostri centum illi fuerunt. Ac per hoc, ut putant, virginis trium annorum fuit Adam, quando genuit Seth: & ipse Seth viginti habebat



bebat annos & sex menses, quando ex illo natus est Enos, quos appellat Scriptura ducentos & quinque annos. Quoniam sicut isti suspicantur, quorum exponimus opinionem, unum annum, qualem nunc habemus, in decem partes illi dividebant, & easdem partes annos vocabant. Quorum partium habet una quadratum senarium, eo quod Deus sex diebus perficerit opera sua, ut in septimo requiesceret. &c. Cap. sequenti XIII. hanc allegat rationem diversitatis computi Hebraici & LXX. senum Græci; scilicet quendam mutasse in LXX. Interpp. versione numeros, idque ideo, quia putatur, hic accipi debere annos menstruos; insolitum enim ait & παρθένος videtur, quod homines tum vixerint 900. annos solidos. Sed cum ille ipse rursus sibi objici posse animadverteret: si anni fuerint menstrui, ergo qui centesimo anno dicuntur generasse, generarunt anno secundum nos octavo, vel decimo; inde, quo hoc effugeret incommode, ducenta pro centum supposuisse. Sed & Varronem in ea fuisse sententia, ut Lunares seu menstrui intelligantur anni, Lactantius testis est Lib. 2. Divin. Inſit. c. 13. Longam primorum hominum vitam fuisse, qua in mille annos propagaretur, divinis literis proditum & per omnium scientiam publicatum, cum Varro non ignoraret, argumentari nixus est, cur putarentur antiqui mille annos vicitasse? Ait enim apud Ægyptios pro annis menses haberet, ne non Solis per duodecim signa circuitus faciat annum, sed luna, quæ orbem illum signiferum triginta dierum spatio illustrat: quod argumentum perspicue falsum est. Et recte quidem falsum id Lactantius pronunciat. Quicquid enim sit de Ægyptiorum anno, de quo idem testatur Macrobius Saturnal. L. I. c. 12. & Plinius Lib. VII. His. Nat. c. 48. anni sane Biblici pluribus uno mensibus definiuntur, in ipsis etiam diluvianis Annalibus, in quibus præter mensem primum, mensis secundi Gen. VII, II. VIII, 14, mensis septimi c. VIII, 4. & decimi v. 5. fit mentio. Et validum omnino contra hanc sententiam, ab inepto generationi Patriarcharum a Moses tributo tempore petitum argumentum est, quod paulo ante ex Augustino tetigimus. Pone enim annum antediluvianum menstruum, vel decimam anni nostri partem fuisse, sequetur, Patriarchas vix 5. 6. 7. &c. annos habentes generasse, quod quam absurdum sit, quis non videt? Sed alia adhuc gravior superest chronologia Geneseos difficultas, ex discrepantia calculi Hebraici & Græci LXX. Seniorum tanta, ut posterior 606. annis supereret priorem, diluvium in annum orbis conditi 2262. coniiciens, quod anno jam 1656. contigisse, Hebræus textus supra docuit. Quæ ut eo clarius eluceat discrepantia, utrumque subjecimus & conferamus calculum:



		secundum Hebraeos	LXX.
Elapsi nimirum sunt anni a creatione ad natum usque Sethum	-	130	230
hinc ad Enosum	-	105	205
hinc ad Cainanem	-	90	190
ad Mahaleel	-	70	170
ad Jared	-	65	165
ad Enoch	-	162	162
ad Methusalem	-	65	165
ad Lamechum	-	187	187
ad Noachum	-	182	188
ad diluvium	-	600	600

Summa annor. ad diluvium: 16562262

Unde differentia 606. annorum inter utrumque calculum.

Et Græcæ quidem versionis patrocinium, etiam cum eonvicio Hebraicæ veritatis, in se suscepérunt Ludov. Cappellus, Isaacus Vossius & Brianus Waltonus: contra vero pro Hebraica stant annorum lectione ipse Augustinus *c. l.* nimium licet alias Græcæ τῶν LXX. versionis autoritatem *Lib. XVIII. de Civ. Dei c.43.* veneratus, & moderni Theologi ac Chronologi fere omnes. Vide b. Strauchium *Breviar. Chronol. lib. IV. cap. 3.* qu. 3. 4. 5. p. 386. sqq. & b. Calovium *Chron. Bibl. Scđt. II. qu. 2. p. 61. sq.* qui e consensu codicum Ebræorum, e versionum consonantia, e varietate Græcorum exemplarium, & varietate editionum LXX. Interpp. ex incertitudine vel vitiatione τῶν LXX. ex evidenti errore versionis Græcæ circa annos Methusalæ, validissime contra Græcum computum & pro Ebræo concludit. Unum tamen, quod haud exigui ponderis speciem præ se fert, dubium movent *οἱ* LXX. Cainanis inter Arphaxadum & Salam in Epocham postdiluvianam insertione, quem Hebraicus textus ignorat. Ita nimirum Gen. XI, 12. 13. Græca versio habet: ήρι ἔζησεν Αρφαξάδ ἐκατὸν τριάκοντα πέντε ἔτη καὶ ἐγέννησε τὸν Καΐνων. - - ήρι ἔζησε Καΐνων ἐκατὸν ηρι τριάκοντα ἔτη, ηρι ἐγέννησε τὸν Σαλδ. Et vixit Arphaxad 135. annos & genuit Cainanem: & vixit Cainan centum & tringinta annos & genuit Salam: quo ipso calculum Ebræum nova generatione pariter ac CXXX. annis auget. Maximum vero robur ex Lucæ repetitione hæc lectio nanciscitur, eundem Cainanem inter Arphaxad & Salam medium inserentes c. II, 36. ut Scaliger rei difficultate motus, nondum



dum hunc inter ἀπογα S. Scripturæ referat, & Elia aliquo vindice opus habere censeat. Verum cum Gen.l. c. & 1. Chron. I, 18. 21. in Hebraico non modo absit textu Cainan iste, sed & a Chaldais paraphrastis, a Josepho, ab Eusebio & Origene omittatur, supposititium illum esse, rectius creditur, quam ut in Græcæ versionis gratiam fontes corruptos statuamus. In Lucæ vero narrationem & textum intrusum eundem, vel e margine præter necessitatem a correctoribus aut notariis illatum fuisse, & vetustissimus Cantabrigiensis, quo Beza olim usus fuit, codex docet, Cainanem prorsus silens; & exacta Novi Test. cum Vet. harmonia suadet. Sed in his fusius deducendis otium nobis fecit vir eruditissimus Frid. Spanhemius *Dubior. Evang. P. I. Dub. XXXII. p. 137.* & e nostris b. Calovius in *Critico Sacro p. 750 - 761.* ubi quicquid ad hanc controvèrsiam pertinet, prolixe reperies expositum & ad examen vocatum. Nervose cum primis Spanhemius §. 25. p. 175. rationes in compendium misit, ob quas Cainanem & in versione LXX. & in Catalogo Lucæ expungendum censeat: autoritatem nempe 1. Mosis & Scriptoris Paralipomenon, 2. Paraphraseon Chaldaicarum, 3. Josephi & tot Patrum, 4. conturbationem Chronologiæ sacræ, 5. errores alios in LXX. versionem passim infartos, & illo ipso loco in numeris 6. majorem probabilitatem, errorem Lucæ per fraudem vel incuriam afflictum, quam sacrum Scriptorem ultro eum sequutum fuisse.

VI.

Divina & canonica, quam vocant, Geneseos quin & totius Pentateuchi autoritas ex iis, quæ cap. preced. §. III. allata sunt, haud obscure elucescit; nec divinum, quo Spiritus S. Mosen mactavit Num. XII, 7. Hebr. III, 5. elogium, mala ipsum fide pro Θεοπνέυστοις venditasse humana ingenii sui figmenta, suspicari sinit. Præterea per universam Scripturam libri Mosaici a Deo ipso ac Prophetis, in novo autem Fcedere a Christo Θεοπνέω ejusque Apostolis canonicae autoritatis testimonium ferunt, adeo ut Salvator in disputationibus cum Phariseis & Sadduceis ad unum fere Mosen, ceu fidei normam provocet, Matth. XIX, 4. 5. XXII, 29. suæque passionis & resurrectionis mysterium ex canone Mosaico, ad divinam discipulis fidem ingenerandam, demonstret Luc. XXIV, 27. 44. quod & Apostoli in Actis atque Epistolis suis frequentissime observant. Accedit testimonium universæ tot seculorum ecclesiæ Judaicæ, cui credita fuisse eloquia Dei (& in his Mosaica) Apostolus asseverat Rom. III, 2. Ut taceam, quæ ex intrinsecis κριτήσις, rerum puta majestate, sermonis di-

vini

Divina au-
toritas
asserta,

vini charactere, yaticiniorum veritate &c. peti solent argumenta. Quæ prolixè persequuti sunt ex Reformatis Doctoribus Heideggerus Exercit. Bibl. X. p. 275. & P. Allix *Réflexions sur les livres de l'Écriture Sainte* P. I. c. 5. sqq. & P. II. tot. ex nosfratribus b. Waltherus offic. Bibl. §. 658. p. 472. b. Lyserus in *Adamo Proem. p. 6.* b. Calovius *Comm. in Genes. proleg. p. 109. sqq.* b. Gerhardus *proleg. in Gen. p. 2. sq.* qui omnino videantur. Neque tamen sic a blasphemis Juliani τῷ ἀθεϊσμῷ Athei & Apo-
a Juliano impugnata. statæ insultibus fuit immunis, creationis historiam cum primis suggil-
lantis & cum Platonis de mundi opificio somniis contendentis. In re-
censendis pariter ac refutandis iis, quæ ad infringendam divinam Mo-
saicorum autoritatem in medium ab ipso proferebantur, prolixè versatur Cyrus Alexandrinus Lib. II. contra Julian. edit. Lipsiens. Spanhem. p. 49. sqq. ubi minus accurate rerum omnium productionem Mosen de-
scripsisse, hunc in modum Julianus criminatur: *Nec enim abyssum factam*
ait a Deo, nec tenebras, nec aquam; tamen si, cum lucem Dei iussu factam
scripsisset, idem plane de nocte, abyssο & aqua dictum oportuit: verum ta-
men de illis, quasi de rebus factis, nihil prorsus loquitur, cum identidem ea
commemoret. Quid quod ne Angelorum quidem meminit, quomodo crea-
ti aut facti, nedum qua ratione producti fuerint; sed corpora duntaxat
commemorat, quæ cœlo aut terra continentur, ita ut secundum Mosen nul-
lam rem incorpoream Deus fecerit, sed materiam tantum subjectam diges-
serit: ad quæ Cyrus ita respondet, Mosen ut non minute de rerum
natura disputare propositum habuisse, aut de primis principiis & ele-
mentis, sed scopum illi fuisse contendat τὸν τῶν τηνιάδεν τὴν τῆς
ἀληθείας ἐπιστῆσαι δόγματι, eorum, qui tum erant, hominum mentem
doctrina veritatis informare, cum religionis ignorantia laborantes, crea-
turi servierint plurimi. Utilissime ergo nimiam istam subtilitatem ab
oratione sua removisse, ad scribendas res magis necessarias conversum.
Neque sane ad salutem ea irobis cognitu necessaria est tractatio, nec in
tanta narrationis brevitate possibilis, nec ad scopum tandem Scripturæ
generalem quicquam faciens. Angelorum vero mentionem expressam
facere e re non erat, obscuram tamen non neglexit, dum c. II. i. cœlum
ac terram cum omni exercitu illorum a Deo ortum trahere asseruit.
Negabat porro Julianus, fide digna esse, quæ de Paradiso a Deo plantato,
de homine ex luto facto, de muliere illi in adjutricem data, quæ tantum
abest, ut ipsum adjuverit, ut potius deceperit; sic & quæ de locu-
tione serpentis cum Eva in Genesi traduntur: *τάντα γὰρ εἰς μυθώδη*
παντελῶς



πάντελῶς, hæc enim fabulosa plane esse, concludit. Quibus profligandis librum III. integrum insumit Cyrillus, eruditè perquam regerens, longe hæc credibiliora esse Pandora Hesiodi, luto Promethei, horto Jovis, locutionibus equorum, fluminum, arborum, de quibus prodigiōse fabulantur Poëtæ, neque tamen ea propter fidem ipsis denegari. Mulierem porro Adamo datam adjutricem ad liberorum procreationem, non ad consilium & deliberationem. Dæmonem in serpente locutum, eoque in seducenda Eva organo usum, quæ animalium facultatem nondum experita, arbitrata forsitan fuerit, aliis quoque animalibus datum vocis humanæ usum. Fabulosum namque in Scriptura nihil esse, veritatis plena esse omnia: εἰ δὲ αὐτὸς ἀπιστεῖ, Φάίνεν ἄν, ὅτι ὁ πάντως διὸ τέτο εἴεν ἄν αὐτέφια τάληθη ὁ δὲ τοῖς ἀληθέσιν ἐχ ὄμολογῶν, γελῶτο ἄν ἐν δικῇ. quod si ipse non credit (Julianus) non propterea percipi veritas nequit. Ille autem veris non assentiens, merito rideatur, subjicit p. 88. Et satis infelicitate de sacris literis omnino ageretur, earum si autoritas & fides cuiuslibet Apostatæ staret aut caderet existimatione. Sed missis istis ad alia transimus.

VII.

In partienda Genesi alii aliam ingressi sunt viam. B. Erasmus Mar-Partitio. bachius *Comm. in Gen. p. 3.* partes principales constituit duas: I. historiæ mundi recens conditi & in primo flore suo constituti; II. mundi post peccatum sub servitute corruptionis & vanitatis constituti; quæ rursus p. ante - p. postdiluvianam historiam complectitur. B. Polycarpo Lysero vero, quem & nostratis Gerhardus, Waltherus, Friedlibius, Calovius & e Reformatis Dav. Pareus sequuntur, commodior secundum Patriarchas visa fuit distributio, ita ut Pars I. Adamum c. 1 - 6. II. Noachum a c. 6 - 12. III. Abrahamum c. 12 - 25. IV. Isaacum c. 25, II - 28, 9. V. Jacobum c. 28, 10 - 37. VI. Josephum sistat a c. 37. ad libri finem. Heideggerus *Enchir. Bibl. p. 19.* argumenti rationem habens, Partem I. originis rerum omnium facit c. 1. & 2. II. mundi prioris c. 3 - 7. III. mundi posterioris sub Patriarchis a Noa ad Josephum c. 8 - 50. Nobis ea cumprimis partitio se probat, quæ temporum seriem substernit, & in certas historiæ periodos librum dispescit, ita ut P. I. originem mundi & ecclesiæ ad diluvium c. 1 - 8. II. mundi & ecclesiæ a diluvio restorationem usque ad Abrahamum c. 9 - 11. III. ecclesiæ per foedus gratiæ cum Patriarchis initum confirmationem, & vitas Patriarcharum ab Abrahamo ad Josephum c. 12. ad finem, exhibeat.



VIII.

Tabula Genesist historiam orbis & ecclesiæ cum primis exponens, utriusque Synoptica tradit

I. originem : ad quam spectat descriptio

- α) universalis creationis c. 1.
- β) status innocentiae c. 2.
- γ) lapsus c. 3.
- δ) hominum propagationis p. per Protoplastos c. 4.
p. per Sethum & Patriarchas c. 5.
- ε) diluvii, delineati qua antecedentia c. 6.
qua factum ipsum & modum c. 7.
qua consequentia c. 8.

II. restorationem, factam per

- α) divinam benedictionem c. 9, 1-17.
- β) Noæ & familiæ conservationem c. 9. 18 - fin.
- γ) generis humani per filios Noachi propagationem c. 10. & 11.
ubi simul turris Babelicæ exstructio c. 11, 1-9.

III. confirmationem & gubernationem sub Patriarchis : & quidem sub

- α) Abrahamo: ubi
 - 1. in terram Canaan c. 12, 1-9. & Ægyptum profectio v. 10 - fin.
 - 2. Abrahæ ac Lothi separatio c. 13.
 - 3. bellum Pentapolitanum & Melchisedeki benedictio c. 14.
 - 4. semenis benedicti sacrificio firmata promissio c. 15.
 - 5. conjunctio cum Hagare ancilla, ejusque fuga c. 16.
 - 6. nominis Abrahæ immutatio & circumcisionis institutio c. 17.
 - 7. Sodomæ excidium p. Abrahamo revelatum c. 18.
p. reapsē peractum c. 19.
 - 8. Saræ raptus Abimelechicus c. 20.
 - 9. Isaaci nativitas c. 21, 1-8.
 - 10. Hagaris cum Ismaële ejectio c. 21, 9 - 21.
 - 11. Abrahami cum Abimelecho fœdus c. 21, 22-34.
 - 12. Abrahami ad mactandum filium tentatio c. 22.
 - 13. mors ac sepultura Saræ c. 23.
 - 14. Isaaci matrimonium, pronubo Eleasare contractum c. 24.
 - 15. Abrahami mors c. 25, 1-11.
 - 16. Abrahami ex Ismaële posteritas c. 25, 12-18.

β) Isaaco



g) Isaaco: ubi

1. filii, seu Esavi & Jacobi nativitas c. 25, 19 - 28.
2. prima inter filios dissensioñum semina, primogeniture venditione excitata c. 25, 29 - 34.
3. Isaaci peregrinatio & gesta in terra Gerar, c. 26, 1 - 23.
4. Esavi conjugium c. 26, 34 - fin.
5. Isaaci benedictio filiis impedita c. 27.

γ) Jacobo: ubi ejus

1. in Mesopotamiam fuga c. 28.
2. geminum matrimonium c. 29, 1 - 30.
3. familia c. 29, 31 - fin. c. 30, 1 - 24.
4. redditus in Canaanem
 1. qua antecedentem mercedis consequotionem c. 30, 25. sqq.
 2. qua concomitantia: scilicet institutum iter c. 31, 1 - 21.
Labanis hostilem infecutionem c. 31, 22 - fin.
luctam divinam c. 32.
Esavi occursum & reconciliationem c. 33.
Dinæ stuprum & Sichemitarum cædem, c. 33,
17. fin. & c. 34. tot.
 3. qua consequentia, scilicet in Bethel habitationem c. 35, 1 - 15.
Rahelis mortem & sepulturam c. 35, 16 - 20.
Rubenis incestum v. 21 - 26.
Jacobi ad patrem redditum v. 27 - 29.
 5. fratris Esavi familia & posteritas c. 36.

δ) Josepho: ubi

1. res adversæ Josephi & Jacobi: nimirum
 1. Josephi venditio c. 37.
 2. Judæ infausta soboles & incestus c. 38.
 3. Josephi captivitas c. 39.
2. res eorundem secundæ: nimirum
 1. Josephi in interpretandis somniis donum propheticum, c. 40. & c. 41, 1 - 36.
 2. Josephi exaltatio c. 41, 37 - fin.

K 2

3. fra-



a. fratrum Josephi tentationes :

prima c. 42. secunda c. 43. tertia c. 44.

b. Jacobi in Ægyptum descensus

qua apparatum & antecedentia c. 45.

qua actum & concomitantia c. 46.

qua consequentia c. 47.

c. Jacobi beata *ἀνάλυσις*, descripta

qua antecedentem benedictionem

partim filiorum Josephi c. 48.

partim singularum tribuum c. 49, 1 - 27.

qua factum ipsum c. 49, 28 - fin.

qua consequentia c. 50.

a. Jacobi sepulturam c. 50, 2 - 14.

b. fratrum Josephi deprecationem v. 15 - 21.

c. Josephi mortem v. 22 - fin.

XI.

Commentatores :
Patiens,

In Commentariorum recensione sicco præteribimus pede, quos *cap. preced. §. 9.* in Pentateuchum allegavimus. E sanctorum Patrum ordine ORIGENEM XIII. commentariorum libris Genesin explicasse ; præterea quoque mysticarum homiliarum adjecisse libros duos, autor est Hieronymus apud Rufinum *Inventivar. lib. II.* Dolendum vero, hunc utrumque temporum injuria intercidisse laborem, nec superesse hodie nisi XVII. homilia, ex Latina Rufini versione, quæ *Opp. Origenis Latina editione*, Parisiis A. 1512. exscripta *T. I.* exhibentur. Has vero etiamnum superstites e mysticarum numero ac censu esse, contra Sextum Senensem negat Huetius *Origenian. lib. III. cap. 2. Sett. 3. §. 1. p. 244.* ex tempore recitatas eas, existimans, & ab actuariis in literas relatas, cum mysticæ ex adverso meditate ac per otium elaboratae fuerint. E commentariorum vero libris fragmenta nonnulla, ab Eusebio *lib. VI. & VII. de Preparat. Evang. & Philocalie* c. 14. asservata, Huetius exhibit *Commentar. Origen. P. I. sub init.* non tam ut famem sedaret, quam ut ex ungue cognoscendum sisteret leonem. Meliore antiquitas fide JOANNIS CHRYSOSTOMI in Genesin lucubrations ad posteros transmisit, in cuius *T. II. Opp. homiliae LXVII.* in hunc librum, tum & sermones variii in quædam Geneseos loca, integre extant. Gregorium utrumque, Basilius & alios taceo, quod in exigua saltem Geneseos pericopas, & in hexaëmeron cumprimis commentati sunt, librum integrum intactum relinquentes. Catenam vero Græcorum Patrum in Gene-



Genesin Aloysius Lippmannus edidit, recusam II. Tomis in quarto Lugduni Anno 1637. E Latinis AVG VSTINVS præter quæstiones, cap. preced. §. 9. citatas, libros XII. de Genesi ad literam composuit, qui T. II. Opp. p. 499. conspiciuntur: ejusdem porro operis imperfecti liber unus T. cit. p. 477. extat. Quin & XXXIII. ejus adversus Faust. Manichæum libri huc spectant, quibus blasphemias & convicia hominis in Deum ac Patriarchas retundens, Genesin egregie illustrat. A M B R O SIVS hexaëmero libros VI. (T. IV. Opp. p. 3.) de Paradiso librum I. (c. l. p. 92.) de Cain & Abel libb. II. (p. 114.) de Noë & Arca lib. I. (p. 142.) de Abraham Patriarcha libb. II. (p. 172.) de Isaiae & anima lib. I. (p. 213.) de Josepho Patriarchal. I. (p. 245.) de benedictionibus Patriarcharum lib. I. (p. 261.) post se reliquit. Huc etiam refertur ALBINI ALCVINI Angli, qui circa annum Chr. 780. Abbas Monasterii S. Martini apud Tironenses fuit, Bedæ Auditor & Caroli M. Præceptor, interpolatae expositionis ex Patrum sententiis in Genesin brevis Commentarius, forma dia-logistica conscriptus, qui To. VII. Bibliothecæ PP. Bignæ Coloniæ A. 1565. impressæ exhibetur.

E nostris primas tenet b. LVTHERVIS, absolutissimo in Genesin Commentario, qui T. IV. & IX. Altenburgensi, & T. VI. Lat. Wittenbergensi sistitur, & communi Theologorum, quoquot pii cordatique fuerunt, calculo & consensu approbatur. *Præclarus Commentarius in Form. Concordiæ audit p. 668.* B. Chyträus, judiciosissimus sane Theologus, in dedicatione enarrationis sua in Genes. hoc eum elogio mactat: *Exstat in Genesin enarratio Rev. Viri D. Mart. Lutheri, quam postremo sue vite decennio in Academia Vitebergensi, velut Cygneam cantionem, omnibus numeris absolutissimam edidit.* In qua divinus ille interpres, nostro tempore ad instauracionem veræ de Deo doctrina excitatus, preter amplissimum sanctæ eruditionis & sapientiae spiritualis thesaurum, uberrimam orationis copiam, & exactam omnium locorum & questionum intricatarum explicationem: adhibuit etiam & penitus orationi sua inseruit mirificam devotientia & vim permovendi animos lectorum, & ad veram pietatem, timorem Dei, fidem & ceteras virtutes inflammandi. - - Quod si in omni genere doctrinarum optima queque scripta sibi ad discendum & imitandum singuli proponere debent: adhortandi certe sunt omnes pii, ut hanc Lutheri cantionem Cygneam attente & diligenter legant, & sibi familiarem reddant praeter ceteris aliorum quorundam auctorum scriptis, eruditis quidem ac copiosis; sed tamen, quod ad sapientia cœlestis & rerum



INTRODVTIO AD LIBROS BIBLICOS

De Genesi. 78

gravissimarum majestatem & vim permovendi ad pios & spirituales motus
 incendendi animos lectorum attinet, tantum cedentibus Lutheri scripto,
 quantum ceterae stelle Φωτός seu solis potius lumine & splendore supe-
 rantur. Timoth. Kirchnerus prefat. in thesaurum Lutheri Germanicum
 A. 3. b. de hoc Lutheri commentario ita sentit: das Buch mag man wohl
 heissen das Consummatum est D. Lutheri. Denn zu dem Buch müssen
 alle Theologi in die Schule gehen/ und wirds keiner aussstudieren/
 des bin ich sicher und gewiß. In dem Buch hat der Mann Gottes
 fast die fürnehmsten und größten Artickel unsers Christlichen Glau-
 bens so deutlich und reichlich gehandelt/ daß seines gleichen/ ausge-
 nommen die heil. Bibel, nicht auf die Welt kommen ist/ auch frey-
 lich nicht kommen wird. - Es wird wohl Thesaurus Thesaurorum,
 und ein unerschöpflicher Brunn alles Trostes neben der Bibel seyn
 und bleiben. Sic & b. Dan. Cramerus in *Isagoge Pet. Palladii ad libros Prophet. & Apost.* p. 26. commentatorem in Genesin Lutheri præ-
 stantiorum extare negat, qui totum decennium tractavit explicationem
 hujus libri publice, & illi libro tanquam ultima sue & Cygnæ cantioni
 pie immortuus est. Quem librum qui non legit, Theologi nomine indis-
 ignus est. Succedit HIERONYMVS WELLERVS, in cuius To-
 mo Opp. Germanico succincta quidem & per brevis, pia tamen Genealogie
 enarratio exhibetur a p. 3-32. Amplior utique NICOL. SELNEG-
 CERI Commentarius est, cum Chronologia ab initio mundi usque
 ad exitum populi Israelitici ex Ägypto, Lipsiae in fol. editus A. 1579.
 DAVIDIS CHYTRÆI annotationes Wittebergæ in 8. recusæ
 sunt A. 1590. GEORGII FABRICII commentarius Lipsiae A. 1584.
 & 1596. in 4. typis exscriptus est. SALOM. GESNERVS dispu-
 tationibus publicis 38. Wittenbergæ 1604. Genesin explicavit. Paulo
 post DAVID. RVNGII prælectiones in Genesin Wittebergæ in 8.
 A. 1608. prodierunt. HERMANNI HAMMELMANNI an-
 notationes in Genesin, quibus in ceteros Mosaicos libros juncta est Isa-
 gope Lipsiae in fol. excusæ sunt A. 1600. Hos tamen doctrinae rerum
 que copia longe superat b. POLYCARPVVS LYSERVS Senior,
 qui duobus voluminibus in 4. Lipsiae A. 1604. sqq. editis, vitas Patriar-
 charum persequens, justo commentario Genesin ordine & perspicue il-
 lustravit. B. AEGIDIUS HVNNIVS capp. XXI. saltem priora
 hujus libri questionibus elucidavit, quæ lucubratio, lectionibus publi-
 cis destinata, Marpurgi seorsim prodiit in 8. A. 1592. Operum vero To.I.
 fere



fere sub finem exhibetur p. 1424. Posthumum opus b. JOH. GERHARDI in Genesin, e scriniis paternis produxit & ab interitu vindicavit filius Johannes Ernestus, Jenæ A. 1654. Porro CHRISTIAN. CHEMNICIUS quæstiones in Genesin decem disputationibus Jenæ A. 1665. expedivit. Quo paulo uberior est ABRAHAM CALO-VII Commentar. in Genesin, e prælectionibus ipsius publicis concinnatus, & Wittebergæ in 4. A. 1671. excusus. ISAACVS FROEREI-SENIUS Theol. Argentoratens. vindicias synopticas pro S. Geneseos codice, contra Rob. Bellarmini iniquissimum ejus abusum in IV. tomis Controversiarum proditum, Argentorati evulgavit in 4. A. 1634. 1638. Qui homilis ad populum de fugienti, vel in hos usus librum explicarunt, sunt D. VINCENTIUS SCHMVCCIVS, qui historiam Patriarchalem 379. concionibus absolvit, Lipsiæ editis in 4. A. 1604. 1609. D. SIMON GEDICCVS qui 240. concionibus in V. Partes distributis enarravit, Lipsiæ in fol. 1611. D. SIMON MVSÆVS, qui 116. concionibus totam Genesin complexus est, Magdeburgi in fol. A. 1595. JOHANNES COGELERVS Catechismœ Genesin applicavit in Erflährung des I. Buchs Mosis/ durch alle Stücke des heiligen Catechisini/ Rostochii in 4. A. 1604. Ut Johannem Matthæum, Lucam Osiandrum, Johannem Cronerum, Gregorium Strigenium & alios taceam, qui diluvii historiam seorsim multis homiliis prolixe enarrarunt. Spectant huc VALERII HERBERGERI Magnalia Dei Part. I - IV. CASPAR. Goldwurms fürnehmste Allegorien oder geistliche Bedeutungen des ersten Buchs Mosis. Francfurt in 4. A. 1571. & si quæ sunt alia.

Inter Pontificios THOMÆ AQVINATIS celeberrimum no-^{Pontificii,}
men est, cuius *expositio aurea Geneseos, literalem sensum atque spiritu-
alem complectens*, edita est opera Antonii Senensis Lusitani, Lugduni in 8.
A. 1573. & in fol. 1638. MARTINVS ANTONIVS DELRIO
Soc. Jesu Sacerdos & Scripturae S. Professor P. Salmanticensis, *Pharum
sacre sapientie s. Commentarium in Genesin* Lugduni in 4. A. 1608.
editit: perrecturus in ceteros Mosaicos, nisi mors intercepisset, teste
Jerem. Drexelio *Aurifodinae P. I. cap. 5.* quo integrum Delrionis biogra-
phiam exhibit T. II. Opp. p. 1056. sqq. BENEDICT. FERDINAN-
DEZ Borbensis Commentariorum atque observationum moralium in
Genesin Tomos III. in fol. evulgavit, Lugduni A. 1618. 1621. 1627. si-
gillatim excusos. ANDREÆ FRVSHI, Carnutensis Galli, qui
A. 1556.



A. 1556. diem suum obiit, *Assertiones ex interpretatione Geneseos collectæ*, Romæ lucem adspexerunt in fol. A. 1541. DOMINICVS GARCIAVS Theol. D. & in Complutensi Academia lingua Hebræa Professor Primarius *discussionem questionum in librum Genesin Cæsaraugustæ publici juris fecit* A. 1624. cuius tamen ineptias & crassam linguæ sanctæ ignorantiam Venerandus Præceptor noster b. D. Wagenseilius, pro eo ac par est, perstringit *ad Sota excerptor. Gemar. c. 1. p. 203.* FRANCISCI de PETIGIANIS Aretini, *commentaria scholastica in Genesin Venetiis in 4.* A. 1616. prodierunt. LVDOV. STELLA Commentat. in Genesin & Exodum Romæ emisit in fol. A. 1600. 1610. Quibus tamen omnibus palmam procul dubio præripuit BENED. PERERIVS Soc. J. qui *commentaria & disputationes in Genesin tomis IV. Moguntiæ in fol. A. 1612. excusos, tanta eruditione rerumque ubertate confertas edidit*, ut ceterorum sua religionis commentariorum in h. l. vices unus abunde supplere possit. E recentioribus anonymous Parisis A. 1682. in 12. edidit *la Genèse traduite en françois, avec l'Explication du sens literal, & du sens spirituel, tirée des SS. Peres, & des Auteurs Ecclesiastiques.* Versionem libri Gallicam, cui Latina Vulgata e regione apposita est, ad fontes Hebraeos adornavit, singulisque capitibus annotationes ad sensum literalem, deinde ad spiritualem seu moralē pertinentes subjunxit. Recensent libellum Acta Erudit. Lips. A. 1683. m. Mayo p. 181. sqq.

Reformati,

E Reformati JOH. CALVINVS, DAV. PAREVS, & ANDR. RIVETVS (*Opp. tomis primis*) integra in Genesin & copiosa omnino *commentaria dedere*, quibus ille morali applicatione, iste literæ & historiæ evolutione, hic nodorum difficilium solutione, utilem quisque lectoribus operam navavit. Caspar Megander, una cum Leone Judæ, farraginem annotationum in Genesin, ex ore HVLDRICI ZWINGLII excerptarum edidit Tiguri A. 1527. JOH. MERCIERVS, Regius quondam in Academia Parisiensi literarum Hebraicarum Professor & Francisci Vatabli successor, notis philologicis hunc librum Illustravit, quem posthumum *commentarium Theodor. Beza præfatione ornavit, editum Genevæ in fol. A. 1598.* JOH. HENRIC. HEIDEGGERVS *historiam Patriarcharum, duobus voluminibus in 4.* Amstelodami A. 1667. 1671. editis, erudite recensens, integri fere libri copiosum ac utilem suppeditavit *commentarium.* Sic etiam CHRISTIANVS SCHOTANVS in *bibliotheca historica V. T. tomo I. toto Geneseo*



Geneseos historiam ad ductum Sulpicii Severi explanavit JACOBI BROCARDI, supra §.4. mentionem fecimus, cuius *mystica & prophætica interpretatio* Geneseos Lugduni Batavorum in 4. Anno 1584. & Bremae A. 1586. lucem adspexit. CHRISTOPH. CARTWRIGHTVS Anglus electa *Targumico-Rabbiniæ* triplici Targum & R. Salomone ac Aben Estra &c. in Genesin compilavit, Londini typis exscripta in 8. A. 1648. LVDOVICI LAVATERI in I. lib. Mosis commentarios, una cum autoris vita Johannes Simlerus Tiguri in fol. excudi curavit A. 1575. Saturam complurium Scripturæ interpretum complectitur AVGVSTIN. MARLORATI *expositio ecclesiastica Geneseos*, Morgiis in fol. A. 1568. 1580 evulgata. PETRI MARTYRIS Commentarius Heidelbergæ in 4. A. 1606 prodiit. JACOBI OECOLAM-PADII Basileæ A. 1536. VALENTINI CROTOALDI Argentorati in 8. A. 1530. WOLFGANGI MVSCVLI Basileæ A. 1565. & 1600. in fol. Commentarii lucem adspexerunt. FRANCISCI JVNI Analysis & Commentarius Heidelbergæ in 4. A. 1594. & Genevæ in fol. 1607. typis vulgabatur. *Pauca ac novella*, ut inscriptio habet, revera sunt *observationes super librum Geneseos* JOHANNIS LIGHTFOOTI, T.I. Opp. p. 153. sqq. conspiciendæ. JOH. COCEJVS ad umbilicum opus non perduxit, sed T.I. Opp. p. 1. commentarium in V. priora capp. Geneseos, cum brevi continuazione ad cap. XI. p. 85. vero, curas posteriores in Geneseos priora capp. XIX. ut & in verba Jacobi ultima Gen. XLVIII. XLIX. (p. 129.) reliquit: quibus avenidōtaw Opp. T. I. p. 1. curæ priores sive perbreves in integrum Genesin annotationes; & p. 24. continuatio curarum secundarum a cap. XI-XLIV. accesserunt. Sic PETRI van STAVEREN œconomia Dei in ecclesia a rerum primordio ad diluvium, & hinc ad natum Isaacum, viginti saltē priora Geneseos capp. illustrat.

Indignum quidem, quod in interpretum censum referatur, JACO. *Fanaticus*. BI BOEHMII, hominis Fanatici & tutoris Görlicensis nomen est, non tamen omnino nobis tacendum, quod & iste in Genesin commentari sustinuerit, *Mysterium magnum oder Erklärung des ersten Buchs Mosis/ darinnen das Reich der Natur/ und das Reich der Gnaden erklärt wird/* A. 1640. in 4. in lucem protrudens.

L

CAPVT



C A P V T V.

De Libro Exodi.

Summari-
um capituli.

Libri appellatio. initiale an Exodus Genesi connectat? §.1. *Consignationis autor Moses afferit: a Spinoza ex Exod. XVI,35. XXIV,4.7. impugnatur.* Transpositi ordinis exempla Simonio ex Exod. XVIII,1.XXII, 1.4. petita, diluuntur. *Conscriptionis tempus:* ordo §.2. *Libri argumentum:* seopus §.3. *Divina libri autoritas adstruitur, ac a Spinoza criminationibus vindicatur* §.4. *Chronologia.* Tempus commemorationis Israelicæ in Ægypto. Loca Exod. XII,40. & Gen XV, 13. sqq. explicantur & conciliantur. Tabula chronologica temporum a Josephi morte ad erectum tabernaculum lapsorum §.5. Partitio libri §.6. Tabula Synoptica §.7. Commentatores Patres, Judei, Lutherani, Pontificii, Reformati §.8.

§. I.

Appellatio.

IN authentico Hebraeo inscriptione liber caret, Rabbinis vero ab initiali voce נֹשֶׁב נָאֵל *hac sunt nomina*, vel simpliciter נֹשֶׁב appellatur; num ob modestiam, ne tantum sibi tribuere videantur, ut anonymis Scripturæ libris nomina imponere ausint, an ex superstitione quadam scrupulosa, quæ istorum hominum mentes omni fere tempore tenuit, in medio relinquit Rivetus proleg. Comm. in b.l. Græcis a præcipuo operis arguento ἔξοδος exitus aut egressus salutatur, quod Israelis ex Ægypto exitum luculenter describit. Ridiculus autem Philo Judæus est, cum Exodi inscriptionem Mosi ipsi acceptam refert, libro de migratione Abrab. haud longe ab initio p.302. e. scribens: παγκάλως ὁ ἱεροφάντης μίαν τῆς νομοθεσίας ὅλην ἱερὰν βίβλον, ἔχαγωγὴν αὐτοῦ γέραψεν, οἰκεῖον δνομα ἐνδιμενος τοῖς περιεχομένοις χειρομοῖς. Recte sacer vates unum integrum legis librum Exodus inscripsit, nomine convenienter contentis in hoc oraculo. Quod enim per ἱεροφάντην non aliud, quam Mosen ipsum libri scriptorem intelligat, satis clare inde elucet, quod Geneseos nomenclaturam eidem tribuit, l. quod mundus sit incorruptibilis, p. 729. e. Iudaorum, inquiens, legislator Moses mundum genitum & incorruptibilem dixit in sacris voluminibus: εἰσὶ δὲ πέντε, ὅν τὴν περιώτην ἐπέγεραψε γένεσιν. Sunt autem quinque, quorum primum inscripsit Genesim. Rectius omnino Græcæ appellationis origo ad LXX.

Interpp.



Interpp. refertur, quorum codices primi hunc titulum exhibuerunt. Quid? quod copulativum, totius operis initiale, hunc praecedenti tam arte connectit librum, ut ab autore suo ne distinctus quidem uterque, nedum peculiari insignitus appellatione videatur; quod, tanquam libri initio minus congruum, in versione sua omiserunt LXX. illosque secutus Vulgatus, argumento haud improbabili, primos illos librum hunc a superiori discriminasse. Nisi malis illam apud Hebræos particulam vel redundare, quod sæpius quam binis ternisve vicibus in Sacro Codice usu venire, Noldius contra Aben Esteram observat *Concordant. Particul. annot.* 1977. p. 1081. vel orationem inchoare, ut ex Ezech. I, 1. aliusque biblicorum librorum initios clarum est. Ceterum Mæsorethis ad Gen. XXIV, 8. hunc librum etiam נזירין. Damna dici, quod de annis eorumque restitutio-
ne in eo agitur, observat Buxtorff. Lex. Talm. p. 1325.

II.

De Scriptore libri supra actum, & ex Salvatoris allegatione Marc. Scriptor XII, 26. constat: quem tamen ut dubium redderet Spinosa, ad Exod. XVI, 35. impugnat. provocat, ubi filii Israel comedisse Manna dicuntur XL. annis, donec ad extremitatem terræ Canaan devenirent, nempe arguit inde Spinosa, usque in tempus, de quo Jos. V, 12. dicitur. Unde liquido constare colligit, post Moses demum fata, sub Iosuæ imperio, consignari isthac potuisse. Qui vero non potuerint prius, & ab ipso Moysi exarari, sub finem forte vitæ suæ, cum jam terræ Canaan proxime populus imminaret, & ultimus oberrationis in deferto annus laberetur? quid prohibet, quo minus Propheticō, quo gaudebat, Spiritu suggestente, Deoque ipsi revelante ista præviderit & in literas retulerit? Cum enim Mosi & Aaroni patefactum divinitus esset, totis quadraginta annis per deserta erraturos Israelitas, antequam Canaanis adirent possessionem, Num. XIV, 33. quidni præsignificatum quoque Moses fuisse credatur, forte cum Manna depluere cœpit, Israelitas annis totidem mirabili illo cibo alendos esse? Hoc itaque cum non procedat, alia, Scriptorem libri ut expugnet ac deturbet, aggreditur via, ad libros illos provocans a Moysi allegatos, puta librum belli contra Amalek Exod. XVII, 14. tum סִפְרַת הַבְּرִית librum foederis Exod. XXIV, 7. quibus librum legis ex Deut. XXXI, 9. & Canticum Deut. XXXII. addit. Putat ergo solum librum foederis, a Moysi scriptum, & Canticum ad hunc diem extare: reliqua Mosaica autem ætatem non tulisse, nihilque adeo a Moysi scriptum nobis superesse præter dictum illum foederis librum, qui Exod. XX, 22. usque ad c. XXIV. integer exhibeat, & c. XXXII. Deuteronomii. Mira



sane homo iste *καππησις* utitur, cum petulantis ingenii figmenta tanquam extripode dicta omnibus credenda obtrudit, nullis licet argumentorum ponderibus munita. Unde enim probabit, omnes istos, qui a Mose citantur, & ab ipsomet exaratos, & deperditos hodie libros esse? Et si demus prius, quo demum argumento conficiet, Mosaicos non esse nostros, in quibus deperditi illi allegantur? Bellum enim Amalekiticum hoc ipso Exodi volumine satis luculenter describitur, librumque fœderis eodem contineri, adversarius largitur; sic vel inde constabit, Exodum Mosen agnoscere autorem. Sin peculiari volumine multo fusius Amalekitarum cladem memoriae proditam fuisse, nihilominus pertendat, nihil tamen obstat, quo minus, quæ in annalibus forte aut historico libro prolixè recensita fuerant, ab eodem autore, divino suggestente Spiritu, canonicae Scripturæ concisius paulo infererentur. Sacrum enim non modo & humanum, sed & canonicum atque θεοπνευστον agnoscere oportet Mosen Scriptorem. Interciderit itaque licet scriptum Mosis humanum, nulla tamen inde canoni Scripturæ metuenda est jactura. Quod vero librum fœderis paucis ipsis a c. XX, 22. Exod. usque ad c. XXIV. capitibus circumscribi existimat, absurdum plane est. Sic enim nec Decalogus fœderis libro includetur, nec circumcisionis sanctio, quam tamen nunquam intermoriturum fœderis signum ac sigillum fuisse, ex Gen. XVII, 10. & Rom. IV, 11. constat. Non me fugit, virum supra laudem doctissimum, Joann. Lightfootum *Spicileg. in Exod. Sect. 28. T. I. Opp. p. 177.* variis in medium prolati rationibus pro ea decertare sententia, quod X. Decalogi præcepta isti fœderis volumini inserta non fuerint: ista vero, non video, quo paecto e numero accensu *כל דברי יהוה omnium verborum Domini*, quæ locutus Mosi fuerat, quæque Moses hoc libro consignasse dicitur v. 4. eliminare queat. Conf. Exod. XX, 1. Sed nec Judiorum hic satisfacit sententia, qui R. Salomone *ad l. c. interprete*, per fœderis volumen Genesim cum principio Exodi intelligunt, *מבראשית רעד מתן תורה ומצוות שנמצאו במרה* a principio *Geneseos usque ad promulgationem legis, & ad præcepta, que data sunt in Marah.* Contenta enim hujus libri expresse v. 3. 4. ad omnia verba Domini ac statuta, fœderalia quippe, quibus sua Domino obsequia Israelitæ addicebant, restringuntur. Vero itaque videtur simillimum, Mosen statuta Domini ac leges partim morales, partim ceremoniales ac forenses nonnullas, quas in monte ab ore Dei pendens didicerat, libro exiguae molis, qui una concione legendo commode absolvvi posset v. 7. consignasse, quas post-



postmodum tamen omnes ac singulas libris canoniciis suis Ἰεροπνέυσως repetierit, ut reposito ad latus arcæ foederis legis volumine h. e. Pentatecho (Deut. XXXI, 9. sqq.) libri foederis, utpote Pentatecho comprehensi, usus exspiraret; illius cum vices volumen legis affatim suppleret. Erustra ergo Mosaica, quæ nostris teruntur manibus, volumina esse, negatur inde, quod foederis liber in illis allegetur. Paulo modestior vide ri cupit Rich. Simonius, cum sententia sua de turbatis permisitque soliorum partibus fidem facturus, ad *Exod. XVIII, 1. sqq.* provocat, omnemque de Jethronis adventu datoque consilio historiam non nisi altero post tabernaculi constructionem anno contigisse, ex Deuteronomio evincere fatagit *Lib. I. Hist. Crit. V. T. cap. 5. p. 36. sqq.* Unde concludit: *Ce qui me fait croire, que les feuilles ou rouleaux, sur lesquels ces Livres étoient écrits, n'ont point conservé leur premier ordre.* Minime tamen primus tam oculatus videri debet Simon, cum dudum ante ipsum laudatus supra Lightfootus *c. l. Sect. 23. p. 174.* ut & in *Chronie. temporum V. T. T. I. Opp. p. 28.* historiam hanc non propria locatam esse sede, animadverterit. Et hic quidem Numerorum capiti X. inter v. 10. & 11. inferendam eam censet, filumque narrationis integrum pertexit. Verum enim vero, temporis licet respectu πρόληψιν hic aliquam admittamus, quia v. 5. juxta montem Dei, (Sinai puta vel Horeb, qui mons Dei vocatur *Exod. III, 1.*) Jethro in Mosaica delatus castra dicitur, cum tamen juxta illam, qua hæc narrantur, temporis seriem in Raphidim adhuc hærerent, & cap. sequenti demum v. 1. 2. versus montem Sinai tenderent Israelitæ: narrationis tamen Mosaica turbatum corruptumque ordinem colligere inde non licet. Commodam enim anticipationis istius causam interpretes reddunt, quod Jethro intellecta populi Dei contra Amalekitas vicinos suos victoria, statim iter ad Mosen generum suum affectaverit; atque ideo Moses Jethronis profectionem Amalekitio bello conjungere consultum duxerit. De tempore itaque adventus licet certi quicquam definiri nequeat, nisi quod, cum ad montem Sinai hæreret populus, contigisse credendus sit: causæ tamen nihil est, cur caput hoc sua deturbe mus sede, librique & narrationis confusam esse seriem, inde colligamus. Pergit Simonius ad *Exod. XXII, 1 - 4. & p. 39. c. l.* ea quæ de fure v. 3. dicuntur, connectenda esse cum primo contendit propter metathesin; maxime vero v. 4. ad primum spectare. Verum quid sibi velit critica ista subtilitas, nemo facile intelliget. Plana omnia in textu sunt, justoque ordine se mutuo excipiunt, qui si ad criticæ Simonianæ ductum invertatur,



tur, imperfectus vel obscurus verborum sensus evadet. Distincte siquidem Moses de furti restitutione agit, furtoque ablatæ pecudis, si jam mactata vel vendita sit v. 1. si viva adhuc apud furem deprehendatur v. 4. restitutionem diversam indicat. Qui vero medii interseruntur v. 2. & 3. ab instituto non sunt alieni, sed casum internectionis durante furto vel ante vel post solis ortum patratæ concernunt & decidunt. Nullum itaque confusi ordinis vestigium hic apparet; ut taceam, tam exigua non fuisse folia, circa cylindros voluta, quibus libri exarabantur, ut duobus saltē versiculis constarent, qualia tamen hic fuisse necesse est, si versiculorum transpositio ejusmodi, qualem ille comminiscitur, admittenda sit. Temporis porro, quo prescriptus a Moysi liber est, ratio haud æque facile iniri potest, nisi quod post latam in Sinai legem exstructumque tabernaculum, eundem consignatum fuisse series rerumque gestarum doceat ordo. Nexus tandem ordinis, quo Genesim Exodus excipit, Theologi statuunt eum, qui a vaticinio & promissione ad complementum tendit. Fidem nempe Deus dederat Abrahamo, fore ut posteri ejus ad instar stellarum coeli multiplicentur, postea vero in Aegyptum translati, dura premantur servitute per CCCC. annos. Hinc liberandos rursus, magnisque opibus auctos in libertatem afferendas esse, Gen. XV, 5. 13. 14. Admiranda itaque seminis & multiplicatio & de honestum manu vindicatio, in Genesi, quæ Josephi morte terminatur, promissa, in Exodo eventu ipso comprobata exhibetur; ad hæc quoque instituta ostenditur politia, in qua ex familia Iudeæ promissus oriundus esset Schiloh.

Argumen-tum.

Scopus.

Argumentum libri in mirabilis ac divinæ Israelitarum ex Aegyptiaca servitute liberationis, itinerisque per deserta ad montem Sinai, latæ porro legis, delineatique & exstructi tabernaculi enarratione versatur, & annales populi inde a Josephi morte ad secundum usque egressus annum complectitur. Quæ omnia in concisam rededit epitomen Stephanus Protomartyr Act. VII, 17-45. & Paulus Ebr. XI, 23-30. Scopus vero primarius denuo ad Christum collimat, quem non modo typica respicit adumbratio mysticæ ex Aegypto spirituali liberationis, Col. I, 13. Luc. I, 73. s. immolati pro nobis agni paschalis, I. Cor. V, 7. cui os non erat infringendum, Joh. XIX, 36. panis de cœlo dati, Joh. VI, 33. petræ aquas fundentis, I. Cor. X, 4. unctionum variarum, Ebr. I, 6. & Sacramentorum N. T. per mare rubrum & manna cœlitus deplutum delineatio, I. Cor. X, 2. sq.
sed



sed & universus cultus Leviticus, propitiatorium, vasaque tabernaculi & sacrificia exhibent, Paulo teste Rom. III, 24. Eph. V, 2. & in Epist. ad Hebreos passim. Moses ipse populum ex Pharaonica servitute educendo, quo pacto typum gesserit Messias, instituta collatione Joh. Biermannus docet in *Moses en Christus lib. I. c. 5. p. 71.* Rerum porro gestarum, quarum commemoratio hoc libro instituitur, finis a Theologis nostratibus quintuplex potissimum observatur: 1) divinæ veritatis confirmatio; ut promissis veritas constaret & vaticiniis responderet eventus, siquidem fieri non potest, Deus ut mentiatur, Hebr. VI, 13. sqq. 2) divinæ gloriæ manifestatio; quam illustri Mosis ad Pharaonem legatione, potenti suorum e tyrannide Ægyptiaca liberatione, miraculosa populi in deserto sustentatione, ac solenni legis promulgatione in apricum ponere voluit, ut ab Israele non modo, sed & ab infidelibus divina ipsius virtus ac gloria agnosceretur, Exod. VII, 4. 5. & IX, 16. Rom. IX, 17. 3) ecclesiæ collectio & propagatio. Adversus illam enim cum nec inferorum portæ prævalere queant, Matth. XVI, 18. multo minus hominum machinationes Ægyptiorumque violentia victoriam obtainere debebat; imo vero potius tot prodigiis illam per varias totius fere orbis gentes glorificatam, ista nominis ac populi sui fama alios quoque accersere, sedemque ubi ignem & focum suum Deus adornaret, suamque manifestaret hominibus voluntatem, minime fallacibus universo orbi demonstrare indiciis par erat, Deut. IV, 6. sqq. 4) fidei suorum corroboratio; quæ ne in gravissimis succumberet temptationibus, illustribus testimoniis illis atque exemplis, quæ hoc libro exhibentur, erigenda in adversis & confirmanda erat, ut certo persuasum habeat, Deum pios ex temptationibus eripere novisse, 2. Pet. II, 9. nec ut plane opprimantur permittere &c. Confer Syrac. II, II, 12. 5) typica status ecclesiæ adumbratio; cuius quis in his terris status sit, quæ fata, hoc libro edocemur, cum liberati a servitute infernalis Pharaonis per desertum hujus mundi deducimur, legibus divinis dirigendi, ut ad cœlestem hæreditatem adspiremus. Hoc enim respectu typos nostros Israelitas in deserto fuisse, Paulus affirmit 1. Cor. X, 3. & Patres passim declarant. Ita Augustinus homil. 20. Tom. X. p. 459. Sufficit, inquit, præteritum tempus luceis operibus peccatorum, tanquam Ægyptiorum dominationi servivisse. Jam mare rubrum, baptisma scilicet Christi sanguine consecratum, vos trajecit, Ægyptios interemuit, nibil de peccatis præteritis, tanquam de inseguenibus a tergo hostibus formidatis. De cetero cogitate vita hujus eremum permeare, & ad terram promissionis



missionis supernam Hierusalem, terram viventium pervenire: ne verbi Dei contemptu tanquam manne fastidio, corda vestra velut ora interiora desipiant, ne cibos concupiscentes Ægyptios de alimentis cœlestibus murmurantis: ne fornicemini, sicut quidam illorum fornicati sunt: & ne tentetis Christum, sicut quidam illorum tentaverunt. Idem S. Pater in enarratione Psalmi LXXII. T. VIII. Opp. p. 789. postquam eundem satis prolixe enarrasset & applicasset typum, tandem concludit: *Ibi jam, fratres, in eremo quicquid passus est populus ille, & quicquid eis Deus largitus est, que cunque illa flagella fuerunt, & quacunque dona, significations sunt rerum, quas in hac solitudine vite hujus ambulantes, in Christo querentes patriam, & accipimus ad consolationem, & patimur ad probationem.*

IV.

Autoritas.

Divina libri & canonica dignitas tot irrefragabilibus nititur testimentiis, quot in utroque Testamento allegationibus comprobatur, quam XXV. citatis per Christum & Apostolos integris sententijs vel historiis, in novo Instrumento numerantur. Vide quoque Psalms LXXXVIII. & CV. qui absque Mosaica hujus libri historia intelligi vix commode poterunt. Nullus tamen dubitat Spinosa, divinam legibus hoc libro comprehensis autoritatem atque originem denegare. Postquam enim *Tract. Theol. Polit. cap. 4. p. 48.* quæstionem illam: *an lumine naturali concipere possimus Deum velut Legislatorem aut principem, leges hominibus prescribentem?* negasset, soli Adami ignorantiae tribuens, quod Paradisiacam illam de arbore vetita revelationem non ut eternam & necessariam veritatem perceperit, sed ut legem, hoc est, ut institutum, quod lumen aut damnum sequitur, non ex necessitate & natura actionis patrata, sed ex solo libitu & absoluto imperio alicujus Principis. Quare illa revelatio respectu solius Adami & propter solum defectum ejus cognitionis lex fuit, Deusque quasi legislator aut princeps: in eandem porro sententiam de Mosaicis legibus pronunciat, hunc in modum pergens: *Et hoc etiam de causa, nempe ob defectum cognitionis, Decalogus respectu Hebreorum tantum lex fuit: nam quoniam Dei existentiam & eternam veritatem non noverant, ideo id, quod ipsis in Decalogo revelatum fuit, nempe Deum existere, Deumque solum adorandum esse, tanquam legem percipere debuerunt: quod si Deus nullis mediis corporeis adhibitis, sed immediate iis locutus fuisset, hoc ipsum non tanquam legem, sed tanquam eternam veritatem conceperissent.* Idem cum paulo post p. 50. ad omnes applicet Prophetas, qui Dei nomine leges scripsierunt, videlicet, quod Dei decreta

non



non adæquate, ut æternas veritates percepent, de Mose speciatim affirmat, *cum leges suas non ut æternas veritates, sed ut præcepta & instituta percepisse, & tanquam Dei leges prescrivisse*; & hinc factum esse, ut Deum rectorem, legislatorem, regem, misericordem, justum &c. imaginaretur, *cum tamen hac omnia solius humana natura sint attributa, & a natura divina prorsus removenda*. Quæ quo tendant omnia conjicere, nullo arbitror Oedipo opus esse. Hoc enim pacto & Mosen mendacii reum peragit, qui Dei nomine leges rogarit, quæ tamen nullæ fuerint; & Deo supremo legislatori humanæ ignorantiae illusionem impingit, qui inscitiam hominum, æternam veritatem & rerum omnium per concatenatas causas decursum non percipientium, vestigalem habuerit; & legum denique ipsarum autoritatem enervat, quippe quæ humanae tantum naturæ attributa, i. e. hominum figura, non Dei decreta vel veritates appellari mereantur. Contra vero ea Mosaicæ sanctiones non æternæ veritates, sed *תּוֹרַת יְהוָה lex Jehove, Exod. XIII, 9.* רק' הָרָה בָּתָuta Dei & leges ejus, c. XVIII, 16. *תּוֹרַת וְהַמִּשְׁנָה נִשְׁרָה lex & præceptum, quod scripti ad docendum eos,* non ab homine æternæ veritatis nescio, sed Deo ipso c. XXIV, 12. vocantur, Conf. Deut. IV, 5. 8. 14. 40. Sic & a Jacobo Apostolo, non sane ex cognitionis defectu, sed ex illuminatione divini Spiritus, in omnem veritatem ipsum ducentis, Deus εἰς νομοθέτης, ὁ δυνάμενος σῶσαι καὶ απολέσαι, unus legislator, qui potest salvare & perdere, c. IV, 12. appellatur. Ut adeo illa Spinoza figura, nullo plane argumento roborata, & impia tantum υποθέσιν suæ, quasi mundus Deus sit, omniaque fatali regantur necessitate, innixa digna sint, quæ una cum autore suo execratione potius, quam operosa refutatione excipiuntur.

V.

In ponendo Exodi calculo non una omnibus ratio constat, cum ex Chronolo. Junii & Tremellii sententia annos complectatur CXLII. juxta Sethum glia. Calvinum autem CXLV. Illi inter mortem Josephi & nativitatem Moses annos intercessisse LXI. hic additis adhuc tribus, LXIV. existimat; nec Scriptura ullibi litem dirimit, nisi quod supputationem intermedii illius temporis, ex tempore, quo in Ægypto habitarunt Hebræi, petendam esse doceat. Istud vero spacium 430. annis circumscribi videtur Exod. XII, 40. Habitatio filiorum Israel quadringentis XXX. annis in Ægypto fuit. Verum, quæ in Mosaica historia & i. Chronicorum supersunt, tabulae Genealogicæ id non permittunt. Cahath enim, filius Levi, cum

M

patre



90 patre suo atque avo Jacobo in Ægyptum descendit, Gen. XLVI, ii. Amram autem, filius Cahath, pater fuit Mosis, Exod. VI, 20. Imo & Jochbed, mater Mosis, filia erat ipsius Levi, ipsi in Ægypto nata, Exod. I. c. & Num. XXVI, 59. Unam vero vel duas generationes per CCCCXXX. annos, ea quidem ætate, extendere, absurditate laborat; maxime cum istud temporis spacium diserte quatuor generationibus Gen. XV, 16. definiatur. Imo ponamus, unum saltem annum natum fuisse, cum in Ægyptum descenderet Jacobus, Cahathum, & ultimo demum ætatis, quam ad 133. annos produxit, generasse Amramum, qui rursus 137. annos vivendo exegit, ut habetur Exod. VI, 20. porro etiam Amramum ultimo ætatis anno Mosen genuisse; elapsi erunt, juxta hunc computum, incertissimis tamen conjecturis nixum, ab anno ingressus in Ægyptum ad natum usque Mosen, nonnisi 270. anni: quibus si addantur 80. Mosis anni, qui ad Exodum ab ejus nativitate fluxere, Exod. VII, 7. plures non habebis quam 350. annos habitationis in Ægypto, & sic ad minimum 80. anni, ad supplendum illum Exod. XII. definitum numerum, deficient. Necesse itaque est, ut totum spacium temporis peregrinationis Patriarchalis, quæ complementum suum in peregrinatione Ægyptiaca consecuta est, ab Abrahami exitu ex Ur five Charane, usque ad exitum ex Ægypto, 430. annis istis definiatur. Recte itaque Augustinus in cap. III. Ep. ad Galat. Computandi, ait, iſti anni CCCCXXX. ab eo tempore sunt, quo Deus ad Abram locutus est, dicens: in semine tuo benedicentur omnes gentes. Quam sane expositionem putandique temporis rationem Paulus confirmat Gal. III, 17. ubi a promissione Abrahamo facta, usque ad latam mense tertio post exitum Israelitarum ex Ægypto legem, quadringentos & triginta annos numerat. Neque tamen ea propter cum Morino in Exercitat. Biblicis & Isaaco Vossio in Chronol. Sacr. cap. 2. p. iii. corruptus I. c. Exodi sacer textus & ad Samaritanum Codicem restituendus dici debet. Ita quippe hi legendum existimant: *Habitatio filiorum Israel & patrum eorumdem, qua habitaverunt in terra Canaan, & in terra Ægypti, annorum fuit 430.* Sic enim præter Samaritanum Græcus quoque τῶν LXX. codex legit; in cuius gratiam cum primis corruptionis vitium Hebræo textui Vossius impingit. Sed frustra omnino. Peregrinatio enim filiorum Israel in Moysicis Exodi verbis inclusive accipienda est, ut nempe anni peregrinationis Patriarcharum includantur, quia Deus ipse Abrahamum & posteros ejus in promissionē illa: *tibi dabo terram hanc & semini tuo*, Gen.

XIII, 15.



XIII, 15. conjungit, et non Abrahamo, sed semini ejus tantum data terra fuerit. Ut ergo posteriorum possessio Patribus; ita & patrum peregrinatio posteris tribuitur: quo pacto etiam transitum per mare rubrum sibi cum patribus communem faciunt Israelitæ Ps. LXVI, 6. Unde recte omnino Hebraicam loci lectionem Chaldaica, Latina Vulgata, Arabica, aliæque retinuerunt paraphrases. Hinc Apostolus haud dubie ad h. l. digitum intendens Ebr. XI, 9. *Abrahamum per fidem peregrinatum esse in terra promissionis, ut alena; affirmat, habitantem in tabernaculis cum Isaac & Jacob cohæredibus ejusdem, promissionis; ubi & Abraham atque Isaaci in terra Canaan, & Jacobi in Ægypto peregrinationem complectitur, & in una illa τῆς ἐπαγγελίας Epochā iunctim sumendam esse docet. Sed nova oritur difficultas ex diverso annorum numero, quem Deus ipse peregrinationi huic in promissione Abrahæ data assignat, Gen. XV, 13. sqq. Scito prænoscens, quod peregrinum futurum sit semen tuum in terra non sua, & subjiciunt eos servituti & affigent quadringentis annis. Veruntamen gentem, cui servituri sunt, ego judicabo: & posthac egredientur cum magna substantia: tu autem ibis ad patres tuos, sepultus in senectute bona. Generatione autem quarta revertentur huc.* Idem quoque numerus, demitis scilicet triginta annis, a Stephano repetitur in oraculi divini allegatione Act. VII, 6. ἐλάλησε δὲ ὁ θεός ὅτι ἔσαι τὸ σπέρμα αὐτῷ πάροκον ἐν γῇ ἀλλοτρίᾳ καὶ δελάσσεται αὐτῷ, καὶ κακώσεται ἐπὶ τετρακόσια. Ubi quidem bene habet, quod terminus a quo annorum horum, initium constituitur peregrinationis seminis Abrahæ; ut &c, quod ex Hebræorum ap. R. Menasseh ben Israel observatione ad h. l. tres status seminis ejus distincte describuntur: primus peregrinationis, peregrinum erit semen tuum; alter servitii, & facient eos servire; tertius afflictionis, & affigent eos: prior a Patriarchis incipit, qui semper in terris alienis peregrinati sunt; servitium in Ægypto post mortem XII. Patriarcharum, cum surgeret Rex novus, qui non noverat Josephum; afflictio ab eo tempore, quo Pharaon recens natos Hebræorum infantes flumine mergi jussit. Crucem tamen figit eruditis numeri triginta annis immixta diversitas, quam Augustinus lib. XVI. de Civ. Dei cap. 24. ita elidit: *quadringenti save anni dicuntur, propter numeri plenitudinem, quamvis aliquanto amplius esset. Unde Theologi nonnulli hoc oraculo numerum plenum & rotundum annorum, non ἀποτέμνως perfectum adhiberi censem, quia secula & generationes tantum Deus numerare voluerit. Citatus vero R. Menasseh ben*

M 2

Israel

Israel supperit .nem hanc ab Isaaco demum, triginta annis post promissionem vel exitum Abrahæ ex Ur Chaldæorum nato, ordiendam censet, quia in Isaac demum vocatum Abrahæ semen sit. Sic in utroque dicto numerus præcise sumptus congruet, cum verba Exodi statim ab illo, quo ex Ur exiit Abraham, tempore; Genesios vero, a nato demum Isaaco annos numerent. At enim vero hoc pacto, si ab egressu Abrahæ ex Ur vel Charan (eodem enim anno uterque contigisse creditur) ad natum Abrahæ centenario Isaacum XXX. anni numerentur, egressus ille in Patris fidelium annum LXX. conjiciendus erit, quem Scriptura tamen Gen.XII,4. ad annum ætatis ejus LXXV. refert. Quod ut effugiat obstaculum Menasseh ben Israel, ex Seder Olam respondeat, Patriarcham jam in Canaan degentem iterato Charanem petuisse, ibique annis quinque moratum; adeo ut hic de secundo exitu agatur. Sed vereor, ut tam facili negotio probetur istud, quam fingatur a Judæis. Rectius omnino Usserius cum Hieronymo in tradit. Hebraic. in Genes. & Beda in c. VII. A.R. Abrahamum 75. anno patria egressum, indeque numerum 430. annorum ineundum censet; alterum vero 400. annorum computum ab Isaaci ætatis anno quinto, quo scilicet Ismael irrisor, ancillæ filius, domo ejectus, & Isaac filius liberæ divino oraculo: *in Isaac vocabitur tibi semen*, Gen. XXI, 12. promissionis semen solenniter declaratus fuerit, inchoandum existimat. Sic in utroque loco calculus sibi recte constabit. Ceterum CCCCXXX. illi peregrinationis Patriarchalis ac Israelitarum anni ita partiendi sunt, ut pars dimidia prior peregrinationi Patriarcharum in terra Canaan, posterior peregrinationi Israelitarum in terra Ægypti æqualiter detur, ad hunc fere modum:

Abraham centenarius Isaacum generat, anno post
egressum ex Ur

25	Gen. XII, 4.
60	coll. XXI, 5.
130	Gen. XXV, 26.

Jacobus nascitur, Isaaco annos habente
A nato Jacobo ad descensum ejus in Ægyptum

130	Gen. XLVII, 9.
-----	----------------

Habes ita

215 | annos.

Porro



Porro ab adventu Jacobi in Aegyptum ad mortem
usque Josephi anni sunt

Erat enim 39. annorum Joseph, cum Pater ejus
descenderet; (nam 30. annos habebat cum Pro-
Rex constitueretur, Gen. XLI, 46. quibus adde se-
ptem annos opulentie v. 47. & duos annos famis
c. XLV, 6. prodeunt 39. anni:) & vixit in univer-
sum 110. annos, Gen. L, 22. 26. Prodeunt ergo 71.
anni post Parris descendens.

A morte Josephi ad nativitatem usque Mosis
Annis enim 71. modo dictis si addideris annos 80.
atatis Mosis tempore exitus ex Aegypto, prodeunt
annii 151. Ad complendum ergo numerum vel
universum 430. vel dimidium 215. annorum, desi-
derantur praeceps adhuc 64. anni, qui ipsi interval-
lum constituant a morte Josephi ad nativitatem
Mosis.

Moses loquebatur Pharaoni, & populum educebat
anno etatis

OIJEN.

71

64

80 Exod. VII, 7.

Habes iterum | 215 | annos.

Confer omnino de hoc computo, qui legi merentur, ex nostrisibus b. Ca-
lovium Chronic. Bibl. Sect. IV. qu. 1. 2. & Comment. in Genes. XV, 14. p. 861.
nec non b. Strauchium Breviar. Chronol. lib. IV. cap. 6. tot. p. 463. e Pon-
tificis Natalem Alexandrum in tertiam mundi etatem dissert. I. tota,
Histor. Eccl. V. T. T. I. p. 197. e Reformatis Campieg. Vitringam hypo-
typ. Histor. Sac. Period. 3. §. 7. sqq. p. 23. Andr. Rivetum Comment. in
Exod. I, 14. qu. 3. T. I. Opp. p. 734. sqq. & Franc. Burmannum ad Exod.
XII. p. 364. ex Judæis R. Menassch ben Israel Conciliat. in Genes. quest.
XLII. p. 57. Hinc amplius difficile non est, annorum Exodi calculum,
qui a morte Josephi usque ad erectionem tabernaculi annos 145. com-
pletetur, subducere hoc modo:

A.O.C.

2369 Joseph moritur, in quo definit Genesis.

2433 Moses nascitur, anno post mortem Josephi

2513 Moses populum ex Aegypto edicit, annos natus

64

80

M 3

Epochæ



A.O.C.	<i>Epoeba QVARTA exiis usque ad templum Salomonis fundatum.</i>
2514	Lex traditur Moysi in monte Sinai, mense tertio ab exitu, Exod. XIX, 1.
- - -	Tabernaculum erigitur, exacto post exitum anno, juxta Exod. XL, 2. 17. 34.

I
145

Annorum Summa est

QVARTÆ igitur mundi ÆTATIS nova incipit epocha ab exitu populi, qui cum in 15. diem mensis Nisan Num. XXXIII, 3. incidere, quo ipso die illi 430. anni a prima majorum peregrinatione absoluti sunt: factum hinc est, ut mensis Abib s. Nisan, qui septimus hactenus fuerat, primus totius anni constitueretur, a cuius initio exitus epocha putatur, ipse licet exitus in medium incideret mensem.

VI.

In partitione Exodi non adeo multum doctorum discrepant sententiæ, nisi quod alii duas, tres alii ejusdem constituant partes. D. Marbachius, D. Dorscheus & alii *τεχνοτοπίαν* præferentes, partem I. historiam faciunt rerum memorabilium, quæ circa Israeliticum populum in Ægypto & exitu ex Ægypto contigerunt: II. Marbachius Reipubl. in eadem gente constitutionem; Dorscheus in instituta Israelis Republica legum lationem complecti, scopo tamen ac sensu uterque eodem censet. Nobis *τεχνοτοπία* magis arridet, quam e nostris b. Calovius Bibl. Illust. T. I. p. 318. & e Reformatis Rivetus T. I. Opp. p. 722. convenientissimam libro judicarunt; ~~in~~ ut P. I. *historica* sit, de eductione populi usque ad montem Sinai a c. I-XVIII. II. *dogmatica*, de *voyaðea* vel legum traditione a c. XIX-XXIV. III. ποιητική s. *operativa & Mechanica*, de συννοώσιᾳ seu tabernaculi constructione a c. XXV. ad fin. Alia quidem, sed minus congrua ratione tres libri partes Heideggerus designat *Enchir. lib. I. c. 3. p. 29.* ut parte I. historiam persecutionis Ægyptiacæ & præparationis ad liberationem a c. I-XII, 37. II. historiam liberationis & exitus ex Ægypto, nec non profecitionis ejusdem in desertum usque Sinai a c. XII, 37-XVIII. III. historiam legislationis Mosaicæ in deserto Sinai a c. XIX. ad finem usque libri complectatur. Demum b. Waltherus noster *Offic. §. 722. p. 800.* sex libri integrales partes exhibet: I. de vita Mosis, ejusdemque ad Pharaonem legatione a c. I. ad VI. II. de plagiis Ægyptiacis a c. VII-XI. III. de exitu Israælitarum usque ad mon-

tem



tem Sina c. XII - XVIII. *IV.* de constitutione ecclesiæ & reipublicæ per legum promulgationem c. XIX - XXXII. *V.* de peccato populi, ejusque cum Deo reconciliatione usque ad cap. XXXV. *VI.* de exstructione tabernaculi rerumque sacrarum apparatu, usque ad fin.

VII.

Specialis secundum capita sua libri distributio ita habet:

Est EXODI pars

Tabula
Synoptica.

I. HISTORICA, de eductione populi ex Ægypto usque ad mon-

tem Sinai: cuius

a) Antecedentia sunt

- (1) res gestæ post mortem Josephi ante natum Mosen c. I.
- (2) Mosis N. nativitas & gesta ante vocationem c. 2.

β. ðivina ad educendum populum vocatio

a. e rubro ardente facta c. 3.

b. miraculis firmata & obsequiose suscepta

c. 4.

c. irrito effectu executioni data c. 5.

d. denuo divinitus repetita c. 6.

(3) decem Ægypti plagæ: scilicet

a. aquæ in sanguinem conversio c. 7.

b. ranarum foeda abundantia c. 8, 1-16.

c. pedicularum ex pulvere terræ procrea-
tio v. 17-19.

d. insectorum varii generis immissio v. 20-32.

e. gravissima pecorum per pestilentiam
strages c. 9, 1-7.

f. ulcera hominibus & jumentis illata v. 8-13.

g. grando gravissima v. 14-35.

h. locustæ omnem herbam depascentes

c. 10, 1-20.

i. triduanæ Ægypto obductæ tenebræ v. 21-29.

k. primogenitorum Ægyptiorum internecio

p. denunciata c. II.

p. post institutum agni paschalis Sacramen-

tum c. 12, 1-20. actu ipso illata v. 29-36.

β) factum ipsum cum concomitantibus; scil. populi egressio

(1) post paschatis celebrationem, ex Ramesses in Succoth

peracta c. 12, 37 - fin.

(2) signo



- (2) signo memoriae mandata, consecrata scil. primogenitura c. 13, 1-10.
- (3) ex Succoth in Ethan perfecta v. 17 - fin.
- (4) per maris rubri transitum. & Agyptiorum per mare stragem consummata c. 14.
- γ) consequentia, sunt
- (1) victoriae per hymnum solennem celebratio c. 15.
- (2) divina populi per Manna cœlo deplutum
c. 16.
per aquam de petra percussa } sustentatio.
c. 17.
- (3) clades Amalekitica c. 17, 8 - fin.
- (4) Jethronis adventus & prima Judicum ordinatio c. 18.
- II. DOGMATICA, de νομοθεσίᾳ seu legum traditione, ubi nota**
- α) divinam legislationis per voces & tonitrua præparationem
c. 19.
- β) legis moralis p. contenta c. 20, 1 - 17.
p. promulgationem v. 18 - fin.
- γ) leges forenses :
- (1) de servitute, poena homicidii, jure talionis, bove corrupeta c. 21.
- (2) de furto, damno dato, deposito custodiendo, poena stupratoris, maleficæ, bestiarii, idololatræ ; curandis advenis, viduis &c. c. 22.
- (3) de mendaciis, æquitate judiciorum, Sabbatho terræ c. 23.
- δ) leges varias, de Sabbatho, diebus festis, sanguine, primitiis, angelo Domini itineris duce colendo &c. c. 23, 12 - fin.
- ε) legislationis per solenne foedus sanctionem c. 24.
- ζ) leges ceremoniales de
- (1) structura tabernaculi & apparatu sacro c. 26. 27.
- (2) sacerdotii institutione & consecratione c. 28. 29.
- (3) suffitu & thymiamate sacro c. 30.
- (4) sanctuarii structoribus & tabulis legis c. 31.
- η) legum per peccatum populi violationem, ubi
- (1) populi μοχολατεία c. 32.
- (2) Mosis intercessio, Domini revelatione nobilitata c. 33.
- (3) tabulae legis novæ c. 34.

III. ME.



III. MECHANICA, de tabernaculi unctione; ubi tabernaculi

- α) præparatio per populi contributionem c. 35.
- β) fabricatio per artificum operam c. 36. 37. 38. 39.
- γ) unctione, dispositio & glorificatio c. 40.

VIII.

Nomina Patrum, qui in Exodum commentati fuerint, larga quidem manu suppeditat Heideggerus *Enchir. ad b. l. p. 34.* sed fide haud Commen-
tatores: usque quaque tura. AVGUSTINI in hunc librum *questiones T. IV.* Patres:
Opp. p. 126. sqq. tum & sermones quidam ad loca nonnulla Exodi c. 1.
2. 3. 4. 7. 12. 14. 15. 17. 20. & 32. facientes, passim in Operum tomis extant; & BEDÆ explanatio in Exodi priora capp. 34. T. IV. Opp. p. 96. legitur: in reliquorum vero, quæ hodie supersunt, operibus commentaria in Exodum frustra quæres. ORIGENIS enim fragmenta, ab Huetio collecta, tanti non sunt, ut in commentariis nominari mereantur; *homiliae vero XIII. in Exodum*, quæ Latina Opp. editione T. I. fol. 29. sqq. conspiciuntur, ex Latina tantum versione Rufini hodie supersunt, nec librum integrum, sed selectas saltem ejus pericopas illustrant. Supplevit autem hunc defectum Aloysius Lipomannus, qui ex Græcis Patribus CATENAM in Exodum magno studio consarcinavit, Parisiis editam A. 1550. Quid in utraque, ad hunc & præcedentem librum, præstiterit, quem servarit ordinem, quos adhibuerit & excerpserit autores, copiose tradit Sixtus Senens. *Biblioth. S. Lib. IV. p. 237. sq.* In mentem hic venit recordari, cuius ad Pentateuchum vel Genesin oblitus fueram, PROCOPII GAZÆ Sophistæ, circa ann. Chr. 500. clari, qui *Commentaria in Octateuchum*, verius Heptateuchum dixeris, quinque nimirum Mosaicos, ut & Josuæ atque Judicum libros, composuit, Latine tantum, Conrado Claufero interprete, Tiguri A. 1555. typis exscripta. Quæ dum eruditæ recenset Mr. de Sainjore in *Bibliotheca Critica P. IV. p. 143.* originale Græcum in MSCto in Bibliotheca Augustana delitescere indicat, quod typis exscribi optat, cum Latinus interpres mentem Procopii non asscutus ubique videatur.

Inter Judæos celebri in Exodum commentarius *מיכילתא Mechilta Judei:*
inscribitur, incerti auctoris, magnæ tamen autoritatis, cuius originem ad A. C. 210. referunt Rabbini. In *Siphte Jeshben. f. 32. n. 155. b.* autor R. Jischmael dicitur. Impressus Constantinopol.

E nostris præter JOH. BRENTIVM, supra ad Pentateuchum laudatum, cuius geminus in Exodum commentarius T. I. Opp. p.



349. & p. 595. sifstir, quorum priorem in schola Tübingeri A. 1538. publicis prælectionibus, posteriorem pro concione in ecclesia Stutgardiana A. 1557. enarravit; nominandus venit PAVL. CONSTANTIN. PHRYGIO, Theologus pariter Tübingeri, qui A. 1543. pie defunctus, Commentarium in Exod. reliquit, Tübingeri in 4to anno ipsius emortuali evulgatum. DAV. RVNGII prælectiones in h. I. Wittebergi in 8. A. 1614. luci publicæ expositæ sunt. DAV. CHYTRÆI enarratio quoque Wittebergi in 8. A. 1576. excusa est. GEORG. CALIXTI in Exodi XX. capp. priora expositionem literalem perquam succinctam, Frid. Ulricus filius Helmestadii in 4. A. 1665. editis Parentis ad quorundam V. T. librorum intelligentiam facientibus lucubrationibus inseruit. Præterea vernaculo sermone JOH. FOERSTERVS Diexodus Exodi Wittebergi edidit in fol. 1614. & in 4. A. 1625. in qua CXIV. homiliis librum explicavit. VINCENT. SCHMVCCIVS homiliis XCVIII. Lipsiæ in 4. A. 1614. excusis, viginti priora libri capita illustravit. Spectat huc etiam M. NICOLAI ERBENII Historia des Volcks Israel von Mose an bis auf Saul den ersten König Israel/ Erfurt. in 4. A. 1594. nec non VALERII HERBERGERI magnalium Dei Pars V. & VI. Ut JOH. LVNDIYM im Jüdischen Heilighümern passim, aliosque jam taceamus, qui selecta salem libri capita vel argumenta commentariis elucidarunt.

Pontificis: E Pontificiis SEBAST. BARRADIVS Soc. Jes. Theol. & in Eborense Academia Sacrar. literarum Professor itinerarium filiorum Israel ex Ægypto in terram repromotionis decem libris concinnavit, Antwerpia A. 1621. editum, Coloniæque & Moguntiæ recusum, quo maximam Exodi partem explicavit. JOHANN. LORINV S. J. Romæ & Mediolani Theologiae Professor, in Exodum commentarium editit Lugduni in fol. 1619. LVDOV. YSTELLA Ord. Prædic. & Theol. Professor duos tomos commentariorum in Genesin & Exodum, Romæ in fol. A. 1601. excudi curavit, quibus hunc servat ordinem, ut omnem operam parengrapho, expositione & scholiis absolvat. BENED. PERERII quoque citantur disputationes selectæ in XV. priora Exodi capp. Ingolstadii Tomo I. A. 1601 excusæ. Laudatur quoque Possevino in Apparatu S. p. 569. FIRMINI CAPITIS, Thologi Galli exposicio in Exodi priora capp. usque ad necem primogenitorum Ægypti, in aliquot homilias distincta, & concionibus tempore Adventus Domini accommodata, Parisiis A. 1580. E Re-



E Reformatis CHRISTOPH. CARTWRIGHTI Angli electa Targumico-Rabbinica in Exodum, Londini in 8. impressa sunt A. 1653. NICOLAVS GALLASIVS Pastor Genevensis commen.*Reformati.* tarium in h. l. edidit Genevæ in 4. recusum deinceps in fol. A. 1560. Caspar Megander & Leo Judæ farraginem annotationum in Exodum, ex ore HVLDRICI ZWINGLII & aliorum, ad caput usque 24. comportarunt, Tiguri editam A. 1527. Sed & ejusdem ZWINGLII ἐζηύντις in Exodum inter Opp. ejus prostat, Tiguri in fol. exscripta, A. 1544. & 1595. JOS. SIMLERI Commentarius Tiguri in fol. prodiit A. 1584. & 1605. ANDR. WILLETI Angli *Hexapla upon Exodus in II. Parts* Londini in fol. A. 1608. & 1622. typis evulgata sunt. ALBERTI HANDFIELD *Exodus*, Heidelbergæ in 4to A. 1619. impressus LXXXVI. homiliis librum explanat. QVIRIN. REVERTVS Professor Theol. Heidelbergensis Commentarium in Exodum Francofurti ad Oderam edidit in 4. A. 1616. JOH. LIGHTFOOTI Angli *Manipulus spicilegiorum e libro Exodi*, in lingua Anglica olim subtit. *A Handfull of Gleanings out of the Booke of Exodus* Londini in 4. A. 1643. excusus Latine exhibetur inter Opera ejus T. I. p. 101. sqq. A N- DREAS RIVETVS cum primis, e publicis prælectionibus A. 1628. sqq. institutis, copiosum in h. l. commentarium composuit, præmissa oratione : de afflictionum ecclesiæ autore, & causis cur ita exerceatur, seorsim editum A. 1633. dein Opp. T. I. insertum p. 721. Præterea quoque prælectiones pleniores in Cap. XX. Exodi, in quibus ita explicatur Decalogus, ut casus conscientia, quos vocant, ex eo suborientes, ac plerique controversie magni momenti, quæ circa legem moralē solent agitari, suffice & accurate discutiantur, A. 1632. publici juris fecit, quæ in T. I. Opp. p. 1225. sqq. conspicuntur. JOH. COCCEJI *Observationes in Exodus* haud adeo prolixæ Tom. I. Opp. p. 137 - 165. leguntur. Tandem quoque mentionem hic facere liceat eruditissimi Commentarii, quem JOH. BRAVNIVS Theologus Groninganus de vestitu Hebraeorum Sacerdotum Lugduni Batav. in 4. A. 1680. ad duorum saltem Exodi capp. XXVIII. & XXIX. explicationem evulgavit. Refert huc porro Heliogerus HERMANNI RAVENSPERGERI, primi in Facultate Theol. Professoris Groningani tractatum, quem *septem margaritas Mosaicas inscripsit*, excusum Amstelodami in 12. A. 1617. Alios ut taceam, qui antiquitates quasdam sacras ex hoc libro, collatis Judæorum monumentis, data opera illustrarunt.



CAP. VI.

De Levitico.

Summarum capit. *Libri appellationes expenduntur; maxime, unde Leviticus dicitur?* §. 1. *Consignationis tempus. Ordo, quo Exodus Leviticus sequitur* §. 2. *Argumentum: Scopus: Ius, quem hodiernum Leviticus praestat* §. 3. *Divina libri autoritas. Leviticarum legum pariter ac ceremoniarum origo sacra atque divina a Grotio, Marshamo & Spencero in dubium vocatur* §. 4. *Quorum satisfit argumentis* §. 5. *Earundem porro usus & scopus a Spinoza criminationibus vindicatur* §. 6. *Chronologia. Partitio* §. 7. *Tabula Synoptica* §. 8. *Commentatores Patres: Judaei: Lutherani: Pontificii: Reformati: Mantissa eorum, qui de sacrificiis & cultu Levitico ex instituto egerunt* §. 9.

§. I.

Appellatio.

Mosaicorum librorum tertio, pariter ac ceteris ejus libris, vox auspicalis nomen dedit, ut נָבָן & vocavit Hebreis dicitur. Nominis aliquam redditurus rationem Münsterus, sic appellari tradit, quia haec tenus a constitutione mundi tam magnifica & gratiofa vocatio ad homines facta non fuerit. Invenitur quidem, ait, Deum vocasse de caelis, de nube, de rubo ardentib; sed hic vocat ex domicilio, quod maiestate & gloria sua implevit, & quod sibi unice in terris delegit, ubi inter homines habitare atque misericors inveniri voluit. Quæ, quanquam ex ingenio magis quam rei veritate dicta, ad verbum tamen in annotationes suas transtulit Isidorus Clarius, perpetuus fere Seb. Münsteri expilator. Græcis in neutro λευιτικὸν, scilicet Λιθλίον, ut Athanasius supplet, Latinis Leviticus inscribitur, quia de ministeriis sacerdotalibus tribus Leviticæ agit. Ὁνομάζεται γὰρ τὸς ἐπειδὴ οὐδὲ ἴδιας πᾶσαν τῆς λευιτικῆς λειτουργίας τὴν διατύπωσιν περιέχει. Καὶ πῶς ὁ Ααρὼν οὐδὲ οἱ αὐτῷ ἐκλεγονταὶ ἐν τῆς Φυλῆς Δευτ., οὐδὲ χειρονταὶ εἰς ιερέας πᾶσαν τέ τὴν διαφορὰν τῶν θυσιῶν οὐδὲ τῶν προσφορῶν, οὐδὲ τὴν ποιότητα πάσης τῆς ἐν τῷ ιερῷ λατρείας, οὐδὲ τῆς



τῆς λευιτικῆς καὶ ιερετικῆς λειτουργίας, καὶ τὸν νόμον δὲ ἐκάστης θυσίας. Id nominis ob eam causam accepit, quod peculiariter universam Leviticum munera dispositionem continet, & quo pacto ex tribu Levi ad sacerdotium electi sunt & uncti Aaron & filii illius, & quicquid discriminis est inter sacrificia & oblationes, & qualis sit universus tabernaculi cultus, qualis item sit Levitici ac sacerdotalis munera functione; deinde & cuiusque sacrificii legem, ut Athanasius habet, seu quisquis tandem autor fuerit Synopseos, T. II. Oper. p. 68. Utut enim distincta Sacerdotum essent & Levitarum munia, ita, ut illis rem sacram facere, his non nisi excubias ad tabernaculum agere, & sacerdotibus ministrare, tum etiam tabernaculum in itinere portare, & pro re nata vel extruere vel solvere liceret; unde & in primitiva Novi Test. ecclesia Diaconos Levitas distos, & hoc ipso nomine a Sacerdotum ordine ac dignitate distinctos fuisse, Forbesius tradit Instruct. Historico-Theolog. Lib. XI. cap. 20. §. 28. p. 619. & ex Zonara ac Synesio probat Suicerus Thesauri T. II. p. 227. voc. λευίτης: utut porro de Levitis non adeo hoc libro, sed Num. III, 6 sqq. I. Chron. XXV. agatur, hic vero sacerdotum potius ministeria describantur; utriusque tamen filii Levi cum essent, communis nonnunquam tribus suae nomine veniebant. Conf. Deut. XXXI, 9. Commodissime tamen non tam Levitas, quam τὴν λευιτικὴν ιερωσύνην, quam Paulus vocat Hebr. VII, 11. Leviticum Sacerdotium hoc libro descriptum, nomini originem dedisse dixeris. Quod distinctius Rabbinica reddit appellatio, qua frequentissime תורת כהנים Lex Sacerdotum, nec non תורה הקרבנות Lex oblationum, ab argumento praecipuo hic liber audit. Ceterum quando Abulensi & Hugoni Cardinali offertorius aut sacrificatorius, Ruperto ministerialis vocatur; unde Glossa Ordin. ad inscriptionem Levitici: Latine dicitur offertorius vel sacrificatorius: privata salem hæc nomina ejus, non ecclesiastica, vel publica ecclesiae auctoritate recepta esse, bene observat Lorinus Comment. in b. l. pref. c. 3. p. 2.

II.

Temporis articulus, quo conscriptus Leviticus est, satis accurate Consignari indagari potest, si initium & finem libri cum Exod. XL, 17. 33. sq. & Num. I, 1. conferamus, unde constat, in XII. Hebræorum statione, in tabernaculo recens exstructo, anni secundi egressus mense primo consignatum esse integrum, distinctis licet vicibus & diebus, ut ex c. IX, 1. c. X, 1. 2. c. XVI, 1. appareret. Ordine vero convenientissimo Exodum sequitur: In eo enim tabernaculum ordinatur, in hoc (libro) ea continentur,

onis
tempus:

ordo.



DeLevitico.

tur, que Dominus Moysi de tabernaculo loquatur, & tabernaculi ceremonia, ut Glossa Ordin. habet: siquidem constructo tabernaculo, vasisse & utensilibus sacris paratis, de quibus in Exodo actum, proximum erat, ut officia ministrorum in tabernaculo obeunda, & ritus sacrificiorum fusius exponerentur. Quam vero ordinis rationem Dionysius Rickelius apud Lorinum c. l. p. 7. reddit, quasi tertium in Pentateucho locum teneat Leviticus, quia filiorum Jacob tertius fuerit Levi, ridicula plane & inepta; nec minus contorta & aliena ea est, quam Beda sub init. explanationis in b. l. profert: quia Genesis istam sententiam significat, qua dicitur: Lex Domini immaculata convertens animas. Exodus: sapientiam praestans parvulis. Leviticus vero: demonstrans praeceptum Domini illuminans: Numerus vero: judicia Dei vere justificata: ex Ps. XIX, 8. 9. quæ paulo post ita declarat: *Quia Genesis enunciavit, omnia verbo Dei esse creata, quæ iccirco lex est: in illa quoque animarum conversio, id est, a vita ad mortem, ut Adam intelligitur: & a morte ad vitam, ut Noë.* Exodus sapientiam praestans parvulis, adimplendo quod Abraham, Isaac & Jacob de terra reprobationis Deus promisit. Omnes enim in Dei comparatione parvuli sunt. Leviticus autem praeceptum lucidum illuminans, discernendo inter munda & immunda animalia. Numerus vero, judicia Dei vera sunt, maxime in prophetia Balaam, in benedictionibus maledictionibusque.

III.

Argumen-tum.

Scopus.

Leges autem sacras liber iste, Dei jussu post tabernaculi exstructio-nem rogatas tradit, Ezech. XX, 25. statuta non bona & judicia, per quæ vita obtineri nequit, dictas, atque Act. XV, 10. iugulo αβασάντω comparatas. Τότε cum primis Ἱερατικῶν, sive Agenda Ecclesiastica Veteris Test. hoc libro condere Moses, & quæ circa sacrificiorum ritus, sacerdotum officia, immundorum expiationem, ac universum cultum Leviticum tam publice quam privatum obeundum veniunt observanda, ordine pleneque exponere constitutum habebat. Hinc quoque pueros Judæorum Magistri Scripturæ S. lectionem ab hoc præcipue, non Genesios libro, auspicari voluerunt, quod amplissimus ejus in omni vita usus esset. Scopum ejus Epist. ad Hebraeos uberrime declarat, umbram rerum futurarum in Christo exhibendarum legem istam præbuuisse docens, & populi ad sacerdotium ac sacrificium unicum Messiae, in plenitudine temporis præstandum Χειραγγεῖον, ut scite ac sapienter Hieronymus Epist. CIL ad Paulinum scribat: *In Levitico singula sacrificia, imo singula*



singula pene syllabæ, & uestes Aaron, & totus ordo Leviticus spirant cœlestia sacramenta. Eo itaque universus liber tendit, ut & Judæis, partim genuinam cultus rationem præscribat, ne in ἐθελοθρησκειαν prolapsi, fœda commacularentur idololatria; partim & præcipue quidem, sub vario typorum involucro Christum cum merito suo, totumque redēptionis mysterium ob oculos ponat: & Christianis in Novi Instrumenti explicatione circa ea, quæ cultum Leviticum, ejusque antitypum concernunt, lucem fœneretur; tandem etiam, ut spirituale fidelium sacerdotium illustret, & officia tradat, quibus Deo se victimam offerre, ejusque cultui totos consecrare, & ab inquinamentis peccati abstinere tenentur. Huc spectat, quod veteris ecclesiæ Doctores literam hujus libri inutilem aut etiam noxiā dixerint, si spolietur spirituali intelligentia: hanc autem non ad virtutes tantum, quas morales vocant, & ad externa vitæ genera accommodandam, sed ad Christum cumprimis, ejusque sacrificium & λειτουργίαν referendam esse, egregie monuit b.D. Brentius in epist. nuncupat. commentario in h.l. pramissa. Unde insi-
gnis, quem ad hunc diem liber præstat, usus haud obscuris indiciis elu-
cet. Neque enim existimandum est, antiquatum cum legibus suis Le-
viticum esse, aut ad Judæos tantum, eorumque antiquitates spectare. Va-
ria enim & præclara hodienum in gentem quoque Christianam exinde
utilitas redundat. Primo quippe spes omnis salutis nostræ, fides omnis
Christi sacrificio nititur, cuius indolem, rationem ac fructus Levitico-
rum sacrificiorum descriptio, hoc libro luculentissime suppeditata, mi-
rum quantum illustrat, adeo ut Apostolus Christi sacerdotium in Epi-
stola ad Hebraeos declaraturus, nusquam non ad Leviticum cultum re-
spiciat ac provocet: Deinde Novi quoque fœderis præ illo Veteri ἔξοχη
ex Levitico cumprimis illustranda est, qui Pædagogum exhibit, cuius
disciplinam evasimus, Gal. III, 23. noctem, cuius depulsis tenebris clara
diei luce fruimur, Rom. XIII, II, 12. umbram futurorum bonorum,
in cuius locum corpus ipsum & promissorum substantia successit, Col.
II, 17. Hebr. X, 1. ut adeo vix commode, quam feliciore longe sorte
Novi Testamenti homines præ Patribus istis Veteris fœderis fruamur,
absque hujus libri cognitione intelligere queamus. Porro etiam insi-
gnem Novi T. libris Leviticus lucem affundit, ex quo, quæ Christus ipse
de Sabbathio, de lepra, de conjugio; quæ Evangelistæ de circumcisione,
de puerperio, de oblatione, de agno quoque tollente mundi peccata;
quæ tandem Apostoli de sacerdotio Christi, & de sacrificiis Christia-
norum



norum spiritualibus in medium proferunt, explicanda aut illustranda sunt. Tandem etiam haud pauca doctrinæ Christianæ capita hoc libro egregie insinuata deprehendimus, justificationem scilicet nostram per sanguinem Christi, sacrificiis adumbratam; sanctificationem nostram, in purificationibus puerperatum, leprosorum, & omnis generis immundorum depictam; veram cultus divini rationem, in moralibus legibus monstratam; societatem civilem ordinemque Politicum, per forenses leges commendatum; & quæ aliae sunt commonefactiones, quibus historica quoque Levitici nos instruunt, in quibus enarrandis nervose & solide versatur b. Erasm. Marbachius *Præm. Comment. in b. l.*

IV.

Autoritas,

Canonicam libri autoritatem, a nemine, quod sciām, seorsim & data opera in dubium vocatam, augustum illud a Dei imperio petitum auspiciū pariter, ac crebra in Novo Test. allegatio confirmat. Sed & Moī, sacro Numinis amanuensi, ejusdem consignationem non Judæi modo, ex antiqua ecclesiæ traditione tribuunt, Joh. VIII, 5. verum etiam Legum Ce- Christus ipse Matth. VII, 4. Divinam vero Leviticarum legum atque remon. ceremoniarum originem, non sine reconditæ quidem eruditioñis appa- origo ratu, at omnino profane sollicitant Joannes Marshamus Eques Auras- impugnata, Anglus, in *Canone Chronico Ægyptiaco, Ebraico, Græco*, Londini pri- mū in fol. A. 1672. edito, & postea in 4. A. 1676. Lipsiæ recuso; & Joannes Spencerus, Theologus Cantabrigiensis, primum in *Dissertatione de Urim & Thummim*, Cantabrigiæ A. 1669. edita, postmodum in amplissimo *de legibus Ebreorum ritualibus* commentario, quem Cantabrig. in fol. A. 1685. publici juris fecit. Judæorum ritus, lege ceremoniali præscriptos, uterque contendit ab antiquissimarum gentium cultu originem traxisse, correctos solum in Hebræorum sacrī, cum ab aliis gentibus sine emendatione usurparentur. Neque tamen hi primi ingeniōsi erroris inventores, sed Grotianæ tantum sententiaē interpolatores videri possunt, quam τεῶτον Φεῦδος profano illi scripturarum interpreti præbuisse, Magnus Calovius noster *Bibl. Illuſtr. T. I. p. 471.* du- dum observavit. Nec dubium relinquent Grotii verba, quæ ad Levit. I, 9. ita habent: *Sacrificiorum ritus aut ab Hebreis ad gentes alias vene- re, aut, QVOD CREDIBILIVS EST, a Syria & Ægyptiis usur- pati, correcti sunt ab Hebreis, & ab aliis gentibus sine emendatione usur- pati. Quibus adde, quæ ad Coloss. II, 20. habet: Nihil in ipsis ritibus erat proprium Judais, & magis a gentibus ad Judæos per συγκατάστη- quan- dam*

a Grotio,



dam Dei, quam a Judeis ad gentes venerant. Isthæc legentes vestigia Angli, paulisper diverso uterque tramite incedunt, ad metam tamen tendentes eandem. Et Marshamus quidem p. 150. edit. Lips. postquam ingenti molimine negasset, Philosophiam Platonicam aut Pythagoricam ex fonte Judaico derivatam fuisse, eaque propter persuaderi sibi non patiatur, vetustioribus Persarum temporibus Græcos a Judæis eductos fuisse: maximè cum ante captivitatem Babyloniam, sive VII. Sapientum ætatem, Græci non solum Philosophiæ, sed & rerum suarum, multo magis exoticarum, incuriosi fuerint; & post redditum e Babylone Judæorum Republica sub Persis adeo obscura fuerit, ut vel nomen eorum, ætate Herodoti, Græcis inauditum fuerit, quippe qui non ante Alexandri expeditionem Græcis primum innotuerint, & sub Seleucidis demum inclaruerint; cumque porro, Josepho lib. I. contra Apion. fatente, nulla Judæorum cum exteris consuetudo fuerit, eo quod Judæi, ex decreto sapientum, gentiles omnes pro immundis haberent, adeo, ut vel eorum contactu immunditiem contrahi crederent, ut ex Joh. XVIII, 28. & Act. X, 28. pateat; cum etiam gloriarentur Judæi Deut. XXXIII, 4. legem in hæreditatem & peculium datum esse filiis Jacobi, miranti que Ptolemaeo Philadelpho, cur legum Mosaicarum nec Historicorum quisquam nec Poëtarum meminisset? ex merito responderit Demetrius, divinitus penas dedisse quosdam, qui eas sollicitassent, siquidem & Theopompus mente, & Theodectes visu eam ob rem orbati sint; cum denique fieri non potuerit, ut Mosaici libri Hebraico sermone editi, & in alias linguis nondum conversi, ethnicis Hebraice non calleatibus innotescerent: tantam nihilominus tamen deprehendit Philosophiæ Græce Judaicæque congruentiam, ut Josephus, Clemens & alii illam ex hac prognatam esse, arbitrati fuerint. Hinc itaque infert Marshamus p. 154. utramque Hebræorum & Græcorum disciplinam in tertia aliqua convenisse, ex qua utraque propagata sit, eamque nominatim doctrinam esse Ægyptiorum. Extra omnem enim controversiam esse, Græcorum sapientes discendi gratia in Ægyptum profectos esse, atque tam sacram quam moralem suam disciplinam inde deduxisse: de Hebræis vero ex sacris literis constare, diutinos fuisse Ægypti incolas, nec statim mores Ægyptios penitus illos exuisse, quin aliquæ manserint inter ipsos reliquiæ disciplinæ Ægyptiacæ. Unde tandem concludit: *multas Mosis leges ex antiquis moribus manasse, & plerosque Ægyptiorum ritus Mosen abrogasse, quosdam immutasse, quosdam pro indifferentibus habuisse, quosdam permittere.*

O

permit-



DeLevitico.

permisisse, imo & jussisse. Hac fere sunt Marshami commenta, quæ in erudito opere exemplis demonstrare passim satagit. Eodem vero Spencerus, sed per ambages, tendit. Paulo altius enim in *Praefat. libri 3. p. 519.* ceremoniarum sacrarum origines repetens, sententiam suam in hunc modum exponit: quosdam omnino ritus sacros v. g. primitias Deo consecrandi, altaria titulosque in illius honorem erigendi &c. e Patriarcharum moribus in posterorum religionem transiisse; sed paucos illos facilesque post secula non multa in molem immensam excrevisse, qui novi mores vel e fraude sacerdotum ethnicorum, qui fabulam suam de religione, magna varietate rituum exornarint, ut plebi gratior accederet & sibi ipsis quæstuosior; vel e pruritu & lascivia ingenii humani, cui veterum omnium fastidium statim obrepit; aut e superstitione & puerili illo dogmate, quod operosis quibusdam ceremoniis & cultus sui circumstantiis, artem & elegantiam sapientibus, Deum demereri liceat, originem hauserint. Inter haec evenisse, ut in Ægypto nati Israelitæ Dei rerumque divinarum notitias oblivioni sensim tradarent, & vix ultra lateres & allium Ægypti jam sapientes, servilique intenti operi, in Dominorum suorum mores & ingenium toti transirent, ritibus eorum ac superstitionibus facile susceptis, id quod *lib. I. cap. 1. Sect. 1. p. 22.* Scripturæ testimoniis, veterum suffragiis & e populi moribus confirmat. Deum itaque, cum religionem in integrum restituere, & Israelitas ad patrum pietatem revocare statuisset, hanc iniisse rationem, ut idolorum cultu, sub poena capitis, iis interdiceret, & ritus omnes, fidei vel moribus honestis adversantes, a legis & cultus sui corpore, tanquam membra corrupta penitus amputaret: ritus autem alios non paucos, multorum annorum & gentium usu cohonestatos, quos ineptias norat esse tolerabiles, aut ad mysterium aliquod adumbrandum aptos, in sacrorum numerum adoptasse. Cum enim rudes Israelitæ per patrum suorum vestigia eundi cupidine toti flagrarent, & animos gentium (Ægypti præcipue) moribus affixos gererent; modo Deus ritus antiquos omnes inhibuisset, in eos procul dubio & gentium sacra impetu & desiderio calidiore fuisse ruituros. Quando itaque Deo jam res esset cum eo rudi populo, a suis seculique moribus nulla machina dimovendo; eorum ritus nonnullos paululum emendatos leni ipsum animo tulisse, & per συγκατάβασιν illam Israelitas a gentium idolis & ceremoniis sensim & suaviter avocare studuisse, quos statim & cum violentia quadam avellere non potuerit. Quæ omnia ut obtineat Spencerus,

Spencerus:



cerus, rem ita aggreditur, ut *Libro I. Operis* fines legum ceremonialium pervertat, primariamque legum rituumque Mosaicorum rationem idolatriæ Israëliticæ inhibitionem fuisse evincat; secundariam demum in σπιριτουαλιᾳ rerum spiritualium reponat, ita quidem, ut primas in ea nihilominus moralibus officiis, tanquam in imagine repræsentandis tribuat, & postremum omnium locum assignet typicæ Messiae adumbrationi. *Libro II.* eas expendit leges Mosaicæ, quibus Zabiorum ritus occasionem dederint. Zabiorum vero nomine, quod ex Maimonide &c Arabicis Scriptoribus ipsi innotuit, Chaldæos in primis, Ægyptios etiam, Nabataeos, Charanæos, Syros, aliosque Chaldæorum dogmatis & ritibus addictos, censendos esse arbitratur. *Librum tandem III.* octo dissertationibus absolvit, quibus de ritibus e gentium moribus in legem translatis, de origine sacrificiorum, de purificationibus, de Neomeniis, de Arca & Cherubim, de templo, de origine τῶν Urim & Thummim, & de hirco emissario ex instituto agit. In eodem quoque luto hære-re *Guilielm. Outramum*, ex ipsius verbis *libro I. de sacrificiis cap. 18. §. 4. p. 194.* fere colligere licet, quanquam, ut alienam, eam referre vi-deri velit sententiam.

V.

Enimvero somnia ista, utcunque eruditio se commendare vi-^{affertur} deantur specie, & quibuscumque tandem ornentur pigmentis, quam lon-ge tamen a sanorum verborum abeant forma, e Sacris literis palam est. Ex nimirum divinam sacramque, non humanam, non gentilem legum I. ac ceremoniarum Mosaicarum originem toties evincunt, quoties Mo-sen a Dei ore pependisse, & ad ipsius nutum atque imperium omnia instituisse, disertis verbis asserunt. Unde universa legum repetitio, in Deuteronomio comprehensa, Israëlitis facta dicitur בְּכָל אֲשֶׁר צִוָּה יְהֹוָה אֵת לְאַהֲרֹן juxta omnia, que præcepit JEHOVA Mōsi ad filios Israël, Deut. I, 3. Mōsi enim quid divina totiesque repetita & inculcata opus fuisse institutione, quid familiarissimo cum Deo commer-cio, si non diversos ab Ægyptiis aut longo usu inter populares suos re-ceptis tritisque gentilium moribus, lege sua præciperet ritus? Omnem enim Ægyptiorum sapientiam accurate calluisse, potentemque sermo-ne ac opere jam ante fuisse Mōsen, Stephanus testatur Act. VII, 22. Licet vero hanc institutionem eo pertinuisse dixeris, ut qui probentur 2. Deo ritus vel saltē tolerentur ac retinendi sint, qui ex adverso impro-bentur abrogandi, fidelis Dei servus inde hauriret; manebunt tamen &

O 2

isti



isti a Deo tolerati, adoptati & repurgati, humani saltem ingenii figmenta, ἐντάλματα αὐθεώπων, quibus cultum Deo acceptum Salvator exhiberi negat Matth. XV, 9. Plus enim quam Cimmerias, mentes hominum post lapsum, tenebras occupasse, ut in rebus ad Deum remque divinam spectantibus plane cœcæ, nil nisi errores gignant & amplexentur, scriptura passim testatur, nec ipsi dissentent gentiles. Hinc tam sollicite sapientissimum Numen cavit, ne humano ingenio, circa res divinas statuendi, ullum relinquatur arbitrium, ulla detur facultas, aristissime quæ ad cultum suum pertinebant circumscribens, ut eis vel addere quippiam vel demere velle, sacrilegium habeatur, Deut. IV, 2. XII, 32. Prov. XXX, 6. & pari passu cum idolatria ambulet, Num. XV, 4. 39. Deut. XVII, 3. Jer. XIX, 5. Quid? quod *Diabolum ipsum primarium tot ceremoniarum* (inter gentes quidem, quarum ritus Deus in sacrorum suorum numerum adoptarit,) *magistrum extitisse*, signatis verbis p. 520. fateatur Spencerus? An vero absque summae impietatis, imo blasphemiae nota dici possit, Deum tolerasse, approbasse & jussisse ritus in cultum suum adhibendos, qui a Diabolo, Dei cultusque ejus oso, ad omnem pietatis veræque θεοσεβειας eliminationem excogitati, adeoque ex orco ortum traxere? an hæc Christiano homine, ne dicam Theologo vox digna sit? judicent quotquot ullo adhuc pietatis sensu tanguntur. Hinc scilicet Spenceriani illi flosculi enascuntur, quibus Deum *ritus multorum annorum & gentium usi cohonestatos*, quos *INEPTIAS norat esse TOLERABILES, in sacrificiorum suorum numerum adoptasse*, belle nimirum & scite rhetoricitur. Sed quid multis? Sane Deus ipse Levitici cultus ceremonias ab Aegyptiorum ceterorumque gentium quarumcunque ritibus longo discriminat intervallo, eum Mosen in hanc sententiam assari populum jubet: *Ego Jehovah Deus vester: בְּמַעַשְׂךָ אֶרְצַי מִצְרָיִם אֲשֶׁר יִשְׁבַּתְּךָ לֹא תַּעֲשֵׂה secundum opus terre Aegypti, in qua habitassis* (quale demum cunque istud fuerit) *ne feceritis, אֲנָה מְבֵיא אֶתְכֶם וּבְמַעַשְׂךָ אֶרְצַי בְּנֵיכֶן אֲשֶׁר אֲנָה מְבֵיא אֶתְכֶם שְׁמָה לֹא תַּעֲשֵׂה וּבְחַקְרָתֵיכֶם לֹא תַּלְכֵד secundum opus terræ Canaan, in quam ego vos introducturus sum, ne faciatis, & in statutis eorum ne ambuletis. Judicia mea (non Aegyptiorum, non Cananæorum) facite, & statuta mea observate, ut ambuletis in eis. Ego Jehovah vester Lev. XVIII, 2. 3. Ubi disertis verbis peregrinos ritus sine discrimine omnes prohibet, suaque illis statuta & placita opponit, quæ nihil cum illis*



illis commercii, nullam similitudinem habeant. Et adhuc clarus Deut. XII, 2. sqq. Perdendo perdetis omnia loca, ubi serviverunt gentes, quas vos expellitis, diis eorum: super montibus excelsis, & super collibus, & sub omni arbore viridi, & destrueris altaria eorum, frangetisque statuas eorum, & lucos eorum comburetis igne, & sculpilia Deorum eorum succidetis, ut perdatis nomen eorum de loco hoc: *NON FACIETIS EO MODO* (quo nempe gentes Diis suis fecerunt) *JEHOVÆ Deo vestro.* Quis hinc induci se patiatur, ut credat, gentiles istos ritus, quibus tam severe interdixit Deus, ipsum nihilominus in sacerorum suorum numerum adoptasse aut tolerasse? Sed videamus nunc, quibus fidem sententiae suæ facere conetur argumentis Spencerus. Id enim Lib. III. Diff. I. Cap. 1. p. 521. operam dat, ut Deum ritus aliquos inter gentes olim usitatos in legem cultumque suum transtulisse, sect. I. divinis, sectione II. humanis testimonii demonstraret. Ubi quidem primo ad Mosaiica *I.* Deut. IV, 7. 8. verba se recipit, quæ tantum abest, ut sententia ejus patrocinetur, ut potius contra ipsum militent: *Quæ gens est ita magna, cui sunt Dii propinquui, sicut est Jehova Deus noster in cunctis, pro quibus invocaverimus eum.* *Et quæ est gens ita magna, cui sunt statuta & judicia, sicut lex ista, quam ego coram vobis do hodie?* Numne verbis istis statuta & judicia Israelitis esse cum gentium & Ægyptiorum placitis communia, vel ex gentilium derivata sacris, Moses perhibet? Anne vero potius ab omnium gentium sanctionibus & ritibus longo intervallo distincta? Quæ consequentia illa est, quam Spencerus negat? *Moses hoc in loco legem & conditionem Hebreorum cum gentilium confert: at rudi populo clare constare vix potuit, quantum ipsorum leges & ritus gentium instituta sanctitate & excellentia superarent, nisi inter utraque similitudo vel affinitas aliqua generalis intercederet.* Longe validiori argumentatione hæc inverterim, & rudi populo de legum suarum prærogativa constare potuisse negaverim, si similes vel affines ritus inter gentes in usu fuissent. Unde depravatio rectius, quam textus explicatio censenda est, cum verba ita παραφερέται: *Si gentium exterarum instituta recolitis, dicite o boni, qui ritus exterorū affectu studioque maximo prosequimini, quenam ea natio sit, quæ ritibus ea puritate, gravitate, splendore conspicuis, cultus sacri munia celebrare solet?* Neque enim vulgari illa rituum farragine, quibus gentium ignorantia & supersticio tot ridicula & impura miscuerunt, Deo O. M. cultum exhibemus; sed ritibus emendatis, & Dei sapientissimi limam passis, qui tamen in gentium sacris integri & sine

O 3

ulla



ulla correctione retinentur. Ubi vero emendationis hujus in Moiaicis verbis vel vola comparet vel vestigium? Nec sane de qualitate saltem rituum, verum de substantia potius, qua a gentium differant institutis, 2. ipsi sermo est. Sed pergamus ad reliqua. Secundum sententiae sua fulcrum substernit ex Pauli verbis *Aet. XIII, 18.* ubi de Israelitis agens, Deus, inquit, per *XL.* annos ἐτεροφόρησε mores eorum toleravit in deserto: ubi per mores, quos Deus tulit, intelligenda Spencero videntur consuetudines aliae, pueriles magis quam profanae, quarum nonnullas ad tempus sustinuit, alias autem in sacerorum suorum classem translulit. Unde autem probabit, ritus sacros & religiosos potius, quam vitæ ipsorum ad honestatem vel flagitia compositionem, per mores designari? Cum τροποφορεῖν a bonæ notæ Scriptoribus non ad sacra facientium ritus, sed hominum in communi vita nævos & vitia referatur. Unde longe diversus a Spenceri somnio verborum sensus est, quem b. D. Dan. Arcularii *Comment. in b. l. p. 488.* quam meis verbis reddere malo: Tertium beneficium (hic exponitur) summa Dei in tolerandis populi hujus sceleribus lenitas & indulgentia plus quam paterna, que quidem legenti Moysis historiam facile patebit. Cum enim sèpissime nunc in Deum, nunc in ministram ejus Moysen gravissime delinquent, ac proinde digni essent, qui ad intervectionem deterentur, Dominus illis clementer pepercit, ac quamvis rebelles nonnullos ex ipsis puniret, populum tamen ipsum conservavit, ut promissionem de Messia, patribus illorum factam aliquando præstaret. *Conf. Ps. LXXVIII, 38. 39. Ezech. XX, 17.* Ceterum legi ad h. l. omnino meretur vir doctissimus Thom. Gatakerus *Adversarius. Miseriarum scellan.* Posthumorum cap. 41. Opp. T. I. p. 856. Tertium ipsi argumentum illa loca præbent, quibus Deus de præcipue notæ ritibus & institutis agens, vocibus permittentem & dirigentem potius, quam præcipientem & adhortantem sonantibus utatur: e. g. *Exod. XX, 25.* Si altare lapideum facere velis mihi, non adificabis e seculis lapidibus: *Lev. I, 2.* Si quis e vobis obtulerit oblationem Domino, offeretis de pecoribus &c. *Num. VI, 1.* Si quispiam voverit votum ad separandum se Domino, se a vino &c. Cum etiam tabernaculum nondum strueretur, Deus verbis, specie quidem præceptivis, revera autem permissivis tantum utebatur, *Exod. XXXV, 5.* Hinc Deus ipse, de Judaici cultus ceremoniis agens, aperte profitetur *Jes. I, 12.* ea omnia se de manibus eorum minime requisiuisse: nempe quod ritus illi permitti potius fuerint, quam præcepti, & a seculi consuetudine magis quam Dei voluntate & intentione prima-

ria



ria derivati. Sed fucum profecto facit, & ludit in re seria Spencerus, cum ubique Deus præcipiat, nec ullibi, ut locis supra citatis vidimus, arbitrio humano in re sacra quicquam definire permittat. Hinc toutes *מִצוֹת / חֲקֻות / וּמִשְׁפָטִים* statuta, præcepta & judicia sua ipsauidunt Levitica illa instituta. Et ut eamus per exempla, c. l. Ex. XX. altare sibi exstruvi v. 24. diserte juss erat; nunc modum determinat, si lapideum exstruendum sit, cuiusmodi illud sit futurum, adeoque imperat, plane non populi arbitrio permittit. Ita Lev. I, 2. de sacrificiorum origine plane non agitur, sed de materia & modo, ubi rursus præceptiva occurruunt, non permissiva vocabula, ut inspectio textus docet. Longe enim majorem ferebat ætatem sacrificiorum religio, Patriarchis omnibus & jam Habeli frequentata, Gen. IV. quem fide obtulisse Paulus testari non potuisset, ni fides ipsius diserto Dei mandato & verbo fuisset nixa, per Rom. X, 14. Nequicquam vero vim hujus argumenti cludere conatur Spencerus Lib. III. diff. 2. quæ est de origine sacrificiorum cap. 4. sect. 2. p. 671. cum sacrificii Abelis acceptationem, quam Apostolus fidei ejus adscribit, Deum Gen. IV, 7. & S. Johannem 1. Ep. III, 12. illius bone vite, hoc est, fidei operibus probatae tribuere dicit. Ita nimirum Theologus ille fidem in bonam vitam & opera transformat, & manifeste testatur, nullam sibi injuriam fieri, cum Leidekkerus (ap. Benthem. Holländ. Kirch- und Schulen-Staat P. II. p. 461. sq.) hoc de legibus Ebraeorum universum opus in gratiam Socinianorum conscriptum arbitratur. Si enim hoc non est, nescio quid sit Socinizare; ut ex collatione patet Socin. P. IV. de servat. Christo c. XI. XII. ut & Tract. de fide & operibus p. 60. 123. & 128. Sed ad institutum redeamus. Vota illa Num. VI, 1. &c. nuncupandi libera quidem unicuique potestas erat, unde etiam voluntaria dicuntur; at nuncupata exsolvendi ratio & modulus non arbitrio cuiusvis permittitur, sed certa circumscribitur lege, ut gratis hoc etiam exemplum allegetur. Tabernaculi porro structura annon disertis verbis Exod. c. XXV. toto, maxime v. 9. 40. præcipitur? Eum enim in finem Moses denuo ad Deum in montem vocatus, novam cum ipso quadragesimam exegit, ut hæc ipsa de condendo tabernaculo Numinis jussa capesseret. Apud Jesaiam denique c. I, 12. minime Judaicum cultum, sed Judæorum vitia, manuumque impuritatem v. 15. 16. Deus exagitat, a qua si se mundaverint, cultum se non repudiaturum, v. 18. pollicetur. Ultimum sententiae suæ præsidium in verbis A. 4. postoli querit, quibus Judæi ὑπὸ τὰς σοιχῆας τὰς κόσμους δεδύλωμένοι Gal.



Gal. IV, 3. dicuntur. Magnus hic ipsi Apollo Grotius est, qui per elementa illa mundi ritus intelligit, qui Judæis cum mundo erant communes, & MVNDI quidem elementa, a majore ea usurpantium parte, vocantur. Verum Grotii errores fuse & solide ad h. l. refellit Callovius, ubi inter alia: *Vocantur mundi elementa non quod lex terrena tantum promiserit vel transitoria, ut mundus, non cœlestia, ut glossa ordinaria habet: nec quod hominibus mundo & carni deditis potissimum parata sint, ut Hyperius censet: aut quod Judeis cum mundo communia, ut Grotius, quia ad totum Vet. Testamenti populum simul ad heredes & Dominos respicit Apostolus, non ad impios tantum, & mundo deditos: sed quia EXTERNA TANTVM ERANT ET MVNDANA, unde b. Lutherus euerliche Satzungen reddidit. Nam de EXTERNIS ET SENSIBILIBVS agunt leges ceremoniales, utpote sacrificiis, lotionibus, decimis, feriis & similibus. Quod per antithesin illustrat b. D. Hoë Comm. ad h. l. p. 181. Patres V. T. inquiens, circa σοιχεῖα & nuda quasi elementa occupabantur: ubi nos in Novo Test. res tractamus gravissimas, ab elementis illis mundi, a RITIBVS ET EXTERNIS CEREMONIIS Levitiis diversissimas.* Paulo aliter explicat de universa lege Mosaica D. Seb. Schmidius Comm. ad h. l. p. 576. qui videatur. Ruunt ergo fulcra, quibus superstructum Grotio-Marshamo-Spencerianum commentum nitebatur; nec dubium amplius est, universam fere Ethnicorum Theologiam, cultumque illum varium, ex Mose ejusque scriptis & populi Israelitici solennibus promanasse, quod Ger. Jo. Vossius in amplissimis illis *de Idolatriæ origine & progressu* commentariis demonstratum dedit: & quanquam negare non licet, Hebraeos ex Ægyptiorum consuetudine & moribus vitium traxisse, cuius rei fidem Ezech. caput. XXIII. abunde facit, id tamen DEO probatum & in legum sacrorumque ejus censum relatum fuisse, nulla demonstrari ratione potest. Quæ demum cum Hebrais Ægyptii in sacris communia habent, multo ea rectius ab Hebrais ad Ægyptios, quam vice versa, manasse creduntur, ut Hermann. Witsius solide evicit in *Ægyptiacis*, opere ex instituto Marshami sententiae opposito, & summa eruditione referto, cuius *Libro I.* magnam atque admirandam plane convenientiam in religionis negotio veteres inter Ægyptios atque Hebraeos esse docet: *L. II.* rationes examinat, quibus inductos se testantur adversæ sententiae Patroni, ut ex Ægyptiorum fontibus Hebraeorum plerosque rivulos derivatos esse credant: *L. III.* suam de singulis

κεισιν



superaddit. Universam sententia hujus refutationem in compendium velut redigit, & XII. argumentis inclusit b. Patruus meus Joh. Ben. Carpzovius in *dissert. de Vacca rufa* P. II. Cap. 3. §. 21. p. 183. qui tandem jam in *notis ad Schickardi Jus Regium* Cap. I. theor. 2. p. 44. sq. attigerat. Ceterum dudum ante, quam isthac moveretur controversia, b. Joh. Conrad. Dietericus *Antiquit. Biblicalar.* V. T. ad Deut. XII, 3. p. 274. sq. ubi in origines idolatriæ inquirit, hoc ipsum eruditus observavit, quicquid in *Judeorum*, inquiens, erat institutis, id tanquam simia primum *Ægyptii*, deinde ab his *Graci* & *Romani* mutuati videntur. -- *Kanōnīa si ullibi in paganorum doctrina, profecto in ritibus sacrificiorum, potest σαφεστώς observari.* Quicquid hic simile habent pagani, debitores sunt *Judeorum*; Unde Augustinus I. XXII. contra Faustum c. 17. religiosa sacramentorum prædicamenta *Ebræorum* sacrilega imitamenta *Paganis* fuisse scribit. Quanquam istud jam ante Spencerum perneget Sam. Parkerus itidem Anglus, qui lib. II. tentam. Phys. Theol. c. I. p. 181. sqq. omnem movet lapidem, ut vana esse omnia ostendat, quæ eruditi e veri Dei cultu in gentilium translata fuisse Theologiam produnt.

VI.

Sed ista de legum ceremonialium, quæ tantum non utramque Legum evitici paginam faciunt, origine: Usum porro & scopum earundem p[ro]fundi scimus pervertit Spinoza. Sententiam suam *Tract. Theol. Pol. c. V. p. 55.* his ^a pus & usus verbis exponit: *Cum Ceremonie, eæ saltem, quæ habentur in Vet. Test. perseruntur, Hebreis tantum institute, & eorum imperio ita accommodata fuerint, ut maxima ex parte ab universa societate, non autem ab unoquoque exerceri potuerint, certum est, eas ad legem divinam non pertinere, adeoque nec etiam ad beatitudinem & virtutem aliquid facere; sed eas solum Hebreorum electionem, b. e. solam corporis temporaneam felicitatem & imperii tranquillitatem respicere, propterea que non nisi stante eorum imperio, ullius usus esse potuisse. Si eæ igitur in V. T. ad legem Dei referantur, id propterea tantum fuit, quia ex revelatione vel ex fundamentis revelationis institute fuerunt.* Quibus deliramentis ut aliquem obducat colorem, ad *Jes. I. 10. & Ps. XL. 7. 9.* provocat, ubi omnia sacrificiorum genera & festa omnia a lege secludantur. Verum largiamur licet, non nisi vindicatur. stante *Judaorum* imperio integrum fuisse ceremoniarum usum, siquidem umbras istas adventanti locum dare corpori & cedere oportuerit, *Col. II. 17. Hebr. X. 1.* monstrum tamen non unum reliqua Spinozæ

P.

com-



- commenta alunt. Ad legem enim divinam Leviticæ ceremoniarum constitutiones omnino pertinent; non moralem quidem, quæ omnes plane homines obligat, sed positivam tamen, præscriptam a Deo cum vi obligandi Hebræos ad obsequium sub poena mortis, quæ legis proprie dictæ indoles est ac natura. Hinc, quod supra §. præc. jam observatum est, præcepta, statuta, & judicia Dei in scriptura audiunt, non sane ideo tantum, quod vult Spinoza, quia ex revelatione vel ex fundamentis revelatis institutæ fuerunt, quo pacto omne revelatum, & sic ipsum quoque Evangelium, ad legem Dei referendum fuerit, quod absurdum; sed quod & istæ voluntas legislatoris promulgata, præcipiens sint & obligans. Legem vero divinam si fatalem in existendo & agendo necessitatem dicat Spinoza, ut ex cap. ejus præc. IV. intricatissime quidem proposito colligere est, tum ad hanc talem pertinere legem ceremonias ipsi negamus, istam vero legis descriptionem, ceu spuriam dumque in Stoicis explosam, eadem opera repudiantes. Nec ullum ipsi in allegatis dictis præsidium est, quæ quippe non omnem sacrificiorum & ceremoniarum usum, sed profanum saltem hypocitarum abusum e medio tollunt & damnant. Porro quoque sani nihil in eo est, quod ceremonias istas ad beatitudinem & virtutem quicquam facere negat. Virtutis enim & beatitudinis licet partes, actus aut cause non sint; sunt tamen adminicula divinitus peculiariter instituta, pars ordinis, & via, per quam ad virtutum & obedientiæ exercitium, tum & beatitudinis consecrationem perveniebatur. Demum vero aperte falsum est, quod ceremonias Leviticas, *solan corporis temporaneam felicitatem & imperii tranquillitatem respexisse* contendit. Leges enim illæ pleræque, præsertim quæ sunt de sacrificiis, adumbrabant sacrificium Christi, in ara crucis pro nobis immolandum, ejusque beneficia spiritualia fide acceptanda, atque adeo felicitatem animæ, constitutam in remissione peccatorum & vita æterna; non quidem vi ceremoniarum, sed vi sacrificii Christi, quod adumbrabant, fide apprehensi, adipiscenda, ut commode monet D. Musæus *Differ. contra Spinozæ tractatum Theol. Polit.* §. 77. p. 65. & fusius alibi a Theologis docetur. Ista ergo temporalia commoda, quæ obedientibus legi divinæ promittebantur, umbræ & cortices erant spiritualium bonorum, & vita facienti promissa, Lev. XVIII, 5. vel ipso Christo interprete *eternos aeterna est*, Luc. X, 25. 28. Ut cetera nunc prætermittam, quæ non faciunt ad institutum.

VII. Tem-



VII.

Temporum ratio, nullis circa hunc librum difficultatibus involuta, Chronologo.
uno mense absolvitur, a tabernaculo die i. mensis primi, anni egressus
secundi, erecto, ad mensem usque secundum ejusdem anni, cuius die
primo populus numerari jussus est, quod ex collatione Exod. XL, 17.
33. cum Num. I, 1. patet. Incidit ille mensis a d. 21. April. Juliani ad
d. 21. Maij, Anni O. C. 2514. Quod superest, tripartita plerisque ar. Partio.
risit libri partitio, alio tamen aliis nomine & titulo insignita. Pelar-
go & Walthero pars I. agit de rebus sacris, ritu nimirum sacrificiorum,
c. I - VII. II. de personis sacerdotibus fungentibus, c. VIII - XV. III. de
actionibus partim necessariis, partim voluntariis, c. XVI - XXVII. Ca-
lovio I. de sacrificiis, II. de Sacerdotibus & Levitis, III. de temporibus
oblationi destinatis c. 23 - fin. inscribitur. Heideggerus Enchir. p. 37.
P. I. leges circa sacrificia c. 1 - 7. P. II. leges circa sacerdotes c. 8 - 10.
P. III. leges circa fideles quosvis c. II - fin. versari censet. Eodem in-
cedit tramite Franc. Burmannus, P. I. de sacrificiis c. 1 - 7. P. II. de in-
auguratione Aaronis & filiorum c. 7 - II. P. III. de variis legibus cere-
monialibus c. II - fin. agere tradens. Nos b. Calovio calculum adjici-
mus, ut ex subjecta tabella patebit.

VIII.

Agit Leviticus

Tabula Syn-
optica.

I. de sacrificiis, eorumque

- I. speciebus variis, cum alia sint sacrificia
 - a) voluntaria, sponte oblata; eaque rursus vel עירלה holocaustum, de quo c. I.
 - מנחה Mincha l. sacrificium cibarium c. 2.
 - שלמים pacifica l. eucharistica c. 3.
- b) necessaria, eaque
 - sacrif. על pro peccato per errorem c. 4.
 - סבב pro reatu c. 5.
- 2. ritibus in oblatione observandis, ubi
 - α) ritus holocausti, Minchæ & pro peccato c. 6.
 - β) ritus sacrificii pro reatu & pacificorum c. 7.

II. de Sacerdotibus, eorumque

- I. constitutione; ubi sacerdotii
 - α) inaugratio. c. 8. 9.
 - β) per contemtorum, Nadabi & Abihu pœnam glorificatio c. 10.
- P 2 2. puri-



DeLevitico.

2. purificationibus in immundis peractis ; ubi præmisso mundorum & immundorum animalium discrimine c. II, 1-42. traditur purificatio
 - a) immundorum per attachum c. II, 43 - fin.
 - b) puerperæ c. 12.
 - c) leprosi c. 13. 14.
 - d) seministri & profluvium patientis c. 15.
 3. functione solenni, die expiationis obeunda c. 16. 17.
 4. judicio ferendo circa
 - a) gradus agnationis & incestum c. 18.
 - b) varias & miscellas leges observandas c. 19.
 - c) poenas prævaricatorum c. 20.
 5. incontaminata qualitate & requisitis c. 21. 22.
- III. de temporibus sacris, quæ dicata sunt
1. Sabbatho & Festis c. 23.
 2. apparatui tabernaculi (circa lucernam, panes propositionis &c.) c. 24.
 3. anno Sabbathico & Jobelao c. 25. cum appendice promissionum & poenarum legalium c. 26.
 4. votis & decimis c. 27.

IX.

Commenta-

ria

Patrum:

E Patribus, præter supra in Pentateuchum laudatos, ad explicacionem Levitici operam contulerunt ORIGENES, cuius exiguum ex homili. 2. fragmentum Huetius edit, suæ p. 26. Graece exhibet, Latinæ vero homiliarum XVI. versiones non ab Hieronymo, quod Sixtus Sen. vult, sed a Rufino adornatae, T. I. Opp. Lat. leguntur, ita tamen ab interprete (quod nec ipse diffitetur in peroratione subjecta interpretationi Commentariorum Origenis in Ep. ad Roman.) interpolatae, auctæ, immutatae, ut quid genuino earum parenti, quidve interpreti acceptum sit ferendum, difficile perquam sit judicare. Easdem vero Cyrillo Alexandrino a nonnullis tributas, dubium reddidisse Bellarminum lib. IV. de verbo Dei c. 11. Origenis ne, an cuiusnam alterius esse crederet, eruditè observat Gerhardus Conf. Cath. Lib. I. P. II. c. 13. p. 629. PROCOPIVS, de quo ad Exod. dictum: HE SYCHIUS porro, qui & ISICHIUS audit, Presbyter Jerosolymitanus, cuius libri VII. explanationis in Levit. ad Eutychianum Diaconum A. 1527. Basileæ impresi seorsim prodierunt, tum etiam T. XII. Bibliothe. PP. Max. f. 53. inserti conspi-

conspiciuntur, incerti tamen & autoris & ævi, ut ex sententiarum collatione ac censura ap. Phil. Labbeum de scriptor. Eccles. T. I. p. 633. sq. apparet; Rabano tamen Mauro adeo adamati & excerpti, ut Lorino Comment. in Lev. p. 8. judice, si aliquæ glossæ inveniantur in hunc librum cum titulo Rabani, Hesychii censenda sint ut autoris, Rabani ut scriptoris: ac tandem RADVLPHVS FLAVIACENSIS aut Flaicensis, Monachus Benedictin. cuius in Leviticum commentarius. libri XX. Marpurgi in fol. A. 1556. excusi, deinceps Biblio. PP. Max. T. XVII. p. 47. inserti sunt, quibus ex Sixti elogio l. IV. Biblio. S. p. 370. ita diserte, pie, & erudite omnia hujus libri mysteria tam secundum historicum, quam secundum spiritualem sensum explicavit, ut in comparatione ejus ceteri ejusdem libri expoſtores minime exposuisse videantur.

In Judæorum scriniis פסקתא זורתהא seu Commentarius in Levit. *Judeorum:* perantiquus, Venetiis in fol. A. 1546. impressus reprehenditur: quo majorem tamen adhuc fert ætatem ספרא Siphra, commentarius incerto autore circa A. C. 130. ut perhibetur, conscriptus. In Siphre Jeschén fol. 56. n. 41. a. aliis ad Raf, qui discipulus R. Chajæ & R. Juddæ sancti fuit, aliis ad R. Jhudam filium Elai autorem refertur. Idem alias תורה כוחנים Lex sacerdotum vulgo audit, quia de ritibus & iuribus sacerdotum ex Levitico, qui ipse pariter in tract. sanhedrin fol. 103. col. 2. hoc nomine venit, ex instituto agit. Impressus prostat Venetiis in fol. A. 1550. Prolixam in hunc librum Siphra expositionem compositum R. Aharon ben Chajim, quam קרבן אהרן sacrificium Abaronis inscriptum, Venetiis editam, de qua vide rursus Siphre Jeschen. fol. 68. n. 63. a. Commandantur etiam homiliae in Leviticum R. Juddæ, Liber vitae ספר החיים inscriptæ, & Cracoviæ impressæ in 4. A. 1628.

E Lutheranæ ecclesiæ Doctoribus, ut Brentii, Chytræi, Pelargi, aliorumque taceam supra commendatos labores, b. WOLFGANG FRANZIVS prælectionibus Academicis Leviticum egregie & succincte explanavit, ex quibus dein Commentarius enatus est, Wittebergæ editus in 4. A. 1615. & A. 1654. 1696 recusus. Tum etiam PAUL. CONSTANTIN. PHRYGIO commentario eundem enarravit, qui, adjecta ejus in I. Ep. ad Timoth. explicatione, Basileæ in 8. impressus est A. 1543. & 1596. His ERASMVM SARCIERIVM Heideggerus in Enchir. addit, cuius tamen in Leviticum lucubrationes videre nondum contigit. Refer quoque hic VALER. HERBERGERI Magnalium Dei P. VII.

Lutherano-
rum:



DeLevitico.

Pontificio-
rum:

Inter Pontificios NICOL. TRIVETVS Anglus, Ord. Dominic. ejusque Conventus Londin. Prior, circa A. 1328. clarus, *Postillam in Leviticum* composuisse fertur, de qua tamen non constat, typis an unquam fuerit exscripta. Cui jungere licet R VPERTVM ROSEVM Anglum, *Postilla Scholastica* autorem. Potiori jure JOHANN. LORINVM hic nominamus, S. J. Theol. cuius amplissimus in Levit. Commentarius Antvverpiæ in fol. A. 1620. recusus, autoris industria rerum ubertate probat. PETR. SERRANVS quoque Complutensis ecclesiæ Canonicus, ex Commentario in h. l. Antvverpiæ in fol. A. 1572. edito inclaruit. THOMÆ WALDENSIS Angli, Carmelitæ in plurimos scripturæ libros, & in his in Leviticum annotationes Venetiis in fol. prodierunt A. 1571. ROBERTI CANVTI commentar. Marpurgi lucem adspexit in fol. A. 1536. JOH. RVS-BROCHII in tabernaculum Moysi Commentaria, multa quoque Levitici loca illustrare dicuntur.

Reformato-
rum:

In Reformatorum interpretum numero ANDREAS WILLETVS Anglus celebris est, cuius in Levit. Hexapla Londini in fol. prodierunt A. 1608. 1631. JACOBI BROCARDI mystica & prophetica libri explicatio Lugduni in 8. A. 1580. excusa est. JOH. WOLFII sermones in Leviticum Tiguri in fol. A. 1585. impressi sunt. JOH. COCCEJI observationes T. I. Opp. p. 166. leguntur. FRI-DER. SPANHEMII in Leviticum observationes historicae, typicæ & morales succinctæ & ad usus prædictos accommodatae, non quidem ab auctore prælo destinatae, sed ab auditoribus e lectionibus Academicis calamo exceptæ T. III. Opp. conspicuntur p. 617. sqq.

Autores de
sacrificiis.

Præter dictos vero libri interpres, multum haud dubie ad ejus explicationem quoque facient philologici & historici eorum labores, qui de sacrificiis V. T. ex instituto egerunt, quos inter principem tenet locum b. WOLFG. FRANZIVS *in schola sacrificiorum Patriarchalium sacra*, Wittebergæ A. 1654. edita, qua per Disputationes XXII. satisfactionem Domini nostri J. C. in sacrificiorum veterum typis fundatam, contra recentium Photinianorum strophas solide afferit, simul etiam universam sacrificiorum indolem ac naturam declarat. Quocum conferri poterit b. JOH. SAVBERTI *de sacrificiis veterum* commentatio, Jenæ A. 1653. & Amstelodami A. 1664. in 8. excusa. Sed & JACOB. HEERBRANDVS de sacrificiis Leviticis quædam commentatus est Tubingæ in 4. A. 1573. b. FRIDER. RAPPOLTI differ-



dissertatio, *Iesum typicum aduersus Photinianos in veterum sacrificiis demonstrans*, quæ T. II. Opp. p. 1417. conspicitur, usum forte magis polemicum quam exegeticum præstabit. E Judæis PHILO peculia-ribus libris, uno περὶ ζώων τῶν εἰς θυσίας, καὶ τίνα τῶν θυσιῶν εἴδη, de animalibus idoneis sacrificio, deque victimarum generibus Opp. p. 646. altero περὶ θυόντων de victimis offerentibus p. 656. data opera egit. R. MOSIS MAIMONIDÆ librum de sacrificiis ex Hebraeo in Latinum convertit sermonem, notis illustravit, & cum Abarbelis proœmio commentariorum in Leviticum edidit Londini in 4. A. 1683. Ludovic. de Compeigne de Veil. E Reformatis GUIL-ELM. OVTRAM Theologus Anglus & Canonicus Westmonasteriens. de sacrificiis libris duobus rem omnem ita expedivit, ut primo omnia Judæorum, altero sacrificium Christi exponeret. Impressum opusculum cernitur Londini in 4. A. 1677. & Amstelod. A. 1678. in 8. Sed multo ante JOHANN. CLOPPENBURGIVS sacrificiorum Patriarchalium scholam sacram struxit, in qua sacrificiorum antiquitatem, usum & antiquationem examinat, sub juncto aliquot Problematum præteriorum spicilegio: Lugduni Bat. A. 1637. in 12. Collationem Aaronici cum Christi sacerdotio HERMAN. WITSIVS in- & aliis huic stituit *Miscellan. Lib. II. Diff. II. p. 454. sqq.* Caput de mundorum pertinenti- & immundorum animalium discrimine, ut & quæ alia circa pecora & jumenta, nec non circa volatilia sacrificiis idonea observanda veniunt, solide & prolixè explanavit SAMVEL BOCHARTVS in *Hiero-zoico*, opere insigni eruditione reserto, Londini primum in fol. & postea studio Dav. Clodii Francofurti edito A. 1675. Ut quæ THOMAS GOODWIN Anglus, in antiquitatum Hebraicarum compendio, *Moses & Aaron* inscripto, quæ J. O. H. LVNDIVS in *Jüdischen Heilighümern* passim, cum primis L. III. IV. V. quæ porro CL. RELANDVS in de Antiquit. Hebraicis; nec non quæ b. Frischmuthius, Summe Rev. D. Dassovius, aliique celeberrimi nominis Philologi atque Theologi Dissertationibus eruditis, ad antiquitatem sacram facientibus, ad Levitici illustrationem suppeditant, silentio prætermittamus.

CAP.



CAP. VII.

De Numerorum libro.

Summarium *Libri appellationes, & Numerorum præcipue nomenclatura, explicantur*
capitis.

§. 1. *Scriptor Moses a Spinoza & Peyerio impugnatus vindicatur*
& assertur: ubi de libro bellorum Domini ex Num. XXI, 14. §. 2.
Ordo: argumentum: scopus §. 3. Autoritas divina & canonica. §. 4.
Chronologia §. 5. Stationes populi iter facientis per deserta §. 6.
Partitio §. 7. Tabula Synoptica §. 8. Commentarii Patrum: Ju-
deorum: Lutheranorum: Pontificiorum: Reformatorum: cum man-
tissa eorum, qui typos V. T. explicarunt §. 9.

§. I.

Appellatio.

Hebrais ex more recepto initiali voce נָוִי בְּרֵךְ & locutus est, tum etiam ab extantiori versus primi vocabulo בְּמִרְבֵּךְ in deserto, quartus Mosis liber appellatur, quod in deserto acta præ ceteris hoc libro describuntur. LXX. Senes ἀρθυσ διxere, quam Græci Patres denominationem retinuerunt, Latini *Numerorum* vocabulo imitati sunt, Tertullianum si exceperis, qui l. IV. c. *Marcion* c. 27. & 28. Græcam vocem Latinitate donavit, Arithmorum nomine librum citans. Nominis rationem variam reddiderunt variis, Numerosque dictum censet Ambrosius, quod egressæ ex Ægypto Israæliticæ plebis numerum liber exhibeat; Leontius Byzantinus, quia tribus Israelitarum earumque principes recenseantur; Athanasius, quod totius populi numerum complectatur; Isidorus, quod egressæ plebis non modo quantitatē, sed & mansiones ejusdem in deserto, dedicati tabernaculi diem, oblationumque modum, non sine mystici numeri sacramento & ratione tradat; Abulensis denique, quod præter numeros nihil sit, per quod liber iste a Mosaicis reliquis specialius distinguitur, quæ ex Hieronymi prologo hujus libri haud dubie mutuatus est. Hanc & Rabbini adoptarunt denominationem, hunc librum, quanquam rarius סִפְרַת הַפְּקוּדִים Numeros, ut & חִסְפְּרִיּוֹת librum recensionum salutantes.

II.

Scriptorem libri a quibusdam in dubium vocatum fuisse, b. noster *impugnatus* Waltherus jam observavit Offic. Bibl. §. 752. idque gemino arguento,
quod



quod & locutiones tertiae personæ hic occurrānt, v. g. dixit Dominus ad Mo-
sen &c. & quia liber bellorum Domini citatur, qui Mosis tempore non-
dum extiterit. Prius Spinoza ex Aben Ezra haustum recoxit *Tract. Theol.* a Spinoza
Pol. c. 8. p. 105. ad Deut. XXXI, 9. provocans, ubi Mosis expressum no-
men alterius scriptoris, *Mosis facta & scripta narrantis indicum esse su-*
spicatur; quod, si momenti alicujus esset, pari valore contra Numeros
quoque & reliquos Mosiacos, Genesi excepta, argumentum urgere pos-
ses. Sed solide huic dubio satisfecit Illustr. Huetius *Dem. Ev. Prop. IV.*
cap. 14. §. 9. p. 305. quod hæc si valeat argutatio, eadem consequentia
confici queat, nec Cyri expeditionem, nec Cæsaris commentarios, nec
Josephi de bello Judaico libros, nec Procopii historiam, genuinos au-
torum, quorum nomen præferunt, fœtus esse, cum &c in illis Xenophon-
tis, Cæsaris, Josephi, & Procopii, tanquam diversarum ab autoribus per-
sonarum, mentio fiat. *Moris* quippe *Scripturæ S. est,* bene inquit Gre-
gorius M. præfat. in *Job. c. 1.* ut *ipſi, qui scribunt, ſic de ſe in illa quaſi*
de aliis loquantur. *Hinc* eſt enim, quod *Moyses* ait: erat *Moyses* vir mi-
tissimus ſuper omnes homines, qui morabantur in terra. *Hinc* *Johannes*
dicit: *discipulus ille, quem diligebat Iesuſ.* *Hinc* *Lucas* ait, quod am-
bularent duo ex *discipulis in via, Cleophas & altus.* Et paulo post: *scri-*
ptores igitur ſacri eloquii, qui impulſu Sancti Spiritus agitantur, ſic de ſe
in illo testimonium, quaſi de aliis proferunt. Eadem plane ratione Au-
gustinus *contra Faustum Manich. lib. XVII. c. 1.* Fausti refellit fucum,
Matthæo ſuum Evangelium ideo abjudicantis, quia de Matthæo in ter-
tia persona loquatur. Confer *huc omnino b. Casp. Finckii Canon. Theo-*
log. Cent. I. can. 66. p. 118. sq. & can. 93. p. 193. Posteriorius argu-
mentum Peyerterius arripit, & ex Num. XXI, 14. concludit, *librum & Peyerterio*
bellorum Domini laudari non potuisse a Mose, in quo facta fuisset mentio
eorum, que in Arnon & in ipsa arena a Mose ipſo gerebantur: quia enim
neque conscriptus erat liber ille, neque potuerat. vid. System. Pre- Adam. P.
I. Lib. IV. c. I. p. 174. Diurnos ſcilicet rerum a ſe gestarum commen-
tarios compoſuit Mofen judicat, ex quibus longo poſt iſum tempo-
re bellorum Domini confarcinatus, atque ex hoc demum Numerorum
liber fuerit excerptus, qui proinde non autographum (Mosis) — edum
vero apographum ex autographo ipſo exscriptum: ſed vere — re. ſe apo-
graphum apographi reputari debeat. Haud parum vero mihi Doctiſi-
mum Huetium huic argumento adeo ſuccumbere, ut c. I. §. 14. p. 309.
convicium ſacro textui facere, & quoniam de genuina loci bujus scriptu-

Q

122



ra non satis confit, nullam inde posse certam exsculpi sententiam, criminari non erubescat. Grotii nimurum haec critica erat, qui Hebræa obscura esse tradit unius literæ facto dispendio, alteraque paullum mutata; quam temerariam textus violationem b. Calovius noster ex merito castigat. Enimvero sint licet verba aliquantum obscura, sua tamen lectio vel scripturæ sarta tecta constat integritas, quam nec versionum diffonantia, nec variae interpretum sententia vitium esse passam evincunt. Licet autem tot ferme circa hunc locum diversæ occurrant explicaciones, quot sunt interpres, nulla tamen omnium impiæ Peyerriæ consequentia locum facit. Alii nimurum significationi Futuri מִתְּנָא moribus inhærentes, librum bellorum Domini extitum demum prænunciari, atque sic scriptore Numerorum posteriore esse, cum Heideggero Exerc. Bibl. IX. §. 17. p. 261. Ariæ Montani versionem secuto, existimant. Sed ut taceam, Futurum apud Hebræos frequentissime nunc in præteriti, nunc in significatione temporis præsentis ponit, quod b. Glassius Philol. S. Lib. III. Tr. 3. can. 49. p. 653. sq. multis demonstravit exemplis; ipsa quoque textus circumstantia interpretationi huic reclamat, siquidem sequentes duo versiculi ex isto libro citentur, indicio haud fallaci, jamdum in hominum manibus eum fuisse versatum. Alii vocem רַבָּד sollicitant, quanquam non eodem omnes modo. Hanc enim non semper integrum cujusdam molis librum, sed interdum simplicem recensionem, chartam quamcunque, cui aliquid inscriptum est, quin imo enarrationem quoque aut historiam, quæ in ore hominum hæreat, notare observant. Inde ullius hoc loco libri mentionem fieri negant Hebræorum Magistri apud Lyram ad b. I. Augustinus quidam, Chilensem Episcopus, apud Sextum Senensem Biblioth. S. lib. II. voc. bellorum Domini liber, p. 54. Francisc. Junius Comm. ad b. I. & e nostraribus b. D. Pelargus. Hottingerus Tbes. Phil. Lib. II. c. 2. Sect. 2. p. 524. eorum calculo suo approbat paraphrasin, qui verba illa: *Propterea dicitur in recensione bellorum Domini, ita reddunt, q. d. horum duorum versuum (scil. 14. & 15.) in recensendis bellis Domini sera posteritas maximam semper habebit rationem.* E recentissimis Vir Cl. Joh. clericus in paraphrasi loci sensum ita eloquitur: *Ideoque quotiescumque post hac bella, Dei auspiciis ab Israëlitis gesta narrabuntur, horum locorum ante omnia mentio fiet: Vabebi nempe, sive Matianis in Supba, & Arnonis ejusque decursus &c.* Cum quo doctissimus Gallus, Lud. Elias du Pin Prolegomen. in S. Biblia Lib. I. Cap. I. §. 8. p. 22. consentit, verba reddens:



reddens : quemadmodum dicitur , cum Israelita commemorabunt bella Domini . Quanquam idem in eam potius inclinare videatur sententiam , per librum bellorum Domini canticum forte designari , quo victoriam , de qua ibi sermo est , celebrarint Israelitæ , cum verba in medium producta poëticum quid (*des expressions Poëtiques*) haud obscure præ se ferant : quæ eadem & Hug. Grotio arrisissæ , ex iis appetet , quæ ad v. 14. annotavit : *Potest סִפְרַת veritatis narratio , ut intelligamus carmina quedam vetusta , quibus res gestæ insignes celebrabantur.* Quibus haud gravatim assentiremur , dummodo voc. סִפְרַת recensionem oralem designare , quod presupponunt , posset evinci . Quicquid enim sit de rad. סִפְרַת , cui enumerandi , recensendi , narrandi significatum non denegamus ; derivatum tamen inde nomen vereor ut in S. Codice de narratione non - scripta , sed ore saltem decantata reperias . Alii porro librum aliquem bellorum Domini concedant , sed & ii scinduntur in partes . Quidam enim hodiernum extantem censem & Canonicum , eumque vel ipsum hunc Numerorum librum , quæ Hottingero etiam cit. l. placuisse sententia videtur : vel librum Judicum , cuius c. XI , 13. sq. fines Moabitarum & Ammonitarum , nec non prælia Israelitis contra Amalekitas gesta describantur , quod Aben-Esra censet , Sixto Senensi quoque allegatus . Sed citata verba repugnant , quæ & in Judicum libro frustra quæres , & aliunde quam ex Numeris deprompta esse , necesse est ; ut taceam , insignem hic fingendam esse περὶ Ἀνθρώπων vel prævisionem saltem propheticam , cum Judicum liber longo tempore post illam citationem exaratus fuerit . Alphonsus Tostatus , Abulensis Episcopus T. IV. Opp. Comment. in Num. Parte II. f. 44. sq. hunc bellorum Domini eundem facit cum libro Istorum Jof. X. 13. & 2. Sam. I. 18. allegato , conjectura tam facili , quo adstruitur , negotio respuenda . Mendoza in 4. libb. Regum Annotat. Proæm. 2. sebt. 2. num. 48. a Mose scriptum hunc librum conjicit , & quidem post Genesin : cum & naturæ & doctrinæ ordo postularit , ut prius mundi exordia , quam Patrum certamina scribere aggrederetur : dudum vero eum periisse existimat . Drusius in Comment. ad loca difficilia Num. p. 454. cum Mose Gerundensi peculiarem hunc vult esse librum , qui bella , quæ Deus per Patriarchas & Israelem a tempore Abraham contra gentes confecerat , prolixius quam in libris Mosaicis scripta tradebat , in qua sententia b. Jac. Martini dissert. de libris scripturæ deperditis §. 71. coll. cum 69. acquiescit . Denique Augustinus qu. 42. in Num. librum hunc vere deperditis accenset , citra tamen sacri codicis

Q 2

jacturam,



jacturam, cum nec sacer fuerit, nec Canonicus, sed politicus saltem, extetæ gentis historiam complexus: quæ b. Waltheri quoque sententia est *Offic. S. 1331.* Hackspanii *not. Philol. Theol. ad b. l. Part. I. p. 476.* & nostratum bene multorum. B. Joh. Henr. Ursinus in *Exercit. de Zoroastre, Hermete & Sanchon. p. 221.* sq. forte divinum fuisse istum librum, conjicit, ac proinde autoritatis irrefragabilis: canonicum tamen fuisse, negat, quia perire: idquo ideo, quia ecclesiæ non commendatus, non in canonem relatus, nec in capsa s. librorum ad arcæ latus affermatus fuit. Quid si vero dicamus, particulam נָה h. l. notare de, ut sensus verborum integer sit: propterea dicitur (vel si Futurum malueris, dicesur) in recensione (scripta utique, sed qualicunque demum) bellorum Domini de Vaheb in Supha & de flaviis (in primis) Arnone, & (de) aquæ ductu fluviorum, qui declinat ad habitationem Har, & sifit se ad terminum Moab: de his inquam dicitur, fines esse Moabitum & Emorrhæorum, quod proxime præcesserat, & in cuius fidem hæc verba allegantur. Id enim unum vult Moses his verbis, quod Vaheb (sive urbs fuerit, sive mons, quod b. Lutherus voluit) & fluvius Arnon Moabitum & Emorrhæorum fines dirimant. Sane particulam נָה saepius de notare, ac de objecto sermonis vel scripti usurpari, b. Noldius in *Concordant. Partic. p. 117.* sq. probe observavit, idoneis & luculentis exemplis demonstravit, & in annott. p. 804. solide vindicavit. Hoc autem pacto necesse non est, ut verba ista sententiam ex libro bellorum Domini signatis verbis excerptam continere, aut parœmiam quandam quotidiano usu tritam fuisse dicamus, quod quidem e nostris b. Zehnerus voluit in *Adag. Sac. Cent. I. Ad. 3. p. 13.* & e Pontificiis del Rio in *Adagial. Sac. V. T. n. CX. p. 103.* quem vide, ut in afferenda Vulgata versione, fontes hic protus deferente, mire se torqueat, & magno conatu magnas nugas agat. Jam ad Peyerium ut revertamur, unde hæc ipsi $\pi\alpha\phi\pi\sigma\alpha$, librum bellorum Domini ante Numeros conscriptos ut exitisse neget? An nulla hæc tenus ab Abrahami ætate gesta bella fuerant, quæ in hoc libro consignari potuerint? & ut nondum exitisse largiamur, an a Mose definiri non potuit, hos, nec alios, Moabitum & Emorrhæorum terminos in recensione bellorum populi Dei describi debere? Adeo clumbe sane ejus argumentum est, ut quamcunque demum ex supra memoratis sententiam eligas, nulla satis tutum ipsi præsidium præstet aut patrocinetur. Invictum ergo perstat, quod communi omnium seculorum consensu creditum fuit, præter Mosen Numeros haud alium agnoscere scriptorem.

Mosaicis

affirmitur.



Mosaicis enim haud obscure hunc librum accenset Christus Joh. V, 46.

47. coll. cum Joh. III, 14. nec exactissima hujus cum Mosaicis ceteris in stylo, historia, temporum serie, reliquisque circumstantiis convenientia ullam de hac re dubitationem admittit.

III.

Ordine, quo præcedentes libros noster excipit, non tam ad legum respici discrepantiam, quasi in Exodo moralis, in Levitico ceremonialis, forensis in Numeris lex rogetur, aut explicetur, ut Abulensis censet; nec tam ad officiorum sacrorum & secularium distinctionem, ut postquam cultus divini ratio, quoad ecclesiam V. T. certis definita legibus esset, nunc politica sequatur gubernatio, certis veluti gradibus & functionibus ordinata; cum & in hoc libro haud pauca ad cultum & sacra pertinentia occurrant: quam ad Chronogiam temporumque, quibus res singulæ gestæ sunt, seriem censendum est, cum populi numeratio & reliqua hujus libri contenta, post ea demum contigerint, quæ per unum mensem acta Leviticus exposuerat. Ut quod Glossa Ordin. mysterium hic quærit, reliquasque Pontificiorum circa numerum quaternarium ejusque perfectionem nugas, quas Lorinus *Comm. in b. l. prefat. c. 6. p. 5.* exhibet, taceamus. In enarranda nimitem profectionis Israelitæ a mansione Horeb, ad illam usque, quæ in campis tribus Moab cre-
gione Hierichuntis instituebatur, historia versatur, & itinerarium exhi-
bet Israelitarum a primo die secundi mensis in secundo exitus anno, us-
que ad primum diem XI^m mensis in quadragesimo post exitum anno,
ut adeo, præcedens legalis cum esset, hic noster historicus censendus sit
liber. Quicquid enim per XXXIX. fere annos cum Dei populo in
deserto actum est, quæ Numinis in gubernando eo provida & sedula
eluxerit cura, quæ rebellis & ingratæ multitudinis protervia, severis
coercita poenis, quæ itineris vicissitudines, quæ occupandæ terræ hæ-
reditariæ fuerint auspicia, & quæ alia per universum tanti temporis tra-
ctum memoratu evenerint digna, ordine & luculenter tradit. Scopus
vero non moralis tantum est, eo tendens, ut veritatem Dei in benefi-
ciis pariter ac judiciis semper sibi constantem, tum & ecclesiæ nostræ
conditionem & modum, ex Israeliticæ ecclesiæ facie, rerumque com-
memoratarum historia colligamus; in quo solo acquiescit Heidegger-
rus *En. b. p. 43.* sed & omnino didacticus atque Evangelicus, Christum
cum merito suo sub typis serpentis ænei c. XXI. coll. cum Joh. III, 14.
vaccæ ruffæ c. XIX. coll. cum Ebr. IX, 13. 14. Nazaræatus c. VI. coll.

Ordo

Argumen-
tum.

Scopus.

cum

Q. 3



De Numeris.

cum Matth. II, 3. virgæ Aaronis c. XVII. coll. cum Jes. XI, 1. percussæ & aquam fundentis petræ c. XX, coll. cum 1. Cor. X, 4. ut & in clarissimis Bileami vaticiniis c. XXIV, 17. sqq. ob oculos ponens.

IV.

Autoritas
divina.

In afferenda libri auctoritate divina eo minus nobis laborandum est, quo firmius crebra historiarum & contentorum ejus in N. T. allegatio, quam aliqua sui parte §. præc. tetigimus, eam demonstrat. Ne quicquam vero nervum hujus demonstrationis incidere tentat Lorinus præf. in Numer. c. 1. p. 1. argumentum istud non penitus concludere, cum libri quoque non-Canonici in Canonice citentur, & Apocryphis ecclesia interdum utatur in officio ecclesiastico; sed magnam saltem probabilitatem habere contendens. Ut enim posterior allata in medium ratio ejus plane nihil officit, quin allegatae in Novo Test. libri cuiusdam Veteris Test. historiæ vel sententiæ divinam libri ipsius auctoritatem evincere possint: ita circa priorem, quæ majorem præ se fert speciem, citatorum momentum, scopus & argumentum caute dignoscenda sunt. Citantur utique non-Canonici, imo profani omnino gentilium libelli, quanquam rarius, a Scriptoribus θεοφιλοις, velut Paulum ex Epimenide, Callimacho, Menandro & Arato versiculos nonnunquam usurpasse legimus, de quibus eruditus disputat Hieronymus in Epist. ad Magnum Oratorem Roman. sed nunquam ad Evangelici dogmatis confirmationem, verum illustrationis saltem gratia, vel etiam νατ' ἀνθεπων: ex quounque autem libro sententiæ vel argumenta, ad doctrinæ Evangelicæ demonstrationem, in Novi Fœderis libris petuntur, ille non potest non canoniam ipse atque divinam obtinere auctoritatem. Non enim aliud, præter divinum & Canonicum Evangelica veritas principium agnoscit, ex quo vel innotescat, vel demonstretur, nec humana ulla sagacitas vel sapientia tanta est, ut ea suppeditare valeat, quæ solus in cœlis revelat Pater Matth. XVI, 17. 1. Cor. II, 7. 14. Hinc recte omnino b. D. Keslero in de dictorum Veteris Test. in Novo allegatione, quæ Hackspanii subiecta Syllogæ p. 563. sqq. legitur, dissertatione, ibid. 1. p. 564. sexta ratio, cur Vetus Test. in Novo citetur, assertio est V. T. apud Christianos. Jam itaque Numerorum librum cum tanti faciat Christus, ut deprompto ex illius historia typo Joh. III, 14. redēptionis fidem Nicodemo ingeneret & solide demonstraret; & Paulus, ut pari demonstrationis genere virtutem sanguinis Christi Hebr. IX, 13. evincat: quis apodicticum ex ejusmodi allegationibus argumentum, pro corroboranda Numerorum auctoritate canonica, enasci temere neget?

V. Chro-



V.

Chronologiae ratio annorum 38. mensium 9. spacio circumscripta Chronologia. bitur, facto supputandi initio a die primo mensis secundi, anni ab exi-
tu secundi, uti Num. I, 1. diserte indicatur; usque ad diem 1. mensis un-
decimi, anni post exitum quadragesimi, quod ex Deut. II, 3. colligere
in proclivi est. Temporum vero series ita habet:

A.O.C. Anno

	Exitus.	
2514	2	mensis secundi die 1. (Juliani d. 21. Maij) numeratio & census peragitur populi, Num. I, 1. XXVI, 64.
	-	mense quinto post exitum, a deserto Paran, circa tempus primarum uavarum (Num. XIII, 20.) duodecim explo- ratores, terram Canaan iustratum emissi, exactis 40. diebus ab exploratione terræ Kadeschum revertuntur, Deut. I, 24. 25.
2515	-	Kadeschi considererunt Israelitæ dies multos, Deut. I, 46. Ad quam vel proximas huic mansiones referenda sunt colligentis ligna in Sabbatho lapidatio Num. XV. Kore, Dathan & Abiram seditio c. XVI. Miraculum virgæ Aaronis c. XVII. &c.
		<i>Quæ omnia & alia, posteriore semestri anni ab egressu secundi contigisse existimantur: duorum tantum primo- rum annorum atque ultimi historia a Mose temporum intervallis signata; intermediorum vero XXXVII. an- norum rebus silentio pretermisssis.</i>
2552	40	venere in desertum Tsin: ubi moritur Mirjam, soror Aa- ronis & Mosis, quatuor ante Aaronom, & undecim ante Mosem mensibus Num. XX, 1. d. 1. mensis quinti exitus (d. 18. Aug. Jul.) Aaron Mo- seræ in vertice montis Hor moritur, anno ætatis CXXIII. Num. XX, 23 sqq. XXXIII, 38. 39. mense sexto exitus erectus serpens æneus c. XXI. historia Bileami c. XXI. sqq. Mosi mors denunciatur, & successor Josua designatur Num. XXVII.
		Huc porro reliqua totius libri spectant, ad mensem hujus anni XIImum, quem Deuteronomium exponit.

VI. Sunt,



Mansiones
populi in
deserto.

VI.

Sunt, qui rationem temporum, quibus in deserto populus oberravit, juxta mansiones Israelitarum, seu loca illa, in quibus consedit & substitit populus, metiuntur, quas e Num. XXXIII. capite XLII. numerat Hieronymus & in peculiari tractatu de 42. mansionibus ad Fabiolam To. IV. f. 18. ex Hebraicis nominum significationibus mystice exponit. Eorum vero cum paucissimæ signatis temporum intervallis notentur, & ad topographiam itinerisque delineationem rectius referantur omnes, in divulso nexus junctas, ductum Spiritus S. c. l. secuti, ob oculos hic ponemus. Mansio itaque

- I. *Rameffes* fuit, ex Hieronymi calculo: quanquam non tam itinéris statio, quam terminus a quo censenda sit, ubi Iſraelitæ simul converunt omnes, qui vel cum Ægyptiis mixtim habitabant Exod. III, 22. vel stipulas quæſitum per totam terram fuerant dispersi c. V, 12. Num. c. l. 3.
- II. *Succoth*, ubi Moses mandata Dei de annuo Paschatis ritu, & primo genitorum consecratione populo proposuit Exod. XII, 37. Num. c. l. 5.
- III. *Etham* in extremo Troglodytarum deserto, Domino per columnam nubis & ignis præeunte Ex. XIII, 20. 21. Num. c. l. 6.
- IV. *Pi-Hachiroth* inter Migdol & mare rubrum, e regione Baal-Zephon Ex. XIV, 2. Ibi Pharaō cum exercitu, Hebræos affecutus, mari submersus periit: hi trajecto mari ad orientale ejus littus, in desertum Etham pervenerunt Exod. XIV. XV. Hinc continuo tridui itinere per desertum processerunt, aquam non invenientes Exod. XV, 22. Num. c. l. 7. 8.
- V. *Marah*, Mosis miraculo, aquas amaras injecto ligno edulcorante, incluta Exod. XV, 23. sqq. Num. c. l. 8.
- VI. *Elim*, ubi 12. fontes aquarum, & 70. palmæ Ex. c. l. 27. Num. c. l. 9.
- VII. *Mare rubrum* Num. c. l. 10.
Hinc mense secundo ab exitu, die 15. pervenerunt ad stationem in
- VIII. *Sin* deserto, quod est inter Elima & Sinai, ubi circa vesperam co-turnices, & mane Manna cœlo deplutum nacti sunt Exod. XVI, 1. sqq. Num. c. l. 11.
- IX. *Dopbkah* Num. c. l. 12.
- X. *Alus* v. 13.
- XI. *Rephidim*, ubi populo, ob aquæ penuriam murmuranti Moses percussa petra aquam suppeditat, populum deinceps per universum iter fecutam.



- fecutam. Loco autem in rei gestæ memoriam *Meribæ* & *Masse* nomen hæsit. Ex. XVII, 1. sqq. Num. v. 14. Ps. LXXVIII, 16. 20.
 Tertio mense die 15. in novam delati Israelite mansionem, quæ
 XII. *Sinai* desertum, ubi e regione montis Horeb castra metati per
 integrum fere annum obhæserunt. Conf. Ex. XIX, 1. cum Num. X,
 II. 12.
 Anno ab exitu secundo, mensis secundi die 20. castra movent Israelite,
 & confecto tridui itinere confederunt in statione
 XIII. *Kibroth-thaavah* Num. v. 16. ubi murmurantes divino igne ab-
 sumti, loco *Tabeeræ* nomen indiderunt Num. XI, 1. sqq.
 XIV. *Hbazeroth* Num. v. 13. & c. XI, 35. ubi Aaron & Mirjam in fra-
 trem Mosen confremuerunt Num. XII.
 XV. *Rithma* in deserto Paran juxta Kadesch-Barneah v. 19. & c. XII,
 16. XIII, 26. Unde exploratores missi.
 XVI. *Rimmon-Parez* v. 19.
 XVII. *Libna* v. 20.
 XVIII. *Rissa* v. 21.
 XIX. *Kebelathæ* v. 22.
 XX. *Mons Schepher* v. 23.
 XXI. *Charadab* v. 24.
 XXII. *Makbeloth* v. 25.
 XXIII. *Thahabæ* v. 26.
 XXIV. *Tharab* v. 27.
 XXV. *Mithkah* v. 28.
 XXVI. *Hasmonah* v. 29.
 XXVII. *Moseroth* v. 30.
 XXVIII. *Bene-Jaakan* sive plenius *Beeroth* *Bene Jaakan* putei filiorum
Jaakan (Deut. X, 6.) v. 31.
 XXIX. *Hor-Hagidgad* v. 32.
 XXX. *Jothatba* v. 33.
 XXXI. *Hebrona* v. 34.
 XXXII. *Ezion-gaber* v. 35.
 Anno Exodi quadragesimo, mense primo regressi a Meridie Aquilonem
 versus in desertum Sin, redierunt ad stationem
 XXXIII. *Kadesch-Barneam* v. 36. & c. XX, 1.
 XXXIV. *Hor* mons, juxta fines terræ Edomæorum, v. 37. in quo diem
 obiit Aaron. Hinc post triumphum ex rege Harad actum, circum-

R

acta



- aucta Edomæorum terra in Moabitidem iverunt, ad latus orientale,
& castra metati sunt in statione
- XXXV. *Tsalmonah v. 40. 41.* ubi presteribus infestati sunt Hebrei c.
XXI, 5.
- XXXVI. *Phunon v. 42.*
- XXXVII. *Oboib v. 43. &c. XXI, 10.*
- XXXVIII. *Ije-Abarim ad terminum Moabitarum v. 44.* ante conspe-
ctum scilicet Moabitarum ab ortu Solis c. XXI, II. quod desertum
Moab appellatur Deut. II, 8.
- XXXIX. *Dibon-Gad. v. 45.*
- XL. *Halmon-Diblathaim v. 46.*
- XLI. Montes *Abarimorum ante Nebuntem v. 47.*
- XLII. *Shittim vel Abel-Shittim v. 49.* ubi permanerunt; donec sub Jo-
sua inde profecti, ad Jordanem pervenerunt Jos. III, 1. Hic tentata
populi per Bileam devotio c. XXII. sqq. hic tertius populi a Mo-
se & Elcazaro census peractus c. XXVI. hic reliqua, quorum in Nu-
meris & Deuteronomio reçensio legitur, ad mortem usque Mosis
gesta sunt.

Atque ista quidem e re duxi ut apponenterentur, cum temporum pariter
ac narrationis Mosaicæ seriem mirifice illustrent: castrorum vero ordi-
nem, signa, duces, & quæ sunt alia ad Israelitarum profectiones perti-
nentia, huc non spectare ratus sciens omisi, petenda, cui ista cognoscere
volupe est, ex Christ. Schotani *Biblioteca Histor. S. V. T. Tom. II.*
p. 276. sqq.

VII.

Partitio.

Partes alii duas libri constituant; vel ratione materiae, ut b. Ger-
hardus in *Exeg. L. de Script. S. §. 122.* qui describi iter Israeliticum
trudit, tum qua antecedentem preparationem, tum qua consequentem sta-
tionem, qua occasione exempla obedientiæ præmiis honoratae, & inobe-
dientiæ poenis visitatae legislator inspergat; vel ratione Chronologiarum,
ut b. D. Pelargus, qui P. I. gesta in deserto ab anno 2. usque ad annum
40. capitibus *XIX. P. II.* quæ quadragesimo anno secuta sunt a cap. *XX.*
ad fin. exhiberi censet. Communissima reliquis libri interpretibus est
τριχοτοπία, e Pontificiis Tostato Abulensi, e Reformatis Heideggero,
cum primis e nostratis b. Walthero *Offic. §. 755.* arridens, juxta quam
P. I. populi ad continuandum iter ex deserto Sinai præparationem c. *I-*
X. P. II. institutas peractasque a monte Sinai ad solitudinem usque
Moab



Moab & confinia terræ Canaan profectiones c. XI - XXI. P. III. hæreditatis terræque promissæ capessendæ rationem tradit. Paulo aliam alii partiendi viam ingressi, juxta tria deserta ab Israelitis peragrata, tres libro partes assignant, P. I. ad desertum Sinai referentes capp. I - X. P. II. ad desertum Kadesch c. XI - XX. P. III. ad desertum Moabitum c. XXI. ad fin. Nobis ea se cumprimis probavit distributio, quæ magno Calovio nostro Bibl. Ill. T. I. p. 506. & Reformatorum Burmanno ad b. l. p. 643. comodissima visa, ab argumenti petita est diversitate, & in quatuor sectiones librum dispescit, quarum I. est *ἀριθμητικὴ*, universam populi secundum tribus recensionem c. I - IV. complexa. II. *διατακτικὴ* leges quasdam in deserto rogatas commemorans c. V - X. III. *ἱστορικὴ*, rerum gestarum historiam enarrans c. XI - XXVII. IV. mixta, leges partim ceremoniales nonnullas, partim rerum gestarum expositionem mixtim sistens.

VIII.

Absolvitur Numerorum liber sectionibus IV. quarum

I. *ἀριθμητικὴ*, sive populi numeratrix est, exponens censem

Tabula
Synoptica.

a) civilē, qui tradit

tribuum p. numerum ac summas c. 1.

p. castra & situm juxta plagas mundi c. 2.

β) sacrum, qui exponit

Levitarum p. numerum & in primogenitorum locum surrogationem c. 3.

p. ministerium & officiorum distinctionem c. 4.

II. *διατακτικὴ*, sive legum quarundam ordinatrix,

a) qua personas p. immundas castris ejiciendas, & Zelotypas c. 5.

p. Nazaræatus voto obstrictas c. 6.

p. principum offerentium c. 7.

p. Levitarum consecrandonum c. 8.

β) qua res: scil. (1) qua paschatis celebrationem c. 9. 1 - 14.

(2) - profecctionis signa & ordinem v. 15. - fin.

(3) - conventum per tubas argenteas indictionem c. 10.

III. *ἱστορικὴ* sive rerum gestarum commemoratrix, recensens

a) profecctionem ex deserto Sin ad stationem usque in terra Moab, secundum octo murmurations distinctam; quarum

(1) ex tardio itineris, cuius pena ignis c. II. 1 - 4.

R. 2

(2) ex



- (2) ex tædio Mannæ & carnium desiderio v. 4 - fin.
 (3) ex æmulatione Mosis c. 12.
 (4) ex dissidentia post explorationem terræ promissæ: ubi
 a. murmurationis causa, exploratorum decem terriculamen-
 ta c. 13.
 b. murmuratio ipsa, ejusque poena c. 14.
 c. reconciliatio intervenientibus sacrificiis, & sequentibus
 legibus miscellis c. 15.
 (5) ex invidia principatus Mosis, & Pontificatus Aarōnis, cum
 poena hiatus terræ c. 16. 1 - 41.
 (6) ex indignatione supplicii, de turbatoribus Coreh &c. sumti:
 ubi
 a. ipsa murmuratio c. 16. 41 - fin.
 b. sacerdotii Aaronici per miraculum virgæ confirmatio c. 17.
 c. sacerdotum & Levitarum discretio c. 18.
 d. aquæ lustralis institutio c. 19.
 (7) ex aquarum penuria: cuius p. connexa, p. consequentia
 sunt: Mosis ad petram incredulitas: Edomæorum perfidia;
 Aarōnis mors, & successoris introductio c. 20.
 (8) ex tædio viæ, & Mannæ contemtu, cum poena presterum
 c. 21. cuius consequens profectio erat ad limites usque
 terræ promissæ, & debellatio Sihon atque Og. c. eod.
 v. 9 - fin.
 β) occupationis terræ Canaan obstacula, illata per
 (1) Bileami affectatam maledictionem, sed in benedictionem
 versam c. 22. 23. 24.
 (2) fornicationem tam spiritualem, quam corporalem cum Mi-
 dianitis c. 25.
 γ) novæ generationis Israelitarum censum c. 26, cuius conseqq. sunt
 (1) legis de successionibus hæredum promulgatio c. 27.
 (2) Josuæ ad principatum inauguratio c. eod.
 IV. Mixta, ita ut ex parte sit
 a) νομικὴ, de (1) sacrificiis quotidianis, ut & Sabbathi, Paschatis,
 Pentecostes c. 28.
 (2) sacrificiis septimi mensis, diei Kippurim, & Festi
 tabernaculorum. c. 29.
 (3) votis marium ac foeminarum c. 30.

β) ιουδαικὴ,



- β) ἰσογικὴ, de 1. hæreditate Israelitarum per spolia Midianitarum amplificata c. 31.
 2. hæreditate cis Jordanem, Rubenitis, Gaditis, & dimidio Manassi designata c. 32.
 3. mansionum 42. & profectionum populi Israël ordine c. 33.
 4. terræ Canaan situ, limitibus, & diribitoribus c. 34.
 5. Levitarum urbibus & asylis c. 35.
 6. filiabus Zelaphhead, legibusque ea occasione latis c. 36.

IX.

In venerando Patrum ordine vix deprehendes, præter *supr. p. 50.* Commentatores nominatos, qui explicando Numerorum libro operam navarit. *Patres:*
ORIGENIS extant XXVIII. in h. l. homiliæ, quarum autorem Originem, metaphrasten qui in Latinum sermonem transtulit, Rufinum ill. Huetius *Origenian. L. III. Sect. 3. §. 4. p. 245.* asserit, contra Andr. Rivoti criticam, qui Latinum quendam illarum autorem facit. Ambrosium quo jure huc citent Bibliothecarum Sacrar. Scriptores, me fugit. **HYPPOLITI** quoque meminit Heidegger. *Ench. p. 49.* quem librum quoque unum in Numeros adornasse, Hieronymus testis est, sed qui hodie desideratur. De **PROCOPIO** supra ad Exodus dictum est *cap. V. §. 8.*

Judæis in Numeros & Deuteronomium laudatur *סִפְרֵי Siphre*, commentatorius ejusdem cum Siphra autoritatis & æstimii, in *Siphre Jesché-nim f. 56. n. 43.* b. R. Schimeoni filio Jochai autori adscriptus, & excusus Venetiis A. 1546. Confer. etiam Buxtorf. *Bibl. Rabb. p. 389. sq.*

E nostris vero non habeo, quem hic nominem, si in Pentateuchum *Lutherani: laudatos, Brentium, Chytræum, Osiandrum &c. repetere nolim: JOH. BVGENHAGIVM tamen huc referri video ab Heideggero, de cuius vero in Numeros commentario non liquido constat. VALERII HERBERGERI autem *Magnalium Dei P. VIII.* huc spectat.*

E Pontificiis, missis jam Corn. a Lapide, Bonfrerio & ceteris, qui *Pontificiis: Pentateuchum illustrarunt universum, insigniter suam in hunc librum industria probavit JOH. LORINVS Jesuita, commentario prolixo nec ineruditto, edito in fol. Coloniae 1623. & recuso Lugduni A. 1629. Addit Heidegger. ROB. CANVTVM: alii JOH. RVS-BROCHIVM, de quibus supra ad Leviticum diximus.*



De Numeris.

Reformati:

Inter Reformatos COCCEJVS in prophetiam Balaam sive Numerorum cap. 23. & 24. cum cura commentatus est, *T. I. Opp. p. 189.* Notæ vero ejus analyticæ in universum librum vix tria folia compleat *T. I. a veredōtorw p. 31.* Rerum gestarum historiam hoc libro comprehensam fusius exponit CHRISTIAN. SCHOTANVS *Biblioth. V. T. T. II. p. 279-342.* ubi de profectione & obhæsione populi inter montem Sinai & Jordanem satis copiose differuit. In Anglia celebris est GVILIELM. ATTERSOL, cuius *Commentar. upon Numbers A. 1618.* Londini in fol. luci publicata expositus est. JOH. BALÆVS Episcopus Ossoriensis in Hibernia, trigesimum tantum caput explanavit in *the Exposition of the XXX. Chapter of Numbers* Londini in 8vo. A. 1550.

Scriptores
typorum

V. T.

Conferri quoque cum fructu poterunt typorum V. T. expositores, LVCAS BACMEISTERVS in *explicatione typorum V. T. ad umbrantium Christum, ejusque personam, sacerdotium &c.* Lubecæ A. 1604. excusa: MICH. BAVMANVS in *analectis typicis sacris, Ulmæ in 4. A. 1665.* evulgatis: FRIDER. BALDVINVS in *passione Christi typica Wittebergæ in 8. A. 1614.* DANIEL. FESSELIVS in *Christo Mysticæ, Cüstrin. in 4. A. 1665.* DIDACVS BAEZA *Comment. de Christo figurato in V. T. 6. Tomis, Lugd. in f. 1633. 1636.* & e Reformatis potissimum THOMAS TAYLOR Anglus in *Christo revelato s. de typis V. T.* Anglice Londini A. 1635. & Latine Genève in 8. A. 1665. edito: & JOH. BIERNAN Belga, in *Mose & Christo, seu tabula præcipiorum V. T. typorum, Trajecti A. 1700.* in 4. edita: qui præcipias Numerorum historias, typum complexas & ad literam explicarunt, & applicationem ad antitypum ostenderunt.

CAP. VIII. De Deuteronomio.

Summarium capit. 1.

Libri appellations. Cur legis repetitio a Mose instituta? Rabbinica libri nomina §. 1. Scriptor Moses ex c. I. t. c. XXXIV. c. III, 10. n. c. II, 21. c. III, 14. c. XXIX, 5. impugnatus affertur. Hug. Grotii parum religiosa de b. l. sententia: §. 2. Argumentum & contenta libri. Scopus. Autoritas divina §. 3. Chronologia §. 4. Partitio §. 5. Tabula



bula Synoptica §. 6. Commentarii Parrum: Lutheranorum: Pontificiorum: Reformatorum §. 7.

§. I.

Hebræis ut plurimum ab initialibus vocibus אלה חֲרָבִים Appellatio. ista verba, hic liber ex more in Mosaicis recepto appellatur. Porro מְשֻׁנָּה repetitionem, vel plenius חֲתֹרָה iterationem legis ex Deut. XVII, 18. eundem dicunt, eo quod δευτέρωσιν νόμος & recapitulationem legis complectatur. Unde LXX. Senes δευτερονόμιον inscriperunt, voce a Vulgato Interpreti in Latium quoque translata & civitate donata; non quod δεύτερον νόμον secundam & novam legem contineat, quam denominandi rationem Athanasius in *Synops.* primo loco affert; sed quod δεύτερον denuo lex jam ante lata, maxime Decalogus, hoc libro explicetur & ab integro sancitur, quam priori rationem Athanasius d. l. subnecet. Hinc recte magnus Lutherus noster, proœm. annot. in b. l. Vocatur secundaria, inquit, non quod alia sit quam ea, quæ in monte Sinai data est, sed quod denuo repetita sit, novo pacto per ministerium Mosi, coram iis, qui priorem in monte Sinai non audierant. Et commode Theodoretus qu. 1. in b. l. Quod Moses non secundam legem dederit, sed prius latam in memoriam reduxerit, docet hoc libri proœmium: cœpit Moses explicare legem hanc c. I, 5. Neque enim nudam legum superius latarum repetitionem hic liber complectitur; sed, ut bene habet Athanasius δευτέρου νόμου διατάξης repeatit & declarat, quæ antea forte strictim dicta fuerant, imo & non nullas, quarum nulla in præcedentibus libris facta erat mentio, superiorebus addit. Cum enim prisca illa gens ex Ægypto egressa, variis ob murmura & rebelliones cladibus per XL. annos in deserto consumta, posteritatem reliquisset prima legis promulgatione sequiorem; necesse erat, ut novus populus novo non solum fodere Deo obligaretur & jungetur, Dent. XXIX, 1. sed & de vero legis sensu instrueretur ac usu. Præterea Moses magistratu jamjam abiturus hoc veluti Testamentum relinquere, legisque hac repetitione memoriam profundius imprimere volebat; quam ob causam novis quoque regibus eam commendat describendam & assiduo usi terendam c. XVII, 18. & quolibet septimo remissionis anno promiscuæ plebi prælegi jubet c. XXXI, 10. Ceterum Rabbinis, Fagio & Ministero observante, ספר תְּזַבְּחוֹת liber obligationum Deuteronomium audit, eo quod severis ac duris in eodem verbis



De Deute-
ronomio.

verbis a c. XXVIII. populum Moses redarguat ac objurget. Addunt
alii בָּאֵר חַתְּרָה *expositionem legis*, petitam ex Deut. I, 5. nomen-
claturam, nec tam usu receptam, quam ex Interpretum quorundam ju-
dicio commode recipiendam.

II.

Scriptor
Moses

Mosen libri scriptorem nemo facile in dubium vocabit, qui Deut.
XXXI, 9. 24. accurate perpenderit. Neque tamen defuisse memorat
Lyranus *in cap. I. b. l.* qui Mosen literis hunc librum exarasse negan-
impugnatus, sententiam saltem ac verba protulisse crediderint, quam Josua &
Seniores memoriter retinentes post fata virti in librum redegerint; id-
ex Deut. I, 1. que tribus potissimum de caulis: 1) quod in fronte libri verba hæc lo-
quutus fuisse, non vero scripsisse dicatur Moses; quasi vero, quæ ore
primum protulit, in literas postmodum referre, & in posteritatis usum
memoriæ mandare nequiverit. Apostoli sane, quæ annunciaverant
prius, mox & scripserunt, *I. Joh. I, 3. 4. 5.* Mosen idem fecisse quid pro-
hibet? quem, quæ hoc libro exhibentur, & locutum fuisse, Petrus Act.
III, 22. cum Stephano Act. VII, 37. affirmat, & scripsisse, Philippus Joh.
ex eod. loc. I, 45. & Paulus asserunt Gal. III, 10. 2) quod c. l. locutus hæc dica-
tur Moses *trans Jordanem*, unde colligere primum sit, ad littus alte-
rum dicta, ad alterum vero & oppositum scripta fuisse, quæ hoc libro
traduntur: Mosen vero flumen nunquam trajecisse, sed cis Jordanem
obiisse, ex Deut. XXXI, 2. constare, quod ipsum quoque ex Aben-Estra
recoxit argumentum Spinoza *Tract. Theol. Pol. cap. 8. p. 104. sq.* Ve-
rum illud בָּעֵבֶר הַיַּרְדֵּן non modo & ultra & citra Jordanem notat,
nec nisi ex loco loquentis & audientis judicari potest, utra locum ha-
beat significatio; unde sæpius post hanc phrasin subjungi observant
eruditii vel מִזְרָחָה *versus Orientem*, ut Deut. IV, 49. Jos. XII, 1. vel
מִפְּנָה *versus occasum*, ut Jos. XII, 7. quo ad vitandam omnem am-
biguitatem vel citerior vel ulterior pars apertius designaretur; ut com-
mode perquam b. Varenius: secundum Jordanem reddat, sic ut terram
reliquam trans Jordanem oculis quidem jam usurparent, sed pedibus
nondum calcarent: sed & cum עבר transitum notet, (Jos. XXII, 11.
1. Sam. XIV, 4. XXVI, 14. &c.) rectius *ad transitum, in transitu* vertitur,
in loco scil. ubi communis patebat trajectus, ac filii Israel postea trans-
iverunt. 3) quod in fine libri mors ac sepultura Mosis describatur,
quod ad Mosen referri autorem nequeat; id quod rursus arripit Spi-
noza p. 107. & acrius stringit, quod facta comparatione cum omnibus

Pro-

*ex Deut.
XXIV.*

Prophebus, qui postea vixerunt, dicatur, ipsum omnes excelluisse: non ex-
tutus unquam Propheta in Israël sicut Moses, quem Deus viderit de facie
ad faciem. Quod testimonium non Moses ipse de se, nec alias, qui cum
immediate secutus est, sed aliquis, qui multis seculis post vixit, dare po-
tuit: præsertim quia Historicus de præterito tempore loquitur, nunquam ex-
titit Propheta &c. Et de sepultura, quod nemo illam novit in hunc usque
diem. Ubi quidem sunt, qui cum Josepho lib. 4. Antiqu. c. ult. & Phi-
lone lib. 3. de vita Moses, Mosen morti vicinum spiritu prophetico per
 $\pi\acute{e}\delta\alpha\lambda\psi\iota$ suum in literas retulisse obitum censem, veritum nempe, ne
propter excellentes virtutes Judæi se a Deo raptum prædicarent; imo
R. Simeon Cod. Menachoth. cap. 3. p. 30. octo ultimos Deuteronomii
versiculos dictante Domino inter profusas lacrymas a Mose scriptos tra-
dit. Sed cum sequentia versus sexti verba tempus morte Mosis omnino
posterioris designant, pervulgata omnium est confessio, cap. XXXIV integrum,
vel a v. 5. saltem ad finem, ab autore alio, æque tamen Geo-
nævæus, Josua scilicet, quod e Judæis R. Judas vult, e nostratis b. Ger-
hardus Exeg. L. I. de Script. S. §. 124. p. 135. vel ab Eleazaro, quo in-
clinare videtur Coccejus ad ultima Mosis §. 1714. vel Samuele, aut ab
Esdra demum, ad quem Judæi communiter hoc, ut & Genes. c. XXXVI.
referunt, fuisse profectum. Unde vero evincet Spinoza, nullum, nisi
qui multis seculis post vixit, dare hoc ipsi elogium potuisse? Multis sa-
ne annis post Mosis excessum commode Josua hoc ipsum encomio or-
nare potuit: ut taceam, quod ex Bedæ, Saliani, & Cornelii a Lap. ju-
dicio clausula illa: usque in hunc diem, quoties in V. T. occurrit, ab
Esdra divinitus agitato addita videatur. His, quorum Lyranus memi-
nit, 4) argumentum accedit Aben Esræ in ordine sextum, ex Deut. III, ^{ex Deut. III,}
10. 11. petitum, ubi narrationi de Og rege Basan sequentia interserun-
tur: solus Og, rex Basan relictus erat de reliquis Rephaim: ecce sponda
ejus sponda ferri est: nonne illa in Rabboth filiorum Animon? cuius lon-
gitudo novem ulnarum, & quatuor ulnarum latitudo ejus, in cubitis viri.
In qua parenthesi mirifice sibi placent Spinoza æque ac Peyerius ^{10. 11.}
Syst. Præ-Ad. lib. IV. c. 1. scriptorem Mose longe posteriorem inde
conscientes, quia hic modus loquendi ejus tantum sit, ut censet prior,
qui res antiquissimas narrat, quique rerum reliquias ad fidem faciendam
indicat; & sine dubio hic lectus tempore primum Davidis, qui hanc ur-
bem subegit, ut 2. Sam. XII, 30. narratur, inventus est. Addit Peyerius,
non nisi ex temporum longitudine, quæ omnia mutare consuevit, factura

S

esse



De Deute-
ronomio.

esse, ut non in Basanitide terra amplius, sed in urbe Ammonitatum Rabbath lectus ille jam viseretur. Uti vero temerariæ Spinozæ conjecturæ, quasi ferrea illa sponda Davidis demum, Rabbatham subigentis tempore inventa fuerit, nuda atque simplex opponi potest negatio, donec idoneis rerum monumentis vel testibus figmento fidem ficerit; ita reliqua ejus argumentatio nihil solidi concludit. Non enim iis, qui vel vivum Ogum vel hurni prostratum viderant, prodigiosa altitudinis fidem facere Moses allaborat; sed & illis, quibus spectandi gigantis copia t. t. facta non fuit, utpote pueris, senibus, foeminabus, ægrotis; & posteris cumprimis, in quorum gratiam historiam suam exaravit. Nec magis hujus lecti in urbem Rabbath transvectio præcedentis scriptorem longæ antiquitatis fidem firmat, cum vel ab Ogo ipso, adversus Israelitas præliatuero, ad Ammonitas transferri, vel a Moysi, statim a victoria, cum Basanitidis regionis sectione inutilis hæc supellex vendi, vel alio demum, quod nos latet, fato in Ammonitarum devenire potestatem potuerit. Huc facit porro haud inconcinna b. Varenii observatio *Decad. Bibl. in Deut. p. 6.* Ogum imperasse quidem Emorrhæis, sed domo vel gente Emorrhæum non fuisse, quin unum ex illis Ammonitarum antecessoribus gigantibus, Zamzummæis, paulo ante adventum Israelis ex ipsa metropoli ejectis, prout Emaei a Moabitis, Choræi ab Idumæis, Evæi a Caphthoræis. Sic vero sponda illa ferrea jam ante prælium Israeliticum in Ammonitarum urbibus fuit. Haud tanti pondere se fert speciem 5) argumentum, Peyerio ex *Deut. II, 12.* petitum, ubi plane contra verborum scriptorisque mentem colligit, Horæos ab Idumæis de monte Seir fuisse dejectos, quemadmodum ab Israelitis Idumæi postmodum ex eodem monte deturbati sunt. Quod cum ante Davidem non contigerit, hinc Pentateuchum, maxime Deuteronomium majorem Davide ætatem ferre negat. Sed aperte reclamat textus litera, quæ Israelitas non in Idumæorum ab illis exterminatorum loco, sed *לְאַרְץ יְרֵשָׁה* in terra possessionis suæ, quam ipsis Deus dedit vel occupatam cis Jordanem, vel occupandam statim trans Jordanem habitare affirmat; ut adeo non loci identitas, sed occupandi & possidenti ratio ac modus idem innuatur. Sed & istud 6) objicit Peyerius,

in Deut. III,
14.

quod *Deut. III, 14.* Jair omnem regionem Argob cepisse dicatur, quam Mosis tempore capere non potuerit; cum tamen hæreditatis Jairi denominatio saltem exprimatur, tum antiqua, *regio Argob*, tum nova, *vile Jair*. Neque verba ista usque ad hanc diem diuturnum temporis tractum



tractum necessario evincunt, sed præsens saltem tempus designant. Quæ autem frons Peyrero est, addenti: *vix posse dñe Jairum villam suam, quo tempore introducitur Moses hæc loquens.* Ergone pótior Peyrero, quam Moysi loquenti, habenda fides erit? Sed qua religione sacra volumina Præ-Adamitarum ille Parens verset, satis inde apparet, quod lib. IV. System. c. 6. divinum miraculum Deut. XXIX, 5. memoratum, de non attritis Judæorum in deserto vestibus & calceamentis, in libri totius opprobrium vertere, ejusque descriptionem, tanquam portentosam, futilem & puerorum neniis annumerandam exagitare non erubescat, gemina tamen repetitione c. VIII, 4. & c. XXIX, 5. inculcatam, communique Hebræorum pariter ac Christianorum suffragio & consensu, non tam de rerum omnium, qua affluxerint Israelitæ, copia, quam prout verba sonant miraculum hoc exponentium comprobata. Quod superest, Hugonem Grotium in *explicatione Decalogi* fere sub initium haud adeo magnifice de Deuteronomio sentire, ejusque suspectam & dubiam reddere Georgius av., dum Mosen memoriter ea retulisse criminatur, & quidem ea libertate, ut voces transponat interdum, quasdam cum idem significantibus commutet, omittat quedam satis nota ex prioribus, addat alia, interpretamenti vice &c. b. Calovius noster Bibl. Illust. ad Deut. Præloqu. T. I. p. 552. observat, & prout par erat, confutat.

III.

Paucis verbis totius libri summa exponitur v. 5. capit. I. capitulo Moses dilucide explanare legem. Morti quippe vicinus fidelis Dei servus in id unum incumbebat maxime, ut quam veri Dei cultus rationem legumque observantium restauraverat, ad seram posteritatem sartam tecum transmittaret. Quod ut obtineat, gravissima populum oratione hortatur, in qua benevolentiam prius per admirandi itineris & perceptorum a supremo Numine beneficiorum recensionem captat c. I - 4. mox ad legem ipsam conversus, ejus promulgationem repetit, summam denuo inculcat, eamque explicat universam, moralem quidem a c. 6. ad c. 13. ceremoniale a c. 14. ad 17. forensem ad c. 27. Hinc foedus cum populo divinum solenni ritu denuo instaurat c. 27. sqq. factaque solenni partim officii resignatione c. 31. 32. partim tribuum benedictione c. 33. magistratu abit, consensoque monte Pisga arum nosam hanc cum meliore vitam commutat. Hinc Catastrophen fabulæ, quam in his terris Moses egit, hoc libro comprehendi dixeris, nec non explanationem Decalogi plane copiosissimam & locupletissimam, qua cognita nihil prorsus

Argumen-
tum.

De Deuteronomio.

Scopus.

Autoritas divina.

Chronologia.

prosperus desiderare queas, quo ad intelligentiam X. præceptorum opus sit, observante hic b. Luthero. Unde scopus libri ad oculum patet: idem nimurum, qui prælecta & repetitæ in festo tabernaculorum legis fuit, ut audientes discant rimeantque Iehovam Deum suum Israelite, & custodiunt impleantque omnia verba legis hujus: in primis filii eorum, qui non sciunt, audiant & discant timore Iehovam Deum suum omnibus diebus, Deut. XXXI, 12. 13. Partim itaque legalis hujus libri scopus est, ut nova hac iteratione lex universa diuina declararetur amplius, & præsenti Israëlitarum conditioni applicata, in uno volumine junctim habetur, tam ad publicam, singulis Sabbathis per sectiones institutam Act. XV, 21. in festo tabernaculorum autem anni remissionis, plenam prælectionem Deut. c. 1. quam in perpetuos Regis usus, cui singulis diebus vita suæ ponenda ob oculos erat c. XVII, 18. Partim Evangelicus, ut solennem de Messia promissionem testamentariae dispositionis loco Israelitis commendaret Moses c. XVIII, 15. Partim denique historicus, ut integra nobis Mosaici regiminis ad finem usque vita suæ historia constaret. Tandem de divina & canonica libri autoritate nec creberima in N. T. ad confirmationem dogmatum instituta allegatio, nec publica ad latus arcæ foederis repositio & asservatio (Deut. XXXI, 26.) dubitare sinit, ut adeo & hic liber inter τὰ λόγια τῷ Θεῷ Israëli concredita referendus Rom. III, 2. & ἐνδιάθηκος ac testamentarius sine ambiguitate habendus sit. Hinc est, ut libri hujus oracula ceu Domini eloquia Rom. XII, 19. Hebr. X, 30. &c. diserte citentur. Ut tacetam cœlestis Patris vocem, qua in transfiguratione Christi audiendum filium præcepit, ex c. XVIII, 19. hujus libri haud obscure fuisse petitam,

I V.

Chronologia libri, ex c. I, 3. 4. & Josuæ IV, 19. & V, 10. petenda, ultimorum duorum mensium anni exitus quadragesimi, & sex dieum ex mense I. anni XLI. spacio absolvitur. Computandi rationem b. D. Varenii eloquar verbis, in quibus nihil est, quod desiderem. *Scilicet, a posteriori putando, ante vesperam paschalem, die 14. mensis I. anni XLI. (Jos. V, 10.) dandi circiter quatuor dies sunt circumcisiois sacramento (a v. 2. ad v. 8.) Facta adeo illa est die 11. mensis primi: porro die 10. ex Jordane ascenderant c. IV, 19. addantur dies octavus & nonus, seu biduum preparationis Jos. I, 11. III, 2. & pervenietur ad diem septimum mensis primi, quo reversi in castra exploratores Jerichuntini, jam antea intra 30. dies planctus funeralis emisi: conf. c. II, 1. 22. Porro abstra-*

abstrahantur 30. dies planctus illius Deut. XXXIV, 8. & pervenietur ad diem ronomicum.
 septimum mensis duodecimi, in anno quadragesimo, qui fuerit fatalis &
 funeralis Mosis c. XXXIV, 1. 5. 6. (non autem dies nonus, mensis undeci-
 mi) prout dies 1. mensis quinti lethalis Aaroni Num. XXXIII, 38. Initium
 autem historiae Deuteronomii incidit in diem 1. mensis undecimi Anni XL.
 cap. I, 3. Ergo intervallum bujus libri seu temporis illius est mensis un-
 decimus integer, cum septem diebus solidis ex mense 12. ad usque mortem
 Mosis; seu bimestre novissimum novissimi in illa quadragena anni, cura
 diebus solidis sex ex mense primo anni XLI. si includantur 30. dies plan-
 etus, falsumque adeo, historiam Deuteronomii paucolorum, scil. 9. saltim
 dierum historiam continere.

V.

Ad illum temporis ductum partitionem libri Francisc. Junius ac- Partitio.
 commodat, septem Deuteronomii constituens partes, quarum 1. histo-
 riā diei primi mensis undecimi anno XL. ab exitu Israelitarum ex A-
 gypto, quatuor primis capp. complectatur; 2. diei secundi gesta, inde ad
 cap. XI. 3. historiam dierum ad summum quatuor, inde a.c. XII. us-
 que ad XXVI. 4. historiam diei unius, septimi nimirum, cap. XXVII.
 & XXVIII. 5. diei octavi recensionem c. XXIX. XXX. 6. diei noni
 c. XXXI. XXXII. XXXIII. 7. historiam mortis ac luctus triginta die-
 rum c. XXXIV. Sed concinnius haud dubie ad orationis structuram at-
 que seriem componitur distributio, in qua tamen rursus non eodem
 omnes tra mite incedunt. B. Gerhardus *Comment. Proleg.* p. 9. univer-
 sum librum in (I.) πρόλογον dispescit, sive προσίμιον c. I, 1 - 6. (II.)
 λόγον, cumque vel διηγήσιν, tum beneficia populo praestita, tum poe-
 nas inobedientibus irrogatas c. I. II. III. repetentem, cui exhortatio ex
 διηγήσει illa deducta, ut Deo adhaerant, foedusque ejus obseruant, c.
 IV. sub jungitur: vel δογματικὸν, explicationem legis continentem,
 moralis nimirum a.c. V. ad XII. ceremonialium & forensium a. c.
 XII. usque ad XXVII. cui promissiones & comminationes, seu sepimen-
 tum legis sub junguntur c. XXVII. usque ad XXX. vel προφητικὸν va-
 ticipinum rerum futurorum complexum c. XXXI, sq. cui ἐυλογία sive
 benedictio in forma Cantici subnectitur c. XXXII. (III.) ἐπίλογον, qui
 mortem & sepulturam Mosis, ac publicum populi luctum recenset c.
 XXXIV. Paulo aliter instituit b. Varenius, qui ad plenissimae concio-
 nis instar Deuteronomium in (I.) Praeambulum sive Exordium distin-
 guit, quo ad reverentiam & audientiam populum preparat, c. I - IV.



(II.) in Thema sive Propositionem, quæ ipse Decalogus est c. V. (III.) confirmationem p. dehortatoriam a fiducia in idolis & propriæ justitiae meritis c. VI, 14. c. VII, 3. 4. 5. c. IX, 4. 5. p. adhortatoriam ad fiduciam in solo Deo & obedientiam legum a c. VI. ad c. XXIX, 18. (IV.) confutationem Atheistarum a v. 18. ad fin. c. XXX. (V.) conclusionem a c. XXXI. ad libri finem. Nobis ea cumprimis libri distributione se probat, in qua, exigua variatione excepta, b. Er. Marbachio, Walthero, Calovio, & e Reformati Heideggero convenit, ut P. I. sit παρασκευασμὴ, sive præparatoria populi ad adeundam terræ promissæ possessionem a. c. I - IV. P. II. ἐξηγητικὴ & expositoria legis, comprehendens omne populi officium, ubi ille optato consedisset loco c. V - XXVI. P. III. Βεβαιωτικὴ & adsertoria, solennem legis sanctiōnem & confirmationem per signa, promissiones, minas & publicam fœderis redintegrationem, cap. XXVII - XXX. exponens : P. IV. ισορικὴ & narratoria de Mosis novissimis, testamento, benedictione & morte c. XXXII - ad fin.

VI.

Tabula

Constat itaque Deuteronomium Parte

Synoptica. I. παρασκευασμὴ sive præparatoria, quæ absolvitur

a) historica repetitione

1. itineris ex monte Horeb usque in Kadesh-Barneah c. I.

2. eorum, quæ circa Moabitas, Ammonitas & bellum contra Sihonem contigerunt c. 2.

3. belli contra Ogum & Bafanem prospere gesti c. 3, 1 - 20.

4. denunciatæ Mosi mortis, & investiti Successoris v. 21 - 39.

B) gravi exhortatione ad obsequium Deo præstandum, cavendam idolatriam, & constituenda asyla c. 4, 1 - 44.

II. ἐξηγητικὴ sive expositoria legis, quæ exhibet

a) præcognita & locum repetitæ νόμος ἀστιας c. 4, 44 - fin.

B) sermonem Mosis, quo legem

I. Moralem

in genere repetit, cum promulgationis historia & conseqq.

c. 5.

in specie explicat.

a. de habendo uno Deo, eoque serio colendo c. 6.

b. de cavendo cum idolatriis omni commercio & abolenda idolatria c. 7. id quod inculcat

N. viæ



- N. viæ per deserta beneficiorumque Dei repetitione c. 8. ronomio.
 2. gratuitæ Dei introducentis in Canaan misericordiæ de-
 prædicatione c. 9.
 3. debitæ gratitudinis & obedientiæ, ex Numinis bene-
 ficiencia deductione c. 10. II.
2. Ceremoniale explicat, circa
 a. locum cultus Deo præstandi, cum vitatione *πάκος ηλίας*
 c. 12.
 b. Pseudoprophetas, & civitates idololatriæ reas c. 13.
 c. munda & immunda animalia caute discernenda c. 14, 1-24.
 d. decimas Levitis pendendas v. 22 - fin.
 e. Sabbathimum terræ & manumissionem servorum c. 15.
 f. festa solenniora, Paschatis, Pentecostes, tabernaculorum
 c. 16, 1-17.
3. Judicialem interpretatur, ubi de
 a. constituendis Judiciis & requisitis Regis v. 18 - fin. & c. 17.
 b. stipendiis sacerdotum, eliminandisque divinatibus c. 18,
 1-14. ubi promissio additur de magno Propheta Christo
 v. 15. sqq.
 c. civitatibus refugii, & testium requisitis c. 19.
 d. jure belli c. 20.
 e. homicidiis incompertis, digamia & suspensorum cadaveri-
 bus c. 21.
 f. œconomicis & matrimonialibus casibus leges miscellæ c.
 22. 23. 24.
 g. litigiis & vindicta c. 25.
 h. primitiis & decimis: de fœdere Dei religiose custodiendi
 c. 26.
- III. *Βεβαιωτικῆς* sive *assertoria*, quæ sanctionem legis confirmat per
 a) signa p. columnarum lapidearum, p. altaris ex lapidibus Jordani
 erigendi in monte Ebal c. 27, 1-10.
 β) contestationem publicam in montibus Ebal & Garizim edendam
 v. 11 - fin.
 γ) promissiones obsequentium, & comminationes prævaricatorum
 legales c. 28.
 δ) solennem fœderis Dei cum populo redintegrationem, ubi
 a. fœderis stipulatio & declaratio c. 29.
 b. ejus-



De Deute-
ronomio.

- b) ejusdem per evangelicas promissiones de verbo fidei & salute illustratio, ut ad Christum, juxta Rom. X. deducamur c. 30.
 IV. ισορευη̄ sive narratoria novissimorum Mosis, quæ sunt
 α) successoris confirmatio & scripturæ commendatio c. 31.
 β) canticum Mosis c. 32.
 γ) Prophetica XII. tribuum benedictio c. 33.
 δ) Mosis mors, sepultura, lessus publicus c. 34.

Commen-
tarii
Patrum:

VII.

Inter Patres, si supra dictos eximas, nullius in Deuteronomium lucubratio in hunc diem extat. Heideggerus equidem in *Encycl.* & e nostris Lipenius *Biblioth. Theol.* p. 513. ne ασύμβολον hunc librum transmitterent, e Latinis AMBROSIVM, e Græcis GREGORIVM NYSSENVM huc citant; quo autem jure, plane me fugit. In illius sane operibus frustra omnino quæres, quod ad Deuteronomii explicationem faciat: hujus vero *Opp. T. I.* p. 167. edit. Paris. A. 1638. liber prostat περὶ τῆς βίου Μωϋσέως τῆς νομοθέτης, ἡ περὶ τῆς ηταν αἰετὴν τελεότητος de vita Mosis, sive de perfectione vite ex prescripto virtutis institute: qui vero tantum abest, ut lucem Deuteronomio affundat, ne dicam commentarii vicem præstet, ut vix fata Mosis tam copiose ac plene, quam illic descripta leguntur, exhibeat. E Judæorum laboribus supra *ad Num.* Sibylle laudavimus, nec quod superaddam, nunc succurrat.

Lutherano-
rum:

Copiosorem omnino apparatum nostra suppeditat ecclesia, in qua b. LUTHERVS Deuteronomii versionem ex Ebræo castigavit, adjectisque illustravit annotationibus *T. III. Jenens.* p. 74 - 160. & *T. V. Alt. f. 1031.* JOH. BVGENHAGIVS commentario eundem enarravit, Basileæ 8. A. 1524. & Wittebergæ A. 1525. WOLFG. FRANZIVS Disputationibus XV. discussit, quæ ad commentarii instar usum præstant, Witteb. 4. A. 1608. JOH. GERHARDVS cumprimis copiosissimo & eruditio commentario textum libri declaravit, quæstiones dubias evolvit, observationes utilissimas subnexuit, εναρτιοφανεῖς conciliavit & dissolvit, ut vix, quod addi posset, reliquum fecerit; nisi quod in *cap. XXVII.* viri summi, beata morte præventi, industria substiterit. Edidit tamen filius Joh. Ernestus Jenæ 4. A. 1657. Quibus JAC. ANDREÆ *meditationes propheticæ ex Deut. XXVIII.* Lipsiæ 4. A. 1628. excusæ poterunt addi.

E. Pon.



De Deuteronomio.
Pontificis
rum:

E Pontificiis unus fere JOH. LORINVS librum hunc seorsim & data opera illustravit II. tomis Lugduni fol. A. 1625. 1629. Qui huc citantur reliqui BALTHAS. PAEZ, Lusitanus, AVGVSTIN. de QVIROS, Hispanus, FRANCISC. TITELMAN-NVS, Minorita Franciscanus, JAC. JANSONIVS, Theologus Lovaniensis & ad D. Petri Decanus, *Caput XXXII. Deuteronomio*, tantum explicarunt. NICOL. ANTON. MONGEORGII *de Moysico & veteri jure enucleando codicem*; Bonon. editum in 4. A. 1573. *huc quoque video allegari.*

Reformatorum haud multo plures Deuteronomio enarrando operam suam addixerunt, quos inter JOHANN. MACCHABÆVS, Scotus, patria Alpinas, nominandus est, cuius in *Deuteronomio* enarratio Londini prodiit in 8. A. 1563. & JOH. WOLPHIVS, Tigurinus, cuius in *Deuteronomio* sermones libris IV. Tiguri in fol. A. 1585. lucem adspexerunt. JOH. COCCEII *ad ultima Moses b. c. sex postrema capp. Deuteronomio considerationes* seorsim edebantur in 4. Francqueræ A. 1650. Opp. vero T. I. p. 195. conspiciuntur. Notas autem analyticas perbreves a c. I. - XXVIII. Opp. avendat. T. I. exhibet p. 37.

CAP. IX. De Libro Josuæ.

*Prophetica cur distinguantur a Mosaicis scriptis? Prophetæ vel priores summa-
sunt, vel posteriores. Cur inter priores Josua referatur? §. 1. Libri um Capitis.
inscriptio; ubi de Josuæ nomine, ortu, vita, matrimonio, rebus gestis,
morte, sepulchro §. 2. Gesta Josuæ etiam etiamic innotuerunt: typi-
cam autem cum primis relationem habuerunt ad Christum; variaque
præbent emblemata & symbola §. 3. Scriptor libri putatur diversus
a Josua Autori Synopseos, Theodoreto, Andr. Masio, Grotio, non-
nullis ap. Calvinum & Lavaterum, Abarbeneli, Abulensi, Calovio,
Franc. Junio, Spinoza, Hobbesio, Rich. Simonio, Job. Clerico §. 4.
Ipse vero Josua censetur Talmudicus, Bonfrerio, Serario, Sixto Sen.
Huetio, Altingio, Hottingero, Spanhemio, Heidggero: quibusdam Ἰο
ἐπέχειν in hac questione placet. Expenduntur argumenta pro*

T

Josua



De libro
Josue.

Josua autore afferri solita; & nostra sententia certis positionibus includitur §. 5. Libri argumentum: scopus: usus: Autoritas divina §. 6. Libri Josue υποθεσιμων rejiciuntur §. 7. Chronologia §. 8. Partitio §. 9. Tabula Synoptica §. 10. Commentarii Patrum, Rabbinorum, Lutheranorum, Pontificiorum, Reformatorum, Remonstrantium §. 11.

§. I.

Inter Prophetas priores

Mosaicam scripturam in nostro codice Sacro Prophetica excepit, a Prophetis nimirum divinæ inspirationis beneficio exarata; non quasi Moses in Prophetis locum non mereatur, sed quod insigni excellentiæ gradu reliquos omnes longe supergressus, eodem cum ceteris censu non sit habendus. Unde tot effusa Rabbinorum in dignitatem Mosis, præ omnibus, quos unquam sol confexit, Prophetis encomia, quæ copiose congesserunt Reuchlinus *hb. I. de arte Cabbal.* p. 619. Raym. Martini *P. III. Pugion fidei dist. III. c. XX.* p. 689. Joseph. de Voisin *I. I. Theol. Jud. c. I.* p. 10. Hottingerus *I. II. Thes. Phil.* p. 575. sqq. & e nostris D. Joh. Tob. Major *in Hebr. I. thes. X.* sqq. p. 8. sqq. Prophetas vero, arrepta ex Zach. I. 4. occasione, in נב'יאים ראנזנין וְאַחֲרֹנִין Prophetas priores, & אַחֲרֹנִין posteriores distinguunt Hebræorum magistri. Una omnibus distinguendi ratio temporum sunt intervalla, in quibus tamen di- rimendis non eodem omnes tramite incedunt. Talmudici quippe in Gemara tr. *Sota c. 9. §. 12.* priores dicunt eos, qui ante captivitatem Babyloniam vaticinati sunt, cum Jeremia & Ezechiele, quorum in ipsa excidii Hierosolymitani tempora incidit ætas, deficientes: posteriores vero, qui captivitatem secuti sunt, ut Haggæus, Zacharias, Malachias. Alias vulgo priores sunt, qui ante Uziæ Regis tempora vixerunt: qui vero post, posteriores. Illorum scriptis, præter utrumque Samuelis, & utrumque Regum, Josue quoque ac Judicum libri accensentur, eam fortassis ob causam, quod & isti, si non integri, ex parte tamen ad Samuelem quamplurimis referuntur scriptorem. Quem Prophetarum in ordine primum, a quo etiam Petrus Apostolus *Act. III, 24.* divinorum vatum inchoat seriem, proximum a Mose dignitatis tenuisse locum, infra *ad libb. Samuelis* demonstratum dabimus.

II.

Libri inscri-
ptio.

Primo itaque loco inter Prophetas priores nominatur סֵפֶר יְהוָשֻׁעַ liber



liber *Josue*, Græcis Ἰησῆς Ναῦς *Iesus Nave*, (quod unius literæ immutatione corruptum esse ex Ναῦν, censet Drusius) inscriptus, vel ab auctore secundario, quem Josuam plurimi credunt, vel ab argumento petitæ denominatione, quia in clarissimi hujus Israelitarum ducis ac herois imperio rebusque gestis ordine describendis versatur. Ita nimirum Autor *Synopseos*, quæ Athanasio tribuitur: Τὸ πατέρων Ιούνυν Βιβλίον ἐπιγέγραπται Ἰησῆς ὁ Γῆς Ναῦς ἐπειδὴ ἀντός Ἰησῆς ὁ Γῆς Ναῦς διαδεξάμενος Μωυσῆν, ἐξαλήγησε τῷ λαῷ, καὶ τὴν κατὰ ἀνθρώπους ισοχίαν, τῷ Γεωργίῳ αὐτῷ περιέχει. Præsens liber inscriptionem habet *Iesus Nave*: propterea quod ipse *Iesus Nave* Mosis successor populi Dux factus est, cuius isto volumine historia & res gestæ continentur. T. II. Opp. Athan. p. 73. Porro vero *Josue*, quod ex circumcitione hærebat, nomen a *Josue* nomine **יְשֻׁעָה** quod Salvatorem sonat, Moses præfixa ex **יְהִיא** γε μάττῳ Dei mutavit, nomine syllaba auxit, & conflato ex **יְהִיא** & **שָׁרֵךְ** quod quidam volunt, vel quod rectius creditur, ex **עַשְׁׂנָה** uno vocabulo in **יְהִיא** mutavit, populi servatorem futurum divino suggestente Spiritu augratus Num. XIII, 17. *Salutem* itaque *Dei*, sive a Deo in gentis suæ salutem datum dixit, quod & divinitus destinatus esset ad procurandam Israeli salutem, sedesque promissas, quo Syracides respiciens, scite de ipso pronunciat, quod magnus fuerit καὶ τὸ ὄνομα αὐτῷ, juxta *nomen suum ad SALVTEM electorum DOMINI*, c. XLVI, 2. & quod hoc ipso nomine eum adumbraret, quem SALVTEM DEI Israeli ac omnibus gentibus divina pollicentur oracula *Ies. XLIX*, 6. &c. Conf. Dietricum *Antiqq. Bibl. ad Num. XIII, 17. p. 239. sq.* Serarium *Comment. Lib. I. cap. 2. p. 13. sqq.* Paul. Fagium *Annot. in Thargum Num. XIII.* & Pet. Galatinum *lib. III. Arc. Catb. Verit. cap. 20.* Natales viri *I. Chron. VII, 20 - 28.* (Bibl. Germ. c. VIII, 20.) expo- cūjus ortus, nuntur, quibus ex tribu Ephraim oriundus, decimo consanguinitatis gradu Josephum attingit, si tamen bæ successivæ generationes fuerunt, ut Frid. Spanhemius *H. E. Vet. Test. Opp. T. I. p. 335.* addit; patre Nun, quem Græci *Nave* dicunt, satus, & in Ægypto adhuc in lucem editus. Mosis ministeria per annos bene multos obiit, edito egregio scientiæ ac fortitudinis bellicæ specimine in gloriose debellatis victisque Amalekitis, *Exod. XVII, 9.* Suam quoque fidem DEO probavit, cum ab exploratione terre Canaan redux factus, populo animum ad ceterorum exploratorum terriculamenta despondente, cum Calebo solus masculine se opponeret, dignus inde habitus, qui cum Calebo unus ex universa

T 2 illa;



De libro
Josue.

illa, quæ Aegyptum egressa erat, turba terram promissam adiret & incoleret, Num. XIV, 6. sqq. 38. Hinc porro factum est, ut, cum Moysi magistratu abituro successor esset dandus, Josuam præ ceteris omnibus Deus ipsi surrogaret, Num. VIII, 10. XXVI, 18. sqq. Deut. XXXI, 7. sqq. matrimonio XXXIV, 9. Matrimonio Rahabam sibi junxisse creditur Iudeis, quam viginti annos natam fuisse nugantur, cum exirent Israelitæ ex Aegypto, fornicataque XL. annos, quibus substituerunt Israëlitæ in deserto, post illa vero nupsisse Josuæ; quam tamen Salmoni potius, patri Boasi, conubio junctam fuisse, sacra pagina testatur Ruth. IV, 21. Matth. I, 5. Contra vero ea Josuam ἄγαμον ac cœlibem egisse vitam, Hieronymus lib. I. contra Jovinian. c. 12. tradit: Ospende mihi, inquietus, Jesum Navem vel uxorem habuisti vel filios; & si potueris monstrare, viatum me esse fatebor. Hinc & virginibus eundem annumerat Ignatius epist. ad Philadelph. c. 4. Tertullianus vero libro de monogamia c. 6. digamum faltem fuisse negat, matrimonium vero eum iniisse, videtur largiri. Res inter præclare gestas præcipuum meretur laudem Cananæe partim occupatio, miraculorum quoque gloria, sistentis sese alvei Jordanis, remorati in cursu suo per diem integrum solis, corruentium ad tubarum sonum mutorum Hierichontis &c. insignita; partim ολης θυραία seu distributio finiumque constitutio; quæ præcipuum libri universi conficiunt argumentum. Diem demum obiit, cum & ecclesiæ, & Reipubl. & sibi gloriæque vixisset satis, centesimum decimum agens annum, & sepultus est in Thimnath-Serach civitate sua, c. XXIV, 30. Quod vero Josephus addit: μνημέον ἀνώ καὶ Ἰάφεος ἐν Γαβαθᾷ πόλει θυραίᾳ, monumentum ipsi impositum extat in urbe Gabatha, vellem probasset, cum fidem non inveniat; nec magis Isidori Hispanensis probanda incuria est, lib. de vita & morte Sanct. c. 27. Opp. p. 361. civitatem Josuæ, quam Tamnasa dicit, in tribum Dan rejicientis, quam tamen in montanis Ephraim sitam sacer textus c. l. docet & c. XXI, 5. Sepulchro Josuæ solis imaginem impositam, urbemque postea Jud. II, 9. quasi תְּמִנַּת חֶרֶש figuram solis, ab ejus statione ad tumbam Josuæ expressa, vel marmori incisa, dictam plerique volunt Juðorum, quibuscum Andr. Masius facit Comment. ad b. l. Ceterum præter Josephum lib. V. Antiqu. c. 1. vitæ ejus historiam, allatis in medium Hebraeorum, Arabum, & Samaritanorum testimoniis, prolixam texuit Heideggerus Smeagm. Orient. Lib. I. cap. 8. n. II. p. 408 - 530. ut & autor der Lebens-Beschreibung Biblischer Scribenten P. II. c. 2. p. 10. Ut Nicol. Serarium tacet, qui integro commentario non librum mo-

do



do Josuæ, sed & illa, quæ in Mosaicis ac Chronicis de eo habentur, Josuæ.
ab utero usque ad tumulum, enarravit.

III.

Quis ergo dubitet, tanti Herois ex tor præclare, quin etiam mi- fama in
raculoſe editis facinoribus incluti famam longe lateque vagatam, & in gentes spar-
remotissimas etiam oras gentesque fuisse sparsum, quod productis te- fa,
ſibus b. Waltherus probat Offic. §. 783. p. 914. Quin imo sub Her-
culis fabula Josuæ historiam latere, erudite dandum demonstratunt Ger.
Joh. Vossius de Idolol. lib. I. c. 26. p. 96. Pet. Dan. Huetius D. m. Evang.
Prop. IV. p. 323. sqq. & e nostris Dietricus Antiqu. Bibl. p. 752. Sed
ista nunc non attinet fusius persequi. Proprius ad institutum facit, ut typica rela-
dispiciamus, quo respectu ac modo Josua typum gesserit ac figuram ^{typica rela-}
^{tio ad Chri-} stum.
JESV Servatoris. Scite omnino Origenes homil. I. in lib. Josue T. I.
Opp. Lat. p. 150. Liber hic, ait, non tars gesta nobis fitii Nave indicat,
quam JESU mei Domini nobis sacramenta depingit. Cui suffragatur Hiero-
nimus epift. ad Paulin. JESUS Nave typum Domini non tantum ge-
fitis, sed & nomine prefert: Jordanem transfit, hostium regna subvertit,
dividit terram victori populo, & per singulas urbes, vicos, montes, flumi-
na, torrentes, atque confinia ecclie caelestisque Jerusalem spiritualia re-
gna describit. Praefiguravit itaque Messiam 1) nomine, quod cum JE-
SV gessit idem Matth. I, 21. vide e veteribus Tertullian. aduersus Ju-
deos cap. IX. T. I. p. 218. ex recentioribus Gerhard. Exag. L. IV. de Per-
sona Christi §. 18. p. 1126. 2) ministerio, quod ille Mosi, hic legi Mo-
saicæ præstirit, Gal. IV, 4. 3) munere, ad quod ille Spiritu sapientiæ,
Deut. XXXIV, 9. hic eodem spiritu, non ad mensuram instructus, Luc.
IV, 1. accessit; quo ille summa fide perfunditus est, Jos. XI, 15. nec mi-
nor Christus: 4) introductione in terram Canaan: ἐκένος εἰς Ἰude-
ανή τῆς ἐπαγγελίας, ὃς εἰς Ἰουδαῖον, καὶ τὰ ἐν τοῖς ἁγαῖοις ἀγαθά.
Ἐκένος μέτα τῷ Ιελευσίσα γενότοτα, ὃς μέτα τῷ πανσαθατῷ τὸν νό-
μον. Ἐκένος ὡς δημαγωγὸς, ὃς ὡς βασιλέυς. Ille in terram pro-
missionis, hic in cælum, & ad bona in cœlis reposita: ille post mortem
Mosis, hic postquam lex cessavit; ille tanquam populi Dux, hic tanquam
Rex, ut habet Chrysost. homil. II. in Matth. p. 10. 5) fortitudine bel-
lica, & triumphis ex hostibus: 6) terræ ac hereditatis distributione: 7)
actibus virtutis &c. in quibus fuse deducendis operam haud infeli-
citer posuerunt e nostris b. Waltherus Offic. §. 785. & Autor der Lebens-
Beschreibung Biblischer Scribenten P. II. cap. IV. p. 24. e Reformatis Joh.
Bierman. in Moses en Christus lib. I. cap. 9. p. 207. sqq. & Ludov. Cap-
pellus



De libro
Josua.

pellus *Not. Crit. in Jos. Opp. in V. T. p. 416.* Præterea Symbolis quoque ac emblematis variis illustrat, & ad obedientiam aliasque adumbrandas virtutes Josuæ gesta accommodat Phil. Picinellus *Mundi Symbol. lib. III. c. 87. p. 193. sq.*

IV.

Autor libri
putatur

Jam de autore libri secundario & ministeriali gravis movetur quæstio, circa quam ut discrepantes autorum sententias in compendium mittamus, in tres veluti familias abeunt, quarum prima recentiore vel alium saltem ac diversum a Josua autorem tuetur, altera ipsi Josuæ scriptum assignat, ultima rem omnem in medio relinquit. Et Athanasius quidem in *Synopsi T. II. Opp. p. 73.* generaliter pronunciat, Josuæ & sequentes ad Esdram usque libros non prouersus ἐνείνων εἶναι συγγραφάς, ὃν καὶ Ιάσ ἐπιγραφάς φέρεστι, καὶ περὶ ὃν διαλαμβάνοσι, ab illis esse conscripta, quorum inscriptio[n]es preferunt, & de quibus tractant. λόγος δὲ φέρεται, παρὰ τὸν καὶ ἡ ἑκατὸν καιδές περὶ τὸν συγγραφῶν αὐτῶν feruntur autem a Prophetis, qui singulis temporibus vixerunt, esse scripta. Theodoretus excerptum hunc existimat ex libro Justorum, cuius Jos. X, 13. mentio fit: autorem enim suspicatum, ne quis verbis de statione solis non adhiberet fidem, dixisse, hoc inveniri in antiquo commentario; unde porro colligit, δῆλον τοῖνυν κανεῖνδεν, ὡς ἀλλός τις τῶν μεταγενετέρων ἦν βιβλον τάυτην συνέγραψε, λαβὼν ἐξ ἑτέρας βιβλών τὰς ἀφορμὰς, quare constat ex hoc loco, posteriorum quempiam alium librum hunc conscripsisse, ex alio libro capta occasione. *Quesit. XIV. in Josuam T. I. Opp. P. I. p. 202.* Cujus vestigia legit Andr. Masius *Præfat. in Jos. p. 2.* Esdram sive solum, sive unum cum equalibus, insigni pietate & eruditione viris, cœlesti Spiritu afflatum, ex variis annalibus, qui tum magna cura in templo asservabantur, librum compilasse existimans. Sed & hæsitat omnino Grotius, num ad Esdram librum referre debeat, quo propensius videtur inclinare, an ad Josuam? cum ad c. VI, 25. circa phrasin illam: *usque in presentem diem*, annotat: *a Josua hoc, an ab Esdra additum?* & ad c. XV, 63. ad idem temporis indicium: *binc quoque appetet, neque a Josua, neque prope ejus tempora scriptum, aut certe consummatum bunc librum.* Et ad c. XIX, 27. ex urbis Cabal mentione conjecturam de tempore, quo scriptus liber sit, capi posse tradit, cum ab Hiromo demum terra ista Tyriis vicina id nominis acceperit. Sunt porro, qui Eleazarum sumnum Pontificem, filium ac successorem Aharonis, literis eum consignasse, autument,

mant, nulla tamen probabiliter ratione inducti. Conf Calvinum & Lud. Lavaterum *Comment. in Josuam argument.* Don Isaac Abarbenel *Præf. in Josuam* fol. 3. col. 1. a magistrorum sententia, quam ex Baba Ba-tra allegaverat, discedens, postquam argumentis compluribus Josuam autorem impugnasset, Samueli tandem hunc & *Judicium* librum adscribit; hinc esse, ait, ut, cum sub finem verba foederis Josuam consignasse diserte indicetur, nullo prorsus tamen indicio constet, universum ab ipso librum provenisse; quod in *Mosaicis* tamen aliisque libris sacris usu sit receptum. Et pro Samuele quidem e Pontificiis Tostatus Abu-lensis qu. 13. in c. 1. & qu. 9. in c. 7. & qu. 11. in c. 16. e nostratis vero b. Calovius Bibl. Illustr. *Præf. ad Jos.* p. 653. & *ad Judic.* XVIII, 7. p. 732. b. sententiam ferunt. Franc. Junius *ad Jos.* XI, 21. ubi distincta occurrit montanorum Jehuda & montanorum Israëlis mentio, hinc colligitur, inquit, librum hunc comp̄sum fuisse post divisionem populi in duo regna, & Saulis mortem. Spinozæ verba, utut paulo prolixiora, non tamen pigebit adscribere, cum argumenta Josuam impugnantia fere omnia conglomerata exhibeant. Ita autem habent *Tract. Theol. Pol.* c. 8. p. 110. Josue librum similibus rationibus ostenditur non esse autographon: alius enim est, qui de Joshua testatur, quod ejus fama fuerit per totam tellurem c. VII, 1. quod nihil eorum omiserit, quæ Moses preceperat c. VIII, v. ult. & XI, 15. quod senuerit, omnesque in concionem vocaverit, & quod tandem animam egerit. Deinde etiam quedam narrantur, quæ post ipsius mortem contigerunt: videlicet, quod post ejus mortem Israëliæ DEVIM coluerunt, quamdiu senes, qui ipsum noverant, vixerunt; & c. XVI, 10. quod Ephraim & Manasse non expulerunt Kanabanitam habitantem in Gazer, sed (addit) quod Kanabanita inter Ephraim habitavit usque in hunc diem, & fuit tributarius. Quod idem ipsum est, quod *Jud.* I. narratur, & modus etiam loquendi: in hunc usque diem, ostendit, scriptorem rem antiquam narrare. Huic etiam consimilis est textus c. XV, ult. de filiis Jebude & historia Kalebi ex v. 13. ejusd. capit. Et casus ille etiam, qui c. XXII, 10. narratur, de duabus tribubus & dimidia, quæ aram ultra Jordanem aedificaverunt, post mortem Josue contigisse videtur: quandoquidem in tota illa historia nulla Josue sit mentio, sed solus populus bellum gerere deliberat, legatos mittit, eorumque responsum expectat & tandem approbat. Denique ex c. X, 14. evidenter sequitur, hunc librum multis post Josuam seculis scriptum fuisse. Si quem igitur librum Josua unquam scripsit, fuit sane illi, qui c. X, 13. sitatur.



De libro
Josue.

citur. Postquam deinceps de libro *Judicum*, *Samuelis*, *Regum*, *Chronicon*, paucis sententiam suam dixisset, subnexit tandem p. iii. Concludimus itaque, omnes hos libros esse apographa, resque in iis contentas ut antiquas enarrari. Si jam ad connexionem & argumentum horum librorum attendamus, facile colligemus, eos omnes ab uno eodemque Historico scriptos fuisse, qui *Judeorum antiquitates* ab eorum prima origine usque ad primam *Urbis* *vastationem* scribere voluit. Quisnam autem is fuerit, pag. seq. subdit, non ita evidenter ostendere possum: suspicor tamen, ipsum *HESDRAM* fuisse, & quedam nonlevia concurrunt, ex quibus conjecturam facio: quæ ipsa dein fusi sive persequitur. Sic Thomas Hobbesius in *Leviath.* c. 33. recentiorem Josuae aetate librum facit, tempus tamen vel autorem definire non audet. Pariter Rich. Simonius *Hist. Crit.* V. T. L. I. c. I. p. 3. ad scribas publicos, de quibus *ad Genesim*, p. 39. sq. mentem ejus exposuimus, se rursus recipit, eosque ex Actis & annalibus publicis Archivi Israëlitici, incertum quo tempore, Josuae ut & ceteros historicos libros compilasse censet, Theodoreum & Masium in partes suas citans. Joh. Clericus in dissertatione *de Scriptoribus librorum historicis*. Commentario in *Josuam* præmissa §. 2. quædam hujus libri, v. g. foederis formulam, quam populo in solenni foederis cum D E O restauratione prævivit, porro historiam belli, quod cum Chananæis per annos sex gessit, & tandem divisionem terræ Chananæe *Josuam* ipsum vel æqualem consignasse scriptorem, fatetur & eruditæ adstruit: librum autem ipsum, ut nunc est, an *Esdras* ita concinnaverit, an aliis, prorsus ignorat, nisi quod verba ista, quibus c. XI, 16. 21. distincta Israëlis & Judæ mentio injicitur, non esse statuat nisi a manu hominis, qui post tempora secessionis decem tribuum vixit.

V.

*aliis ipse
Josua,*

Contra vero ea pluribus iisque gravissimis Theologis *Josua* ipse, divina inspiratione instructus, librum hunc, exceptis, quæ a recentiore manu profecta sint, paucis, exarasse creditur. Talmudici sane in *Baba Batra* cap. I. fol. 14. b. sq. *Josuam* librum suum & octo ultimos Deuteronomii versiculos, qui de morte Mosis agunt, composuisse, ipsam porro *Josuæ* mortem c. XXIV, 29. lqq. Eleazarum adjecisse; fata denique Eleazari Pinehasum filium v. ult. subnexuisse, tradunt. Non immerito itaque Isidorus Hispal, *Origin. lib. VI. c. 2. p. 45. A.* Scriptorem ejus eundem *Josue Hebrei* asseverant. Eandem tuentur sententiam c. Pontificiis Jac. Bonfrerius *Præloqu. in Script. S. cap. 7. Sect. 2. p. 23.*

Nic.



Nic. Serarius *Prolegom.* in h. l. 2. p. 212. Sixtus Senens. *Bibl. S. l.* t. p. 9. *Josuæ.*
 & cum primis Huetius *Dem. Evang. Prop. IV.* p. 314. sq. aliique bene
 multi. E Reformatis ad stipulantur Hent. Altingius *Theol. Hist. Loc.*
II. Hottingerus *Thes. Phil. I. II. cap. I. Sect. 2.* p. 463. Nec dubium
 est, ait Frider. Spanhemius *Hist. Eccl. V. T. Opp. T. I.* p. 339. scripsisse
Josuam res principes, suo ministerio gestas, ad Mosis exemplum: quam-
quam libro Josue, uti in Canone extat, inserta sint dudum postea a viro
Prophetico, vel ab ecclesia Israelitica opportunis locis, que post contige-
runt, e. g. expeditio Danitarum adversus Leshem vel Lais, Jos. XIX, 47.
Jud. XVIII, 7. montana Israelis s. Samariae &c. distincta a montane
Jude, Jos. XI, 21. ex usu, qui distinctionem X. tribuum exceptit. Illud:
& permanet in hunc diem c. IV, 9. VI, 15. & sèpe alias, additio est po-
steriorum Josua temporum. Paulo aliter Heideggerus *Enchir. lib. I. c.*
7. §. 2. p. 60. qui, quanquam largiatur, pleraque a *Josua*, diarium quod-
 dam consignante, & præcipua etiam fusijs describente, fidelibus literis suis-
 se mandata, ea tamen successu temporis a Prophetæ vel viro *Geonveus*,
 qualis Esdras esse potuerit, insertis quibusdam, que post *Josuæ mortem*
 contigerunt, aucta, locupletata, & in ordinem redacta esse, arbitratur.
 Sunt denique, qui certi nihil in hac quæstione definire audent, unde e
 Pontificiis Ludov. El. du Pin in *Prolegom. Bibl. L. I. c. 3. §. 2. p. 78. b.*
 & Reformatis Franc. Burmannus *Praefat. in h. l. p. 2.* & enostris b. Wal-
 linquenti-
 therus *Officin. Bibl. §. 777. p. 912.* allatis in medium discrepantibus bus, incer-
 tus.
 Doctorum sententiis, rem omnem in medio relinquunt. Et ut dic-
 mus, quod res est, conjecturis quidem aliquis, certis vero ac indubitis
 positionibus locus plane nullus hic superest, cum nec negantium ra-
 tiones militent omnes, nec tanti ponderis sint affirmantium momenta,
 ut *Josuam libri autorem absque dubio evincant.* Recentiores enim
 & fata *Josuæ* insecuram demum manum redolent omnino, quæ c. XV,
 13 - 19. de hereditate Calebi, filiaeque ipsius Achæ, coll. Jud. I, 10 - 15.
 porro, quæ c. XVI, 10. coll. Jud. I, 29. de ejectis e Gaser Canaanis:
 cum primis quæ c. XIX, 47. coll. Jud. XVIII, 7. de Danitarum adver-
 sus Leshem expeditione; & tandem, quæ c. XXIV, 29. sqq. de ulti-
 mis *Josuæ* & iis, quæ post mortem ejus gesta, commemorantur. Sed
 nec eorum, qui librum universum *Josuæ* acceptum ferunt, argumenta
 fatis roboris habent, diluta a Ludov. El. du Pin *I. c. p. 75. sq.* Quod
 enim ex c. XXIV, 26. urgent: *Scripsit quoque Josua omnia verba hæc*
 in volumine legis Domini: neutiquam ad universum librum, sed ad illa
 tantum



tantum referendum est, quæ ad foederis restaurationem facientia hoc ipso capite recensentur. De foederis enim formula tantum sermo est: & quid affinebat, in descriptione foederis mentionem eorum facere, quæ toto libro consignata exhibentur? Pari fide ad Syrac. XLVI, 1. provocant, ubi *Successor Moses in Prophetiis* dum dicitur Josua, nulla ratione consequitur, eundem literis, æque ac Moses, res gestas consignasse. Ut taceam, apocryphum librum tot seculorum intervallo ab hoc nostro distaminatum, inidoneum perquam Canonico Scriptori testimonium ferre. Tandem quod ex 1. Reg. XVI, 34. profertur, id quidem demonstrat, Josuæ librum jam Eliæ ætate consignatum extitisse, tum etiam per Josuam prolata fuisse verba ista, quibus diris devovetur restaurator Jerichuntis; at vero scripsisse librum, nondum evincit. Quæ reliqua Huetius producit, vetustatis libri indicia, non vero Josuæ scriptio nem solide probantia documenta sunt. Ut itaque dicendorum finem faciamus, vero videtur simile, 1) Josuam ipsum plurima hoc libro contenta consignasse, cum e re esset ecclesiæ pariter ac Reipubl. Judaicæ, ut finium terminos, urbes quoque Sacerdotales & Levitarum, & alias terræ Canaan divisiones descriptas haberet, eoque ipso infinitas occuparet lites, alias orituras: 2) hunc nostrum libro Regum longe esse antiquorem, quod ex 1. Reg. XVI, 34. coll. cum Jof. VI, 26. ad oculum patet: 3) neque tamen Josuam ipsum universum librum exarasse, ob illa, quæ ætate ipsius recentiora, supra observavimus: 4) non itaque liquere, an Samuel forte aut aliis viri piis, vel universum librum exaraverit, an vero iis, quæ post mortem demum Josuæ evenerunt, auerterit & locupletarit: 5) neque vero opus est, ut singuli librorum autores sigillatim cognoscantur, ii nimirum, quorum indicia firma in Scriptura ipsa non extant, cum & historica sit ejusmodi quæstio, non de fide aut dogmatica, & si quid de ea probabiliter affirmetur, fide saltem historica & humana suscipiendum. Quin Deus ipse pro sua sapientia singulos in individuo scriptores nobis innotescere noluit, ut ad auctorem librorum sacrorum unicum Spiritum S. ubique respiceremus. *Quis haec scripsit, valde supervacue queritur, cum tamen auctor libri Spiritus Sanctus fideliter credatur. Ipse igitur haec scripsit, qui haec scribenda dictavit. Si magni iujusdam viri suscepitis epistolis legeremus verba, eaque quo calamo essent scripta, quereremus, ridiculum profecto esset, si non epistolarum auctorem scire, sensumque cognoscere, sed quali calamo verba carum impressa fuerint, indagare studeamus, scite de hac quæstione*

ratio-



ratiocinatur Gregorius M. in Moralib. ad Job. X. Vid. Carpzov. Disp. Josuæ. Acad. XXVII. de θεοπνευστικâ Scripture S. §. 9. p. 1336. Unde commode in hanc sententiam Hottingerus: haud ἀπεγονήτως factum esse, inquit, quod, cum de autoritate librorum Josuæ, Iudicum, Samuelis, Regum, Canonica dubitet nemo, de autoribus tamen eorundem nihil certi extare voluerit studiosissimus ecclesiæ sua custos, Deus. Nempe ea verba suo indidit divinitatis τεκμηρία, & luculentissima ἐνεργείας νοῇ ἐνεργείας documenta, ut collato illi cum quibuscumque scriptis palma sponte cesserit. Non ab Amanuensibus, non ab ecclesia, quod impudentissime urgent Romanenses, sed a propriis & insitis sibi notis suam Scriptura Sacra commendare poterat αὐθεντίαν, originemque prorsus divinam, in Thes. Philol. Lib. II. c. 1. Sect. 2. p. 407. sq. ubi plura de hoc argumento. 6) Quicunque tandem fuerit scriptor, θεόπνευστον fuisse, credendum est, divinitus impulsum, ut canoni Mosaisco librum Josuæ, ad normantem ecclesiæ usum destinatum adjiceret, autoritate & fide Mosaicis nihil inferiorem. Jam quod ad Spinosæ, Masii, Junii, aliorumque attinet argumenta, levia ea sunt, & ab Huetio, du Pin, aliisque abunde profligata, iis ut immorari necesse non sit. Id unum addo, distinctam montium Judæ & Israelis mentionem Jos. XI, 21. ætatem Rehoboamo posteriorem, quod ipsi quoque Huetio, Spanhemio & aliis, Josuam autorem afferentibus, visum est, non evincere, cum vel Davidis ætate Ps LXXVI, 2. distincta Judæ & Israelis mentio, tanquam usi recepta, occurrat. Leviora sunt cetera, vel in concessis, ut missa illa merito faciamus.

VI.

Pergimus ad argumentum, quod in rerum Josua auspice ac duce Argumentorum, ut & mortis ejus enarratione versatur, & ad terræ promissum. sæ occupationem, subactæ per tribus singulas distributionem, ac distributæ tandem quietam possessionem reduci commode potest, quod Isidorus Hispalensis L. VI. Origin. c. 2. p. 45. a. concise complexus: in libri hujus textu, ait, post Jordanis transitum regna hostium subvertuntur, terra populo dividitur, & per singulas urbes, vicos, montes atque confinia ecclesiæ celestisque Hierusalem spiritualia regna præfigurantur. Historicus etenim hic quoque liber est, a Mosis excessu continuo pergens filo, fataque populi Dei ecclesiæque Israeliticæ per annos, quibus publicæ rei Josua, sacræ autem Eleazar Pontifex præfuit, viginti septem exponens. Scopum autem generalem cum Mosaicis eundem habet, Scopus, Christum piis mæntibus fide apprehendendum ut offerat, cuius partim

V 2 offici-



De libro
Josue.

Uſus,

officium, gloriosam fidelium in terram promissam introductionem, regnique tenebrarum destructionem, typis Josuæ & præclarorum ejus facinorum adumbrat, partim prosapiam & genealogiam, Rahabæ descriptione, illustrat Matth. I, 5. Porro etiam, pitorum ut animos divinis promissionibus pariter, ac veritatis & providentiae documentis fulciat & confirmet, quo manu quasi nos ducit allegatio Paulina Ebr. XIII, 5. Præter hos specialis quidam libri scopus ad gentem & Rempubli-
cam Hebræorum spectat, ut descripti singularum tribuum fines, tum ur-
bes refugii designatae, Sacerdotumque & Levitarum divina autoritate
constitutæ mansiones essent. Omnino enim Sacerdotum non minus,
quam tribuum omnium intererat, scriptas easque authenticas assertari
tabulas, quibus universa terræ Canaanæ divisio perspicue traderetur, ad
quarum ductum & normam, si quæ nascerentur de finibus contentio-
nes, semina daturæ bellis civilibus, examinari & decidi possent. Id-
que eo magis, quo curatius singularum tribuum distinctionem servari,
omnemque evitari familiarum confusionem in eo populo, e cuius cer-
ta tribu, familia & domo oriundus olim erat Messias, sapientissimum
voluit Numen. Usum itaque non unum ad hunc usque diem ecclesiæ
Dei præbet. *Primo* quippe Dei in servandis promissis veracitas & con-
stantia abunde inde probatur. Quæ enim de terra Canaan promissio-
nes Abraham olim Gen. XIII, 15. Isaaco c. XXVI, 4. Jacobo c. XXXV,
12. Josepho c L, 24. Mosis quoque Exod. III, 8. totique populo plus
vice simplici factæ, per tot secula intercidisse fere, aut oblivioni datæ
videbantur, suo tandem tempore, hoc libro teste, prolixe præstitæ sunt
ac impletæ. *Deinde* quoque historiæ, de ecclesiæ juxta ac populi Ju-
daici regimine, a Mosis inde excessu, ad Judicum fere ætatem usque,
sua constat integritas, ut non interrupta rerum in populo Dei gesta-
rum series inde pertexatur. *Tertio* Geographiam sacram exhibet, ac
terræ Israelitis in hæreditatem datæ, cuius deinceps ac urbium ejus cre-
berrima in universo Codice sacro fit mentio, delineationem ob oculos
ponit. *Quarto* boni Principis & strenui Imperatoris imago veluti ac
idea in Josuæ exhibetur exemplo, ut quibus uterque virtutibus instru-
ctus, qua pietate, prudentia, fortitudine, vigilancia, patientia ornatus
requiratur, hinc elucescat. *Quinto* observatæ ac neglectæ legis divi-
nae illustria hic proponuntur exempla, utque præmia recte factis & sup-
plicia sceleribus a D E O fuerint redditæ, commemoratur. Sed & *sex-
to* DEI in plantanda, gubernanda, protegenda, & conservanda ecclesia
sua



sua hinc elucet fidelitas, potentia, sapientia, magnam præbens afflictis Josuæ, temporibus consolationem, ne animum despondeant pii, cum gravissimas calamitatum tempestates, aut insuperabiles imminere sibi videant difficultates.

VII.

Nec est, ut de divina libri & Canonica autoritate dubitet quisquam. Ut enim characteres & signacula divinitatis libro insita ta-
ceant, quibus ipse fidem sibi & venerationem in legentium animis, a Spiritu Sancto illuminatis conciliat, quæque alibi a Theologis prolixe traduntur; non obscura tamen in N. Testamento allegatio & compro-
batio, Hebr. XI, 30. 31. ex Jos. VI, 20. II, 18. VI, 17. 23. porro Hebr.
XI: I, 5. ex Jos. I, 9. tum etiam Jac. II, 25. ex Jos. II, 1. sqq. facta; ut & generalis illa Pauli asseveratio, omnem Scripturam, Christi & Apostolorum tempore Canoni insertam, esse Ἰερόνυμον, 2. Tim. III, 16. tandem & constans ecclesiæ Judaicæ pariter ac Christiana testimonium, canoniam illi manifesto afferunt & vindicant majestatem. De qua Libri Josuæ
ut dubium nullum est, ita e contrario omnino οὐ θεύσται, Chronicon ὑποθέλιον,
illud, quod libri Josuæ nomine inscriptum Samaritani venerantur, cu-
jusque Arabicum exemplar, ex Scaligeri munere, Bibliothecæ Leidensi ^{I.}
cessit, in Catalogo Leidensi p. 282. satis accurate descriptum. Hinc epitomen operis in Latinum translatam Hottingerus concinnavit, Exercitationibus Anti-Morin. subnexam, unde excerpta varia & Samaritanæ Theologiae specimina in Enneade Disp. I. §. 15. sqq. p. 18. sqq. submis-
trat. De rebus quippe Josuæ gestis prolixe agit, sed nec ætatem fert, nec divinæ veritati consonat, & fabulis indulget, autoremque prodit
neque veracem, neque divinum. Pari passu ambulat epistola Josuæ ad ^{2.}
Schaubeci provocationem responsoria, quam dictum Chronicon Samari-
rit. cap. 26. exhibet, indeque mutatis nonnullis R. Samuel Schullam in
Append. libri Juchasin fol. 154. repetit, ex quo rursus R. Gedalia in
Schalshelet bakkabala fol. 96. sqq. cum ipsa rei gesta historia trans-
scripsit. Schaubecum nimirum superstitem cuiusdam Regis Cananæ a
Josua occisi filium, nunc Regem Armeniæ minoris, fingunt Reges Per-
sarum & Medorum XLV. födere sibi junxisse, & cum Japheto gigante
immensem collegisse exercitum, quo Josuam cum universo Israele Ca-
nanæ exterminaret, & pristinas recuperaret sedes. Literis vero datis
bellum ipsi ante denunciasse, tricesimo die post inferendum: ad quas
cum contremuisset prius Josua, postea tamen, communicatis cum popu-



lo consiliis, responcionem dedisse, qua feroes hostium minas Dei atque angelorum assistentia retuderit. Universam historiam ex Samaritano & Hebræis autoribus confert, & utriusque epistolæ exemplar signatis verbis refert Hottinger. *Histor. Orient. Lib. I. cap. 3. p. 60. sgg.* Tandem etiam tres Jesuæ epistolas, ad Cananæos ante invasionem terræ ipsorum datas, commemorant Judæorum magistri, quarum prima scriptum fuerit: **כִּל שְׁרוֹצָךְ לְחַשְׁלֵוֹת יְבוֹא וַיְשִׁלֵּם** quisquis pacem ini-re cupiat, veniat & pacificatur: secunda: **כִּל חְרוֹצָךְ לְהַפְנֵוֹת וְפָנָה** quisquis se alio vertere velit, vertat: tertia: **כִּל חְרוֹצָךְ לְעֲשֹׂות מְלֹחָמָה וְעַשָּׂה מְלֹחָמָה** quisquis belligare voluerit, conserat prælium: de qui-bus vide Seldenum de Jure N. & G. Lib. VI. cap. 13. p. 772. & Carp-zovium ad Schickardi *Jus Regium cap. V. theor. 16. d) p. 306. sq.*

VIII.

Implicata paululum temporum est ratio circa hunc librum, eo quod de Josua זֶמַן נְשִׁירָתוֹ לְאַמְתִּין בְּפִסּוֹק tempus imperii ejus in sacris literis non reperimus, ut in *Zemach David* p. 5. recte observatur. Hinc mite discrepant eruditorum sententiæ. Patres sane veteris ecclesiæ fere omnes viginti septem annos principatu ejus tribuunt, quo-rum mentem ita exprimit Augustinus *lib. XVIII. de Civ. DEI c. XI. T. V. Opp. p. 1019.* Cum Jesus Nave populum rexisset post mortem Moysè viginti & septem annos, etiam ipse defunctus est: regnante apud Assyrios octavo decimo Amynta, apud Sicyonios sexto decimo Corace, apud Argivos decimo Danao, apud Athenenses quarto Erichthonio. Consentit Lactantius *lib. IV. Divin. Inst. c. V. p. 224.* Eusebius vero *lib. X. Prepar. Evangel. cap. 10. p. 489.* ex lib. III. Chronographiæ Afri-canæ, viginti quinque saltem numerat: cum quo Beda facit, Jose-phum fecutus. Elmacinus apud Hottinger. *Theb. Philol. Lib. 2. c. 1. Secl. 2. p. 463. sq.* unum super triginta imperio ejus annos assignat. Ut taceam, qui diversum sentiunt, reliquos, quorum tamen calculus ratione destituitur. Ad veritatem itaque proxime accedit recentiorum computus, qui septendecim annorum spacio omne istud, quod ab excessu Mosis ad obitum Jesuæ fluxit, tempus circumscribit. Quem rite ineundi ratio haud alia suppetit certior, quam quæ annos ab exi-tu ad exstructum templum Salomonis numerat. Hi i. Reg. VI, i. ex-presse definitur, quod C CCCLXXX. fluxerint, quorum inter-valla ita discriminantur:

Ab



Ab exitu populi ad principatum Josuæ sunt
Inde ad κληρονομίαν terræ distributionem Jos. XIII, 1. sqq.

XIV, 10.

7

Reliqui regimini Josuæ anni ad mortem ejus usque, indefinite saltem in Scriptura per ימִינֵי רַבִּים dies multos Jos. XXIII, 1. describuntur, quorum definitus numerus infra ex illis, qui toti annorum summæ de-

sunt, petendus erit.

A Josua ad Eli sunt

299

*Quorum distincta enumeratio, ut & Pauli Act. XIII,
20. et. cum autore libri Regum d. l. conciliatio, cap.
seq. commodius institutur.*

Inde ad Samuelem, per 1. Sam. IV, 18. fluxere	40
Inde ad Davidem, per Act. XIII, 21.	40
Inde ad Salomonem, per 1. Reg. II, II.	40
Inde ad initium structuræ templi per 1. Reg. VI, 1.	4

Prodit summa annorum : 470.

Decennium igitur, quod toti summae deest, dandum erit regimi-
ni Josuæ a κληρονομίᾳ usque ad ejus mortem, quod septem illis ante
κληρονομίαν si jungatur, septendecim conficiuntur anni, quibus rerum
potitus est Josua princeps. Septennium ergo in bellis & occupanda
Cananæa, decennium in pace & ordinanda Republica exegit : quem
cum decem annis supervixisse credatur Eleazar Sacerdos, in cuius obitu
finitur liber, orum inde videtur, quod Josuæ aliis XXVII. annos tribuerint:
quod verum est de annis libri Josuæ (non principatus ejus) quo pacto con-
ciliari poterit sententia illa de 27. annis Josuæ, ait b. Calovius Bibl. Ill.
Pref. ad Jos. T. I. p. 653. Hi itaque si cum annis O. C. conferan-
tur, chronologia libri ita habebit:

A.O.C.	Anno Exitus.
2553 Josua in vocatione sua a Deo confirmatus (cap. I, 1. sqq.)	41
exploratores Jerichuntem misit c. II.	incipi-
die 10. mensis primi anni 41. Israelitæ ex Jordane ascende-	pien-
runt in promissam terram Cananæam c. IV, 19.	ze.
die 11. circumciditur omnis populus, interrupto hujus Sa-	
cramenti per 40. annos usū c. V, 2-9.	

A.O.C.



die 14. ejusd. mensis, vespere Israelitæ Pascha primum in terra Cananæa celebrarunt c. V, 10.

postridie Paschatis comedenter ex annona ipsius terræ, cef-
savitque Manna postridie, quam comedenter de anno-
na terræ: neque fuit deinceps illis Manna, sed com-
ederunt de proventu terræ anno illo c. V, 10. sqq.

2554 ab autumno hujus anni, quo post cessationem Mannæ ter-
ram primum serere Israelitis contigit, incipit primus
τῆς γεωγύιας annus, in quo Sabbathicorum anno-
rum figendam esse radicem, Exod. XXIII, 10. II. Lev.
XXV, 2 - 7. Deut. XV, 1 - 9. & XXI, 10 docemur.

41

2559 *κληροχία* s. terræ distributio novem tribubus & dimidiæ
Manassis cis Jordanem facta c. XIII, 1. sqq. Huc spe-
ctant, quæ a c. X, 20. usque ad finem c. XI. & Jud.
I, 9 - 15. referuntur. Quo tempore Caleb, annis XLV.
postquam ad explorandam terram a Moysi missus fue-
rat, Hebronem cum montanis Judææ pro hæreditate
petiit c. XIV, 6. 10. 13.

46

2560 annus septimus a terra primum ab Israelitis coli copta,
primus Sabbathicus Israelitis contigit, a quo anno-
rum Jubilæorum epocha auspicanda est, qui septem
hebdomadibus annorum enumeratis, i. e. annis XLIX.
recurrebant, ita ut Jubilæus annus unusquisque quin-
quagesimus hinc vocaretur Levit. XXV, 8 - 13.

47

Cum eodem anno terra primum a bello quiesceret, taber-
naculum in Siloh erectum est c. XVIII, 1. quod dein-
ceps cum Arca foederis annis 328. ibidem quievit.

Postquam reliquis septem tribubus, terræ, quæ supererat, de-
scriptione in libro facta, hæreditates assignatae essent
c. XVIII. XIX. atque ita, post deletas VII. gentes in Ca-
nanæa, distributioni terræ finis impositus esset, annis
post electionem Patrum circiter 450. (Act. XIII, 17. 19.
20.) dante illis Deo requiem circumquaque, copiæ au-
xiliares, e Rubenitica, Gaditica & dimidia Manassis tri-
bu accitæ, cum benedictione Josuæ, ad possessiones trans
Jordanem a Moysi assignatas, redierunt c. XXII, 1.

A.O.C.



A.O.C.

2569	Josua moritur, annos natus 110. c. XXIII, i. XXIV, 29. 30.	56
	Decennio post ολης χιαν	
2579	moritur, (ut putant, & ut eadem phrasis, c. XXIII, i. & XXIV, 31. recurrens, innuere videtur) Eleasar Pontifex Aaronis filius, in quo finitur liber Josuæ.	66

IX.

Capita liber habet XXIV. versiculos 656. quorum medius numeratur c. XIII, 26. In partes autem eum alii tres, alii duas secant interpres: quorum illi cum Heidegger. *Comment. in b. l. p. 7. primam complecti* dicunt gloriofissimas Josuæ de populis Canaanis reportatas victorias, a cap. I. ad XIII. usque: *secundam*, distributionem terræ Ca-naan inter duodecim tribus Israelis, a cap. XIII. ad XXIII. usque; *ter-tiam*, ablegationem duarum tribuum & dimidiæ, orationem Josuæ emortualem ad populum, nec non ipsa extrema Josuæ & Eleazari summi Sacerdotis, a cap. XXIII. ad finem usque: hi non uno omnes modo procedunt. b. Calovius enim *Bibl. Ill. p. 653. T. I.* I. in historiam rerum gestarum Josuæ, & II. in προδίκην de morte ejus ac consequentibus usque ad mortem Eleazari, dispescit. Nic. Serarius *Proleg. 8. b. l. p. 215.* partem I. in ipso promissæ terræ accessu & primo quasi limine, ante Jordanis transitum constituit; II. in iis, quæ post eundem transitum evenerunt. Convenientissima nobis illa videtur divisio, juxta quam P. I. terræ promissæ occupationem, & quæ bello a Josua gesta sunt capp. XII. prioribus comprehendit: II. occupatae gubernationem, & quæ pa-ce ab ipso, aliisque post ipsius obitum acta commemorantur, reliquis capp. XII. tradit. Ita Waltherus noster *Offic. §. 780.* & Burmannus *ad b. l. p. 3.*

Partitio.

X.

- Enarrat itaque liber Josuæ historiam
- I. occupationis promissæ terræ, circa quam nota
 - a) actus præparatorios, qui sunt
 - 1. Josuæ in principatu confirmatio c. I.
 - 2. exploratorum missio c. II.
 - 3. Jordanis trajectio c. III. cuius memoriale lapidum est erectio c. IV.
 - 4. populi per circumcisionem & Pascha sanctificatio c. V.
 - β) actus formales, sive victorias Josuæ, in

Tabula Syn. optica.

X

I. Jeri-



1. Jerichuntis destructione c. VI. cuius consequens, furtum Achænus c. VII.
2. urbis Ai expugnatione c. VIII. cuius consequens, Gibeonitarum fraudulenta deditio c. IX.
3. quinque regum, ad Solis stantis miraculum, devictione & suspedio c. X.
4. gentium reliquarum, profligato cum confoederatis Jabino, excisione c. XI.

Tandem subjicitur, *coronidis vice*, victoriarum Josuæ catalogus, & regionum cis ac trans Jordanem occupatarum *avans-Φαλαινσις* c. XII.

II. occupatae administrationis, circa quam nota

- α) κληροχίαν sive terræ distributionem
 p. generalem, cum repetitione distributionis tribui Ruben, Gad & dimidiæ Manassis a Mose factæ c. XIII.

p. specialem, ubi

1. Caleb portio c. XIV.
2. Sors Judæ c. XV.
3. Sors Ephraim c. XVI.
4. Sors Manasse c. XVII.
5. Sors Benjamin c. XVIII.
6. Sors reliquarum sex tribuum c. XIX.

p. specialissimam, qua

1. urbes refugii, sive asyla c. XX.
2. urbes Sacerdotum ac Levitarum c. XXI.

- β) honorificam tribuum Ruben, Gad & dimidiæ Manassis, ad hæreditates suas dimissionem: ubi pomum Eridos, altare ad Jordanem extructum c. XXII.

- γ) comitia populi, ob legiscustodiam celebrata c. XXIII.

- δ) comitia in Sichem, & concionem Josuæ, per novum fœdus populum ad unum Deum colendum obstringentis c. XXIV, 1 - 19. cui tandem subneccitur

Appendix de Josuæ morte & sepultura v. 30. 31.

de ossium Josephi contumulatione v. 32.

de Eleasaris obitu & sepultura v. 33.

XI.

Commentariis hunc librum illustrarunt e Patribus *Græcis ORI-*
GENES,

GENES, cuius in Josue sex & viginti homilias Latina tantum exhibet Josue, editio T. I. Opp. fol. 149. b. sqq. Hieronymum versionis autorem fert Prologi titulus, operose autem negat Huetius Origenian. L. III. Se^t. III. §. 5. p. 246. qui Magdeburgenses simul Cent. III. cap. 10. homilias ipsas Origeni abjudicantes, refutat. Fragmentum ex homilia XX. in cap. XV. Jos. Græcum ipse exhibet Opp. Origen. p. 26. sq. THEODORETVS porro, qui in quæstionibus in Octateuchum T. I. Opp. P. I. Josuam suo loco explicavit: & PROCOPIVS GAZÆVS, de quo supra ad Exod. p. 97. Allegoricam historiæ Josuæ applicationem, non tamen admodum prolixam, GREGORIVS NYSSENVIS exhibet, Orat. adversus eos, qui differtunt baptismum, quæ Latine tantum, Gentiano Herveto interprete T. II. Opp. p. 124. sicutur. E Latinis AVGUSTINVS, quæstionibus super Josue T. IV. Opp. p. 284. sqq. ISIDORVS HISPALENSIS, cuius in Josuam observationes Opp. p. 330. sqq. occurunt, concisæ per quam & commentarii titulum vix sustinentes: BEDA, cuius questiones super librum Iesu Nave ex dictis Patrum T. VIII. Opp. p. 339. edit. Basileens. leguntur. Quibus addi forte poterunt S. PATERIVS, Romanæ ecclesiæ Notarius & secundicerius, Gregorii M. discipulus, cuius hortatu librum colligit testimoniorum ex operibus Gregorii, textus varios Scripturæ S. explicantium, in quo, ut Pentateuchum, ita Josuam quoque, sed hunc concisis & duobus saltē capitibus, illustrat T. III. Opp. Gregorii M. p. 623. & RUPERTVS Tuitiensis Abbas, circa A. 1119. celebris, in cuius Opp. Moguntiæ A. 1631. excusis, Josua quoque explicatus T. I. p. 355. occurrit.

Ex Hebræis, præter supra p. 35. sqq. nominatos, succinctum com- Rabbino-
mentarium, ex Raschi, Aben Esra, Kimchio, Gersonide & aliis, in Pro- rum:
phetas tam priores, quam posteriores, adeoque suo loco in Josuam col-
legit, & חכורי לכת compositiones collectaneas inscripsit R. ABRA-
HAM ben Rabbi Jehuda Chassan, Lublini in fol. A. 1612. Tum &
SAMVEL LANIADO כל ריק vas pretiosum s. Commentarium
in Josuam, Judices, Samuelis & Regum libros conscripsit, Venetiis ex-
cusum in fol. ap. Joh. de Gara. R. AHARON ben Chajim suum in
Prophetas priores Commentarium לְבָאַהֲרֹן cor Abaronis ex Exod.
XXVIII, 30. inscripsit.

Inter nostrates JOH. BRENTIVS geminum in Josuam Lutherano-
commentarium reliquit, quorum unus alterum excipit, sub init. Tomi rum:



II. Opp. DAVIDIS CHYTRÆI commentarius in Josuam &c.
& Prophetas minores Wittebergæ in fol. A. 1590. excusus est. PHIL.
LVDOV. HANNEKEN II annotata Philologica in Josuam Gieffæ
in 12. A. 1665. 1668. prodierunt. JOH. CHRISTOPH. ISINGII
exercitationes in Josuam Pentatecho junctæ sunt Regiomonti
in 4. A. 1588. MAVRITIUS HELINGIVS in Josuam, Judices
& Ruth Periocham conscripsit in 8. Norimbergæ A. 1593. qua singu-
lorum capitum argumenta & locos communes breviter delineavit.
JOH. ADAMI OSIANDRI Commentarius in Josuam, Tubin-
gæ in fol. A. 1681. editus, eandem cum illis in Pentateuchum rationem
ac structuram servat. SEBAST. SCHMIDII prelectiones in VIII.
priora capp. Josuæ Silesiæ A. 1693. in 4. lucem viderunt. Lic. JOH.
MVLmanni, Professoris quondam & Archi-Diaconi Lipsiensis in
lib. Josuæ commentarium, dudum post b. Viri obitum a situ ac tineis
vindicavit & in lucem protraxit D. Christoph. Martini, Dresdæ in 4.
A. 1701. In vernacula lingua librum explicarunt D. FRIDERIC.
BALDVINVS LXVIII. homiliis, Wittebergæ editis in 4. A. 1621.
ESAIAS HEIDENREICH in LVI. Helden. Predigten Josuæ/
Lipsiæ in 4. A. 1586. & Stettini A. 1654. MICH. HERMAN-
NVS in Josua enucleato, Wratislaviae in 4. A. 1640. WOLF-
GANG. SILBER in Josua typico Lipsiæ in 4. A. 1624. Huc quo-
que facit VALERII HERBERGERI Magnalium Dei Pars X.
forte etiam MICH. DILHERRI Eugend-Schah p. 219 - 229.
ubi vitam Josuæ concise enarrat: & HEINRICI BVNTINGI
Itinerarium Sacre Scripturæ p. 94 - 103. ubi Geographiam libri designa-
tam exhibet.

E Pontificiis in hunc librum studia sua contulit BENEDICT.
ARIAS MONTANVS in de optimo Imperio, Antwerp. in 8. A.
1583. ANTONINVS Florentinus Archi-Episcopus, seculo XV. clarus,
in cuius opere Chronicorum, quod 3. tomis in fol. Argentorati A. 1496.
prodiit, saepiusque recusum est, de gestis Josuæ & aliorum Judicium
filiorum Israel, commentatio extat: THOMAS de VIO CAIE-
TANVS, cuius in omnes authenticos V. T. historiales libros, Jebo-
suam scilicet, Judices, Ruth, Reges, Paralipomena, Hezram, Nehemiam
& Espher commentarii perquam succincti, uno volumine in fol. Ro-
mæ A. 1533. prodierunt: JACOB. BONFRERIVS, eius in
Onomasticum urbium & locorum S. Scripturæ ab Eusebio Græce scri-
ptum,



ptum, & ab Hieronymo Latine redditum, operi commentarius in Iosuam iunctus est, Parisiis in fol. A. 1631. ANDREAS MASIVS, cuius operosum & pereruditum in h. l. commentarium in fol. Antwerp. A. 1574. editum, Theologi Angli in Biblia Critica retulerunt quidem, sed præfatione sua, quod dolendum, truncatum: NICOL. SERARIVS Soc. Jes. qui T. II. Moguntiae in fol. A. 1622. & sæpe alias excusis, Iosuæ gesta erudite enarravit: HENRIC. MARCEL-LIVS, S. J. Heribpoli in 4. A. 1661. COSMAS MAGALIA-NVS, S. J. Tomis II. cum appendice, Turnon. in fol. A. 1612. THOMAS MALVENDA, Lugduni in fol. A. 1650. JOH. FERVS, Coloniae in 8. A. 1571. EMANVEL de NAXERA, S. J. prius in Collegio Complutensi Sacr. literar. interpres, postea in Madritensi pro scholis Regiis Politicorum Magister, qui commentarios literales & morales amplissimos in h. l. composuit, Lugduni in fol. 1647. & Antwerp. 1650. ALOYSIVS NOVARINVVS, qui duo volumina in h. l. conscripsit, Lugduni in fol. A. 1646. ADRIAN. CROM-MIVS, S. J. qui theses theologicas in eundem Lovanii edidit A. 1631. ALPHONSVS TOSTATVS, Venetiis in fol. A. 1597.

Inter Reformatos ipse JOH. CALVINVS librum hunc ex-
plicavit, de quo Lavateri elogium in prefat. ad homil. in Ios. ita ha-
bet: Clariss. & doctissimi viri Joannis Calvini brevem commentarium,
quem pro perpetuo suo de ecclesia bene merendi studio, paulo ante obi-
zum suum, in morbo conscripsit & absolvit, tum demum accepi, cum jam
ad caput XXII. interpretandum pervenisset. Quem si ab initio habere
contigisset, vel hoc meo labore supersedisse, vel multos locos difficiles, ab
eo adjutus, enarrarem diligentius. Prodiit seorsim Genevæ in 8. A.
1564. & Opp. T. I. edit. Genev. A. 1617. indici subjunctus est. D. MAR-
TINI BORRHAI, alias CELLARII, Theologi Basileensis in
Ios. Judic. Ruth, Samuel. Regum commentationes junctim Basileæ ex-
clusæ sunt in fol. A. 1577. JOH. DRVSII ad loca diff. illora Iosue,
Jud. & Samuel. commentarius, Arnhemii in 4. A. 1618. recusus, Bibliis
Criticis insertus legitur. LVDOV. LAVATERI in h. l. homiliae
LXXIII. Tiguri in fol. 1576. iterato prodierunt. ARTHVRI JACK-
SON Angli explicatio hujus libri in 4. Londini A. 1646. lucem vidit.
CONR. PELLICANVS in libros Historicos V.T. Iosuam, Judices &c Ti-
guri commentatus est, in fol. A. 1582. VICTORINI STRIGELII

X 3 in h. l.



in h. l. scholia Lipsiæ in 8. A. 1575. prodierunt. JOH. WOLPHII in historiam Josuæ, de occupatione & divisione terræ sanctæ liber, filii ad Senatum Argentinensem præfatione instructus, Tiguri in fol. A. 1592. typis exscriptus est. In JOH. HENRICI HEIDEGGERI *laboribus exegeticis*, Tiguri in 4. A. 1700. evulgatis, commentarius in Jo- suam analyticus primum locum occupat: quæ vero in JOH. COG- CEJI *Opp. avendōtav T. I.* p. 47. exhibentur notæ breves in Josuam, adeo exiles sunt & jejunæ, ut vix locum hic inveniant. Copiosior omnino est FRANCISC. BVRMANNVS in die Uitlegginge en- de *Betratinge van de Baeken Josua, der Richteren, ende Ruth*, t' Utrecht in 4. A. 1675. quæ postea in Germanicum idioma versa explicatio re- cusa est. Satis erudite quoque historiam libri exponit CHRISTIAN. SCHOTANVS *T. II. Biblioth. Sacr. de Ducatu Josue* p. 348-417. Huc quoque refer FRANC. RIDDERI *Schriftuyrlick Lichte over sibynstrydende dnystere ende misduydende texten der H. Schriftuyre &c.* Rotterdam in 4. A. 1676. HVGON. ROBINSONI *Annal. Mun- di Lib. V. VI. & EDMUNDI DICKINSONI Delphos Phani- cizantes*, quibus Græcos, quicquid apud Delphos celebre erat, e Josuæ historia & scriptis sacris haussisse, demonstrare satagit Oxonii in 8. A. 1685.

E Remonstrantium coetu JOH. CLERICVS, eodem, quo in Mosaicos ceperat, ordine ac modo, in libros historicos, Jos. Jud. Ruth, Samuelis, Regum, Paralipomena, Esdrae, Nehemias & Estheræ com- mentari perrexit, Amstælodami in fol. A. 1708. præmissa de scriptori- bus librorum historicorum V. T. dissertatione, subiectaque gemina, de 72. virorum in Republ. Ebr. Synedrio, & de lepra Mosaica, exercita- tione, nec non tabulis Chronologicis, quibus temporum, libris histori- cis descriptorum, calculum subducit.

CAP. X. De Libro Judicium.

Summari. Libri ordo ac in serie Biblicalorum locus: inscriptio, ejusque autor & etia- um Capitis.
§. i. Judices distincti ab ordinariis Senatoribus & Judicibus: eo- rum munia ac partes: an peracto bello magistratu rursus abierint?
Phnicium



Punicam suffetes ex Hebreo פָּנִיכָם est. Judices an ad decreta Syncedri alligati fuerint? Regibus erant inferiores: Dei saltem vi- carii, qui ipse hoc tempore Rex erat Israelis; cum forma Reipubli- ca t. t. Theocratica esset, omniumque felicissima Israeli. Eorum or- do ac recensio: in quibus an Iuda & Simeon locum inveniant? Cur Moses & Josua iisdem non accenseantur? Cur in Simsonis fatis li- ber subsistat, nec Eli ac Samuelis, filiorumque ejus praefecturas ad- jiciat? §. 2. Scriptor libri alius unus est; isque vel Ezechias, vel Esdras, vel Samuel: aliis plures, iisque Actuarii vel Judicum civi- les, vel in tabernaculo ecclesiastici. §. 3. Ex nostra sententia incer- tus est: unus tamen, non multiplex, quod ab objectione ex Matth. II, 23. petita vindicatur: ante Davidis tempora florens, adeoque nec Ezechias, nec Esdras; quod ab objectionibus ex Jud. XVII, 6. ex Jud. XVIII, 30. 31. ex Jud. I. ubi mentio injicitur nominis Jerusa- lem, depromptis liberatur: tempore Saulis librum componens: certe Σεραφευσος: isque forte Samuel §. 4. Argumentum libri: Sco- pus, ubi simul inquiritur: an omnes Judices Sancti, adeoque Cbri- sti typi fuerint? Iusus varius §. 5. Autoritas Canonica libri proba- tur §. 6. Chronologia libri Judicum, cum calculis diversis libri Re- gum I. Reg. VI, 1. Jepheta Jud. XI, 26. Pauli Act. XIII, 20. conciliatur §. 7. & in tabulam Chronologicam redacta, cum annis O. C. & exitus ex Aegypto conferunt §. 8. Ad que tempora referen- da sint capita quinque libri posteriora, de historiis idoli Miche, & belli Benjaminitici? §. 9. Partitio §. 10. Tabula Synoptica §. 11. Commentarii in b. l. Patrum, Judeorum, Lutheranorum, Pontifi- ciorum, Reformatorum, & Remonstrantium §. 12.

§. I.

Josuae librum jure merito Judicum excipit commentarius, ordine Libri ordo in Hebreis pariter ac Christianis codicibus recepto, ipsaque divi- ni Spiritus autoritate firmato. Namque & prima libri verba: & factum est post mortem Josue, interrogaverunt filii Israel Deum &c. hunc cum Josuae libro, historiae immediata serie, arctissime con- nectunt; & Paulus in Antiochena Judaeorum Synagoga pro concione gentis suae historiam paucis complexus, primo Mosis, tum Josuae, mox Judicum & demum Samuelis librorum contenta recenset Act. XIII, 16. sqq. quem ipsum quoque ordinem in enarrandis Vet. Testamenti Heroi-



De libro
Judicium.

Heroibus Ebr. XI. servat. Nec est, ut Epiphanius moti auctoritate, cum quibusdam ordinem turbemus, quod illi lib. de mensuris & ponderibus c. 23. T. II. Opp. p. 180. post Pentateuchi mentionem, ή τε ίησος τε Ναυπ., ή τε ιωθ., ή τῶν κριτῶν, liber Iesu Nave, Jobi, Judicum &c. numeratur, Jobusque adeo inter Josuam & Judices medius inseritur. Plane enim isto in loco liborum sacrorum ordinem neglexisse Epiphanius, ex tota recensione affatim patet, in qua mox libros Samuelis Chronicis postponit, Psalmos utrisque præmittit, & δωδεκαπέραφητον majoribus quatuor Prophetis anteponit, ac cum Estheræ demum libello colophonem imponit. Hinc alias idem lib. I. contra hereses, heres. VIII. §. 6. T. I. Opp. p. 19. Josuæ & Judicum libros sine intermedio invicem subnectit, hoc ipso, ordinis rationem in priore illa recensione habitam a se fuisse nullam, aperte docens. Inscriptio vero libri in Codice Hebreo Ιωακίμ, in Graeco Κριταῖ, in Latinis liber Judicium, ex cap. II. 16. petita, argumentum designat. ἐπειδὰν μετὰ τὸν Θεοντοτὸν ίησος οὐδὲ Μωυσῆ, διὰ τῶν κριτῶν ἔσωζεν ὁ Θεός τὸν λαὸν Θλιβόμενον ὑπὸ τῶν ἀλλοφύλων, τῶν περιλειφθέντων Χαναναῖουν καὶ τετταν τῶν κριτῶν ἐκδίκη καὶ τὰς περίξεις, καὶ τὸν χεόντον τῆς ζωῆς ή Βίβλος ἀντη περέχει, propterea quod post mortem Iesu Nave populum suum Deus ab alienigenis, relictis quippe Cananeorum gentibus presum, per Judices servavit: quorum hoc volumine singulorum facta & vi-
te tempus continentur, ut scite explicat Synopsis Script. S. T. II. Opp. Athanasi. p. 74. Quando autem Philo lib. de confusione linguar. Opp. p. 265. τὴν τῶν κριμάτων αναγεφομένην βίβλον librum judiciorum appellat, præter rem facit, cum Judicium vitas & gesta, non vero judiciorum rationem exponat. In autorem vero & ætatem hujus inscriptionis dum inquirit b. Seb. Schmidius Prolegom. in b. l. qu. 3. p. 10. 199. ad tria cum primis genera librorum Biblicalorum titulos revocat, & hanc quidem aliasque huic similes inscriptiones, non tam auctoribus librorum secundariis, quam vel collectoribus in codicem canonicum, vel recentioribus scribis editoribusve tribuendas esse, censet, ita tamen ut antiquissimam ferant ætatem, ipsa totius Codicis Hebrei in suas classes, Mosen scilicet, Prophetas & Psalmos, distributione nihilo recentiorem, eo quod in scriptis Talmudicis eæ occurrant, & sub iis tanquam usu tritissimis & antiquissimis libri sacri recenseantur ac citentur.

II. Judiciorum



Judicum vero istorum quæ dignitas, quæ partes fuerint, quæ forma regiminis, fusa disceptatur eruditis. Et primo quidem satis constat, longo dignitatis & officii intervallo eodem a tribunalium urbanorum Assessoribus, vel Senatoribus summis disternari, quorum mentionem Exod. XVIII, 26. Deut. I, 16. XVI, 18. XIX, 17. 18 XXI, 2. factam, justo pene commentario Vir Clar. Joan. Seldenus lib. II. de Synedriis c. 4. §. 6. &c. erudite persequitur: cum & extra ordinem hui nostri divinitus excitarentur, & majore multo autoritate pollerent; quam laudatus modo Seldenus e. l. cap. 16. §. 2. & 3. p. 405. Bartenoræ & Jarchii autoritate motus, *Synedrii magni Principes* eos existimet extitisse. Extraordinatio potius munere fungebantur, & velut Hebræorum Dictatores quidam, & vicarii Dei, delegata a supremo Numinis potestate gaudebant, judiciorum, consiliorum, & bellorum principatum tenentes. Judicasse sane Debora populum sub palma inter Rhama & Bethel in monte Ephraim, Jud. IV, 4. §. legitur, & Samuel circumiens quotannis in Gilgal, Bethel & Mizpa, lites dirimebat, 1. Sam. VII, 15. sqq. Comitia porro populi egisse, & quid factò opus sit, consuuisse in medium, Samuelis denuo exemplo constat e. l. v. §. 6. Maxima vero in bello ipsorum autoritas erat, quod vel exercitu instructi gerabant, vel per se soli absque exercitu, ut Samgar & Simson. Neque tamen, quod quibusdam ap. Burman. preloqu. in b. l. §. I. n. V. p. 178. Heideggeri Enchir. I. c. 8. §. 2. p. 68. & Laur. Fabricio Partit. Cod. Hebrei c. 14. in Thesauro Philol. Thomæ Crenii p. 298. visum fuit, colligere inde licet, peracto bello, vindicataque ex hostium manibus gente sua, magistratu ipsos rursus se abdicasse, & ad pristinum rediisse vitæ genus, cum & post belli tempora judicasse populum legantur, v. g. c. XII, 7. & complures ipsorum, ut Thola & Jair c. X. Abesan, Ahjalon & Abdon c. XII. Eli ac Samuel exercitum duxisse, aut in expeditionem profecti nullibi memorentur, quos tamen juri dicundo, & litibus popularibus componendis praefuisse, dubium non est. Unde communis vocabulo Josephus ιηεμόνας αὐτοκράτορας eos appellat, alias quoque δι-
νασάς & σεατηγάς; quos honorum titulos dum sub examen vocat Grotius ad Deut. XVII, 9. & in prefat. annot. ad Jos. Hebreis, Tyriis & Carthaginensibus *Judices* dictos perhibet, νατ' ἐξχών̄ summos magistratus, quos Latini, Punico servato vocabulo, *Suffetes* vocaverint, h.e. בְּנֵי־בָּשָׂר immutato paululum vocis sono, aut ex molliori pronunciatio-



ne, qualis erat Ephrathæorum, Jud. XII, 6. aut ex corruptione per Latinos scriptores. Ita namque Livius *Lib. XXX. c. 7.* *Senatum Suffetes, quod velut Consulare imperium apud Cartbaginenses, vocaverunt: & rursus lib. XXVIII. c. 38. Ad colloquium Suffetes eorum, qui summus Pœnis est Magistratus, elicuit.* Summum itaque cum penes ipsos imperium post Deum esset, merito dubitatur, an in gravioribus causis ad decreta Synedrii alligati fuerint, quod cum b. Calovio *præloqu. in b. l. T. I. Bibl. Ill. p. 694.* quibusdam ita videtur; quia agitante incalescentes Numinе retineri tam non potuerunt, quam Simson a parentibus absterret, quo minus Philistæam puellam duceret; & Ephraimitarum exemplum, ingenti suo damno, Jud. XII. Jephtham in jus vocantium, luculentiter evincit, ἀνυπευθύνεται fuisse, regiaque fere potestate præditos, quorum integrum non fuerit, ad humanorum judiciorum decreta & normam, heroica revocare facta. Quanta vero cunque Iudicum fuerit ἐξοχή, ad regium tamen fastigium omnino non accedebat, quum potestate novas condendi leges, juxta ac tributa imponendi populo, regiis porro insignibus, unctione nimirum & diademate, ac satellitii tandem reliquaque, qua carebant, pompa, regibus essent inferiores. Præter hæc imperium quoque ipsorum, procul omni violentia & tyrannide, civile perquam ac mansuetum, a jure Regio 1. Sam. VIII. longe distabat, ut Pastores, Præfides, Consules liberi populi essent, & a ceteris civibus, quoad externum splendorem, parum differrent. Prolixè hoc argumentum excusit Don Isaac Abarbenel in *Præfat. Comment. in libr. Josue*, quam Latinitate donatam Buxtorff. *Dissertationibus Philologico-Theol. subjunxit p. 450. sqq.* ubi quinque convenientiæ, totidemque discrepantiæ inter Reges & Judices constituit momenta, quæ videantur. Huc facit, quod Burmannus *l. supra citato p. 177.* observavit, raro perquam Judices toti præfuisse Israeli, sed uni duntaxat vel alteri tribui, quæ, urgente ipsos hostium violentia & necessitate, hos vindices & servatores suos in castra secutæ fuerint, quod Baraki exemplo, quem tribus Sebulon & Naphtali tantum cap. IV, 10. Gideonis, quem præter dictas Manasse & Aser cap. VI, 35. & Jephthæ constet, quem Gilead & Manasse cap. XI, 29. coll. XI¹, 1. 2. sint secutæ. Sed & omnino, cum in Dei vicem præsiderent, ipsiusque nomine ac autoritate rerum potirentur, divinis ipsi legibus & impulsu erant adstricti. Jehova enim ipse τὸ κύριον sive summam potestatem sibi servaverat, & Rex erat populi, quem per Judices seu Pro-Reges ac Vicarios suos in officio continebat,

id quod



id quod clarissimis verbis Judic. VIII, 23. I. Sam. VIII, 7. X, 19. XII, 12. Judicum asseritur. Forma itaque regiminis, quo sub Judicibus Respublica Israelitica utebatur, Theocratica rectissime appellatur, & prorsus singularis, quæ ad nullam Aristotelicarum formarum reduci commode potest aut debet; ut corruant omnia, quæ de statu vel Monarchico, vel Aristocratico, vel Democratico, in Israelitarum Republica tunc temporis obtinente, operose disceptant interpres, diversas abeuntes in partes. Ut ut enim ad Monarchicum regimen Judicum imperium eo nomine proxime accederet, quod unus præcesset, non multi; tamen superiorum agnoscebant, cuius jussa capellere ipsis fas erat, & vigore potestatis Monarchicæ destituebantur, nec in universo, qua per omnia secula patuit, orbe similis huic Reipublicæ forma nominari potest, quod b. Schmidius Proleg. b. l. qu. 4. p. 16. sqq. prolixæ ac solide demonstrat. Et isthæc quidem Israeliticæ Reipublicæ administratio, D. Brentio præfat. ad b. l. judice, omnium felicissima ei & liberrima extitit, ut illud tempus vere aureum Israelitarum seculum dixeris. Numerantur autem Judices in universum 18. Othniel, ex tribu Juda c. III, 9. Ehud, ex tribu Ephraim c. I. v. 15. Samgar, filius Anath v. 31. Debora ex eadem tribu c. IV. una cum Barac, ex tribu Naphtali c. IV, 6. Gideon, ex tribu Manasse c. VI. Abimelech, filius Gideonis c. IX. Thola, ex tribu Issachar c. X, 1. Jair, ex tribu Manasse v. 3. Jephtha ex tribu Manasse, Gileadita c. XI, Ebsan, ex tribu Juda, Bethlehemites c. XII, 8. Elon s. ut alii vocant, Ahjalon, Zabulonites c. XII, II. Abdon, de tribu Ephraim v. 13. Simson, de tribu Dan c. XIII. sqq. Heli ac Samuel, ut & filii ejus Joël & Abia, omnes de tribu Levi I. Sam. IV, 18. VII, 15. VIII, 1. 2. Vitas singulorum & res gestas (Abimelecho excepto, quem non Judicem sed tyrannum existimat,) succincte tradit Melch. Leydeckker. de Republ. Hebreor. Lib. VII. c. 2. §. 5. p. 421. sqq. Sunt, qui his omnibus Judam & Simeonem præmittunt, adeoque ad 20. numerum Judicum extendunt, freti autoritate c. I, 2. 3. Verum non singulas personas ibi, sed universas tribus Judæ & Simeonis, collective isto loco designari, interpres paſſim statuunt, & b. Schmidius evincit Comment. in c. l. qu. 2. p. 67. sq. Ceterum judicibus istis Mosen & Josuam non annumerari, haud immrito miraberis, qui tamen æque ante Reges datos, ad præscriptum supremi Numinis, populum gubernarunt, unde & Hieronymus ad Jes. I, 20. sub Judicum nomine eos comprehendit: sed ampliori longe dignitate gaudebant, ille quidem Redemptoris, ut Stephano audit Act. VII, 35.



& Legislatoris; hic autem Imperatoris & exercitus Ducis supremi. Cui accedit, quod hi duo populo præfecti sint, cum nondum certas ille fixasque haberet sedes, ceteri vero Judices eidem in terra promissa dati sint, cum jam tribus Iraelis suis possessionibus gauderent. Heli vero ac Samuelis filiorumque res gestæ cum Regum historia tam arcte cohaerent, ut ab illa istarum recensio divelli commode non potuerit. Hinc est, quod in Simone Iudicum liber subsistat, reliquis quatuor judicibus ad Samuelis libros integrumque postulati Regis historiam reservatis.

III.

Libri scri-
ptor
aliis unus
q. 8.

De autore libri ministeriali non constat inter eruditos. Plurimis unus creditur idemque totius operis scriptor, quia unius totum est texturæ, continuoque & æquabili filo orationis pergit series, quod secus se haberet, si plures operi manum admovissent, aut ex collectis variorum schedis coaluisset. In definiendo autem hoc uno dissident aut haerent. Hugoni Cardinali in Prolog. b. l. in Ezechiam propensior sententia est, ita quidem, ut quemvis Iudicum suorum temporum res gestas in acta retulisse, tandem autem vel Esdram, vel Jeremiam, vel Ezechiām potius, in unum volumen isthac colligisse censeat; quod b. Gerhardus Exeges. L. I. de Script. S. S. 126. confirmari posse putat inde, quod Ezechiæ amanuenses quedam Salomonis proverbia in unum contulisse dicantur volumen, Prov. XXV, 1. Quæ tantum abest, ut b. Schmidio nostro displiceat conjectura, ut in eandem potius pedibus incedat sententiam Proleg. in b. l. qu. 2. n. 5. p. 9. Quanquam hoc pacto utrum potius collectorem, multos vero libri habeamus scriptores. Esdram porro vult Andr. Masius, & qui ab ejus stant partibus: Samuelem vero, longe plurimi tum Judæi, ut in Baba Batra cap. 1. fol. 14. & ap. Abarbenelem videre est, qui dubia Magistris suis contra hanc sententiam movet Comment. in b. l. Sect. X. quest. 6. eademque diluit ac solvit ad Jud. XIII, 31. tum Christiani Doctores, Tostatus, Driedo, Serarius, Huetius, alii. Unde Arias Montanus Comment. in Jud. VIII, 27. historie hujus concinnatorem Samuelem, absque ulteriore indagine appellat. Sunt vero & alii, qui variorum opera consignatum librum dicunt, ita ut Iudicum quilibet ipse, vel singulorum saltet Actuarii & Scribæ, quæ suis temporibus evenissent, in commentarios referrent, ut apud Jansenium Comm. in Concord. Evangel. cap. XI. p. 75. b. Pinedam prefat. in Jobum cap. III. n. 3. p. 7. Maldonatum Comm. in cap. II. Matth. p. 23. & Wittakerum controvers. I. de ser. qu. 3. c. 4. refertur, & vel inde

alii varius.



inde confirmatur, quod adagium Matth. II, 23. ex Jud. XIII, 7. citatum *Judicium*, ἐνθὲν διὰ τὸν προφῆτα, adeoque a pluribus consignatum dicatur. Alii rursum, cum Dorotheo *lb. de prophetis*, scribarum variam hic agnoscunt operam, at sacrorum, qui in tabernaculo versabantur, non civilium, qui *Judicibus* præsto erant. Rich. Simonio *Hist. Crit. V.T. L. I. cap. 8. p. 53.* vero videtur simile, Samuelem forte composuisse, Esdram autem, vel quicunque alius canonis sacri ultimus fuerit collector, adjecisse non pauca: multo vero post confarctinatam esse hanc historiam, quam res ipsæ gestæ sunt, hariolatur inde, quod, cum isto tempore Regio nondum pareret Israel imperio, Regum nihilominus in ea mentio fiat c. XVII, 6. XVIII, 1. 31. In quo vestigia legit Spinozæ, qui *Tratt. Theol. Polit. cap. 8. p. iii.* nihil definit, mentem autem suam his verbis explicat: *Librum Judicum neminem sane mentis sibi persuadere credo, ab ipsis Judicibus esse scriptum: epilogus enim totius historiae, qui habetur c. 2. clare ostendit, eum totum ab uno solo Historico scriptum fuisse. Deinde, quia ejus scriptor sepe monet, quod illis temporibus nullus erat Rex in Israel, non dubium est, quin scriptus fuerit, postquam imperium Reges obtinuerant.*

IV.

Jam ubi nobis, quid circa scriptorem pariter ac circa consignationis tempus sentiamus, edifferendum est, 1) largimur ultiro, autorem libri secundarium in obscuro esse, nec nisi conjecturis, iisque incertis perquam ac dubiis, locum hic dari. Nullibi enim in universo Codice Sacro sub certo autoris nomine commendatur aut citatur, unde nec nostrum erit, nimia vel curiositate, vel præfidentia certi quid in iis definire, in quibus certi quid scire Deus nos noluit. 2) Unum tamen ut fuisse credamus, non varios ac multos, & styli suadet constans sibi ubi quis ex nostra sententia? vis æqualitas, & capitum rerumque nexus, tum & θεοπνευσίας cum primis ratio ac modus. Nec, quod objiciebatur, citari in plurimum numero hunc librum, nomine τὸν προφῆτῶν, plures statim evincit libri scriptores; cum effatum Habacuci c. I, 5. Paulus τὸν προφῆτῶν nomine citer, nec tamen hac allegandi ratione ad plures unius libri autores, sed ad totum omnium Prophetarum complexum ac volumen respiciat, docente ipsa scriptura, cum Stephanus Proto-Martyr unius Amosi dictum ἐν Βιβλῷ τῷ προφῆτῶν evolvendum monstrat Act. VII, 42. Et si dicendum, quod res est, non ex uno *Judicium*, sed & primo atque quinto Mosaico libro de promtum istud Matthæi oraculum, recte a pluribus



De libro
Judicum.

pluribus Prophetis prædictum fertur, Mose nimirum, & autore libri Judicium. Vide mox §. 6. huj. Cap. 3) Certum tamen est, tempore Davidici imperii scriptum jam fuisse, cum jam a Samuele sub auspicio regni Saulis, i. Sam. XII, 9. 10. II. oppressio Sisseræ & liberatio per Gideonem, per Bedan, per Jephtham facta ex Jud. IV, 2. VI, 14. XI, 2. commemoretur; a Joabo pariter 2. Sam. XI, 21. integra de Abimelechi fatis historia ex Jud. IX, 53. allegetur; ac a Davide ipso Pf LXVIII, 8. 9. & XCVII, 5. ad Debora verba Jud. V, 4. sq. haud obscure digitus intendatur. Itaque frustra sunt, qui ad Esdram, vel saltem ad tempora captivitatis Salmanassaris hanc scriptionem rejiciunt. *Ad Ezechielem vel Esdra usque tempora, nihil de Judicium temporibus & rebus gestis scriptum fuisse, quis quoque crediderit?* apposite ait Schmidius noster. Quandio vero phrasin illam: *eo tempore non erat Rex in Israel*, Jud. XVII, 6. XVIII, i. XIX, i. XXI, 25. eo torquent, ut scriptionem libri ipsis Regibus posteriorem inde evincant, plus nimio ὥποθέσει διλευγοτε. Ita enim determinatio non tam ad tempus scriptionis, quam ad ipsam spectat rei narratae historiam, ejusque velut rationem reddit: eodem ergo argumento conficeres, Danitas ad Regum usque, imo Assyriacæ captivitatis tempora, nullam in terra Canaan hæreditatis sortem consecutos fuisse, per c. XVIII, 1. quod nemo temere crediderit. Ergo voce קָרְבָּלָה latius sumta, ut Deut. XXXIII, 5. quilibet imperans, ἡγεμονος & σεατηγος, adeoque Judices quoque, qui Regium fere tenebant imperium, designantur, phrasique illa istud notatur tempus, quo post excessum Judicis aut Ducis cuiusdam, penes neminem unum summam potestas erat, sed Synedrii auspiciis Respublica tantum regebatur. Gravius vero & majoris momenti videtur, quod contra libri antiquitatem ex c. XVIII, 30. 31. dubium movetur, ubi Jonathan filius Gerson, filii Manassis, ipse & filii ejus, Sacerdotes tribui Dan fuisse dicuntur וְיַעֲשֵׂה גָּדוֹת וְיַחֲנֵן ad diem usque captivitatis s. migrationis terra, & erexit scultile, quod sibi fecerat Micha, cunctis diebus, quibus domus Dei in Siloh fuit &c. unde Spinoza conficit, eo tempore scriptum librum fuisse, quo Salmanassar tribus Israeliticæ captivas abduxit, & nullus in Israele Rex fuit. Id quod vel b. Schmidium nostrum movit, ut Samuele recentiorem libri autorem suspicaretur. Ulterius vero progressus Ludov. Cappellus Not. Critic. in b. l. Opp. in V. T. p. 418. a. ex his verbis colligit: itaque vel scriptus fuit liber ille post captivitatem, vel nonnulla sunt inspersa per librum ab Esdra; vel alio, qui post captivitatem



tatem vixit. Sed salva res est. Nullane enim alia Israelitas נַדְרָת / præ-
terquam Assyriaca Salmanassaris, pressit? nonne potius adjecta tempo-
ris notatio: *cunctis diebus, quibus domus Dei in Siloh fuit, illam præci-
fe digito velut indice monstrat captivitatem s. migrationem, qua in die-
bus Eli Pontificis arca a Philistæis capta, & Israelitæ plures in captivi-
tatem abducti sunt, 1. Sam. IV, 10. seq. Tunc enim a Siloh tabernacu-
lum ablatum canit David Ps LXXVIII, 61. sq. Kirjath-Jearim translata-
tum, omniaque destructa idola, adeoque & hoc tribus Dan, memorat
Samuel 1. Sam. VII, 1-4. Ergo adhuc a Samuele, & ante Regem a Deo
postulatum, conscribi Judicium liber potuit. Sed tamen adhuc scrupu-
lus restat, quem Theodoretus injectit quest. 2. in *Jud.* qui ex Jerusalem,
nomine sequioris ævi, libri quoque recentiorem argutatur confessio-
nem. Sed in obscuro omnino nominis hujus est origo, & forte Ca-
nanæis jam, terram adhuc incolentibus, accepta ferenda per Jos. X, 1.
Gravissimi sane Theologi, nostratum b. Dorscheus *Theol. Zach. P. I.*
cap. IV. §. 22. sqq. & e Reformatis Herm. Witsius in *Historia Hiero-
solyæ, Miscellan. Sacr. T. II. Exerc. X. sqq. S. 1. sqq.* inserta, in genui-
nam nominis significationem & natales accurate & prolixè inquiren-
tes, ætatem, qua receptum & cum antiquioribus urbis appellationibus
permutatum fuit, in dubio relinquunt. Sive itaque Cananæis jam in
usu fuerit Jerosolymorum nomen, sive Israelitis urbem occupantibus
recens inventum & impositum, quæ Huetii *Demonstr. Ev. Prop. IV. p.*
335. §. 4. in b. l. est conjectura; sive denique post illa tempora receptum,
& ab Esdra, aut alio viro Θεοπνευστῷ Josuæ ac Judicium libris, ἐπεξηγή-
σας causa, infertum, quod Jos. XV, 8. XVIII, 28. Jud. XIX, 10. factum
videri posset: nihil tamen inde antiquitati libri nostri decedit. 4) Cum-
primis vero placuit temporis, quo exaratus liber est, character ab Elia
du Pin *Dissertat. prelimin. in S. Bibl. Lib. I. cap. 3. §. 3. p. 80.* monstra-
tus, qui ex *Jud. I. 21.* observat, Jebusæos adhuc Jerosolymis tempore
autoris & scriptoris hujus habitasse, qui cum Davidis demum ætate ur-
be exterminati 2. Sam. V, 6. legantur, solide inde infert, ante hanc Je-
busæorum ejectionem, adeoque vel sub Saulis imperio, vel sub initium
regni Davidici exaratum esse. Quæ & Cappelli c. l. prior erat conje-
cta, qui inde hunc cum libro Josuæ eodem tempore & eodem auto-
re scriptum existimat, antequam in locum supra cit. c. XVIII, 30. in-
cideret, qui tantum valuit, ut sententiam meliorem cum sequiore per-
mutaret. 5) Certum porro est, Θεοπνευστὸν fuisse autorem, ea que mente
ex in-*



De libro
Judicum.

ex intentione Spiritus Sancti librum condidisse, ut canoni Scripturæ perpetuo jangeretur, & ad normam credendorum faciendorumque, nunquam posthac avellendus, pertineret; quod infra ex divinæ autoritatis demonstratione ulterius patebit. 6) Samueli itaque ut invicta ratione nulla demonstrare & asserere, sic nulla pariter impugnare satis & destruere possumus autorem, maxime cum in ipsius ætatem conditi libri epocha exacte quadret, nec ab officio ejus id esset alienum, & in Actis III, 21. 24. primus ille post Mosen Prophetæ inter eos, qui non ore, sed scriptione cumprimis, dies Christi prænunciariunt, reconfeatur.

V.

Argumen-
tum

Historicus autem hic quoque liber est, cœptaque a Mose & Josua historiæ sacræ continuatio, progressum Reipublicæ juxta ac ecclesiæ Israëliticæ in terra Canaan, per universum aliquot seculorum tractum, a morte Josuæ ad tempora Eli Pontificis tradens; in qua vicissitudines in primis rerum prosperarum & adversarum, populi hinc a Deo deficiens, justisque suppliciis severe in ordinem redacti, hinc pœnitentis & Numinis opem enixe implorantis, adeoque per Heroas divinitus excitatos in libertatem asserti ac vindicati, ordine exponuntur. Recte nimurum hanc in rem Augustinus lib. XVI. de Civ. Dei c. 43. Opp. T. V. p. 932. scribit: temporibus Judicum, sicut se habebant & peccata populi, & misericordia Dei, alternaverunt prospéra & adversa bellorum: Quibus gemina sunt, quæ lib. XVIII. c. 13. p. 1027. leguntur: Post morientem Jesu Nave, populus Dei Judices habuit: quibus temporibus alternaverunt apud eos & humilitates laborum pro eorum peccatis, & prosperitates consolationum, propter miserationem Dei. Ubi quod Sanctissimus Præsul statim addit: his temporibus fabulæ fidæ sunt: ab antiquitatis mythicæ indagatoribus uberioris explicatur, & quomodo sub Herculis persona & gestis Simson ejusque historia, sub Iphigeniæ sacrificio filiæ Jephthææ cædes, sub aliis aliæ hujus libri lateant personæ, eruditæ declaratur. Vid. Dilherr. Dispp. Acad. T. II. p. 177. Huet. Demonstr. Ev. L. c. p. 336. §. 6. & Ludov. Cappelli Samson μυθολογίας Not. Crit. in lib. Jud. Opp. in V. T. p. 426. sq. Augustin. L. XVIII. de Civ. Dei c. 19. Philastr. de heresibus c. 8. Scopus libri, ut Scripturæ universæ, primo ad Christum tendit, quem ut luculenter adumbrarent Judices, טָוְשִׁׂיְעַם Salvatores Jud. III, 15. dicti, divinaque instructi virtute (Jud. VI, 14.) miraculosa sæpius ope oppressum populum e manu hostium in libertatem asseruerunt, ut ipsorum virtute ac victoriis moniti

Isra-

Scopus

L.

a profanis
Scriptori-
bus in fabu-
las conver-
sum.



Israelite, verum Orbis Salvatorem, populum suum ex hostium spiritu-
tualium tyrannide vindicatum, quererent, eumque solum sospitato-
rem ac Regem suum venerarentur. Huc spectat, quod Hieronymus
Epist. 103. ad Paulin. observat: *in Judicum libro quo principes populi,*
tot figura sunt. Quo vero respectu & modo Gideon prae ceteris, Jeph-
nah & Simson typum gesserint Christi, copiose edisserunt nostris Wal-
therus Offic. S. 800. p. 933. & Reformatis autem Biermannus *in Moses en Christus Lib. I. cap. X. p. 220. sqq.* & quod ad Simsonem attinet, Lud.
Cappellus *Not. Crit. in Lib. Jud. Opp. in V. T. p. 425. sq.* Ubi quidem
dubium movent, qui de sanctitate *Judicum* ambigue disputant, insi-
gnesque plurimorum navorum in Scriptura commemorari animadvertisunt,
ita tamen, ut nullam poenitentiae ipsorum factam deprehendant mentionem.
Ut vero taceam, catalogo veterum sanctorum inserta, honoris
causa, ipsorum nomina legi Syr. XLVI, 13. & Hebr. XI, 32. sqq. unde
haud temere colligitur, scripturam ipsorum poenitentiam, licet diserte
non meminerit, factam tamen a nobis presumi velle: lapsus quoque
eorum nihil prohibent, quo minus typicam ad Christum habuerint re-
lationem. Tyrorum enim eadem, quae similium, est ratio, ut ultra ter-
tium ne extendantur. Unde canones manarunt in Hermeneutica no-
ti: *nave ac peccata sanctorum V. T. qui typos Christi gesserunt, Christo*
sanctorum sanctissimo attribui nec debent, nec possunt. Et rursus: *Impii,*
NB. in quo iuspii fuerunt, Christi figura & typus nequaquam constituen-
di sunt, de quibus b. Glassius Philol. S. Lib. II. P. I. Tr. 2. Sect. 4. can.
2. & 7. p. 331. 334. Secundum libri scopum Apostolus docet Hebr.
XI, 2. 32. ubi Gideonis, Baraki, Simsonis & Jepheta ita meminit Pau-
lus, ut per fidem suam testimonium consecutos esse, nec per propriam
virtutem aut merita, sed per fidem tantum tanta patrasse ac tam prae-
clara facinora doceat, quo ipso firmiter evincant exemplo suo, *justum*
ex fido vivere, cap. X. 38. & fidem earum esse rerum, que sperantur, sub-
stantiam, elenchum eorum, que non videntur. Ex quibus manifestum
est, eo tendere quoque hanc historiam, ut fidei, per quam invocantes
Dominum Israelite, non modo clementiam ejus & opem consecuti
sunt, sed & tam admiranda gesserunt Judices, naturam, virtutem & ef-
ficaciam in apricum ponat. Usus denique libri quam latissime patet. Usus
Multum enim ille ad universalem mundi & ecclesiæ historiam facit,
quæ si hujus libri traditione ac autoritate destituatur, aliquot seculorum
passura esset lacunam, ex nullo alio fide digno supplendam monumen-

Z to.



De libro
Iudicum.

B.

V.

D.

S.

C.

291.

Autoritas
Canonica.

to. Plus quam paternum porro Dei animum, quo ecclesiam suam, idololatria licet, rebellione ac peccatis excidium ac interitum merentem, paternis tantum castigationibus ad frugem meliorem revocat, reduntem ac deprecantem denuo suscipit ac foveat, nec hostium furore interire aut opprimi totam patitur, ex eo cognoscimus. Illustre cum primis providentiae ac veritatis divinæ documentum populi Israeliticæ præbet in mediis ærumnis conservatio, propter Messiam ex eo nasciturum, & fœdus cum Abraham initum, miraculose saepius a Deo præstata. Habent hic peccatores, quid Israelitarum moniti exemplo sibi metuant, habent pœnitentes, quid a divina sibi benignitate pollicantur: habent Republicæ causas publicarum, quibus premuntur, calamitatum, habent eluctandi, & ad pristina redeundi halcyonia, remedium, ob oculos positum. Principes ac summi bellorum duces, Domini auspiciis ac virtute omnia gerere, ab insidiis sibi cavere, non violencia ac tyrannide, sed prudentia ac mansuetudine erga cives, fortitudine autem ac severitate erga hostes uti &c. inde discant. Gula ac libidinis quantum periculum, quanta violatae fidei sit pernicies, Sisseræ, Simonis, aliorumque doceant exempla, & quam periculosæ plenum opus aleæ aggrediantur, qui in blandientis complexus raunt sceminae &c. Quæ & similia innumera fere, insignem in omni vita usum præstantia documenta, in commentariis hujus libri passim copiose declarata reperiuntur. Quibuscum Symbola moralia, ex Iudicum gestis desumpta, apud Picinellum confer, Orb. Symbol. Lib. III. cap. 93. sqq. num. 274 - 291.

VI.

De Canonica libri Iudicum & divina autoritate nemo temere dubitaverit, qui paulo curatius reputaverit secum, 1) testimonia & historiæ Israeliticæ seriem, in ceteris utriusque Testamenti scriptis θεοπνεύσοις eo valore & argumentandi pondere ex hoc libro depromi, ut divina inde fides, tanquam ex αὐτοπίσω & αὐτοπευθύνω principio, lignatur ac resultet. Provocant ad hos annales Samuel 1. Sam. XII, 8. sqq. coll. cum Jud. IV, 2. VI, 14. XI, 2. Joabus 2. Sam. XI, 21. coll. cum Jud. IX, 53. David Ps. LXVII, 8. 9. & XCVI, 5. coll. cum Jud. V, 4. Matthæus 1. II, 13. coll. cum Jud. XIII, 5. XVI, 17. Paulus Act. XIII, 16. sqq. & Ebr. XI, 32. Quid? quod 2) non citetur modo, sed & reliquis Prophetarum, imo Mosaicis quoque libris æquiparetur Iudicum historia, manifesto indicio, nihil hanc illis autoritate esse inferiorem.

Paulus



Paulus sane Act. XIII, 15. sqq. in Antiochena Synagoga gentis suæ historiam strictim percurrens, eadem fido ac autoritate, qua ex *Exodo* populi ex Ægypto liberationem v. 17. 18. & ex *Josua* v. 19. terræ κληροχίαν repetiverat, Judicum quoque imperium v. 20. ex hoc nostro libro commemorat, hoc ipso testatus, pari hunc cum illis passu ambulare. Cumque locus ille vexatissimus Matth. II, 23. ὅτι Ναζωραῖος κληθήσεται, per Prophetas complures prædictus, afferente & vindicante Spanhemio Patre Dub. 93. *Evang. P. II. p. 613. sqq.* ex omnibus istis Scripturæ oraculis petendus & explicandus sit, in quibus Nazaræatus de certis quibusdam personis V. T. typum Christi gerentibus affirmatur; quod αὐτολεξεὶ de Josepho Gen. XLIX, 26. Deut. XXXIII, 16. & de Simione occurrit Jud. XIII, 5. 17. XVI, 17. ad oculum rursus patet, æqualis autoritatis, ex Mosaicis libris & Judicum historia citata testimonia, Evangelistæ censeri. Accedit 3) constans ecclesiæ testificatio, tum Judaicæ, quæ unanimi suffragio in *Prophetis prioribus* hunc librum numerat, ejusque autoritate historiam Ruth tuetur, tum Christianæ, cuius Doctores, ubicunque catalogum canonorum librorum exhibent, absque ulla hæsitatione historicis V. T. scriptis nostrum accensent. Cujus rei fidem Patres facient supra *cap. II. §. 3. p. 25.* allegati. Melito sane Sardensis, hoc sine in Orientem terramque Sanctam profectus, ut τῶν ὁμολογουμένων τῆς παλαιᾶς Διαθήκης γεαφῶν κατάλογον, accuratam librorum V. T. qui omnium consensu recepti sunt, refectionem fratri Onesimo sciscitanti transmittere posset, ἀπειθῶς μαθὼν, postquam accurate genuinos illos indagasset, Judicum librum diserte illis inserit, authenticumque illum ab utraque perhiberi ecclesia tradit, ap. Eusebium lib. IV. *Hist. Eccl. cap. 26. p. 149.*

VII.

Parum autem honorifice Richard. Simon *Hist. Crit. V. T. Lib. I. Chronolo cap. 8. p. 54.* de hoc libro sensit, cum certam Chronologiæ rationem ^{gia} inde peti posse, ob Genealogias, Scribarum negligentia, vel etiam ex instituto, aut omissas aut truncatas, negavit. Satis enim perspicue signata deprehendimus partim hostilium oppressionum, partim Judicum imperii gubernacula moderantium tempora, ut si aliunde rationes istæ non turbarentur, plana omnino & facilis annorum computatio esset. Sed enim vero gravissimæ hic suboriuntur difficultates exinde, quod numerus annorum hujus libri in summam redactus, neque universæ ab exitu ex Ægypto ad inchoatam templi structuram Epochæ, i. Reg. VI, 1. neque



De libro
Judicum.

neque Jephtha computo *Jud. XI*, 26. neque Paulinæ denique Chronologiæ *Aet. XIII*, 20. 21. respondet. Totam nimirum Epocham liber Regum CCCCLXXX. annorum spacio circumscribit: quibus si Moses 40. anni in deserto exacti, per Exod. VII, 7. & Deut. XXXIV, 7. & Iosuæ ac Seniorum, ab ingressu in terram Canaan ad mortem Eleazaris Sacerdotis, in quo Iosuæ liber desinit, 27. anni, per ea quæ *cap. prat. §. 8. p. 128.* demonstravimus, subtrahantur, restant 413. anni, qui a morte Eleazaris ad iacta templi fundamenta fluxisse censendi sunt. libri hujus. Hanc autem summam calculus libri Judicum, si ita crude accipiatur, immane quantum superat. Ille enim tribuit

	annos
I. Servituti Cuschan-Rischataim, sive Mesopotamia, cap. III, 8.	8
Quieti terra per Otniel redditæ c. III, 11.	40
II. Servituti Eglonis, sive Moabitica, c. III, 14.	18
Quieti per Ebudem redditæ c. III, 30.	80
III. Servituti Jabinis, sive Cananæa, c. IV, 3.	20
Quieti per Barakum & Deborah redditæ c. V, 31.	40
IV. Servituti Midianitica, c. VI, 1.	7
Quieti per Gideonem partæ c. VIII, 28.	40
Judicatu Eli, c. IX, 22.	3
Judicatu Thola, filii Phua, c. X, 2.	23
Judicatu Jairi, c. X, 3.	22
V. Servituti Ammonitica, cap. X, 8.	18
Judicatu Jephtha vindicis, c. XII, 7.	6
Judicatu Ebsan, c. XII, 9. 10.	7
Judicatu Elon, c. XII, 11.	10
Judicatu Abdon, c. XII, 14.	8
VI. Servituti Philistæa, c. XIII, 1.	40
Judicatu Simsonis, c. XV, 20. & XVI, 31.	20

Summa annorum 410.

His si accedant ad iacta templi fundamenta

Anni Judicatus Eli, 1. Sam. IV, 18.

40

Anni Praefitura Samuelis, & imperii Saulis, Act. XIII, 21.

40

Anni regiminis David, 2. Sam. V, 4.

40

Anni regiminis Salomonis, ad iacta templi fundamenta, 1. Reg. VI, 1.

3

prodicit summa ann. 533.

Quibus



Quibus, si integrum totius epochæ calculum requiras, adhuc addas Judicum,
et necesse est ab exitu ex Ægypto ad mortem Mosis, annos 40
a morte Mosis ad servitutem primam Mesopotamenam 27

& habebis annos 600.

Hoc tantum itaque 120. annotum discrimen ut componant Chronologi, varia in medium protulerunt *euçñatæ*: quorum aliqui eo pro-
gressi sunt audacie, ut numeros I. Reg. VI, I. signatos, falsitatis & cor-
ruptionis postulent; unde Serarius pro 480. ponendos 680. persuasus
est, alii 580. legunt. Id quod vero cum manifestam sacro textui inju-
riam inferat, constanti atque consonæ omnium Codicūm, quin & ver-
sionum lectioni reclameret, ac omnem demum certitudinem Chronolo-
gicam, quatenus e Sacris Bibliis deducitur, e medio tollat; maluerunt
alii illibatam textui quidem relinquere lectionem, at in computandis
ab exitu ad iacta templi Salomonici fundamenta annis, *ἀεχῆς* tantum
ac imperii rationem habere, cuius summa 480. illos impletat annos,
quibus servitutum tempora, quorum tristis & infesta erat memoria,
plane non accenseantur, seorsim quippe numeranda; cuius sententiae
patrocinium Vossius uterque in se suscepit, Pater in *Isagog. Chron. cap.*
7. filius in *Chronol. Saec. p. 125.* Quæ tamen cum omni destituantur ve-
ri similitudine, rursus *alii* optime consultum huic nodo existimant, si
ab alio epocham ordiantur principio, exitumque Israeliticum de com-
plemento demum ejus, quando Israelitæ terras hostium occuparunt, &
fuas fecerunt, adeoque de *υληγερίᾳ* demum interpretantur, lucratii hoc
pacto annos 46. & amplius, quos inter Laurent. Codomannus est, &
cum primis Dionysius Petavius lib. IX. de doctrina temporum c. 39. Sed
& hoc inventum cum gravissimis laboret incommodis, maluerunt *alii*
Synchronismos amplecti, quibus annos servitutum refundunt in annos
Judicum illorum, per quos Israelitæ identidem vindicati sunt in liber-
tatem, ita nimiri, ut quando Israelitæ dicuntur Regi Cuschan servi-
visse per 8. annos, & vindice Othniele terra quievisse per 40. annos,
illi 8. anni servitutis his ipsis 40. Othnielis sint includendi, & sic in
ceteris: quo pacto III. anni sex istarum servitutum toti summae detra-
hantur. Sed præterquam quod distincta annorum servitutis & quietis
enumeratio toties instituitur, numerusque annorum quietis illos ser-
vitutis annos plene elapsos excepisse, e textu sacro manifestis indicis

Z 3 colligi-



De libro

Judicium.

cum Jud. XI,

26.

colligitur; vehementissime quoque hic computus premitur calculo
Jephthæ *Jud. XI*, 26. quo ab occupatione terræ ad suam ætatem annos,
quibus Israelitæ impune regionem Amoritarum inhabitaverant, nume-
rat trecentos; a quo tamen numero longissime absunt, quibus isthac
sententia placet. Nec sufficientem adhibuit huic malo medelam Vir
Doctissimus Jac. Usserius in *Chronologia Sacra P. II. cap. XII. p. 197.*
cum belli quidem & servitutum tempora, a pacis & quietis temporibus
secernenda esse agnovit, sed annorum notatione, quieti terra apposita,
quietis illius initium, non autem vel ipsius quietis, vel præfecturæ Ju-
dicum durationem designari statuit, ut ita illud: וַיָּשְׁקֹט וְQUIETE
idem sit, ac *quiescere cepit*, æque ut *I. Reg. VI*, 1. *adificavit* est *adifi-
care cepit*, & cum Rex aliquis tot vel tot annorum fuisse dicitur בָּמֶלֶךְ
idem est ac, *cum regnare inciperet*. Sic ergo verba historiæ de Othnie-
le ita interpretatur: *& quiescere cepit terra anno quadragesimo*, sive,
cum quadraginta elapsi essent anni, nempe, a sexto Josuæ, quo debel-
lati in Canaanæ hostes sunt, *Jos. XI*, 23. epocham autem sequentem
quietis 80. annorum sub Ehude, figit in ipso illo anno quadragesimo,
quo terra, secundum ipsum, quiescere cepit sub Othniel, & sic in ce-
teris. Ut autem belli & pacis tempora distincte numerare posset, pa-
cis initia rotunda esse singit, a quibus belli anni subtrahendi sint, hoc
modo: (1) a quiete Josuana ad Cuschanis oppressionem numerantur
anni 32. (2) inde ad liberationem & quietem sub Othniel ceptam
ann. 8. (3) inde usque ad oppressionem Moabiticam ann. 62. (4) op-
pressionis Moabiticæ ann. 18. (5.) inde ad Jabini oppressionem ann.
20. (6) inde ad liberationem Deboræ & Barac ann. 20. (7) inde ad
Midianiticam oppressionem ann. 33. (8) inde Midianiticæ oppressionis
ann. 7. (9) inde ad initium Abimelechi ann. 10. Hac itaque ratione
annos ad Abimelechum conficit 210. post Abimelechum autem singulis
Judicatum annis, quibus συγχρόνες facit servitutes Ammoniticam &
Philisteam, inhæret, qui usque ad Simsonem dant 99. his cum porro
annos 47. ab exitu ex Ægypto ad Josuanam illam quietem, & rursus 123.
ab excessu Simsonis ad initium structurae templi, accenseat, prodeunt ipsi
479. anni pleni cum aliquot forte mensibus, quos quærebat. Verum
ut cunque magnis Viris, & in his b. Calovio quoque, hic calculus se pro-
baverit; iisdem tamen, quibus superior, urgetur incommidis, cum reve-
ra hoc pacto servitutum anni numero annorum quietis inclusi cen-
seatur, ut ut specioso id pallietur commento, adeoque & hic redeunt argu-
menta supra allata.

VIII. Jan



VIII.

Jam ut ad rem veniamus, certa prius jacamus fundamenta, quibus chronologiam nostram superstruemus. I. Loci i. Reg. VI, i. integritatem ac lectionem sollicitare, religioni sibi ducant, quotquot debita Scripturam Θεόπνευσον veneratione prosequuntur. II. Ponendi ita sunt calculi, ut ineunte servitute Ammonitica, 300. anni ab ingressu in terram Canaan, vel inhabitacione regionis Amoritarum, numerentur; vi verborum Jephrae Jud. XI, 26. III. Id ut obtineatur, anni servitum Israeliticatum & anni regiminis Judicum distincte enumerandi, prout illi in libro Judicum recensentur, nec illi alteris includendi sunt; ad quintam tamen tantum; hujus enim & sequentis sextae diversam a prioribus rationem esse, ipse sacer textus probat, cum Simsonem judicasse Israelem viginti annis, בְּנֵי יִשְׂרָאֵל in diebus Philistorum, sive ipso oppressionis Philistææ tempore, testatur Jud. XV, 20. IV. Non universale semper in omnes, sed partiale in quasdam saltem tribus imperium Judicum cum fuerit, commode duo Judices coævi in diversis tribubus rerum potiri, ut & altera libertate gaudere, altera sub servitute gemere, eodem tempore potuisse supponuntur. Idque b. Schmidius b. l. §. 33. p. 1592. non modo absurditate carere, sed & necessario requiri, exemplis Debora & Barak, Simsonis & Eli, Samuelis & Regis Saulis, demonstrat. His ergo præmissis, ita instituimus, ut 1) Jephrae calculum non ab occupata regione Amoritarum (quæ Mose adhuc vivente, aliquot ante obitum mensibus, per Num. XXI, 21 - 32. & Chronologiam supra datam cap. 7. §. 5. p. 127. subigebatur) sed a quieta ejusdem possessione & inhabitacione (quæ post κληρονομίαν demum, cum tribus trans-Jordanenses in ipsam hanc regionem Amoritarum, ceu sortem suam, cum benedictione dimitterentur, Jos. XXII, 1. evenit) adeoque ab anno Josua octavo incipiamus: 2) Jairum ac Tholam συγχρόνως statuamus, illum in urbibus Gilead trans Jordanem Jud. X, 3. 4. hunc in montanis Ephraim cis Jordanem Jud. X, 1. tribus quemque suas judicantem, ita quidem, ut Thola Abimelecho succedens, auspiciis imperii tribus annis Jairum anteverteret, qui tamen regimen trans-Jordanense annis 2. ulterius, quam ille cis Jordanem, produxit. Nec obstant v. 3. verba: אֶת־עַמּוֹ נִקְרָא & surrexit post illum: non enim post Thola mortem, cum non earundem tribuum, non ejusdem ditionis essent Judices, adeoque alter in alterius succedere locum non posset, sed aliquot annis post, quam Thola surrexerat cis Jordanem



Judicium.	nem in montanis Ephraim, surrexisse perhibetur Jair trans Jordanem.	
Sunt ergo	ab initio habitationis quietæ in regione Amoritarum,	9
	ad mortem Josuæ, cum quibusdam mensibus anni	10
	pleni	
	inde ad mortem Seniorum ac Eleasaris, anni	
	a prima, eaque Mesopotamena servitute ad mortem Abimelechi, juxta integrum & distinctum libri Jud.	
	calculum	256
	Thola cis Jordanem, usque dum trans Jordanem rerum	
	potiretur Jair, præfuit annis	3
Quarto Tholæ anno currente, trans Jordanem præfe-		
sturam adeptus Jair, Tholæ σύγχρονος per annos 19.		
& superstes annis 3. præfuit in universum annis		22

Summa annor. 300.

Hi 300. anni præcise calculum dant Jephthæ *Jud. XI, 26.* sic ut nulla textui vis inferatur; quibus exactis Israelitas affligere ceperunt filii Ammon per annos 18. *Jud. X, 8.* quos 18. trecentis illis non includendos esse, uti quidem Nicolaus Abramus censuit in *Pharo*, ubi Ammonitæ servitutis initia in quartum annum Jairi incidisse putat, solide evin cit b. Schmidius b. l. §. 27. p. 1586. cui adde, quod series textus ad oculum demonstrat, defectionem & idololatriam Israelitarum v. 6. 7. ceu causam ac principium servitutis Ammoniticæ, post fata demum Jairi accidisse, ut adeo servitus ipsa in tempora Jairi quadrare minime pos sit. Tholæ vero ac Jairi synchronismum, quem res ipsa suadet, statuere malumus, quam a Cuschani demum oppressione cum aliis initium facere annorum quietæ possessionis trans Jordanem. Quid enim fieret de annis, post dimissas tribus trans Jordanenses, superstitis Josuæ? quid de annis Seniorum post Josuam? Cuschani autem oppressionem vel Josua adhuc vivente, vel statim ab ejus morte occepisse, ideo statuere non possumus, quia in diebus Josuæ & Seniorum servierunt Israelitæ Domino per *Jos. XXIV, 31. Jud. II, 7. 10.* ubi *generatio nova* demum, post Seniorum, qui dies adhuc post Josuam produxerant, obitum orta, iram DEI & paenam servitutis provocasse dicitur. Dandi ergo necessario aliquot anni sunt superstiti Josuæ, dandi Senioribus & generationi novæ, a vero DEI cultu recententi, antequam ad Cuschani devenias.



De libro Ju-
dicum,
annos

deveniatur oppressionem. His ita in ordinem redactis, absque con-
troversia habemus

ab inhabita regione trans-Jordanensi ad initium Ammoniticae
servitutis

His adde annos servitutis Ammonitica Jud. X, 8. — —

300
18

*Huic σύγχρονοι fuit servitus Philistea Jud. X, 7. XIII, 1. (que
in duobus locis allegatis una, non gemina indicatur, probante b.
Schmidio b. l. §. 36. p. 1593. seq.) annorum 40. in quos rursus
incident anni Iudicatum Simsonis 20. per Jud. XV, 20. & Eli
40. cuius quippe etate Israelitas graviter affixerunt Philistei
1. Sam. IV. Iisdem Philistae servitutis temporibus, post Ammo-
niticam ramen, quam amovit Jephtha Jud. XII, 33. congruunt
anni*

Judicatus Jephthæ c. XII, 7.	—	—	—	6
Posthunc Judex Ehsan, c. XII, 9. 10. annis	—	—	—	7
Hinc Elon c. XII, 11. annis	—	—	—	10
Quem sequitur Abdon c. XII, 14. per annos	—	—	—	8
Samueli & Sauli Act. XIII, 21. tribuuntur anni	—	—	—	40
Davidi pariter 2. Sam. V, 4.	—	—	—	40
Salomoni ad exstrui coepit templum 1. Reg. VI, 1.	—	—	—	3

Qui in summam redacti efficiunt 432

Quibus si 47. annos ab Exodo ad κληρονομία lapsos adjicias, habebis accurate calculum 1. libri Regum, ut post 479. annos, cum quadringentesimus octagesimus ageretur, iacta templi fundamenta dicantur. Isthæc ut bene cum Act. XIII, 20. solis Judicibus 450. annos ad Samuelem usque tribuit; quo pacto, longe altius totius epochæ calculus ascendet, necesse est. Nodum hunc cum solvere nesciret, secundum duxit Vir Clar. Campegius Vitringa, qui in hypotyposi Histor. & Chron. Sac. Per. IV. §. 54. p. 47. verba plane delet, sibi persuaderi non patitur, vel Paulum hos numeros expressisse, vel Lucam eos suo signasse calamo: *textus enim Lucae, vis item atque elegantia orationis Paulina absque his numeris sibi plane constant: hinc potius probabile habet, Librarium aliquem, hunc textum describentem orationem Paulinam collectis numeris ex libro Judicum, hac lacinia voluisse exornare.* Sed audax nimis hæc Critica est, qua quæ conciliare nequeas, statim expungas, idque contra omnium Codicum fidem, quorum nullum, qui numeros plane sileat, pro se allegare Vitringa potuit. Rectius alii cum

A a

Theo-



De libro
Judicium.

Theodori Bezae Codice MSto per antiquo ita leguat: ὡς ἔτεσι τε τριακο-
σιοις &c. demptisque hoc pacto centum annis facillimam ineundi ratio-
nes viam invenerunt. Cui quidem sententiae b. Lutherus noster in ver-
sione Germanica, adjectisque notis marginalibus inhæret. Eaque longe
præstat Beroaldi opinioni, qua lib. 3. Chron. c. 4. Paulo imputare non ve-
ret: *r. quod receptam Iudeorum sententiam, utut erroneous, sequutus sit in*
re, que non fidei est, sed numerationis. Si cui tamen satius videatur, illi-
batam textus servare lectionem, alios paulo constitutat numerorum ter-
minos, a nativitate Isaaci ad terræ promissæ distributionem putando,
quam Bezae, Franc. Junii, aliorumque sententiam Ludovici de Dieu ver-
bis declarabimus, qui in *Animadvers. ad c. l. Aet.* Omnino assentior, in-
quit, *iis, qui hic annos, quibus rexerunt Judices, suppeditari nolunt,* (sic enim
annos hosce 450. cum 480. qui ab exitu ex Ægypto ad templi Salomonici ini-
tium effluxisse dicuntur). *Reg. VI, i. conciliare impossibile videtur* sed qui a
nato Isaaco usque ad Judices fluxere, quasi scriptum sit: καὶ μετὰ τῶντα ὡς
ἔτεσι τε τριακοσίοις καὶ πεντήκοντα (πρωχέρτα, Junius habet γνώμην) ἐδωλ
κριτάς, ut non qui imdi rexerint Judices, sed quando eos DEVS dederit,
indictetur: nempe post ea, que vers. 17. 18. 19. narrata fuerant, que 450. circiter
annis gesta fuere. Convenit computus; nam a nato Isaaco ad natum Ja-
cobum sunt 60. anni, inde ad introitum in Ægyptum 130, inde ad exitum 210,
inde ad introitum in terram Canaan 40, inde ad distributionem terre anni 7,
qui simul faciunt 447. annos, id est, circiter 450. desunt enim solummodo
tres. Recte autem ad nati Isaaci tempus refertur illud v. 17. elegit DEVS
Patres nostros. Tum enim DEVS, qui jam Abramum elegat ex
omnibus terra populis, ex omnibus Abrahāni liberis elegit Isaacum, in cuius
familia fædus consideret, dicens: In Isaac vocabitur semen tuum. Ita-
quoque Spanhemius *Chronol. Sacr. P. II. canone Epochæ IV. Opp. T. I. p.*
232. Nec exiguum huic interpretationi robur accedit ex diversa quo-
rundam Codicum, maxime vetustissimi illius in Anglia Alexandrini, le-
ctione, quæ ita habet: πάτει ληρόδοτησεν ἀυτοῖς τὴν γῆν ἀυτῶν, ὡς ἔτεσι τε
τριακοσίοις καὶ πεντήκοντα, καὶ μετὰ τῶντα ἐδωλ κριτάς. Eandem lec-
tionem jam Robert Stephanus in quibusdam animadvertisit Codicibus, va-
riisque lectionibus Novo Test. a se Lutetiae A. 1568. excuso subjectis in-
seruit: quia & Marchio Velestius, apud Brian. Waltonum de variis le-
ctionibus verba facientem, ad sedecim MSta Novi T. exemplaria provo-
cat, in quibus omnibus ita legitur: μετὰ τῶντα ἐδωλ κριτάς. Contra-
vero ea Joh. Millius in *notis ad h. l. perturbatum de industria verborum or-*
dinem



non censet, ad evitandam calculi hujus difficultatem: quæ tamen absque De libro
tali transpositione, addibita ὑπότυψιν ad voces ταῦλα, οὐ πεντήκοντα, videtur Judicum.
plane tolli. Sensus enim fuerit: Post hæc, quæ spatio 450. plus minus
annorum gesta sunt &c. seu: post tempus hoc, quod intervallum erat
450. annorum præter propter, dedit Judices &c. Id quod, facta cum
Apostolo, a tempore quo Deus elegit patres v. 17. sive a natalibus Isaaci, in
quo eos elegerat, ad ἀνθρωποδοτικην suppurationem, verissimum erat. Nam ab Isaaco
nato (s. anno Abramini 100.) ad Exodum numerantur anni 405. Ab Exodo qui
Calebi, ὡς ἔγγιστα, 40. emt Ios. XIV, 7.) ad ἀνθρωποδοτικον (annum ejusdem 85.
v. 14.) 45. In universum, sicutem ὡς, 450. Quæcumque ex his eligatur
vel lectio, vel suppuration, citra ullam textui illatam injuriam, sua nume-
ro Apostolico integritas & cum V. T. harmonia constat. Superest
nunc, ut redactos in ordinem calculos Judicumque annos, cum mundi-
ætate conferamus, coepitamque pertexamus Chronologiam, quæ ita-
habet:

A. O. C.	A. Exitus		
2579	66	Initium Mesopotamene afflictionis sub Cuschan, per octennium Jud. II, 7. 10. III, 6. 7. 8.	cum annis O.C. & Ex di collata
2587	74	Quies terræ redditur per Othnielum Jud. III, 9. 10. 11.	quæ duravit annis 40.
2627	114	Servitus Eglonis s. Moabitica incipit, durans annis 18.	Jud. III, 12. 13. 14.
2645	132	quies per Ehudem redditur, duratura 80. annis c. III, 30.	Post Ehudem Samgar 600. Philistæos occidit stimulo bovis c. III, ult.
2725	212	Incipit oppressio Jabinis Cananæa, perdurans an. 20. c. IV, 3.	Liberatio per Barakum & Deboram, quietem dans annorum 40. c. V, 31.
2745	232	Servitus Midianitica incipit, annorum 7. c. VI, 1.	Vindicatio per Gideonem, qui pacem dedit annor. 40. c. VIII, 28.
2785	279	Judicatus, sive potius tyrannis Abimelechi initium cap. c. IX, 22.	Post mortem Abimelechi rerum potitur cis Jordanem Thola c. X, 2.
2832	319		
2835	322		



A.O.C.	A.Exitus	
2838	325	Tertio, post Tholæ auspicio, anno <i>Jair</i> trans Jordanem imperium capessit, posthac Tholæ σύγχρονος, annos imperii iimplens 22. c. X, 3.
2860	347	<i>Ammonitæ</i> Israelitas trans - Jordanenses affligere incipiunt, impletis nunc 300. illis annis calculi Jephatai a quiete inhabitari copta regione Amoritum c. XI, 26. Detrahendi enim his ab exitu 348. annis sunt 40. anni itineris in deserto & 7. in Canaan usque ad remissas domum trans-Jordanenses tribus, & remanent 300. anni, forte cum mensibus aliquot. Servitus autem Ammonitica durabat annos 18. c. X, 8.
2878	365	Liberatur ab Ammonitarum afflictione Israel per <i>Jephiam</i> , qui judicat annis 6. c. XII, 6.
2884	373	<i>Ebisan</i> Jephatae defuncto succedit per septennium judicans populum c. XII, 9. seq.
2891	378	<i>Elon</i> præesse incipit, judicans annos 10. c. XII, II.
2901	388	<i>Eloni Abdon</i> succedit, & præfuit octo an. c. XII, 12. 13. 14. In hos ab Ammonitarum afflictione ad Samuelē elapsos 49. annos, <i>Simsonis</i> per annos 20. æque ac <i>Eli</i> per annos 40. Judicatus; servitus item Philistæ Jud. X, 7. XIII, 1. adeoque & <i>finis libri Iudicium</i> incidit.
2909	396	<i>Samuel</i> præficitur, in cuius Præfecturam auspicia regni <i>Saulis</i> incident. Et solus quidem Samuel 30. præfuisse annis videtur, cuius 20. annus post fata <i>Eli</i> 1. Sam. VII, 2. notatus est: qui vero sub regimine Saulis non intermisit Judicatum Israëlis, sed suas adhuc in judicando populo partes habuit per annos 8. usque ad finem vitæ 1. Sam. VII, 16. Regiminis autem Samuelis & Saulis anni 40. suere Act. XIII, 18.
2949	436	<i>David</i> thronum concendit, regnumque tenuit an. 40.
2989	476	<i>Salomon</i> defuncto Davidi in regno succedit.
2993	480	Quarto Salomonis anno jacta templi fundamenta. 1. Reg. VI, 1. ubi <i>finis</i> incidit Epochæ quartæ.

IX. Cum



Cum in præmissa hac tabula Chronologica nullam historiæ geminæ de *idolo Michæ* a Danitis erepto, & de *bello Benjaminitico*, quæ velut appendicis vice libro *Judicum* capitibus quinque postremis XVII. XVIII. XIX. XX. XXI. attexitur, mentionem fecerimus, restat ut quo tempore utraque contigerit, quo locanda sint hæc capp. loco, paucis edisseramus. Et quidem otium hic nobis fecit b. Schmidius *in append. Chronolog. ad lib. Judic. cap. 8. p. 1599.* ubi variantes fere omnes interpretum sententias in medium protulit & sub censuram vocavit. Pontificiis sane imposuit *Vulgata*, initio capituli XVII. verba: *Eo tempore* fuit vir &c. textui inse- rens, quæ in fontibus desunt. Unde eodem, quo in hoc libro recensentur ordine, adeoque post Simsonis demum mortem, hæc evenisse contendunt, quam causam Serarius *Qu. 14. in b. I. & Sanctius in Ruth Proleg. III. p. 2.* perorat. Sed bene observarunt, qui secus statuunt, 1) quod post Simsonis tempora adhuc caruisse possessione propria tribum Dan, per 300. fere ab ingressu in terram Canaan annos, vero prorsus sit absimile, ut caruisse tamen tempore Daniticæ expeditionis c. XVIII, 1. dicitur: 2) quod isto tempore Menasseh Levita, Mosis (ut crederit) pronepos juvenis talis, qualis in historia Michæ describitur *Jud. XVII, 7. seqq. XVIII, 30.* esse non potuerit: 3) quod urbs Lais, quæ postea Dan vocata, longe ante Simsonis tempora Danitis occupata & inhabitata fuerit, quæ tamen in historia nondum expugnata traditur: 4) quod Sacerdos Pinchas, Aaronis nepos, tempore Benjaminitici bellii adhuc in vi- vis, ætatem suam per aliquot fere secula ad Simsonis usque mortem produxisse haud facile credendus sit, cum adeo πενθοσίας ea mundi tempe- stas homines amplius non ferret. Sed vero hæc ipsa Pinchasi Sacerdo- tis c. XX, 28. facta mentio, certum nobis characterem temporis, quo hæc gesta sunt, subministrat, ut in eam æratem, quæ inter Eleasaris mor- tem & Judicatum Othnielis interjacet, adeoque in tempus ἀναρχίας post mortem Seniorum, eum secure agerent Israelitæ c. III, 5. seq. utramque hanc historiam conjiciamus. (α) Ista enim ætate Pontificatu fungebatur Pinchas Sacerdos: (β) nec Rex erat in Israel, siciente quolibet, quod rectum videbatur in oculis ejus c. XVII, 6. XVIII, 1. XIX, 1. XXI, 25. (γ) unde bellum Benjaminiticum, nullo præsente Duce aut prin- cipe, Seniorum populi auspiciis gestum c. XX, 2. XXI, 16. Hinc adeo (δ) cum servitus Mesopotamena Israëlitico populo propter gravissima ejus peccata, maxime ob idololatriam c. II, 11. seq. III, 5. seq. accideret, quis

De libro Ju- dicum.

Capp. 5. ul-

timæ ad qua-

tempora

specient?

Aa 3

dubi-



De libro Ju-
dicum.

dubitet, idolum Michæ, a Danitis publice cultum, nec non intestinum illud bellum, in his calamitatum causis fuisse? Maxime cum Os. X, 9. impietas Gibeæ haud obscure primum populi DEI, terram promissam sceleribus suis contaminantis, scandalum dicitur. Accedit, quod bella ejusmodi civilia vicinis gentibus, subjugandi Israelem, ansam dedisse vero perquam simile sit. Proprium itaque horum V. Capitum ordinem, ac locum Joh. Lightfootus in *Chronic. tempor. V. T. T. I. Opp. p. 45.* haud inconcinne post vers. 10. capitil II. assignat: rationes vero, quas allegat, cur *Spiritus S. has historias, quæ tam mature contigerunt, sede tam sera locari?* vereor ut sint genuinae, nimirum 1.) ut lector, observans regimen illorum Politicum cessasse in morte Samsonis, qui Danita fuit, simul etiam justitiam DEI in eo contempletur, quod illorum religio primum cessasset inter Danitas. 2.) Ut observans millenos centenos siclos argenti, qui ab unoquoque Satrapa Philisteo dati fuere pro interitu Samsonis Cap. XVI, s. simul observet quoque millenos centenos siclos argenti, quos Michæ mater dererat pro confectione idoli, quod religionem in tribu Samsonis possundedit. 3.) Ut historia Michæ ex montanis Ephraimi, primi corruptoris religionis, & historia Samuelis ex montanis Ephraimi, primi reformatoris religionis, paulo collocarentur invicem propiores.

X.

Partitio.

Partes libri, (cujus capita numerantur XXI. versus 618. in quibus medius est c. X, 8.) aliis duæ, tres aliis constituantur. Quibus decto-
pia placet, vel ab argumento partes denominant, adeoque primam de statu populi sub judicibus, alteram de statu Reipublicæ & ecclesiæ sub ἀναρχίᾳ, cum b. Calovio agere perhibent; vel cum b. Schmidio proleg. h.
I. quæst. 9. temporis rationem habent, P. I. dicentes rerum temporis certi, p. in genere, a morte Josuæ usque ad primum Judicem Othnielum c. I-III, 9. p. in specie, sub ipsis Judicibus, ab initio Othnielis ad mortem Simsonis c. III, 10-XVI P. II. rerum temporis incerti, p. de idolo Michæ c. XVII, XVIII. p. de bello Benjaminitico c. XIX-fin. Qui vero tres faciunt vel absque ratione alia, aliquam saltem partium æqualitatem respiciunt, ut ap. b. Waltherum Offic. §. 794. P. I. est a Josua ad Deboram c. I - VI. P. II. a Debora ad Simionem c. VI - XI. P. III. a Simtone ad libri finem: vel cum Heideggero Enchir. & Burmanno ad b. l. P. I. dicunt complecti historiam Seniorum post mortem Josuæ c. I - III, 9. P. II. historiam sex oppressionum, totidemque salvationum c. III, 9. - XVI. P. III. duo specimina corruptionis Israëliticae, quæ Burmannus appendicem libri recte appell-



appellavit. Nos tres agnoscimus partes, annales istos Judicum dipe- De libro
scentes in libri I. *Exordium*, quod præcognita historiae Judicum tradit Judicum.
c. I - III, 9. II. *historiam ipsam Judicum*, quæ *vitas & gesta ipsorum expo-*
nit c. III, 9 - XVI. III. appendicem sive *mantisam*, quæ *gravissimorum*
populi scelerum duo sistit specimina c. XVII - fin.

XI.

Constat itaque Judicum liber

Tabula Syn-
optica.

I. Exordio, sive præcognitis; ubi vides

- 1.) tribus Judæ principatum & prospere gesta c. I.
- 2.) publicam populi & reprehensionem & pœnitentiam c. II.
- 3.) gentes in terra superstites, & populi apostasiam c. III, 1 - 9.

II. Historica Judicum recensione; qui sunt

- 1.) Othniel c. III, 9 - 12.
- 2.) Ehud c. III, 12 - 30.
- 3.) Samgar c. III, 31.
- 4.) Debora & Barak: quorum
 - α. res gestæ s. liberatio c. IV.
 - β. opinioñ s. concelebratio c. V.
- 5.) Gideon, cuius
 - α. miraculosa vocatio c. VI.
 - β. præstita liberatio c. VII.
 - γ. victoriae continuatio, datumque per idolatriam scan-
dalum c. VIII.
- 6.) Abimelech, tyrannus potius quam Judex c. IX.
- 7.) Thola cis Jordanem c. X, 1. 2.
- 8.) Jair trans Jordanem c. X, 3. 4. 5.
- 9.) Jephtha, cuius
 - α. eligendi occasio c. X, 6 - fin.
 - β. ortus & descriptio c. XI, 1. 2. 3.
 - γ. vocatio v. 4 - 11.
 - δ. expeditio & liberatio v. 12 - 33.
 - ε. votum, ejusque perfolutio v. 34 - fin.
 - ζ. in Ephraimitas tyrannis & persecutio c. XII, 1 - 7.
- 10.) Ebsan c. XII, 8. 9. 10.
- 11.) Elon c. XII, 11. 12.
- 12.) Abdon c. XII, 13 - fin.

13.) Sim.



De libro
Judicum.

- 13.) Simson, cuius
 α. nativitas c. XIII.
 β. leo dilectus & nuptiæ ænigmatae insignes c. XIV.
 γ. vulpeculae, & maxilla asini fontem præbens c. XV.
 δ. vincula & mors c. XVI.

III. Appendice, quæ geminam tradit historiam :

- 1.) de idolo Michæ, ejusque cultu idololatrico
 α. privato in domo Michæ c. XVII.
 β. publico in tribu Dan c. XVIII.

- 2.) de bello Benjaminitico, cuius

- α. occasio, stuprum Gibeoniticum c. XIX.
 β. prælum, & vindicta a Benjaminitis sumta c. XX.
 γ. consequens, raptus virginum c. XXI.

XII.

Commen-
tarii Pa-
trum;

Commentatores in hunc librum iidem fere, quos ad Josuam lau-
davimus, nominandi hic nobis sunt: e Patribus quippe *Græcis*
THEODORETVS T. I. P. I. opp. in quæstionibus in Octateuchum;
PROCOPIVS GAZÆVS, de quo *ad Exodus p. 97.* diximus:
& *ORIGENES*, cuius novem in *Judices* homiliae ex Ruffini inter-
pretatione extant *T. I. Opp. fol. 177.* ex *Latinis AVGVSTINVS*, cu-
jus *quæstiones super Judices T. IV. Opp. p. 299.* leguntur; *ISIDORVS*
HISPALENSIS, cuius observationes in *h. l. Opp. p. 233.* octo capp.
traduntur; *BEDA*, qui *quæstiones super b. l.* e Patrum dictis collectas
T. VIII. Opp. p. 347. octo pariter capp. expedivit. *S. PATERII ex-*
positio super b. l. ex *Gregorii M. scriptis concinnata, & T. III. Opp. Gre-*
gorii p. 624. seq. obvia, *Gideonis* duntaxat ac *Simsonis* historiam octo
capp. illustrat. In *R VPERTI Tuitiensis Opp. lib. I. Tom. III. Judi-*
cum quoque explicationem deprehendes, *Colon. 1533. 1566.* & *Moguntinæ*
edit. T. I. p. 381.

Rabbino-
rum;

Judeos confer supra allegatos ad Josuam, & in totum V. T. quo-
rum plurimos, R. Dav. Kimchi, Aben Ezram, Salom. Jatchium, Mosen
Gerundensem, Abrah. Perizolidem, R. Simeonem, aliosque, in hunc æ-
que ac alias Scripturæ S. libros, *Conradus Pellicanus* Latinitate donasse
Hottingero afferitur *Schola Tigurin. Append. I. p. 163.* & ex illo Imbonato
in *Biblioth. Latino-Hebr. p. 29.*

Lutherano-
rum:

Nec nostræ defuerunt ecclesiæ Doctores, quin illustrando Judi-
cum libro operam navarent, *JOH. BRENTIVS T. II. Opp.*
p. 88-



p. 88-199. DAV. CHYTRÆVS Witteb. in fol. 1590. MAVRI-
TIVS HELINGIVS Noribergæ in 8. A. 1593. ABEL NEZE-
NIVS *Operationum Biblicarum b. Lutheri P. II.* quæ in Josuam, Judices,
Ruth, libros Samuelis, Regum & Paralipomena exercitationes continet,
Jenæ in 4. A. 1611. Cumprimis vero SEBAST. SCHMIDIUS co-
pioso & erudito commentario, Argentorati in 4. A. 1684. edito, præcla-
re de hoc libro meritus est. Concionibus vernaculis eum enarrarunt
FRIDER. BALDVINVS Wittebergæ in 4. A. 1617. JACOB.
FABRICIVS Norimbergæ in 4. A. 1636. JOH. HABERMAN-
NVS Wittebergæ in 4. A. 1617. & JOH. MICHELBACH
LXXXVIII. homiliis, Lipsiæ in 4. A. 1612. VALER. HERBERGE-
RVS *Magnal. Dei P. XI.*

De libro
Judicium.

E Pontificiis hic denuo nominandi sunt ANTONINVS Ar-
chiepiscopus Flörentinus, cuius in *opere Chronicorum* Lugduni fol. 1586. rum:
1597. de gestis Judicum agitur: BENED. ARIAS Montanus, cuius
liber *de varia Republica Antwerpia* in 4. A. 1592. luculentum in Judices
commentarium complectitur: JAC. BONFRERIVS S. I. qui
Josuæ Judices & libellum Ruth commentario junxit, Parisiis in fol. 1631:
THOMAS DE VIO CAJETANVS, cuius in eosdem libros
Comment. Romæ prodiit in fol. A. 1533: HADRIAN. CROM-
MIVS S. I. cuius theses Theologicæ in Judic. Josuæ junctæ Lovanii
prodierunt A. 1631: JOH. FERVS, cuius in Josuam & Judic. an-
notations Coloniae in 8. A. 1571. editæ sunt: JOH. FREIRE, Lu-
sitanus S. I. cuius commentarii in VII. priora capp. libri Olyssiponi in 4.
A. 1641. & Madriti 1642. excusi sunt: COSMAS MAGALIA-
NVS, Lusitanus S. I. cuius in Judicum octo priora capp. annotationes
morales extant in fol. Lugduni 1626: THOMAS MALVENDA,
in ejus Opp. Lugduni in fol. 1630. impressis, Judices quoque explican-
tur: EVANGELISTA MARCELLINVS, Italus Minorita,
cuius in libr. Judic. expositio Venetiis lucem adspexit A. 1589: EMAN.
de NAXERA, qui prolixissime III. tomis in fol. Lugduni 1656. 1664. lite-
raliter & cumprimis moraliter h. l. explicavit: ALOYSIVS NO-
VARINVS in Judices Lugduni fol. 1646: FABRITIVS PAV-
LVTIVS Romæ fol. 1625: NICOL. SERARIUS S. I. in Judi-
ces & Ruth Moguntiæ 1609. & Parisiis in fol. 1611: ALPHONSVS
TOSTATVS Abulensis Venetiis A. 1596: HVGO de S. VICTO-
RE sive VICTORINVS, de quo supra diximus p. 6: CHRIST.

Bb

de



De libro
Judicium.

Reformato-
rum.

dela VEGA, cuius commentariorum in h. l. literalium & moralium III. volumina Lugduni in fol. prodierunt A. 1661. 1671. CASP. de VILLAR OEL, cuius commentarii literales, moralibus aphorismis illustrati, luci publicae expositi sunt in fol. 1636.

E Reformatis huc spectant MARTINVS BORRHAVS, alias CELLARIUS, (cujus vitam nervose delineatam vide in Hoernbeekii *summa Controvers. Lib. V. de Anabapt.* edit. Traject. 1653. p. 335.) Basileæ in fol. 1577: MARTINVS BVCERVVS, cuius in h. l. Commentarium Robert. Stephanus excudit Parisis A. 1554. 1563. in fol.: FRANC. BVRMANNVS Trajecti ad Rhen. in 4. A. 1675. LUDOVIC. LAVATERVS, qui CVII. homiliis eundem illustravit, Tiguri in fol. A. 1585. PETRVS MARTYR Heidelbergæ in fol. 1609. & Tiguri 1582. JOH. MEYER Anglus, commentario in Judices clarus: VICTORIN. STRIGELIVS cuius in h. l. argumenta & scholia in 8. Lipsiæ prodierunt A. 1586. JOH. WOLPHILVS, qui historiam Judicium 191. sermonibus explicavit, Tiguri A. 1598. in fol. CHRISTIAN. SCHOTANVS, qui in *Bibliotheca historie S. V. T. Tomo II.* de temporibus Judicium usque ad Samuelem p. 418-533. perspicue & copiose agit: JOH. COCCEJVS, qui canticum Debora, seu typum Reformationis & liberationis ecclesiae, ex Jud. V. T. I. Opp. p. 349. seq. contemplatur, Tomo I. Opp. *Διενδρων* autem p. 49. notas breves Philologicas & grammaticas adspergit: ARTHVR. JACKSON, cuius in h. l. commentarius Josua junctus prodiit Londini in 4. A. 1646: CONR. PELLICANVS, cuius in libros historicos Comment. Tiguri excusus est, in fol. 1582. FRANC. RIDDERI conciliatio ἐναντίον Φαραو στόν Ιωσήφ ad Proverbia usque Salomonis, hunc quoque suo loco librum exhibit, Roterodami in 4. A. 1676: RICHARD VS ROGER, qui sermone Anglo commentarium struxit, *Comment. on the Booke of Judges, comprised in CIII sermons.* Londini A. 1615. Quibus forte HVG O ROBINSONVS addi queat, qui *Annalium Mundi lib. VI. VII. VIII. & IX.* opere posthumo Londini in fol. jussu Caroli II. Regis edito, vitas & gesta Judicium historice recenset, & cum συγχέονται gentium aliarum rebus conserit.

Remon-
strantium.

De JOH. CLERICI laboribus in hunc librum judicium fieri ex iis potest, quæ supra ad Josuam diximus.

CAP. XL



CAP. XI.

De libro Ruth.

Libri sedes in Bibliis Judaicis vel Parte III in Hagiographis, vel in appendice Pentateuchi inter V. Megilloth, unde minus commode a Judaeis libro Judicum comprehendendi afferitur: in Christianis vero post librum Judicum est § 1. Titulus a Rutha mutuatus, de qua Rabbinorum fabule. Idem liber an i. Paral. IV, 22. per verba antiqua designetur? §. 2. Scriptor alius Samuel, alius Ezechias, varius alius, alius Esra, alius Eli. Scriptio tempus. Dialectus an Moabisnum sapiat? §. 3. Argumentum. Scopus. Utilitas. §. 4. Autoritas divina asserta; a Proletantibus in dubium vocari gravis diciuntur §. 5. Chronologia, s. quo tempore historia Ruth e contigit? Num in genealogia Davidis tres Boasi? Num librariorum omissione & mendum? §. 6. Partitio. Tabula synoptica §. 7. Commentarii Patrum: Rabbinorum, tum in quinque Megilloth, tum in Ruth seorsim: Lutheranorum: Pontificiorum: Reformatorum: Remonstrantium §. 8.

§. I.

NON eundem hic libellus in Judaicis æque ac Christianis Codicibus tenet locum. *Judei* enim vel suæ librorum Biblico-
rum distributionis memores, τοις כהנובים sive hagiographis Judaicis,
eum suo loco inserunt, ut post Jobum, in quinque libellis Fe-
stualibus secundus ponatur, prout in Bombergiana Bibliorum Hebraico-
rum editione, Venetiis A. 1518. curata, in Buxtorffiana quoque Basileen-
si magna A. 1619. nec non in Bibliis non punctatis Francofurtensibus Wusti
A. 1694. aliisque videre est: vel ad usum Synagogæ attendentes, hunc
cum sociis quatuor libellis Pentateuco, appendicis ad instar, subne-
ctunt. Hinc in Bombergiana editione secunda in 4. A. 1521. Venetiis
procusa, aliisque eam insecuris compluribus, Sectioni I. Bibliorum Lega-
li sub juncti, Prophetis omnibus, ceterisque ἀγαγέαφοις præmittuntur,
eo tamen ordine, quem Elias Levita præfat. tercia libri *Masoreth hammaso-*
ת מגלה נוהגים לכתוב סרן רפי הסדר שקוראן B b 2



שָׁקוּרָאֵן אָוֹתֶן בְּבַית הַכְּנִסֶּת בְּזָמָן דְּרוֹיָנוּ שִׁיר רֹות קְנוֹת קְרָלָת : Quinque Megilloth s. libellos eo ordine (Judæi Germani) scribunt, quo eos suis temporibus in synagogis legunt, nempe Canticum, Ruth, Threnos, Ecclesiasten, Esther. Quemadmodum enim singulis sabbathis certas & definitas legis Paraschas in synagoga publice legunt: ita diebus festis hos libellos lectioni legis adjungunt: festo Paschatos quidem Canticum, ob aliqualem cum festi laetitia congruentem Cantici materiam; Ruthæ historiam festo Schebuoth s. hebdomadum, quod Pentecosten dicimus, quia tum primitias frugum obtulerunt, & in illo libro de fructibus terræ eorumque messe agitur; Threnos solenni illo jejunii die 9. mensis אָב Julii, in memoriam desolatæ Urbis & templi instituto; Coheleth festo Tabernaculorum, quia sicut hoc festum signum est, quod patres læti & contenti fuerint habitare in tabernaculis, ita hic liber docet, quod omnia vana sint, adeoque unusquisque lætari & contentus esse debeat iis, quæ Deus ipsi largitur; libellum Esther demum festo Purim d. 14. & 15. Febr. ad recolendam memoriam mirandæ Dei liberationis, quam Deus Judæis tempore Ahasveri, Hamane contra Judæos sæviente, præstítit. Conf. Leusden. *Philel. Hebr. Dissert. II. qv. I. p. 12. Carpzov. in Ruth. Disp. I. p. 11. Fabric. Parit. Codic. Hebrei c. XI. in Thesauro Creniano p. 284. seq.* Jam ergo, quando Bonfrerius in *Præloqu. Script. S. cap. III. sect. 6.* & ex illo Celada *Prolegom. in b. I. §. 2. qv. 1. p. 9.* Hebræos librum Judicum cum libro Ruth unum eundemque fere facere affirmat; autoritate forte Hieronymi inducti, qui in *Prologo galeato: subtexunt*, inquit, (Ebræi) *Judicum librum, & in eundem compingunt Ruth: & Origenis ap. Eusebium. I. VI Hist. Eccl. c. 25.* qui his gemella tradit: eo saltem respectu & modo id admittendum esse existimo, quo Judæorum aliquos librorum Biblicorum numerum ad XXII. redigentes, Rutham libro Judicum & Threnos prophetiæ Jeremiæ annumerare supra observavimus *cap. II. §. 3. p. 25.* Ceterum Christianis convenientior libro locus assignari videtur in historicorum ordine, inter Judicum & Samuelis historias medius; non quidem, quod *porio quedam & velut appendicula libri Judicum* sit Ruth, ut Celada c. I. existimat; libro enim Judicum sua, absque hac historia, integritas constat, neque vel ad publicam Judicum vel populi Israëlitici historiam Ruthæ libellus quicquam facit, ea saltem, quæ privatum in Boazi ædibus & familia gesta sunt, exponens: sed temporis respectu, quia & Judicum ætate hæc historia contigit c. I. 1. & Davidis, ceterorumque post eum

eum, Regum genealogiam præstruit, recensioni regni Davidici haud dubie præmittendam.

II.

Hebræis vero pariter ac Græcis & Latinis a præcipuo historiæ obiecto נָתַר 'Pēθ Ruth inscribitur, ἐπειδὴ καὶ τὸν περὶ τῆς Ρέθ ἴσογίων μόνην περιέχει, propterera quod solam de Ruth historiam complectitur, ut Athanasius in synopsp. 75. nominis rationem reddit. Quanquam enim alia insuper, velut Elimelechi peregrinatio, Naëmi viduitas, & Boasi cum primis res familiaris simul hic tradantur: palmaria tamen de Rutha narratio instituitur, eo tota collimans, ut alienigenæ hujus in ecclesiam adoptatio, & Davidis ex illa progenies cognoscatur. Quod commode animadvertis Rupertus Abbas in libb. de Trinit. ad Jud. XVIII. Valde, inquit, fidem animum delebat, quod nomine Ruth potius, quam Booz aut Naëmi in titulo prenotatur (hic liber) non enim parum splendoris habuit, quod series generationis Christi, in moribus virorum Israelitarum & Judaicæ tribus pene defecta, per fidem alienigenæ resarcita est, sicut ipse Historia enarrationis ordo continet. Hanc ipsam vero Ruth dum fratriæ suæ Horpæ sororem, utramque porro Regis Moabitarum Eglonis, quem a Ruth fræ Ehud Israeliticus Judex gladio confecisse Jud. III. memoratur, filiam, & mina nobili, Balaki (Num. XXII.) proneptem fabulantur Hebræorum magistri, in quibus refutandis Sanctius Prolegom. I. in b. l. p. 1. laborat; eum saltem in finem Rabbinos hæc talia populo pro concione proponere observat b. Carpzov. Disp. V. in Ruth I, 3. sqq p. 96. ut honorem ac laudem regno domus David concilient, alioquin labascentem, si non alienigenam modo, sed & fœminam sortis infimæ ataviam Davidis audiant. *Quicquid ergo, addit, in honorem Ruth & Boaso postea nuptiæ quo cunque modo cedere potest, eo suavitè confitè non minus delectantur, atque fabuli in dedecus & contumeliam Horpe excogitatis, utpote religionis Israeliticæ contemptricis.* Eo quoque spectat, quod Boasum unum faciunt eundemque cum Ebzane Judice Israelitarum Jud. XII, 8. seq. ut ex paraphrasi Chaldaica & Kimchio in Cap. I. Ruth patet, quod quam ægre cohæreat temporum ratione cum reliquis eorundem fabulis, quando v. g. Elimelechum in Seder Olam c. 12. fratrem faciunt Salmonis, qui Rahab duxit &c. liquido demonstravit Schotanus in B. blith. S. Vet. Test. T. II. p. 508. Conf. præterea e nostris b. Waltherum Offic. § 802 & e Reformatis Hottinger. Thesaur. Philol. lib. II. c. I. Sect. 3. p. 485. b. Nec minus incerta nominis נָתַר origo, varie quidem a variis, pro cuiusque fingendi felicitate, excogitata, Carpzovio



De libro
Ruth.

zovio l.c. traditur p. 98. quibus indagandis, ab instituto nimirum alienis, nos nunc non immorabimur. Idem vero Ruthæ libellus, num i. Chron. IV, 22. **הַרְבָּרוֹת עֲתִיקִים** verba antiqua inscribatur, quod qui-dem contendit & operose, quanquam perobscure & ambigue demonstrare satagit auctor questionum seu traditionum Hebraicarum in Paralipom. lib. I. que in Hieronymi Opp. T. IV. p. 115. b. comparent, fuisus inquit Sixtus Sen. Biblioth. S. lib. II. tit. verba vetera p. 155.

III.

Scriptor:

Propius huc spectant, que de scriptore libri ambigue disceptantur eruditii: quem plerique Samuel dicunt, approbante hanc sententiam doctorum Pontificiorum ingenti turba, quorum nomina Celata Proleg. in b. l. qv. 3. p. 9. & Serarius Proleg. in b. l. qv. 4 longo ordine in aciem producunt: alii Ezechi. imputant, qui recuperata sanitate hunc cum aliis libellum ex antiquis monumentis vel ipse congesserit, vel excerptum curarit, digestumque synedrio obtulerit approbandum, cui opinioni Petrus Comestor favet in Hist. Scholast. alii excerptum esse putant ex magno illo annalium Regum Juda & Israe lis centone, cuius aliquoties in libris Regum quidem fiat mentio, amissi tamen hodieque desiderati, citra quidem necessariae ad salutem doctrinæ, aut integratatis Canonis jacturam; a qua forte sententia non multum abest Spanhemius, quando in Hist. Eccl. V. T. Opp. T. I. p. 337. librum רַשְׁתָּה hoc annalium Israe lis volumen fuisse existimat, in quod civilem in usum, que publicis auspiciis gesta sunt, relata autem, quorum summa, quantum ad ecclesiæ notitiam requirebatur, descripta sit in libris sacris, seu canone Hebraeorum: alii Esra tribuunt, autoritate Patrum nixi, quos tamen non de prima librorum sacrorum compositione, sed amissorum restauratione Esdræ accepta forenda, intelligendos monet b. Carpzovius b. l. tandem & nonnulli Sacerdoti Eli Rutham assignant, cuius hanc historiam tempora attigisse a Josepho lib. V. Antiqu. c. XI. persuaderi sibi, sed præter rem, patiuntur. Vide latius hæc persequentes Vincent. Placcium Theatr. anonymor. & Pseudonym. cap. I. p. 2. b. Carpzov. in b. l. Diff. I. §. 6. p. 4. Ludov. Lavaterum homil. I. in b. l. p. 1. b. Nimirum redeunt hic omnia, que cap. præc. 9. 3. & 4. de autore libri Judicum, qui idem cum hujus libelli Parente haud absurde vulgo statuitur, prolixe commentari sumus, nec est, quod nunc superaddamus, nisi quod ad tempus conscriptionis pertinet, vero videri simile, sub Saulis imperio, adeoque post Judicum ætatem consignatum fuisse, quod ætas illa, velut præterlapsa c. I. 1. in memoriam revocatur, & Genealogia sub

Scriptionis
tempus:



sub finem capituli IV. ad Davidem usque, fratribus suis jam tum antecellentem, adeoque haud dubie a Samuele jam in Regem unctum i. Sam. XVI. pertexitur. Forte itaque ad veritatem proxime accedunt, qui Samuel agnoscunt scriptorem, quanquam id certissimum esse, neque negari posse, nemo temere cum Sanctio asseverare ausit. Celeberr. Clericum hic sibi non constare appetet, quando in dissertatione de Scriptoribus libror. Historicorum Commentario ejus præmissa §. 4. librum literis tumdemuni mandatum fuisse credit, postquam ad dignitatem regiam electus esset David, ejusque familiæ nova hac dignitate non exiguus splendor accessisset: sub finem vero Commentarii in Ruth p. 174. Davidis tempore, forte paulo ante regnum ejus conscriptum existimat: alioqui dicturus videtur scriptor sacer (c. IV, 22. non simpliciter 26/ sed) רַוְד הַמֶּלֶךְ Rex David. Nec firma satis est ipsius in Differt. c.l. conjectura, qua quempiam in honorem Davidicæ familie posteritati consecrassæ hanc proavia Davidis historiam existimat: quæ & Judæorum quorundam sententia, quam Aben Jechia initio Commentarii in Cantic. Cant. ita exponit: Cum Samuel, insituitisset Regem Davidem Dei imperio, dedit operam, ut inveniret, que de familia ipsius dictu audituque jucunda essent, & ideo scripsit hunc libellum: Idque non fecit de Saule, quod sciret divinitus edocitus, non Saulis, sed Davidis posterosregnaturos: longe enim alium libri scopum paulo post indicabimus. Quisquis vero scriptor tandem sit, sermone certe utitur puro, simplici & & Dialectus humili, historicis familiari & rebus enarrandis attemperato, nec diverso ab illo, quo præcedentes historici libri exarati leguntur: ut frustra omnino sit Sanctius Proleg. IV. in b. l. p. 3. dum varias Hebræorum dialectos pro regionum varietate sibi fingens, non dubium, inquit, quin Moabitæ non eadem, quæ Israelitis, fuerit Hebraicæ lingue dialectus: qua decem annorum consuetudine sue gentis linguam aliquo modo corrupit Naëmi: atque ideo, cum cetera Hebræica propriæ, & servata re Grammatica dicantur a Samuele, seu ab eo, quicunque est, qui historiam conscripsit, cum Naëmi loquens inducitur, a communi abernare lege atque loquendi consuetudine (observatur,) Cap. I, 8. 9. ter ponitur Mem pro Nun & iterum v. 12. 13. Hoc observatum volui, quia nonnulli sunt, qui in hoc a scriptore peccatum esse putent, cum ille verba fideliter repeatat, que dixit Naëmi, cui aliquid peregrinum adhæsit ex Moabitica dialecto, atque ideo, si hec observes, pura sunt reliqua, neque ab Hebræica proprietate ullo modo degenerant. Verum si ex unius literæ cum altera permutatione, aut in locum alterius substitutio ne novam statim linguæ dialectum, ex nullis ceteroquin vel indicis ve monu-



De libro
Ruth.

monumentis demonstrabilem, credere licet, quo quælo linguae sanctæ dialecti inde enascentur? num illa Generis Enallage, citatis locis ut cœrberime alias quoque in Scripturis obvia, & b. Glassio *Philol. S. Lib. III. Tract. 3. can. 55. p. 665. (400. seq.)* & *lib. IV. Tract. II. Observ. 20. p. 914. (737.)* accurate observata, novam statim sermonis Hebræi Dialectum dignit? Neque vero ob hanc Figuram Grammaticam, ni Moabismi admittantur, scriptori impingendum vitium erit; multo minus corruptelæ arguendus sacer textus, quam tamen ei labem adspergere non veretur Celada, dum *Proleg. §. II. qu. 7. p. 10.* a Sancti Moabitica dialecto discedens, gregali suo ipse longe irreligiousior, hæc & longe graviora menda in Bibliis Hebraice scriptis, prolixiorum temporum injurya irrepsisse suspirans dolet: quem utrumque pro merito castigavit b. Carpzovius in *Ruth Disp. I. §. 10. seq. p. 7.* & *Disp. VI. ad Cap. I. 7. seq. p. 122.*

IV.

Argumentum.

Argumentum libri in historica Ruthæ, qua adversam primo, dein & prosperam, qua uisa est, fortunam descriptione versatur; quo pacto ex gentili & incestuoso Lothi per Moabitæ prognata sanguine, occasione loeris, marito orbata, in patriam revertentis, cui & ipsa vidua indivisa adhæsit comes, in ecclesiæ delata fit gremium, & Bethlehami admirabilis prorsus votorum successu, Boaso matrimonio juncta, filium Obedum, enixa sit, cuius a Perez ad Davidem Genealogia per decem generaciones sub finem recensem. Huc enim scopus libri palmarius tendit, ut genealogia Davidis Regis, unde juxta promissiones Propheticas oriundus erat Messias Salvator, inde a Perez per lineam Ruthæ Moabitidæ, Boaso nuptæ, deducta ob oculos ponatur, ac nota sic fieret carnis Christi ex Hebraeo & gentili sanguine propagatio, ad spem gentilium confirmandam. Conf. omnino Theodoret. *quæst. I. in Ruth.* & *Ambrosium lib. III. de fide cap. 10.* Multo enim rectius in Ruthæ historia vocationem gentium ad ecclesiam & Christi despousationem, typice adumbrari Biermannus docet in *Moses en Christ. Lib. I. cap. 10. p. 225. seq.* quam Pontificii Doctores ad Mariam Deiparam repræsentandam, Rutham detorquent, quos inter præ ceteris Didac. de Celada non modo in *dedicatione Commentarii in b. l.* utramque invicem confert, & aviam nepti, tanquam antitypum typo, umbram veritati, respondere asserit, sed & data opera tractatu appendice de *Ruth figurata* §. 299. p. 543. Mariae Virginis laudes in Ruth adumbratae deprædicat. Utilitas porro hujus libri quam latissime patet: 1) enim Christum ut ex Judæis & gentibus genus ducere, ita

& ad

Scopus.

Utilitas.



& ad utrosque pertinere docet : 2) lex de Jure Vindicis Lev. XXV, 25. Ruth.
seq. exposita, ut & ritus in emtionibus & venditionibus solennis, quo
exuendo calceum alterique tradendo, traditi dominii ratique contractus
signum ac veluti testimonium edebant, haud illustriori per universam
Scripturam exemplo, quam hujus libri c. III. & IV. declaratur : 3)
nuptias Deo auspice inter despontos celebrari, nec fato aut humanis
consiliis, sed divina providentia connubia jungi & divelli : 4) Deum
laetam casibus trifissimis catastrophen imponere, dum honestati studea-
mus, nullique labori sancto aut honesto parcamus : 5) Deo gentes
etiam in V. T. curae fuisse, eaque ut ad ecclesiam perducantur, variis spe-
ciminibus, in Naamane Syro, vidua Sareptana, Rahaba, & nostra Rutha
editis, in apricum posuisse : 6) parata esse virtutibus premia, etiam in-
hac vita, ne quis perinde existimet, sive bene agamus sive male, demon-
strat : 7) habent hic conjuges, socrus, nurus, viduae, patres familias;
servi & mercenarii illustria, quae imitantur, & a quibus officia sua discant,
exempla : 8) hinc quoque intelligimus, qua fide & humanitate pere-
grinos, pauperes, cognatos nostros, item recens ad veram religionem
converios excipere teneamur. vid. Lud. Lavaterus *homil. I. in b. l.*
p. 3. seq.

V.

Divinam porro & canonicam libri autoritatem, a nemine quidem, *Autoritas*
quod sciam, ex instituto impugnatam, non modo ceteri canoniconum divina,
scriptorum characteres, v. c. autor Prophetæ *Seorpiueus*, lingua origina-
lis Prophetica, publica in sacro Synagogæ armario asseratio, & con-
stans ecclesiæ Judaicæ de illo testimonium, exacta quoque, qua ceteris
sacris libris respondeat, harmonia ; sed & cum primis genealogiæ tum Da-
vidis I. Chron. II, 4. seq. tum Christi Servatoris Matth. I, 3—6. Luc. III,
32, quarum neutra, absque hoc libro essent, sibi constaret, evidentissime
evincunt, unde Evangelista Matthæus diserte ad hunc librum digitum
intendit, suamque ex illius autoritate generationum seriem demonstrat,
quando Boasum v. 5. ex Rutha suscepisse testatur Obedum. Quæ con-
stans ecclesiæ nostræ circa hunc librum confessio, insigni nostris Docto-
ribus illata injuria, calumniose vellicatur a Sandæo Jesuita *in themate se-
culari de deserenda Synagoga Protestant.* thes. 27. Protestantibus impin-
gente, quod librum Ruth e sacro Canone abraserint. Quod cum nullo
nostrorum testimonio, nullo demonstrare valeat argumento, generoso
rectius vindicatur contemptu. Vide tamen b. Carpzov. *in b. l. Disp. I. §. 5.*

Cc

p. 3.



De libro
Ruth.

p. 3. & Gerhard Exeget. Loc. I. de Script. S. S. 127. p. 157. Quod vero Jeluitæ, Sanctius Proleg. V. p. 4. & Celada qu. 4. p. 9. dubium, ab incerto libri autore, contra canonicam ejus autoritatem & movent ipsi & solvunt, ἀποσδικίου plane est; cum nec ab autore secundario seu ministeriali, sed principali & primario libri divinitas in solidum pendeat, nec ex scriptoris incertitudine impugnata unquam legatur libri sacri autoritas.

VI.

Chronolo-
gia.

Vexata magis quæstio est de tempore, in quo Ruthæ historia incidit. Multum in eo designando fluctuant interpres, adeo ut Rabbini mox in Ehudis, quando Eglonis filiam dicunt Rutham, mox in Ebzanis, quem ipsum esse Boasum, binominem scilicet, contendunt; Pontificii vero complures cum Josepho, in Heli Sacerdotis rejiciant ætatem. Sanctius sane Proleg. III. b. l. p. 3. hanc historiam inchoatam in prefectura Samsonis, aut trium Judicum, qui illum per breve tempus antecesserunt, & finitam cum Judex esset & Pontifex He/i demonstrare satagit. Ulterius adhuc progreditur Augustinus, cui lib. II de Doctrina Christi. cap. VIII. T. III. Opp. p. 25. Ruthæ libellus ac historia magis ad Regnorum principia videtur pertinere, plane contra omnem Genealogiæ fidem, quod inter tempora H:li aut Regnorum, principia & filii Salmon comitis Iosuæ ac Rutham ducentis, plures anni intercepti sint, quam duorum hominum ætas facile admittat. Quanquam vero, bene monente Lavatero hom. II. p. 5. nihil inter sit ad nostram salutem, articulum temporis scire, quo hæc facta sint, alioqui Spiritus S non prætermisisset: satis tamen perspicua indagandi temporis vestigia Genealogia nobis præbet, quibus insistentes, si non punctum temporis definire, aliquam tamen ætatis rationem inire possumus. Istis namque 480. annis, qui ab exitu ex Ægypto ad extrui cœptum templum fluxere, si detrahantur

anni in deserto oberrando acti

40

anni vitæ Davidis (qui 2. Sam. V. 4. natus triginta annos cum regnare cœpit, quadriginta annis regnasse dicitur)

70

anni Salomonis ad iacta templi fundamenta

3

remant ab ingressu in Canaan ad natum Davidem, integri anni 366

Hoc ipsum vero trium cum dimidio & quod excurrit seculorum spaciū, quatuor hominum ætibus in Genealogia Ruth IV, 21. 22. circumscriptitur: Salmonis scilicet, priusquam genuerat Boasum ex Rahaba; Boasi, priusquam genuerat Obedum ex Rutha; Obedi, priusquam genu-



genuerat Jephon; Jephon, priusquam genuerat Davidem; quos necesse est Ruth. proiecta admodum ætate & centenarios fere singulos demum liberos suscepisse. Id quod tamen, cum vero vix videatur simile, ista quidem mundi ætate, quia tanta hominibus ~~uxoribus~~, imo & in effecta senecta generandi fecunditas, tam frequens amplius non erat; maluerunt alii generationes cit. loc. non immediatas intelligere, sed quibus intercalari debeant omissæ quædam compendii causa. Et nominatim quidem tres Boasos fingunt, addendo illi Boaso, qui Salmonis ex Rahaba filius erat, duos alios, ita ut illius nepos esset noster Boas, Ruthæ maritus, quo pacto verba Genealogiae ita supplant: *Salmon genuit Boasum, Boasus genuit Boasum filium, Boasus fil. genuit Boasum Boasi filium, Boasi nepotem, Boasus genuit Obedum &c.* Sic tardas adeo in una familia seriatim generationes declinare satagunt Nicol. de Lyra, Salianus, Genebrardus, Catharinus, multique alii, quorum nomina, quibus & suum ipse addit, longo ordine Celada recenset *Comm. in c. I, l. S. 3. p. 13. seq.* adjectis operose rationibus, 1) quia absurdum videatur, tempore Davidi usque adeo proximo, quatuor continenter generationes in tam devexa & prope effecta ætate contineri, ita ut centenarii gignerent filios adeo robustos: 2) quia Scripturæ usui non repugnet, ut in personarum catalogis aliqui omittantur, justis quidem, tametsi sæpe ignotis de causis. Omissione autem Libri Regum antorem Boasos priores, quod tediosum putat, toties unum idemque nomen distinctarum personarum ingeminare; Matthæum vero causam omissionis suæ habuisse numerationem suam tesseradecadicam. Quid? quod a Matthæo saltus etiam in Regum recensione fiat, tribus in eadem recensione Genealogica ab ipso prætermis Regibus. Verum hoc pacto difficultatem non tollunt, sed adaugent, generationes citra ullum Scripturæ vestigium aut fundamentum, imo vero contra Scripturam ideo saltē multiplicantes, quod feram adeo generandi facultatem, ordini naturæ non repugnantem, nec destitutam omnino exemplis parium, persuadere sibi nequeunt. An ergo incredulitas nostra sententiam feret contra Scripturæ autoritatem? aut ingenii nostri figmenta, omni prorsus destituta fundamento, majorem invenient, quam expressa Scripturæ oracula, fidem? Dein vero licet, generationes nonnunquam mediatas in Scriptura recenserit; intermedias tamen quæ omissæ deprehenduntur, ex locis parallelis suppleri posse ex ipsa Scriptura, neutquam vero ex ingenii nostri libidine intrudi, necesse est. Atenim vero hæc genealogia quatuor distinctis locis, dissitissimis tempo-



rum vicibus Ruth. IV, 21. 22. 1. Chron. II, 11. seqq. Matth. I, 5. 6. Luc. III, 32. exarata, accurate adeo sibi per omnia constat, nullum plane ut omissionem suspicandi locum relinquat. Unum saltem Boasum Chronicorum Scriptor, unum Matthæus novit, Lucas unum, in Ruthæ ergo libello qui omissos præter hunc alios duos suspicabimur? Si duæ generationes omissæ essent, vel in uno horum locorum defectus suppletus fuisset, saltem à Luca, qui nec τεοταραθενάδας sectatur ut Matthæus, & omnia ἀνωθεν ἀντιβῶς assecuratum se fuisse, ad Lectorum ἀσφάλειαν c. I, 3. testatur. Spiritui Sancto autem in recensione Genealogica Messiaæ unus nominis repetitionem tædiosam & molestam fuisse visam, quis temere dixerit? Præstat enim idem nomen sæpius repetere, quam lacinatam Genealogiam, tanto hiatu patentem, exhibere. Sartam itaque testam Scripturæ autoritatem, quatuor locorum harmonia tam exacte firmatam, servare & seros παράγοντα annos, quanquam forte eo tempore non adeo frequentes, statuere malum, quam vel ingenii humani procacitati indulgere, vel cum Cl. Clerico sacrum textum corruptionis insimulare. Is enim in *Dissert. de Scriptoribus Libror. Historicorum V. T. Commentario* in eisdem præmissa §. 4. pro sua nimirum in Scripturam religione: *Scio, inquit, auctoritatem revelationis Divine tantam esse, ut nemo non ei illico cedere debeat, verum nescio, annon fortasse sit hic aliqua omissio Librariorum, qui aliquot ex Majoribus Davidis omisserint ante Jisain. Credibilius certe multo est, in talibus menda esse Librariorum, aut si mavis, lacunas ex summa antiquitate ortas: quam rem plane inusitatam, post Mosis temporum factam esse in stirpe Davidis. Profecto non desunt exempla ejusmodi lacunarum, quarum aliquot indicavimus in Indice nostro, ad vocem Lacuna;* estque etiam insigne in recensione ejus posteriorum, que habetur Matth. I. ut optimi interpretes ostenderunt, quamvis eos Evangelista in τεοταραθενάδας divisisset. Facilius igitur multo crediderim a temporibus Davidis, aliquot in catalogis ejus genealogiae viros omissos; quam confugerim ad mirabilia quedam, que nunquam forte a Mosis temporibus contigerunt. Hanc vero quis non ægre ferat in Scripturam S. injuriam, inde profectam, quod rem narrat, non toto die obviā? Neque tamen eapropter ad mirabilia quedam, quæ nunquam forte a Mosis temporibus contigerunt, confugi, si proœcta ætate hi Davidis majores generasse credantur, exemplis demonstravit Frider. Spanheimius *Dub. Evang. P. I. Dub. III. p. 17. seq. Boasum* sane cum Rutham duceret, grandiore natu jam fuisse, haud difficulter ex ipsius verbis colligitur Ruth. III, 10. Jessen autem, cuius filiorum

rum



rum natu erat minimus David, viorum omnium, qui Saulis temporibus vixerunt, natu maximum fuisse, ex 1. Sam. XVII, 12. palam est. *Adde*, quod indubium videatur Celeberr. Spanhemio, extraordinariam Dei benedictionem intercessisse in majoribus illis Christi prole ditandis, etiam tum cum vigor illorum jam exaruisse videtur, ut illi charactere quodam extraordinario designarentur, prout & ante ingressum Jacobi in Aegyptum mirum quid etiam in familia Iude contigit, per extraordinariam ejus fecunditatem. Proinde nos ita instituimus. Templi jacta fundamenta in annum O. C. 2992. incidere infra videbimus: jam cum LXXIII. annis Davidis nativitas ea anteverterit, natum ipsum A. O. C. 2919. inde conficitur. Ingressum vero in terram Canaan cum evenisse ex supra dictis constet A. O. 2553. intermedii 366. anni ab ingressu ad natum Davidem ita distribuendi sunt, ut ex b. Chemnitii cap. III. Harmon. Evangel. p. 35. b. edit. Frankfurt. 1622. sententia ponamus, *Salmonem non statim post ingressum in terram Canaan vel duxisse Rachabam, vel non statim ex illa genuisse Booz, sed intercessisse annos circiter 30.* sic natus fuerit Boas A. O. C. 2583. Hunc supponamus rursum matrimonio sibi junxisse Rutham, vel ex illa saltem suscepisse filium, anno etatis circiter centesimo duodecimo, sic natus fuerit Obed A. O. C. 2695. quem eodem etatis anno, h. e. O. C. 2807. generasse Jessen; hunc vero rursus, cum annos haberet 112. Davidem sustulisse credamus, & sic prodibit ipse supra indicatus natalis Davidis A. O. C. 2919. Ubi tamen denuo cum Spanhemio monemus, hunc nos inire calculum, non quod praeceps illis ipsis annis genuisse eos statuamus, cum de eo nihil certi tradatur in Scriptura S. sed quod ad explendum istud 366. annorum spacium tres Boasos fingere opus non sit, cum data quatuor horum capitum Genealogia sufficiat. Hoc itaque pacto historia hujus libelli in tempora quietis ab Ehude redditæ, ejusque præfecturam incidit, vel forte paulo post ejus mortem, triginta certe annis ante oppressionem Jabinis Cananæam, ut ex collatione cum Tab. Chronologica cap. præc. §. 8. data constat. Ceterum in hanc rem, præter jam citatos, confer ex nostris b. Strauchiun Dissert. quam annales Bethlehemiticos 1660. inscripsit §. 9. seqq. e Reformatis Jac. Usserium Chronolog. Sacra P. I. cap. XII. e Pontificiis Natalem Alexandr. Hist. Eccl. V. T. T. II. Diff. XXII. p. 66.

VII.

In partiendo libri (qui capitibus constat IV. versiculis 85. quorum Partitio medius est c. II, 21.) argumento non convenit inter interpretes. Qui

Cc 3

tres



De libro
Ruth.

tres constituant partes, historiam universam in τὰ ἀπογένεσα, τὸ πρᾶχ-
σεν, & τὰ ἐπόμενα cum b. Gerhardo *Exeg. L. I. de Script.* §. 427. dispe-
scunt, subnexam libro Genealogiam ad partem ultimam referentes: qui
vero duas, conditionem & statum Ruthæ primo miserum & infelicem
c. I. II. dein lætiorem & faustum c. III. IV. exhiberi tradunt. Ita e no-
stris b. Calovius, Waltherus; e Reformatis Burmannus, Heideggerus &
alii. Cum vero scopus totius libelli, ut paulo ante vidimus, ad Genea-
logiam Davidis integrum exhibendam cumprimis tendat, hanc utique
non possumus libri partem principalem non constituere, adeoque b.
Carpzovii inhærentes vestigiis, (cujus specialissimam libri dispositionem
in prefatione ad Lectorem videbis) P. I. continere dicimus historiam Ruthæ
c. I—IV, 17. *P. II.* Davidis inde a Perez Genealogiam c. IV, 17—fin.
Reliqua e tabula Synoptica patent, quam damus sequentem: *Continet*
libellus

Tabula Syn- I. Ruthæ, qua nuptias secundas, historiam, cuius
optica. α) antecedentia sunt

1. Ruthæ discessus ex patria Moab in Judæam c. I.

2. Ruthæ spicilegium in agro Boasi c. II.

3. Ruthæ ad pedes Boasi cubatio c. III.

4. Vindicis, Boaso propinquioris, de jure suo cesso
c. IV, 1—9.

β) factum ipsum s. nuptiæ inter Boasum & Rutham contraftæ,
c. IV, 10—13.

γ) consequens, proli ex hoc matrimonio generatio c. IV, 13—17.

II. Davidis inde a Perez Genealogiam v. 18—fin.

VIII.

Commentariis librum illustrarunt è Patrum ordine THEODO-
RETVS Tomo I. Opp. curas suas in Ruth τὰ ἀποριαὶ πατ' ἐμλογήν in-
scribens: BE DA in quæstionibus in Octoteuchum Tom. VIII. Opp. p.
355: ISIDORVS Hispalensis Opp. p. 336: CLAVDIVS CLE-
MENS Seculo VIII. clarus, & Carpzovio in b. l. p. 20. laudatus: RV-
PERTVS Tuitiensis, cuius in *de Operibus Sanctissime Trinitatis Parte*
II. Coloniæ A. 1533. 1566. commentaria yarrii sensus & maxime allegori-
ci in Rutham continentur.

E Rabbiniis ii primum nominandi sunt, qui junctim in V. Megil-
loth scripserunt: מִרְשׁ חֲמָשׁ מַגְרוֹת Commentarius allegoricus in V.
libellos, incerto autore compositus & saepius recusus Venetiis A. 1545.

1550.



1550. A. 1608 ר' עבורייה ספורהנו : R. ABDIAS SPHORNI, Ruth. Medicus Italus, cuius elucidatio in quinque libellos Venetiis prodiit in 4. apud Johannem Grifo: ר' אלישע גאליקו Synagogarcha in Urbe Sapheth superioris Galilææ, cuius Explicatio in quinque libellos Venetiis in 4. A.C. 1587. excusa est: ר' יוסף טיטצק vel TAITZACK Hispanus, qui parvo Commentario in V. libellos & Danielem, quem ex Prov. IX, 17. Panis absconsonum inscripsit, dubia proponit & breviter solvit, excuso Venetiis in 4. ap. Joh. de Gara A. 1608: ר' יצחק ערפה R. ISAAC ARAMA H Hispanus, in Kurat Yitzak Ligatione Haaci, quam commentarium dicit in Pentateuchum & V. Megilloth, de quo vide supn p. 51: MOSES ALMOSCHNINO ben R. Baruch, in commentario secundum principia Philosophorum in V. libellos composito, & ירי משה Manus Mosis ex Exod. XVII, 12. inscripto, Venetiis ap. Dan. Zanutum A. C. 1597. in 4: cum primis RABBA BAR NACHMONI, in cuius Roberto/ de quibus supn p. 52. dictum, quinque Megilloth, æque ac Pentateuchus, explicantur. Addit b. Carpzovius b. l. p. 19. R. JOSEPHI JACHIJA פירוש s. succinctam Paraphrasin in Hagiographa, quibus V. Megilloth suis locis admiscetur: אבן ויהי: alias in V. Megilloth Commentar. R. ABRAHAMI filii R. Mosis Germani Heilbrunnensis memoratur. אהבת ציון Amor Sionis inscriptus, & Lublini impressus in fol. A. C. 1639. Præter hos citatur Jul. Bartoloccio T. IV. Biblioth. Rabb. p. 375. quidam ר' שלמה ואדריאן R. SALOMO VALERIVS, qui in V. libellos ביאורים explanationes struxerit, aliis ignotas, & quarum nec ipse impressionis locum vel annum, vel aliud quod libri aut autoris certum indicare vestigium novit. Sic Buxtorfius Biblioth. Rabb. p. 424. commentarium in Hagiographa & V. Megilloth citat, תורת חסד Lex misericordiae ex Prov. XXXI, 26. inscriptum, & Constantinopoli impressum, sed absque autoris vel anni addita mentione. Apud Placcium autem c. l. n. 483. p. 719. autor R. ISAAC bar R. SALOMO JABEZ dicitur. Seorsim vero in librum Ru. haæ fertur R. SAMVELIS OZIDA vel de Ozeda אונזרה: אמרת שׁואל על מגלה רות epistola Samuelis aut potius Collectanea super libellum Ruth, Venetiis edita,



De libro
Ruth.

edita, de quo rursus Placcius c. l. n. 24. p. 681: & ר' שלמה ר' SALO-
MONIS Levitæ שורש יש Radix Isai, qui & Constantinopoli &
Cremonæ in 4. A. C. 1566. impressus elegans est commentarius. Alle-
gatur præterea a Buxtorffio in Appendix Biblioth. Rabb. p. 464. alias
צץ הוזב Lamina aureæ ex Lev. VIII, 9. inscriptus: Hottingero autem
in Biblioth. Orient. c. I. p. 10. quæ habetur Smegmatis Orient. Lib. III. Parte
II. & b. Carpzovio adhuc alias, הפטוֹן זָהָב Poma aurea ex Prov. XXV,
ii. in fronte dictus, summaque laudatur diligentia ea fini compositus, ut
in Scriptura S. sensum manifestum & occultum, interiorem & exteriorem
esse, libelli hujus historici, qui sterilis videri poterat, exemplo confirma-
ret. Idem Hottingerus alias adhuc meminit, cui titulus משיח נפש
ducens animam, ex Ruth. III, 15. Sic ap. Placcium c. l. n. 181. p. 698. com-
mentarius laudatur Mysticus & Cabalisticus in h. l. ignoti autoris, יסוד
שירם fundamentum cantorum dictus, qui idem tamen est cum jamjam
memorato, qui הפטוֹן זָהָב inscribitur. Porro n. 253. p. 704. citatur
R. SIMEONIS ben Jochai מדרש הנעלם Midrasch absconditum
f. Commentarius allegoricus in Ruth, qui junctim prodiit cum Zohar
Chadasch Cracoviæ A. 1603. & Venetiis A. 1663. in 4.

Lutherano-
rum:

Nec nostratis ecclesiæ doctores sicco hunc librum pede præterie-
runt, quos inter JOH. BRENTIUS commentarium reliquit T. II.
Opp. p. 187. qui postea in vernacula translatus per Al. Agricolam Lipsiæ
prodiit in 8. 1651. DAVID CHYTRÆVS T. II. Opp. f. 265. Lipsiæ
in fol. A. 1598. BARTHOLOMÆUS HEIDERICVS, cuius
in Ruth expositio, Jenæ & Lipsiæ in 8. excusa A. 1608. textum sua analysi
circumscripsit, dictis Scripturæ & exemplis illustrat: MAVRITI-
VS HELINGIVS, in Periodach f. argumentis in Ruth, Norimbergæ
in 8. A. 1593: ERASM. SARCIERIVS justo commentario librum
explicans: ABEL NEZENIVS P. II. operationum Biblicarum b.
Lutheri, Jenæ in 4. A. 1611: CHRISTOPH. SCHLEVPNERIVS
Norimberg. in 8. A. 1632. b. Patruus meus JO. BENEDICT.
CARPOVIVS fil. cuius Collegium Rabbinico-Biblicum in libell. Ruth
XII. olim Disputationibus usque ad Cap. II, 10. editum, & post mortem
b. Autoris ex ipsius schedis ad finem perductum, ac a Filio Lipsiæ A. 1703.
in 4. luci datum, ipsique laudatum Bartoloccio Biblioth. Rabb. P. IV. p.
400. eruditæ & pleni Commentarii vices sustinet, cuius mihi in hoc capite
egregium fuisse usum gratus profiteor. Qui concionibus ad populum
habitæ librum explicarunt, typis mandari labores suos passi sunt FRI-
DER.



DER. BALDVINVS Wittebergæ in 4. A. 1608. 1611. BAL-Ruth.
 THAS. KERNERVIS, cuius XXXII. in h. l. homiliae Ulmae prodierunt in 4. A. 1646: GEORG. EDELMANN, cuius XXVII. homiliae Wittebergæ excusæ sunt, in 8. A. 1572. 1597. BERNHARD. WALDSCHMIDT, LXII. homiliis, Stutgardiaæ in 4. A. 1659. GEORG. SCHIMMER: NICOL. THÜRMANN: VALER. HERBERGER *Magnalium P. XII.*

E Pontificiis GABRIEL ACOSTA Theologus & sacrarum literarum interpres Comimbricensis, eruditos commentarios in Ruth, XXXIX. tractatibus inclusos *T. Opp. p. 131.* Lugduni in fol. A. 1641. exhibet. JACOB. BONFRERIVS, Josua & Judicium libb. Rutham junxit Parisiis in fol. 1631. THOMAS de VIO CAJETANVS Romæ in fol. 1533. DIDACVS de CELADA, Jesuita in Madritensi Collegio Imperiali, amplos quoque & eruditos in h. l. commentarios literales & morales conscripsit, Lugduni in fol. 1614. 1651. ADRIAN. CROMMIVS S. I. in Ruth, Samuel. & Regg. libros Lovani A. 1631. LAVRENTIVS CVPÆRVS, Episcopus Tornacensis, Carmelita, in Ruth, Tobiam & Judith commentatus est, Moguntiæ 1600. FRANCISCVS FEVARDENTIVS Theologus Parisiensis, Minorita Franciscanus, cuius in Ruth Commentarius Parisiis in 8. A. 1582. non omnino contemnendus est: cui SIMON. FONTANVM jungimus, Parisensem æque Theologum Minoritam, cuius explicatio libri Ruth Parisiis lucem vedit in 8. Anno 1562. EVANGELISTA MARCELLINVS, Italus Minorita, cuius in Ruth lucubratio Florentia prodiit A. 1586. THOMAS MALVENDA, Jesuita, qui inter reliquos V.T. commentarios, qui V. voluminibus junctim Lugduni in fol. excusi sunt A. 1650. in Ruth quoque curas suas exhibuit: ALEXANDER MANERBA, Ordinis Prædicatorum Brixianus, geminam inclytæ Ruth Moabitidis (ut habet inscriptio) peregrinationem per Commentarios brevesque sermones Venetiis in 8. A. 1604. excusos, explanatione mystica descripsit: FABRICIVS PAVLVTIVS in ceteris librorum Historicorum V. T. commentaris Roma in fol. A. 1625. editis, Ruth quoque habet. LVDOVIC de PONTE, Jesuita Vallisoletanus Tom. IV. de hominis Christiani perfectione in quolibet vitæ genere, ex historia Ruth præcipue egit, Colonæ in 4. A. 1615. GASPAR SANCTIVS, Jesuita & in Collegio Complutensi sacrarum literarum interpres, eruditos in Ruth, Esdra, Nehemias, Tobiae, Judith, Ester, & Machabæorum libb. Comm. evulgavit, Lugduni

Dd



210 INTRODVCTIO AD LIBROS BIBLICOS

De libro
Ruth.

duni in fol. A. 1628. NICOL. SERARIUS Jes. hunc librum pariter commentario eruditione varia referto exposuit, Moguntiae in fol. 1599. 1609. 1627. In ALPHONSI TOSTATI commentariis in libros historicos V. T. Ruthi quoque historia explicata occurrit, Venetiis A. 1596. JO. QVINQVARBOREI nota & Latina versio Chaldaicæ Paraphras. in Hoseam, Amosum, Ruth & Threnos, Parisiis excusæ sunt in 4. a. 1556. His addimus non tam Pontificium, quam medio in Papatu testem veritatis, HIERONYMVM SAVONAROLAM, Ordinis Prædicat. Dominicanum, cuius in Ruth & Michæam homiliae Salmanticae prodierunt a. 1576. in Papistarum tamen indicibus expurgatoriis, ob castigatos Papatus errores, prohibitæ. Conferri quoque haud absque fructu poterunt AVGVSTINVS TORNIELLVS, & JACOBVS SALIANVS in annalibus, quos condidit uterque, sacris ad an. Mundi 2748.

Reformato-
rum:

Inter Reformatos, præter eruditissimos Drusii labores, quos Biblia Critica Anglicana exhibent, nominandus est MARTINVS BOR- RHAVS, alias Cellarius, Theologus Basileensis, Basileæ in fol. A. 1577. THOMAS FVLLERVS, Præbend. Sarisburiensis & Regi Angliæ Carolo II. a Sacris, qui Anglico idiomate Rutham illustravit, Londini in 8. A. 1654: RVDOLPHVS GVALTERVS, qui homiliae in Ruth reliquit, Francof. in fol. A. 1586: LVDOVIC. LAVATERVS, qui eodem instituto homiliis 28. Tiguri in 8. A. 1578. exscriptis, Rutham explicavit: JO. MERCEVRVS, Hebraicarum literarum Professor Regius Parisiensis, qui Syriacam Historiæ hujus Paraphrasin, cum scholiis M. foreticis & Chaldaica interpretatione, publici juris fecit Parisiis A. 1564: JO. WOLFFIVS homiliis latinis, Tiguri in fol. A. 1592: FRANCISC. BVRMANNVS in explicatione Belgica ad Josuam & Judices jam laudata: JOHANN. MAYER Anglus: CONRAD. PELLICANVS in Opp. in fol. Tiguri A. 1582: EDWARDVS TAPSELIVS, Anglico sermone, Londini in 8. A. 1601: VICTORIN. STRIGELIVS, cuius in Ruth scholia Jenæ in 8. prodierunt A. 1571. Quibus suo merito CHRISTIAN. SCHOTANVM adde, qui universam historiam, quam Sulpicius Severus intactam reliquerat, suo loco historiæ Judicum insertam recensuit Tom. II. Biblioth. Hist. Sacr. V. T. p. 50b. seq.

De JO ANNIS CLERICI in h. l. commentario, ad Josuam quæ dicta sunt, sufficiant.

CAPVT

Remor-
frantum:



CAP. XII.

De libro priore Samuelis.

Libri ordo & series; ejusque inscriptio, alia Hebreis, Samuelem magni f⁴i Summarientibus, alia Græcis & Latinis usurpata §. 1. Scriptor libri, alii Sa- um capititis, muel, Gad & Nathan; aliis Jeremias; aliis incertus sequioris evi: quis tandem ex nostra sententia? §. 2. Respondetur ad objectiones, contra libri àuctoritatem & antiquitatem, ex 1. Sam. IX, 9. XVI. XVII. XVIII. XXVI. VII. & XIII. ex 2. Sam. VII. ex 1. Sam. XIIII, 1. V, 5. XXVII, 6. XXX, 25. VII, 15. VII, 2. motas §. 3. Samuel libri de Jure Regio 1. Sam. X, 25. autor: quicquidem postmodum intercidit, verum non e Canone §. 4. Argumentum libri: scopus: utilitas §. 5. Divina ejas & Canonica autoritas §. 6. Chronologia, & quot annis regnarit Saul? §. 7. Partitio §. 8. Tabula Synoptica §. 9. Commentarii Pa- trum, Hebreorum, Lutherorum, Pontificiorum, Reformatorum, Re- monstrantium §. 10.

§. I.

Justo historiæ temporumque ordine uterque Samuelis Judicum libri ordo. conuenit libro, quia ultimum in isto descriptum Israelis Judicem præfectura Eli Sacerdotis excipit, a quo hujus historiæ petitum est auspiciun. Nec officit, quod medius inter utrumque Ruthæ libellus interseritur, ob rationes cap. præc. §. 1. in medium allatas. In Bibliis Hebraicis סִפְר שְׁמוּאֵל Liber Samuelis uterque (qui unus est Ju- Inscriptio dæs) inscribitur. Quod enim Corn. a Lap. Proem. Comm. in b. l. p. 209 b. Hebraica, hos libros ab Hebreis & que ac Syris Prophetiam Samuelis vocari afferit, ne- scio quorum codicum fide ita statuat, cum in nullo Hebraico exemplari, quotquot ego vidi, aliter legam, quam כְּפֶר שְׁמוּאֵל vel simpliciter שְׁמוּאֵל versio autem Syriaca in Bibliis Polyglottis Anglic, ita habeat: כָּתַן שְׁמֻעֵל נָבָנִי Liber Sam. Prophetæ Cujus quidem tituli rati- onem dum prolix & ex instituto inquirit Don Isaac Abarbenel in parte pri- ore prefationis sue commentarii in lib. Samuelis fol. 74. col. 1. & 2. & ab autore ita dicin negat, quod maximam libri partem Nathan & Gad exarant, &

Dd 2

ab



Samuelis. ab argumento sive contentis, quia sic potius a Saule, Regum Israelis omnium primo, aut a Davide, qui Regum præcipuus fuerit, inscribendus fuisset, sed ob duas id nominis libro obtigisse rationes: 1) quod quæ in utroque libro occurunt, omnia ad Samuelem certo modo referri possunt, etiam Saulis ac Davidis gesta: quia uteisque a Samuele unctus, opus veluti manuum ejus fuerint, secus vero rem se habere cum libris Regum, in quibus quæ narrantur, ad Reges proprie spectant, non ad Prophetam ullum: 2) quia cum ob Samuelem Prophetam & Davidem Regem scriptus liber sit, neque tamen ab utroque (cum id moris in Scriptura non sit, librum aliquem a gemina denominare persona) sed ab alterutro hōrum nomen fortiri debuerit, convenienter fuerit, ut a Samuele potius quam a Davide appellationem trahat, partim quidem ob Samuelis sanctitatem, quod sanctus ille purusque, ac per votum Nasiræatus natus, precibusque a Deo exoratus, David vero, vel ipsomet haud diffidente Ps. LI. in peccatis conceptus & in iniquitate editus fuerit; partim ob pietatem ejus, quod Nasiræus ille esset ab utero, & in servitio domus Dei inde a pueris adoleverit, David vero in re familiari & pecuaria educatus sit; partim ob excellentiam Prophetiae, qua quidem Samuel, verum haud æque David, cui saltem gradus ille obtigerit, qui רוח הקורן *Spiritus S.* dicitur, fuerit gavisus. Quid? quod tanta sit Samuelis inter Prophetas dignitas, ut vel Mosi ac Aaroni ad latus jungatur Pl. XCIX, 6. His ergo de causis nomen Samuelis Davidi multis parasangis praestare, maxime cum Samuel & Magister esset & Pater, David autem discipulus ejus & filius, manu quippe ejus unctus. Quæ utut pluscula Recutiti commenta, nec per omnia probanda, ex prolixa ejus dissertatione ideo excerpere vix fuit, ut quo loco & dignitatis gradu Samuelem habeant Judæi, inde simul cognoscatur. Mosi enim proximum excellentiae gradum ipsi assignant, inter quos haud adeo magna, quæ intercedit, differentia ex eodem Abarbenele cognosci poterit in *Comment. ad I. Sam. III, 10. sub fine m. solutarum questionum* fol. 83. col. 3. unde in Talmude Hierosolym. *Tr. Haggigah* fol. 77. col. 1. & alias saepius שְׁמַעוֹן רֶבֶן שְׁלֵמָן נִבְיאִים Samuel Magister omnium prophetarum salutatur, & procul dubio eodem respectu primus Prophetarum a Mose, recensetur Act. III, 24. Neque tamen ea propter Pontificatum, vocatione extraordinaria, gessisse censendus est cum Cloppenburgio in *Schola Sacrificior. Problem. 2. p. 195. seq.* cum ne Sacerdotio quidem, quod tamen Sulpicius Severus lib. I. Hist. Sacr. cap. LVIII, & Serarius ad I. Sam. VII, aliquique existimarunt, functionem cundem fuisse



fuisse Augustinus e veteribus quest. XLVI. in *Vet. Test. T. IV.* Opp. p. 729. Samuelis. seqq. e recentioribus autem Joan. Seldenus evincat *Lib. I. de successione in Pontificatum Ebraeor. cap. IV* p. 116. Recte omnino & nervosè Hieronymus *L. I. adversus Jovin. T. II.* Opp. p. 32. Samuel, inquit, *Propheta fuit, Judex fuit, Levita fuit, non Pontifex, ne sacerdos quidem.* Plura de Samuel qui cupit, adeat autorem der Lebens Beschreibung der Biblischen Schribenten *P. III.* cuius cap. 2. de Samuelis nomine, c. 3. de juventute & educatione ejus, c. 4. de variis encomiis, c. 6. de ejus Nasiræatu, c. 7. de sacerdotio ei denegato, c. 8. de relatione ad Christum typica &c. de industria & prolixe agitur. Sed ut e diverticulo in viam redeamus, qui paucum curatus inscriptionis rationem videri volunt investigasse, Hugo Grotius *prefat. in b. I. & Sanctius prolegom. 2. p. 4.* ideo a Samuele nomen gerere libros dicunt, quia in utroque aliquid, quod suum sibi Samuel posse agnoscere, occurrat. Saulis enim exitum ostendere, vera fuisse, quæ Sauli Samuel prædixerat: & quæ liber alter de Davidis rebus narrat, Samuelis ejusdem vaticinia Davidi facta comprobare. Accedere, quod unixerit utrumque Samuel & consiliis instruxerit, quæ spreta a Saule vindicavit Deus, Davidi iisdem parenti res dederit valde prosperas atque magnificas. LXX. Senes Σαυλέων vel etiam Σαυλεῖον, aequo ut Vulgata Regum, alii Regorum libros appellant, ἐπειδὴ καὶ τὰς πράξεις τῶν γενεῶν Σαυλέων, εἵτε τῷ Ἰηδῳ καὶ τῷ Ἰσραὴλ, καὶ τὰ ἔτη ἀντῶν περιέχει, quia Regum cum Juda, tum Iraelis facta & annos continent, ut *Synopsis* habet *T. II.* Opp. Athanas. p. 75. Regum enim gesta propriis libris enarrantur, maxime regni Saulis & Davidis curricula, nec fine alio Samuelis præmittitur historia, quam ut ad agnoscendam instituti regni originem viam sterneret. Unde quatuor Regum libros Biblia Latina & Græca numerant, qui in Hebraicis duo sunt Samuelis, & duo Regum.

II.

In assignanda libro ætate manuque, a qua profectus sit, scriptoris libri aliis Samuel & Gad & R. Moysi Kimchio; Patribus quoque Theodoreto, Procopio, Gregorio M. Isidoro Pelusiota, Eucherio; nostris porro Doctoribus b. Walthero, Galvio ad t. *Sam IX*, 9. p. 748. Pontificis etiam, Hugoni, Lyano, Cajetano, Vatablo, Sixto Senensi *Biblioth. S. lib. 2. voc. Samuel* p. 32. Sanctio, Seratio, Cornelio a Lap. alisque quamplurimis recepta & probata, opus hoc autoritate loci t. *Chron. XXIX*, 29. inter Samuelem, Nathanem & Gad ita dispergitur, ut priora *XXIV. capita Samueli*, reliqua vero

D d 3



De libro I.

Samuelis.

alii Jere-
mias,alii incer-
tus sequio-
ris xvi,ex nostra
mente.

vero ejusdem & omnia sequentis libri Nathani & Gad tribuant; ubi singularis tamen in eo est Isidorus *lib. VI. Orig. c. 2.* quod Davidem res suas ipsum consignasse censet. Alii vero, qui recentioris ætatis vestigia in his libris advertisse sibi videntur, Abarbenel nimirum *Comm. ad I. Sam. IX. 9. fol. 96. col. 1.* R. Jacob ben Chajim *prefat. in Bibl.* Hugo Grotius *in Prefat. ad b. l. & ad I. Sam. IX. 9.* aliquie, Jeremiam faciunt autorem, cum ex Grotii quidem judicio, sermonis forma non discrepet. Unde & a Concilio Francofurtensi, sub finem Sec. VIII. celebrato, sub Jermæ nomine hos libros citari Burmannus observat *Proleg. in b. l. p. 1.* Deum vero alii plurium autorum studio, diversisque & superioribus omnino temporibus, si non contextum, certe interpolatum, auctum & in hanc, qua hodie comparet, formam ordinemque redactum opus censem, allatis hanc in rem variis, novitatem redolentibus, testimonio. Ita Franc. Burmannus Jeremiam vel potius Esdram, adhibitis tamen Samuelis, Nathanis & Gad tabulis & monumentis, hos consarcinasse existimat annales. Non abernauit forte, qui ex I. *Paralip. XXIX. 29.* statuerit, & *Samuelem rerum sub Eli & sua gubernatione gestarum:* & *Nathanem ac Gadem rerum sub Saulis & Davidis regno contingentium annales compo- suisse:* & post virum Ḳəbərveṣev, sive is Jeremias, qui ultimam Regum ætatem consecutus est, sive Esdras, qui sicut alia plurima, ita etiam Regum historiam ab aliis conceptam conservavit; in ordinem & contextum illum, qui hodie visitur, redegit, Heideggerus ait *Enchir. cap. X. §. 2. p. 79.* Richardus Simon *Lib. I. Hist. Crit. V. T. cap. VIII. p. 54.* & Joan. Clericus *Dif- f. de Scriptoribus Libror. Hist. §. 5.* uti nihil definiunt, nisi quod posterior libros, quos habemus, ex Samuelis, Nathanis, & Gadi verbis maxima forte ex parte depromptos fuissent autem; ita varia conquirunt & urgent novitatis argumenta, ut quam tollere nesciebant, adaugerent tamen difficultatem. Spinoza *Tract. Theol. Polit. cap. 8. p. m. seq.* suam ut tueatur hypothesin, qua Mosaicos & historicos ad Paralipomena usque libros omnes, apographa saltē & ab Esdræ demum manu profectos & ad nos, non sine labore, transmissos esse fingit; *hunc librum* (utrumque Samuelis) etiam multis post Samuelem seculis scriptum fuisse vult notari. Hac itaque in tanta sententiarum diversitate 1) divinæ Scripturarum origini & majestati derogare censimus eos, qui e Diariis vel commentariis dictorum Prophetarum humano studio collectum, multo tempore post, hunc librum tradunt: 2) illam porro, quæ Jeremie accepimus eundem refert, conjecturam omni prorsus destitui videmus fundamen-

D 13



mento, nec styli ac sermonis congruentiam in Samuelis libro & Jeremias vaticiniis deprehendimus talem, qualem Grotius somniat, vir cetera longe doctissimus, sed oraculorum sacrorum juxta ac literaturae Orientalis infelicissimus interpres: 3) ad veritatem proxime accedere credimus illam, quæ divini ex 1. Chron. XXIX, 29. testimonii autoritate nititur, opinionem primo loco recensitam, cui nostrum adjicere calculum nulli dubitamus, cum Spanhemio T. I. Opp. p. 367. ita pronunciantes: Successive res eorum librorum scripta, quo gestæ sunt tempore, a Samuele, Nathan &c. postea (interveniente omnino θσοπνευσιᾳ) in hanc formam collectæ a viro Prophetico. Certe que 1. Sam. VI, 18. (leguntur,) scripta fuisse videntur, antequam periissent Israelites sibi Regem dari.

III.

Restat jam ut scrupulos eximamus, a Spinoza, Hobbesio, Simonio, Clerico, & cuius hi omnes vestigia legunt, Abarbenele, ceu novitatis preditores, aut operis ex antiquis schedis corrasi indices, injectos. Principem in his locum tenet, quod præter dictos Grotius quoque urget, ex 1. Sam. IX, 9. depromptum dubium, ubi Samuelis ætate recentior τῷ IX, 9. Prophetæ appellatio dicitur, cum Samuel ipse & quivis illorum temporum vates **הַרְזֹן** *Videns* salutaretur. Quam objectionem contra Genesin j. m motam, supra diluimus cap. IV. §. 2. p. 60. seq. Nunc istud addimus, inter illam de initiis regni Saulis historiam, & Samuelis ultimam, qua librum consignavit, ætatem, sat longum fluxisse temporis spaciū, quod antiquando vocabulo **כָּבֵיא** & surrogandæ in ejus locum, appellationi **כָּבֵיא** sufficeret. Cum ergo circa extrema vitæ suæ librum exararet Samuel, non abs re phrasin ante multos annos a Saule usurpatam: *אֲגַע, אָמַע אֶל Videntem*, per notiorem eo, quo hæc scribat, aero explicavit, indicans nunc **כָּבֵיא** dici, qui illa tempestate **רוֹאָה** audiebat. Quin imo ea ipsa, qua Samuelem Saul consulēbat, ætate titulumusu jam tritum cognitumque vulgo fuisse, ex 1. Sam. X, 12. manifesto constat, ubi in proverbium abiisse dicitur istud: **הָגֵם שָׁאוֹל בְּנֵי** *Num etiam Saul inter prophetas est?* Id ergo tantum sibi vult ista 1. Sam. IX, 9. explicatio, quod in vulgari illa formula, cum Prophetam consulenti causa adituri dicerent: *агите, еamus ad Videntem*, frequenter ex antiquo ritu *Videntis*, quam Prophetæ fuerit appellatio, utraque tamen in eandem quadrans personam. Porro, ut ex variis segmentis confarinatum hunc, cum ceteris historicis, librum demonstreret Spinoza, ad 1. Sam. XVI, XVII, XVIII. capita nos remittit, quibus dispar indicatur ex 1. Sam. XVI, XVII. occa- XVIII.



De libro I.

Samuelis.

occasio & causa, cur Saulis in aulam David se contulerit. Capite XVI. enim v. 14. seq. ex consilio servorum Saulis accitus, capitibus sequentibus vero casu a patre in castra missus ad fratres, ex occasione victoriae contra Goliathum Sauli innotuisse legitur. Verum utraque occasio & causa cur non diversis temporibus locum habere possit? Prius enim, cum intemperiis agitaretur Saul, accersebat in aulam David, ut citharae cantu ferocem Regis animum demulceret. Post haec vero bellum moventibus Philistæis, Sauleque aliis intento curis, domum rediit ad greges suos David c. XVII. 15. indeque a patre in castra mittitur: quem quod Saul non statim agnosceret, ante licet saepius visum, in tanta stipantum caterva mirum adeo non est, cum alio forte & pastoritio jam habitu induitus incederet, & metu perculsus Saul non pristinum amplius citharœdum animo agitaret, sed heroëm aliquem, quem giganti Philistæo objiceret. Haud paulo majoris momenti alia ejusdem est hariolatio, quasi 1. Sam. XXVI. eadem redeat historia, quæ cap. XXIV. ex alterius cuiusdam historici schedis, mutatis adeo circumstantiis quibusdam, jam recitata fuerit. Sed falsus omnino est in eo disputatione, cum ex utriusque capitum collatione mutuo facta ad oculum pateat, alia longe & diversa locorum, temporum, rerum gestarum & circumstantiarum momenta diversissimas omnino hi-

storias manifesto arguere. Pari acumine c. VII. & XIII aduersa invicem fronte collidere, adeoque ex diversis variorum autorum monumentis in unum compacta fuisse volumen contendit, cum illic v. 13. Philisthai hostiles amplius excursiones in terram Israelis moliti fuisse negentur, hic vero v. 5. armaturfus contra Israelitas cepisse legantur: id quod Hobbesius quoque *Leviath.* c. 33. adoptat & urget. Verum si inter conatum & felicem eventum distinxerimus, res in vado erit. Prospere saltem & ex sententia res gessisse Philistæos, quoad viveret Samuel, capite VII. 13. negatur, cum quoties pugnam cum Israelitis consererent, semper ipsis essent inferiores, quod universa libri historia testatur: at vero non negatur conatus, non studium Philistæorum, sub pristinum intendi jugum Israelitas. Quod saepius tentatum, infeliciter tamen sem-

per cessit. Tandem 2. Sam. VII. caput in lib. I. Paralip. cap. XVII. de scriptum anima dvertit Spinoza: *at verba*, inquit, *variis in locis ad modum mirificæ mutatae deprehenduntur, ut facilime cognoscatur, hæc duo capita ex duobus diversis exemplaribus historiae Nathanis desumpta esse.* Id quod facileme inde cognosci nego, cum hoc saltem inde sequatur, diversum fuisse libri Chronicorum autorem ab illo, qui posteriorem Samuelis exaravit: sapien-

sapientique consilio Spiritum Sanctum verba paululum alia & diversa, sed Samuelis.
 non variente sensu, utrique in consignanda eadem historia inspirasse.
 Porro in mendo jacere locum non unum hujus libri calumniatur Bibli-
 mastyx ille, eumque in finem p. 119. ad 1. Sam. XIII, 1. provocat, & ma- ext. Sam.
 gnifice admodum in hanc sententiam erumpit: *quod textus truncatus sit,*
nemo qui Hebraam linguam vel a primo limine salutavit, dubitare potest. Sic
enim incipit: בָּנֶה שָׁאֵל בְּמִלְכֹו וְשָׁיו שָׁנֶם מֶלֶךְ עַל יִשְׂרָאֵל
 annum natus erat Saul cum regnaret, & duos annos regnavit supra Israe-
 lem. *Quis, inquam, non videt numerum annorum atatis Saulis cum re-*
gnum adeptus esset, omissum esse? At quod ex ipsa historia major numerus
concluditur, credo neminem etiam dubitare. Nam c. XXVII, 7. ejusdem
libri habetur, quod David apud Philisteos, ad quos propter Saulem confu-
git, moratus fuit unum annum & quatuor menses: quare ex hac computa-
tione reliqua spacio octo mensium contingere debuerunt, quod neminem
credere existimo Josephus saltet in fine libri VI. Antiquitatum textum sic cor-
rexit: regnavit itaque Saul Samuele vivente annos decim & octo, morien-
te autem alios duos. Verum ut nunc taceam Patrum quorundam inter-
pretationem, a Tiro recoctam, qua similitudo potius inter Saulem
primo imperii anno simplicem, rectum, justum, & infantem annum
habentem, per omisum similitudinis institui, quam nota temporis
*signari creditur, hoc sensu, quem Chaldaeus reddidit: *scut filius unius an-**
ni, in quo non sunt culpe, Saul erat, quando regnavit &c. quæ licet dubium
tolleret, a Spinoza motum, coacta tamen est & textui illata: ut etiam
cum Josepho Scaligero nunc in arenam non descendam, qui per textus
sacri corruptionem, numerum vel notam numeralem excidisse putat, sup-
plendam per hanc anni XXXvi indicem, quem habuerit Saul, cum
regnare inciperet; quem ipsa phrasis refutat, quæ Saulem non
בָּנֶם שָׁנֶת filium annorum (scilicet XXX.) sed בָּנֶה filium anni unius perhibet:
simplicissima omnium est explicatio, quæ b. Lutherio in versione, Fla-
cio in Clave, b. Glassio in Gramm. S. Lib. III. Tract. V. Can. 31. & ex Ju-
dæsi R. Levi ben Gersom probatur, quod illa temporis notatio ad ante-
cedentia cap. XI. & XII. spectet, quodque ea, quæ de renovatione regni
Saulis, protestatione Samuelis, & subsecuto miraculo paulo ante narrata
fuerunt, contigerint, quum filius anni Saul esset in regno, ex quo nempe in
regem unctionis, & gratulatione publica assumptus erat: ut, quæ subjun-
guntur, & duobus annis regnarat super Israhel, de his, quæ narrare nunc
suscepit, accipientur, quando nempe milites stationarios sibi elegerit.

Ec

Vid.



Samuelis.

Vid. b. Calovium in *Chronol. Bibl. T. I. Bibl. Ill. p. 85.* Argumentum itaque adversarii textum plane non ferit, cum nihil minus, quam de numero annorum ætatis Saulis, cum regnum adipisceretur, agat sacer scriptor, sed ista temporis notatio ad ea, uti diximus, pertineat, quæ præcedunt & sequuntur. Sed hactenus cum Spinoza actum. Nunc & Hobbesius l. *supra e. libros Samuelis ut novitatis insimulet, phrasin urget illia familiarem: usque in hodiernum diem; ex qua constet, multis post Samuelem annis scripta hæc fuisse.* Cum primis vero ritum Philisthæis in templo Dagon receptum, & ad hunc diem ipsis solennem, ex *1. Sam. V. 5.* in exemplum citat, cui etiam arguento Rich. Simon c. l. p. 54. insistit, uterque illud ab Abarbenele mutuatus. At quando Samuele adolescenti (dum in vivis adhuc esset Eli) ea quæ *1. Sam. V.* gesta narrantur, evenierunt, commode potuit in senectute sua, qua hæc literis mandabat, observare, ritum, se adolescenti susceptum, usque ad hunc diem servari. Nec magis stringit, quod ex *e. XXVII. 6.* hoc refert Simonius & Clericus, *Tziklag Regum Judæ fuisse ad hunc usque diem;* quod non potuisse dici observavit, nisi post X. tribuum secessionem, ad quam vixisse Nathanem & Gadum, qui multo grandiores erant natu Salomone, quip: r LX. annos regnavit, verosimile non sit. Sed vero tantum huic arguento robur non inesse, ac prima fronte appareret, supra ad *Josuam cap. IX. §. 5. sub fin.* observavimus, quod dudum ante X. tribuum secessionem, adeoque jam Davidis ætate, distincta pariter ac promiscua Judæ & Israelis mentio populo Dei familiaris esset, quod ex *Ps. LXXVI, 2.* appetat. Adde quod Reges Judæ hic non regibus Israel opponantur, sed pristinis hujus urbis Dominis, Regibus nimirum Philisthæorum; adeoque pro Regibus populi Dei in generaliori vocis usu dicantur, maxime cum urbem Tziklag Reges Israelis sat prolixo temporis tractu ante Regni divisionem tenerent. Provocat ulterius ad *cap. VII, 15. seq.* cum Hobbesio Clericus, qui verba ista: *Samuel vero judicavit Israelem, per omnes vite sue dies.* Quotannis autem circumibat Bethele Gilgalem & Mizpat, jusque dicebat Israeli &c. hominis esse existimat, qui post Samuelis mortem rem præteritam narrat. Qui vero non potuit jam senex Samuel ipse hæc consignare, ita ut, post, quam regnum adeptus esset Saul, a jure tamen dicundo se non exclusum, fuisse significet, quin ad extremam senectam quotannis circumiens lites diri neret, in eo dignitatis & officii gradu ad m. item usque suam perditurus? Nec enim præcise omnes vite ejus dies, intelligendi sunt, cum quoad Eli sacerdos in vivis esset, judicia ille moderaretur, Samuele adhuc

ex 1. Sam.
VII, 15.



adhuc disciplinæ ipsius alumno, nec officiorum participe; a cuius de- Samuelis.
mum morte hic noster ad id usque tempus, quo hæc scribebat, judicia-
exercuit. Tandem vero miror, Abarbenelis in *Præfat. ad Jos. fol. 3. col. 1.*
elumbe perquam argumentum, ex *1. Sam. VII, 2.* petitum, adoptasse ex *1. Sam.*
VII, 2. Rich. Simonium c. 1. & ex eo, quod arca fœderis XX. annis in Kirjath-
Jearim confeditse legitur, colligere, hæc a Samuele scribi non potuisse,
cum vivente Samuele per XIII. solum annos illic arca constiterit; se-
ptem vero post ejus obitum annis inde a Davide avecta sit, *2. Sam. VI.*
At vero, non in universum XX. tantum annis in Kirjath-Jearim conse-
disse arca hoc loco dicitur, sed annum hunc vigesimum fuisse, ex quo in
Kirjath-Jearim translata erat, cum lamentaretur omnis domus Israel pres-
sa a Philisthæis, quia Deos alienos Baalim & Ashtaroth nondum abdi-
cassent, ad quos rejiciendos Samuel ipsos hortatur. Idem ergo vigesi-
mus quoque annus erat principatus Samuelis, ex quo per decennium ad-
huc populum gubernasse creditur, ut totum præfecturæ illius tempus
XXX. annis definiatur, in quo Saulis quoque regnum incidisse alibi de-
monstratur. Arca vero in Kirjath-Jearim totos annos XL. reposita fuil-
se videtur, quamdiu scilicet præfuerunt Samuel & Saul ad Davidem us-
que: licet XX. tantum anni lapsi legantur usque ad tempus solennis pœ-
nitentiae & conversionis Israelis ad Dominum *1. Sam. VII, 2.* ut adeo
ex hoc, æque ac præcedentibus locis, solidi nihil contra libri antiquitatem
colligatur.

IV.

Hi itaque, quibuscum haetenus contendimus, uti omnem Samuelei de- Idem quo-
negant scripturam, sic nec desunt ex adverso, qui alium præterea librum, que Autor
eidem tribuunt, quem injuria temporum deplorant amissum. Cum libri de Ju-
enim *1. Sam. X, 25.* consignasse ספר משפט הַמְּרוֹכָה volume juris re Regio 1.
s. consuetudinis regni, quod LXX. Scnes τὸ δικαιοῦ τὸ βασιλεῶς dixerunt,
& coram Domino reposuisse Samuel legatur, haud una interpretum de
illo sententia est. Quorum quidem *alii*, constitutiones pridem a Deo
per Mosen sanctitas Deut. XVII, 14. sqq. hoc libro divinum Vatem repe-
tiisse credunt, conjectura haud adeo probabili, cum Regibus Judæorum
singulis liber legis divinæ, & in illo hæc quoque pericopa, jussu Numinis
Deut. l. c. v 18. describendus exhiberetur, nec nova adeo Samuelis de-
scriptione opus fuerit. Nec facile crediderim, cum hic liber eoram Do-
mino assertus dicatur, eandem Numinis constitutionem, seorsim a
Samuele exaratam & Deuteronomio insertam, adeoque bis descriptionem,
Ec 2 reposi-



De libro I.
Samuelis.

repositam in sanctuario fuisse. *Ahi* hunc ipsum priorem Samuelis librum h. l. indigitari cum Seb. Schmidio existimant *Comment. in b. l. p. 286. & quest. 13. p. 312.* cum tamen, num exaratus eo tempore jam fuerit, non liqueat, nec, quæ in prioribus capp. de Samuelis nativitate, de gestis Eli ac filiorum, de Philisthæa arcæ capture & reliqua occurrunt, quicquam omnino ad Jus Regium faciant. Nisi forte horum verba ad illam saltem libri pericopam restringenda sint, quæ i. Sam. VIII, 11–18. jus Regis complexa, oratione primum declarata, mox & literis consignata, fuit a Samuele; uti quidem e Judæis R. David Kimchi, e Reformatis Hottingerus *Thef. Phil. lib. II. cap. II. Sect. 2. p. 530.* e nostris b. Calovius *ad b. l. b. Carpzovius in notis ad Schickardi* 172 *cap. 2. Theor. 7. p. 165.* aliique bene multi sibi persuadent: atamen vix vero videtur simile, כבש s. volumen istud exiguum duntaxat paucorum versuum sectionem continuisse, tum & eandem regni constitutionem, & in I. libro Samuelis, & peculiari scheda descriptam, geminoque adeo exemplo, publice in sanctuario fuisse assertamat. Diversum itaque *alii*, & singularem hunc censent commentarium fuisse, eumque vel ex Josephi lib. VI *Antiqu. Jud. c. 5.* sententia Propheticum, τὰ μέλεια συμβήσεων ναὸν, mala illa, quæ ex sancta Regibus licentia eventura in posterum essent, tradentem, ut esset hoc monumentum, ex quo populus sciret, invito Samuele mutata esse Republicæ formam, & si quid mali inde sequeretur, predictum hoc fuisse ab ultimo Judicum. Non poterant ergo divinam providentiam incusare, quod mutati regiminis penas postea darent; quia Dei iussu a Prophetæ fuerant premoniti, nec monenti auscultare voluerunt, juxta Clericum *Comm. in b. l. p. 209.* vel ex Sixti Senensis mente exegeticum, qui, ut lib. II. *Biblioth. S. in Samuele p. 132.* se explicat, institutionem politia Regie traliderit, ac certas leges, quibus ea moderatione regni gubernacula tractarentur, ut neque Rex tyrannidem in populum exerceret, neque populus pro sua libia in Regis imperia contemneret. Quo facere videtur, quod Hottingerus eum de administratione regni egisse fatetur. Nobis, sicuti conjecturis tantum hic locus est, vero videtur cum primis consentaneum, Samuelem statuta Regni Regisque officia, ex Deut. XVII. & i. Sam. VIII. excerpta, & in certa forte capita distinxisse, & uberiori explicatione atque commentario illustrasse, adeoque hoc volumine leges Regni fundamentales complexum, in loco sanctuarii reposuisse. Quo Grorius note ad b. l. collimat: *fuit edificium, inquiens, exstructum super fundamentis, que sunt Deut. XVII. 16 seq.* Longe ergo latius patet, quam ut de modo imponendi tributum, & pro qua



qua causa, & qua essent provocationes Regis communiter ad sufficiendum exercitum, tantum tradiderit, quæ quidem Tostati erat sententia T. VI. Opp. qu. 25. in t. Sam. X. p. 319. Erat enim & Regis erat & populi, uterque ut legem certam descriptam haberet ac normam, ad quam ille quidem potestatis suæ exercitium, hic obsequia sua componeret, nec nova regiminiis forma cuiusvis permitteretur libidini definienda. Eundem vero postea intercidisse librum, quid mirum? cum ipsa regiminiis forma Regiae dignitas, variis concussa cladibus, interiret, vel in altam saltet, longeque inferiorem mutaretur, donec omnis Judæorum Respublica, cum Novi Test. auspiciis, strageque ipsorum Romana e medio tolleretur: quanquam incertum sit, quod Hebræorum Magistros tradere Joh. Bodinus memorat lib. I de Republica c. X. p. 231. a regibus ipsis discerptum eum ac dilaceratum fuisse, ut liberius in suos tyrannidem exercearent. Neque tamen capropter e Canone perisse liber dicendus est, partim quod forensis ille & Politicus esset, ad Canonem non spectans, partim quod fundamenta ejus ac summa contentorum capita, citatis Deut. & 1. Sam. locis delineata, adhuc supersint. Ipsa siquidem forma libri, & uberior præceptorum illorum deductio, Canonica non erat, forte ne quidem Θεοπτεῖος, adeoque interitui obnoxia: secus vero materia & contenta, quæ dictis locis in Canone Scripturæ inviolate aſſervata, summatim exhibentur. Neque vero inde, quod בְּפָנֵי יְהוָה coram Domino repositus dicitur, colligi statim datur, quo i. in arca Testamentaria & sacra, una cum ceteris Scripturæ canonice libris, locum sortitus fuerit hic noster, quod sane vult R. D. Kimchi; cum aliud longe sit coram domino, aliud ἐν τῇ ἀγίᾳ κρύπτῃ in capsula testamentaria aſſervari: utrum hoc tantum sequitur, hanc auream velut Bullam regni Iudaici in loco publico conventus, h. e. in sanctuario. & forte, quod R. Levi ben Gerson contendit, בְּרִאַת לְבָנָן prope arcam seorsim fuisse aſſervatam. Confer præter memoratos, ceterosque libri interpres, D. Jac. Martini de libris Scripturæ perditis §. 82. sqq. & Waltherum Officin. §. 1345.

V.

Historiam populi Dei hic liber continuat, ac Monarchiæ Regiæ, Argumentum cum Θεοπτεῖος, qua per Judicum administrationem gavisi hactenus sum. fuerant, commutatae auspicia & progressus tradit, post excessum Simsonis, in quo Judicum liber substitutus, ab Eli præfectura incipiens, & ad Iherusalem usque Saulis cladem pergens; ita ut duorum postremorum Judicium Eli ac Samuelis, duorumque primorum Regum, Saulis & Da-



De libro I.
Samuelis.
Scopus.

vidis, illius quidem integra, hujus oppressi saltet, gesta persequatur. Scopus, ut providam Dei curam in apricum ponit, qua ecclesiam suam, mediis in rerum publicarum mutationibus ac turbis, servat & ad posteros transmittit, ac in illustri positam loco infidelibus quoque, eam licet oppugnantibus, adeundam offert; sic ad Christum cum primis tendit, sub Davidis unbra adeo perspicue delineatum, ut coelestis illius Davidis unionem ad amplissimum regnum, victoriam adversus infernalem Goliathum, humiliationem denique variam ac depressionem, qua defungi prius oportuit eum, quam regnum caperet, in filio Isai ad oculum videas hoc libro expressam. Confer Ps. II, 6. Jes. XLIX, 24. 25. Lyc. XXIV, 26. Quam Messiae in Davide adumbrationem, ut evidentissime hoc libro ob oculos sibi positam intelligerent fideles, consueta in typis appellationum εναλλαγή, Christum ipsum Davidis nomine haud raro designare Spiritus S. voluit, ut patet ex Psalm. LXXXIX, 4. Jer. XXX, 9. Ezech. XXXIV, 23. 24. XXXVII, 25. Hos. III, 5. Conf. Glassii Philol. S Lib II P I. Tract. 2. Sect 4. can. 9. p. 335. Unde quibus modis nomine, urbe natali, pastoritio vitae generi, gloria regni administratione, persecutionibus quoque, bellis & triumphis Messiam representarit David, copiose tradunt tyorum interpres, in quibus consulatur Bierman. Moses en Christ. Lib. I. Cap. XI p. 297. Præterea quoque in notis, quibus dignosceretur olim Messias, characteristicis ista præ ceteris observari merebatur, quod Filius Davidis secundum carnem sit futurus, ejusque ex prosapia oriundus, Matth. XXII, 42. Rom. I, 3. Par itaque erat, ut integræ de ortu, vita, gestis, regno, familia Davidis historia ad manus esset, nec, circa ortum ac maiores Messiae secundum carnem, dubio ullus relinquetur locus; quo fine hunc cum sequenti librum ecclesiæ destinare Spiritum Sanctum voluisse, quis temere negaverit? Verum non omnis hæc est, quæ ex hoc libro redundat, utilitas, sed usque eo patet illa, quo omnis historiæ sacræ secesserit fructus. Hunc pientissimus Brentius noster dum sub auspiciiū explicationis hujus libri copiose enarravit, tandem subdit: *Est in his libris (I. & II. Samuel.) tanta vis & copia exemplorum, quibus nunc veritas divinarum promissionum comprobatur, nunc certitudo divinarum minarum declaratur, nunc judicia Dei in impiis manifestantur, nunc misericordia Dei in credentes ostentatur, ut vix fieri possit, quin studiose legendo, aut lectorem ac interpretem diligenter audiendo, ab impietate non deterreas, & ad pietatem non inviteris, aut ante a invitatus, non confirmaris. homil. I. p. 202. Tomi II. Speculum nimirum hic liber virtutum & vitiorum præbet, in quo*

Utilitas.



quo varium & mutabile hominum comparet ingenium, qui novandum rerum cupidi, prisci autem integrum moris pertensi, adversae suae fortunae ipsi sunt fabri: porro, exemplo filiorum Eli ac Samuelis, herorum filios noxas; exemplo Davidis, perpetuum virtutis gloriae comitem invidiam esse; exemplo Saulis, expulso per flagitia Spiritu Sancto malignum e vestigio Spiritum cor occupare: item in desperationem tandem praecipites agi impios, ubi adversa urgentur fortuna; exemplo Davidis rursus, impiorum neque potentiam summam, neque astutiam adversus pios Deo confisos, valere quicquam docet, & alia multa in vitam humanam per quam utilia, quae in commentariis prolixè declarantur. Ut taceam ecclesiae Novi Test. fata sub Davidis exilio, & Anti-Christi tyrannidem sub Saulis impietate, ex nonnullorum sententia typice fisi ap. Burmann, sub fin. lib. I. Sam. Comment. p. 334.

VI.

De Canonica hujus scripti autoritate tot praesto sunt argumenta, *Autoritas divina & Canonica,* quot locis Spiritus S. testimonia ei luculenta prohibuit. Universum sane Psalmorum Codicem si conferas, lucem ille sibi & velut clavem ex Samuelis libris poscit, absque quibus si esset, nec titulos hymnorum complurium, nec ipsum eorum textum assequi satis & interpretari possemus. Ita nimurum

Psalm. III. lucem sceneratur ex 2. Sam. XV, 16.

VII.	—	—	2. Sam. XVI, 5. seq.
XVIII.	—	—	2. Sam. XXII.
XXXIV.	—	—	1. Sam. XXI, 10. seq.
LI.	—	—	2. Sam. XII.
LII.	—	—	1. Sam. XXII, 9.
LIV.	—	—	1. Sam. XXIV, 1.
LVI.	—	—	1. Sam. XXI, 11. seq.
LVII.	—	—	1. Sam. XXII, 1. XXIV, 4.
LIX.	—	—	1. Sam. XIX, 11.
LX.	—	—	2. Sam. VIII, 13. X, 13 18.
LXIII.	—	—	1. Sam. XXIII, 14 XXIV, 1.

Cum enim in Psalmorum interpretatione eorum tituli, monente b. Balduino in *Idea Disposit. Biblic. P. II. cap. 5. § 2. p. 100.* diligenter sine inspiciendi, tanquam claves futurae explicacionis, unde argumentum Psalmiqueat, unde quælo, sensum eorum & velut commentariorum petere licet, præterquam ex Samuelis libris? Quos ad partem Canonis principem



De libro I.
Samuelis.

Per explicandam & comprobandam adeo necessarios, patet & ipsos ad Canonem spectare, ejusdemque cum Psalmis autoritatis esse & ponderis. Sed & Paralipomenon liber prior adeo manifestis ad hos libros indicis respicit, horum ut autoritate suam tueatur fidem c. XXX, 29. seq. Varia porro testimonia, ad conciliandam aliis Scripturæ locis fidem, inde petita fuisse obervantur: quæ enim Ps. CXII, 7. 8. leguntur, haud obscure ex 1. Sam. II, 8. deprompta videntur; sic & quæ 1. Reg. II, 27. de Abjathare a sacerdoti gradu dejecto leguntur, ex 1. Sam. II, 31. seq. ut confirmaretur necesse est; illud quoque, de obedientiæ prævictimis præstantia, apophthegma, apud Oseam c. VI, 6. & Matthæum c. IX, 13. XII, 7. recurrens, ex Samuelis ore primum prodiit 1. Sam. XV, 22; magna porro pars eorum, quæ Ps. LXXXVIII, 27. seq. depraedantur, ex illustri illo vaticinio 2. Sam. VII, 12. seq. promanavit. Huc præclaram Dei O. M. promissionem Ezech. XVIII, 32. XXXIII, 11. multi interpretum referunt, & ex 2. Sam. XIV, 14. deducunt. Cum primis vero divinam huic libro autoritatem conciliat ipse Filius Dei, cum adversus sparsas in discipulos, adversariorum criminaciones Matth. XII, 1-4. vindicias ex hoc præ ceteris libro peteret 1. Sam. XXI, 6. illaque Davidis irrefragabili instantia Phariseorum os obturaret. Tam arcte itaque hic liber reliquo Canoni innexus est & implicatus, ut fieri non possit, quin & ipse ~~Deuterus~~ & Canonicus divina fide, quam intrinseca & innata sibi virtute apud legentes conciliat, recipiatur.

VII.

Chronolo-
gia.

Temporum ratio ex argumento libri facilis negotio putatur. Ab excessu enim Simsonis, unde noster orditur, ad mortem usque Saulis, in quo liber desinit, octoginta fluxisse annos, eorumque partem dimidiam præfecturæ Eli assignandam esse, ex 1. Sam. IV, 18. dimidiam posteriorem Samuelis & Saulis regimini tribuendam, ex Act. XIII, 24. intelligitur. Uti vero de priori quadragenario dubium nullum est, sic circa posteriorem inter Samuelem ac Saulem rite dispescendum, disconvenit inter eruditos. Qui enim XL. anni loco cit. Act memorantur, soli Saulis regno tribui omnes (quod quidem magnus vult Usserius *Amal. Vet. Test. I. p. 48.*) ideo non possunt, quia simulac rejiceretur a Domino Saul, David in ipsius locum a Samuele ad regnum unctus legitur 1. Sam. XV, 26. 28. XVI, 13. quem tamen triginta saltem annos habentem regium occupasse solium, ex 2. Sam. V, 4. discimus. Cum ergo anno secundo divina illa Saulis reprobatio contigisse credatur, octo adhuc requirebantur



tur anni, antequam nasceretur David, si XL. annis præfuisse Saul dicatur. I. Samuelis.
 Neque tamen Hebræorum sententia, quam in *Seder Olam c. 53.* tradunt, suoque dignam calculo existimarent Gerhardus Mercator, Arias Montanus, Adrichomius & Sanctius, quasi per biennium tantum regnum. Saul tenuerit, firmo stare talo potest, si tot Saulis prælia, tot res gestas consideremus, quibus tantillum temporis spaciū sufficile credibile non est; & cum sexagenario major obierit Saul, quia Isboseth filius ejus, occiso Patri iam quadragenarius suffectus est 2. Sam. II, 10. istaunctionis & inaugurationis Saulis historia & circumstantiae, proiecta adeo ætate regno demum admotum eum non patiuntur. Unde communis fere consensu in hanc eunt sententiam interpretes ac Chronologi, quæ Samuelis solitario principatui 30. Saulis vero regno 10. tribuit annos, quorum octo cum Samuele habuit communes, quibus suas ille in judicando populo partes obiit I. Sam. VII, 16. defuncto autem Samuele, biennio solus rerum potitus est; qui omnes junctim 40. annos conficiunt. Sic David biennio post creatum Saulem Regem unctus, annos natus fuerit 22: annorum nimirum triginta, cum Sauli in regimine succederet, viginti autem quatuor, secundum b. Lutherum, annorum cum Goliathum sterneret gigantem. Quibus præmissis calculum ita ponimus:

A.O.C. A.Exodi

2869	357	Eli præfecturam nactus, durante adhuc Philistæa oppressione, judicavit Israelem annis XL. I. Sam. IV, 18.
2909	397	Samuel defuncto Eli Pontifici & Judici succedit.
2919	407	Davidem natum fuisse ex 2. Sam. V, 4. colligitur, trigesima nimirum annis, ante quam Sauli in regno succederet.
2939	427	magna ista imperii Israelitici mutatio contigit, primusque Rex Saul constituitur, rerum potitus per annos X.
2941	429	biennio post Saulis Regis creationem, David annos natus 22. a Samuele ungitur I. Sam. XVI, 13.
2943	431	David 24. annos habens Goliathum prosternens, fama ac autoritate pollere incipit I. Sam. XVII.
2947	435	Samuel moritur, præfecturæ suæ anno 38. biennio ante Saulis mortem.
2949	437	Saul occiditur cum filiis in clade Philistæa, I. Sam. XXXI.

Ff

VIII. Ca.



VIII.

Capita liber habet XXXI. versiculos 797. Ceterum universam hanc historiam in tres communiter partes dirimunt interpretes, ordine tamen non omnes eodem. Trium nimur virorum illustrium vitas hic describi ac res gestas cernunt; adeoque b. Balduin. *Ide.e disposit. Biblic. P. II. cap. 4. §. 2. p. 88.* P. I. Samuelis Prophetæ historiam comprehendit tradita cap. I. ad X. Parte II. Saulis exaltati & inaniti a c. XI. usque ad libri finem: Parte III. Davidis exinaniti a cap. XVI. usque ad finem. A quo non multum abeunt b. Waltherus *Offic. S. 816. p. 939.* & b. Calovius *præf. ad b. l. p. 741.* quibus Pars I. historiam Samuelis expedit usque ad c. IX. Pars II. vitam Saulis describit electi & probati, a c. IX. ad c. XVI: Pars III. historiam ejusdem rejecti & reprobati, quæ cum persecutionibus Davidis conjungitur c. XVI. usque ad finem. B. Sebaſt. Schmidius *Comm. in b. l. p. 4.* Samuelem tantum hic nominat & Saulem, διχοτομία amplexus, quam nec sibi improbari jam ante testatus fuerat Galovius. Atque hi quidem omnes, præterito Eli Pontifice, quæ de ipso narrantur, ad Samuelis referunt ortum, educationem, vitamque privatam: cum vero temporum in rebus publicis signandorum intervalla, non tam personarum, quam imperiorum ætatibus distingui soleant, vel ut in *Judicum* libro secundum singulorum *Judicum regimina*, in Regum annalibus secundum regni cuiusque annos, in Romana quoque historia prisca, secundum Consulatus periodos metimur; magis eorum nobis arrisit partitio, qui Eli præfecturam diserte connumerant, & P. I. faciunt rerum sub Eli c. I—IV. P. II. rerum sub Samuele c. V—XII. P. III. rerum sub Saule gestarum c. XIII. ad fin. quæ Franc. Burmanni *præf. in b. l. p. 3.* & Heideggeri distinctio est *Enchir. c. 10. S. 5. p. 80.* in qua & nos acquiescimus.

IX.

Tabula Syn- Tradit itaque liber I. Samuelis

optica. I. res sub ELI Pontifice & Judice gestas: ubi
a) Samuelis ortus

1. qua circumstantias descriptus c. I.
2. carmine Hannæ celebratas c. II, 1—10.

b) Eli interitus

1. peccatis filiorum, & indulgentia Patris provocatus v. ii — fin.
2. per Samuelem, recens vocatum, prædictus c. III.
3. infausto clavis Israelicæ nuncio consummatus c. IV.

II. Res



- II. Res sub SAMVEL Propheta & Judice gestas, ut sunt
- a) cultus publici restauratio, per
 - 1. arcæ captæ redditum, cuius
 - a. causa & occasio, prostratio Dagonis & afflictio Philistæorum c. VI.
 - b. actus & circumstantiæ c. VI.
 - 2. populi solennem poenitentiam c. VII, 1—6.
 - B) securitatis publicæ restitutio v. 7—fin.
 - C) Desumptiū in Monarchiam Regiam transmutatio, ubi
 - 1. antegressa regis postulatio & Jus regium c. VIII.
 - 2. Saulis aspiras quærerentis ad regnum destinatio c. IX.
 - 3. Regis tam privata, quam publica inauguratio c. X.
 - 4. fortitudinis Regiae per victoriam de Nahaso demonstratio c. XI.
 - 5. Samuelis publica resignatio c. XII.
- III. Res sub SAVL E, Regum primo, gestas, & quidem
- a) ante ejus reprobationem ; ubi
 - 1. victoria adversus Philistæos : ubi
 - a. motum bellum & inauspicatum Saulis sacrificium c. XIII.
 - b. victoria audaci Jonathanis consilio coepit, & Saulis persequitione consummata c. XIV.
 - 2. victoria aduersus Amalekitas c. XV.
 - a. divinitus imperata v. 1—3.
 - b. feliciter peracta v. 4—8.
 - c. illegitime, & cum jactura successionis in regno, usurpata v. 9—35.
 - B) post ejus reprobationem ; ubi
 - 1. Successoris divina destinatio & unctio c. XVI, 1—13.
 - 2. Saulis a Spiritu maligno agitatio v. 14—fin.
 - 3. contemptum ex victoria contra Goliathum, aduersus Davidem odium c. XVII, & c. XVIII, 1—9.
 - 4. persecutio Davidis a Saule varia
 - a. tentata, CC. præputiorum Philistinorum postulatione c. XVIII, 10. seq.
 - b. illata
 - N. Lanceæ iterata jaculatione c. XIX, 1—10.
 - D. apparitorum emissione v. 11—24.
 - c. lenita aliquantis per foedus cum Jonathanem pactum c. XX.

Ff 2

d. austæ



- a. aucta publice variis modis ac temporibus, ubi Davidis
N. fuga ad *Abimelechum*, ejusque proditio a Doëgo facta
c. XXI. v. 1—9.
- D.** fuga *Gathum*, periculumque amentiae simulatione elu-
sum v. 10—fin.
- E.** fuga ad speluncam *Adullam*, ad Moabitas & in *Judæam*
c. XXII.
- F.** captivatio *Kegile* destinata c. XXIII, 1—13.
- G.** apprehensio in deserto *Mabon* divinitus impedita
v 14—fin.
- H.** exprobrata & agnita in deserto *Engedi*, post servatum a Davi-
de Saulem in spelunca c. XXIV.
- I.** exasperata ferocitate *Nabal*is c. XXV.
- J.** continuata post *Ziphæorum* proditionem, & denuo agnita
c. XXVI.
- K.** elusa per fugam Davidis ad Achis c. XXVII.
- L.** Saulis novissima, & funestus interitus: ubi
a. a spestro Endoræo facta prænunciatio c. XXVIII.
- M.** Davidis circa illum innocentia, utpote
N. e castris Philistæorum dimissi c. XXIX.
- P.** vindictam de Amalekitis, Ziklagum incendentibus, su-
mentis c. XXX.
- R.** Saulis *ἀυτοχειρία* c. XXXI.

X.

Commen-
tarii Pa-
trum:

Græcorum Patrum vix duo reperio nomina, quæ in interpretibus librorum Samuelis locum tueantur; THEODORETI nimirum, cuius in IV. libros Regum quæstiones T. I Opp. P. I. p. 231—335. leguntur; & PROCOPII GAZÆI, cuius Scholia in IV. libros Regum, Ludovico Lavatero interprete, Octatecho ejus Tiguri A. 1555. edito, subjuncta conspiciuntur. ORIGENIS autem duæ tantum homiliæ extatem tulerunt; quarum altera in priora lib. I. Sam. capp. de *Heleana*, *Fenenna*, *Anna* & *Samuele*, Hely & *Osius* & *Finees*, ut habet inscrip-
tio, ex versione Rufini latine saltem extat T. I Opp. Lat. f. 186. in dubium quidem vocata ab Andr. Riveto, at Adamantio adserita ab Huetio, *Origenian.* L. III Sct. 3. §. 5. p. 246: altera in I. Sam. XXVIII. de Engastrimytho, a Leone Allatio e Vaticanæ Bibliothecæ tenebris in lucem protracta & latinitate donata, in Huetiana Opp. Origenis editione f. 28 sq. exhibita.



exhibetur. E Latinis AMBROSIVM huc referri video, non quod Samuelis. integrum in Samuelem Commentarium composuerit, sed quod ejus *Apologiae Sancti David T. IV. Opp. p. 377.* tum & de interpellatione David liber p. 408. ac tandem liber unus de Salomone p. 417. quinque complexus capita, aliquid forte huc faciant: & AVG VSTIN V M, ob librum questionum Veteris & N. Test. T. IV. Opp. p. 697. obvium, in quo e Samuelis libris pauca tangit. Plenior in libri I. Sam. capp. XVI. priora. GREGORII M. commentatio extaret, T. III. ab init. conspicua, si modo Gregorii esset, quod editionis Parisiensis A. 1675. curator, Petrus Gussanvillaeus, in præfatione præmissa compluribus in medium altatis argumentis negat. S. PATER II tamen collecta ex Gregorii M. sententiis & scriptis expositio super quatuor libros Regum, eodem T. III. Opp. Gregorii p. 630. traditur. In ISIDORI HISPALENSIS Opp. p. 337. Commentariorum libri quatuor occurruunt in omnes libros Regum ad Orosium scripti, quos tamen Vir Doctissimus Guiliel. Cave in Histor. Litenar. Scriptor. Eccl. ad A. C. 420. p. 222. & ad A. 595. p. 306. ad Seniorem illum Isidorum, Cordubensem Episcopum, autorem refert, æque ut ante ipsum Phil. Labbe de Scriptorib. Eccl. T. I. p. 645. inductus uterque auctoritate Flavii Dextri in Chronico ad A. 388. 423. & 430. & Sigeberti Gemblacensis lib. de Script. Eccl. c. 51. Istam vero plane nullam esse Pseudo-Dextri fidem, nec Sigeberti assurgendum traditioni, scriptoris nempe seculi duodecimi, idoneis antiquitatis monumentis plane destituti, novissime docuit Joseph. Saenz de Aguirre in Collect. Conciliorum Hispanie T. I. Dissert. I. excursu I. p. 33 §. 6. ubi Cordubensem Episcop. Isidorum, quem nemo veterum norit, expludit ac Hispalensi Commentarios in libb. Regum restituit. EVCHERII Lugdunensis in libros Regum Commentarius, T. VI Biblioth. P. P. Max. f. 939. seq. sistitur, communi tamen eruditorum suffragio, Eucherii nomen falso in fronte gerit, quod Gregorius M. & Cassiodorus ibi citantur, Eucherio longe citeriores. Hujus ergo Scriptorem Andr. Schottus Biblioth. PP. Max. c. I. p. 823. b. Gregorio σύγχρονο suisse, & Anglum censet; nec tamen Venerabilem Be Jam, quod Sixtus Senensis conjicit quidem lib. IV. Biblioth. S. quod Beda integro propemodum seculo b. Gregorio posterior vixerit. Ipse vero BEDA in librum I. Samuelis allegoricae expositionis libros quatuor admodum copiosos struxit, T. IV. Opp. p. 208. obvios: præterea quoque questionum XXX, librum unum in Regum libros omnes p. 441. post se reliquit. HIERONYMO in librum Regum præfatio accepta-



De libro I.
Samuelis,

fertur T. IV. Opp. f. 7. a. insignis illa quidem utilitatis, quod Sacrae Scripturæ voluminum velut indicem reddit, & qui Canonici ejus libri sint, qui Apocryphi, distincte docet. Qui vero in libros Regum Commentarius sub questionum seu traditionum Hebraicarum nomine T. IV. Opp. ejus f. 104 seq. comparet, ex Erasmi judicio, parum liquet quo authore scriptus sit, nisi quod probabile sit, quædam ex Hieronymi commentariis, quos in præfatione pollicetur, per studiosum quempiam decerpia fuisse. Hinc in indice generali scriptorum Hieronymi, Tomo I. præmisso, hunc librum inter αὐθεντικοὺς νόμους refert, suamque de illo mentem ita explicat: *Quanquam Hieronymus in præfatione, quam prefixit traditionibus Hebraicis in Genesim, polliceri videtur, se similia traditurum in omnes S. Scriptura libros, tamen mihi non videtur hoc opus esse Hieronymi, quamvis eruditum & ad cognitionem S. Scripturae vehementer conducibile. Primum nulla præfatio testatur autorem: deinde stylus dilutior est ac facilior Hieronymiano. Ad huc Hieronymus diligentius docet, & plus inculcat grecarum & hebraicarum vocum significata. Postremo hic, quisquis fuit, alicubi propemodum satetur, se nescisse hebraicum. Proinde, an hæc greco, fortassis Eusebii, doctus aliquis verterit, an ex Hieronymianis & aliorum commentariis collecta sint, omissis his, que lectorum latini tantum sermonis gnarum, torquere poterant, alios conjectandum relinquimus.* RUPERTVS Tuitiensis hoc quoque spectat, cuius jam saepe facta est mentio.

Rabbino-
rum:

E recutitæ gentis doctoribus evolvendi sunt ad Samuelis libros illorum commentarii, quos *supri p. 35. seq.* in totum V. T. tum & quos *cap. LX. §. II. p. 163.* in Prophetas Hebreis priores dictos, allegavimus; præter quos מֹרֶשׁ שְׁמוֹאֵל f. allegoricus ille & homologeticus in Samuel Commentarius, Venetiis ap. Bombergum excusus in fol. A.C. 1546. huc spectat. Huc Bartoloccii etiam refert aliud מֹרֶשׁ שְׁמוֹאֵל בָּנֵי יִצְחָק בֶּן שְׁמֻעוֹן R. ISAACO BEN SIMONIS autore (vel continuatore potius, qui additiones adjecit) in Psalmos conscriptum, in cuius calce explicatio Proverbiorum Salomonis, & librorum Samuelis subnexa conspicuntur, Pragæ in fol. A. 1613. de quo conf. Placcii *Theat. Anonym. p. 704. n. 254.*

Lutherano-
rum:

Verum interpretis expectationi magis respondebunt nostratum Theologorum in hunc librum curæ, J.O. BRENTII, qui Samuelis librum priorem ad XIX. cap. sexaginta sex homiliis satis copiosis, quod autem libri reliquum est, usque ad finem, ut & totum posteriorem, scholiis paulo concisionibus explicavit, T. II. Opp. p. 200. seq. J.O. BVLGEN-



GENHAGII, cuius in Sam. annotationes in 8. Basileæ A. 1524. & in sequente anno Argentorati impressæ, prodierunt: MAVRIT. H. LINGII, cuius Periocha in libb. Samuel. Noribergæ in 8. A. 1593. lucem vidit: ABELIS NEZENII, in Operation. Biblicalar. b. Lutheri P. II. Jenæ in 4. A. 1611. SEBAST. LEONHARTI, in *υπομνηματι* in Sam. Erphordiaæ in 8. A. 1606. & Lipsiæ A. 1610. 1614. JVSTI MOENII, in Comment. in libb. I. Sam. Wittebergæ in 8. A. 1532. HIERON. WELLERI, cuius Comment. in Libb. Sam. seorsim Francofurti ad Moenum in fol. A. 1585. editus, collectorum Operum T. I. auspicatur: & cum primis SEBAST. SCHMIDII, cuius commentarius in L. lib. Argentorati A. 1687. in II. lib. A. 1689. excusus in 4. præter singulorum capitum accuratam analysis, annotationes, quæstiones, & Locos Communes exhibit, nihilque fere desiderari patitur. Homiliis vernalibus librum enarravit priorem MOSES PFLACHERVS. Tubingæ in fol. A. 1603. & DAN. WÜLFER, qui Saulis regnum & vitam a cap. IX. ad fin. libri, CC. homiliis recensuit: utrumque vero BALTHASAR BIDEMBACH, qui 136. in I. lib. & 140. in II. conciones struxit, Tubingæ in fol. 1605. & PAVLVS LAVENTIVS, homiliis 281. Lipsiæ in fol. 1615. 1616.

E Pontificiis nominandi hoc loco sunt ANGELOMVS, Monachus Gallus, Seculi IX. qui Stromata sive enarrationes ex veterum Paralipomenon scriptis in libros Samuelis, Regum, & Paralipomenon collegit, Romæ in fol. 1565. & Colonia Agrippin. A. 1530. & 1678. ANTONINVS, Archiepisc. Florent. in opere Chronic. jam ad superiores libros citato: ALEXANDER ARCHIROTA, Italice in hos lib. Florentiæ A. 1581. 1583. commentarios struens, qui Oxon. in fol. A. 1635. latine lucem viderunt: JACOB. BONFRERIVS, Commentarios in IV. libros Regum, Tornaci in fol. A. 1643. publici juris faciens: NICOLAVS CAVSSINVVS, Soc. J. dissertationibus in IV. libb. Reg. Parisiis in fol. A. 1650: HADRIAN. CROMMIVS, S. J. Lovaniæ in 4. A. 1631. ALEXANDER de HALES, cuius in h. l. Commentarius extat suo loco in Operibus Colon. in fol. 1621. JO. RVDOLPH. a CORDVBA, qui *Catenam Proonymiam versionum, glossatum SS. Patrum veterum, & neotericorum interpretum, Hebraeorum, Græcorum, Latino-rum in IV. libb. Regum, Lugduni evulgavit* in fol. A. 1652. CORNEL. JANSENIVS, cuius tamen curæ cap. II. libri I. Sam. saltem expli-cant, in Opp. Lugduni in fol. A. 1577. æque ac JAC. JANSONIVS,

enarr-



De libro I.
Samuelis.

enarrationem hujus capituli, Exodi cap. XV. & Deut. XXXII. junxit, Colon. fol. A. 1622. THOMAS MALVENDA, cuius in Commentarior. Tomo II. libri Samuel. explicantur: FRANCISC. de MENDOZA, S. J. cuius in lib. I. Sam. c. I. & II. expositio integro volumine lucem vidit Lugduni in fol. 1622. in capp. 6. seq. Tom. II. ibid. 1625. in reliqua capp. usque ad 15. inclusive Tom. III. ibid. 1634. EMANUEL de NAXERA, S. J. qui A. 1672. *excursus Morales in L. I. Samuelis* Lugduni in fol. edidit, ex Glòria, Tostato, Hugone, Cajetano & Sanctio collectos: FABRIC. PAVLVTIVS, Romæ in f. 1625. CLAVDVS RANGOLIVS. cuius in lib. I. Samuel. Commentar. Parisis in fol. prodiit A. 1621. CASPAR SANCTIVS, qui copiosos in IV. libb. Regum Commentarios edidit, Lugduni in fol. 1623. NICOL. SERARIUS, cuius in IV. libb. Regum & Paralipp. Commentarius posthumus Moguntiæ prodiit in fol. 1617. ALPHONSVS TOSTATVS, in Commentariis, Venetiis excusis: LVDOVICVS de VERA, in IV. libb. Regum, Limæ in fol. 1635. RICHARDVS de S. VICTORE, cuius concordia temporum in IV. libb. Reg. est in Opp. Venetiis in fol. 1592. BASILIVS ZANCHIVS, qui quæstiones in IV. lib. Reg. & Paralipp. scriptis, Romæ in 4. A. 1553. Quo pertinet etiam JOANNIS HIERONYMI SOPRANIS, Genuensis e Soc. Jes. in Davidem Commentarius, complectens ab I. Sam. XVI. usque ad 2. Sam. X. 19. textus omnes, qui ad Davidis historiam pertinent. Cui præmissa est annotatio Proœmalis de origine populi Judaici p. 1—28. & subjunctæ digressiones (1). de re vestiaria & vario indumentorum genere apud Judæos p. 311—459. (2) de ritibus in prisco Hebræorum funere servatis p. 460—528. (3) de publico & privato luctu & ritibus in utroque servatis p. 529—555. in quibus singulis loca Scripturæ utcunque hoc facientia eruditæ explicantur. Prodiit opus Lugduni in fol. A. 1643. Adde HIEREMIÆ DREXELII Davidem, capitibus XXXII. universam vitæ Davidis historiam illustratam T. II. Opp. Opusc. XII. p. 1131.

Reformato-
rum:

E Reformatis hoc spectant MART. BORRHAVS, alias CELLARIVS, Basileæ in fol. 1577. JO. CALVINVS, cuius CVII. homilias in I. librum Samuelis, ab ipsius concionantis ore exceptas, ac ex lingua Gallica in Latinum sermonem a Davide Claudio editas, Tomi II. Opp. pars prior exhibit. Præfatio testatur, Calvinum has Gallicas in I. Sam. conciones pauperibus peregrinis, tanquam thesaurum, quem nullum alium habuerit moriens, legasse, quæ a Diaconorum Genevensium colle-



collegio, quod peregrinorum pauperum specialem curam gesserit, diu asservatae tandemque in lucem emissae sint. FRANCISCVS BVR-MANNVS, Trajecti ad Rhen. in 4. A. 1683. RVDOLPHVS GVALTHERVS, monachiam Davidis & Goliath allegorice expositam tantum tradit, in Opp. Tiguri 1594. JO. COCCEJVS, præter canticum Hannæ I. Sam. II. hos libros intactos reliquit. PANTALEON CANDIDVS, Theologus Bipontinus, orationes funebres ex libris Samuelis, Regum &c. concinnatas, Basileæ edidit in 8. 1608. LVDOVIC. LAVATERVS, partem libri attigit homiliis decem de vita & obitu Nabal, quas germanice ab ipso habitas Joannes Pontisella latinitate donavit ac edidit Tiguri in 8. A. 1586. PETRVS MARTYR vero in utrumque librum integros concinnavit commentarios, Tiguri in fol. 1564. 1595. CONRADVS PELLICANVS, cuius in Opp. Tiguri A. 1582. Commentarius quoque est in libb. Sam. VICTORINVS STRIGELIVS, commentario in libb. Samuel. Reg. & Paralipp. chronologiam adjecit in historiam regni Judæ & Israelis, a Saule usque ad exilium Babylonicum, Lipsiæ in fol. A. 1591. CHRISTIAN. SCHOTANVS, in *Bibliotheca historie S. V. T. Tomo II. p. 518—745.* Samuelis præfecturam & regnum Saulis atque Davidis ad ductum libb. Samuel. historice explicat. JO. WOLFFIVS, ultimam saltem XIV. capp. libri II. Samuelis pericopam interpretatus est in fol. Heidelb. 1599. ANDREAS WILLETVS, Anglus, sermone vernaculo Harmoniam historiæ consarcinavit, *Harmony of Expositions upon the first booke of Samuel, Caastabrigiæ* in fol. 1614. Cui recentior addatur Anglus JOSEPH. HALL, in *Biblischen Gesichten P. I. p. 938—959. & P. II. p. 1—292.* & in librum posterior. Sam. P. II. p. 293—512.

E Remonstrantium cœtu JO. CLERICVS huc spectat, de quo in præcedd. dictum.

CAP. XIII.

De libro posteriore Samuelis.

Hic cum precedente apud Hebreos unum constituit Samuelis librum, quem in duos dispescuerunt Græci, illosque secuta ecclesia Latina. Inscriptio & autor ministerialis. §. I. Scopus ac utilitas. Argumentum. Autoritas divina §. 2. Chronologia §. 3. Partitio §. 4. Tabula Synoptica §. 5.

Gg

§. I. Quem

Remonstrantium.



De libro II.
Samuelis.

Hic liber ad
præceden-
tem perti-
net.

§. I.

Q

Vem moderni Bibliorum codices distinctum a priore, & po-
steriore numerant Samuelis librum, prisci Hebræi unum,

cum priore fecerunt, nec aliter primitivæ ecclesia a Synago-
ga traditum accepit, quam ut unum tantum Samuelis, unum
Regum, unum Paralipomenon librum numeraret. Hinc enatus ille
XXII. nec non XXIV. librorum V. T. numerus apud Hebræos solennis,
quo de supra actum est c. II. §. 3. p. 24. Talmudistæ sane unius tantum Sa-
muelis voluminis, in singulari mentionem faciunt, cum de autore inqui-
unt: **שְׁמוּאֵל כִּרְבָּ סְפִּרוֹ** Samuel script̄ librum suum, non libros;
quod ne respectu prioris tantum ita dictum existimes, mos gentis prohi-
bet, quæ nunquam in plurali Samuelis libros citat. Quod nec ecclesiæ
vetustioris diffitentur Patres, græcæ licet Codicis lectioni & librorum di-
stributioni adfveti. Ita signatis verbis Autor Synopseos Athanasianæ
Opp. T. II p. 61. Βασιλεὺον πρώτη καὶ δευτέρᾳ, εἰς ἐν αρθμόνεσσιν βιβλίον,
Regum primus & secundus in unum computantur volumen: & rursus: Ba-
σιλεὺον τρίτη καὶ τετάρτη εἰς ἐν πάλαι αρθμόνεσσιν βιβλίον, Regum ter-
tius & quartus, & ipsi pro uno connumenintur volumine. Sic ante Atha-
nasium Origenes in expositione primi Psalmi, qua indicem librorum ex-
cerptum & servatum ab Eusebio l. VI. Hist. Eccl. cap. 25. idem testatur:
Βασιλεὺον πρώτη, δευτέρᾳ, πιστὸν αὐτοῖς ἐν Σαμεῤῥῃ, ὁ Θεοδοκτόνος. Re-
gnorum liber primus & secundus, qui apud eos (Judeos) unicum volumen
constituant, quod dicitur Samuel, hoc est, vocatus a Deo. Et Hieronymus
Prefat. in libb. Regum T. IV. f. 7. b. ubi ex Hebræorum traditione libros
Biblicos recenset: Tertius, inquit, sequitur, Samuel: quem nos regnorum
primum & secundum dicimus. Quartus Malachim, id est, Regum: qui
tertio & quarto regnorum volumine continetur. Ubi tamen dissimulan-
dum non est, Patrum vetustissimos distinctum quoque hos singulos
frequenter allegare, velut Melito ille Sardensis, eo fine in Orientem pro-
ficiens, ut sacrorum librorum numerum accurate investigaret, apud Eu-
sebium Lib. IV. H. E. c. 26. Βασιλεὺον τέσσαρα, ex distributione nimisrum
LXX. Scitum, numerat. Unde conficitur, Samuelis, Regum ac Para-
lipomenon singulorum in binos divisionem, græcæ, quæ LXX. Senum-
nomine circumfertur, versionis autoribus vel interpolatoribus acceptam
esse ferendam, unde vetustissimi Patres eandem hauserunt, ut quos ab
Hebræis singulos Samuelis, Regum &c. libros acceperant, ex Græco-

rum



rum disciplina in IV. Regum & duos Paralip. dispeccerent. Ex quo Samuelis. porro consequitur, eodem hunc cum priore, Samuelis, nomine venire, Inscriptio non quod eum autorem agnoscat, non quod de ipso agat, sed quod unus libri: sit cum priore, easdemque adeo eum illo denominandi rationes admittat. Hinc &c, quæ de Autore libri diximus cap. præc. §. 2. seq. huc redeunt, nec est, quod superaddamus.

II.

Nec dispar de scopo ac utilitate hujus libri judicium erit ferendum, ab eo, quod cap. præc. §. 5. tulimus. Argumentum vero in unius Davidis REGIS enarrandis gestis versatur, quomodo David subinde, quasi per gradus in regnum suum, ante a promissum, ascenderit, ut b. Brentius sub auspicio Scholior. in b. l p. 727. monet. Electum enim & persecutio-nes passum prior descriperat: hic vero, regnum capessentem & admini- strantem, a morte Saulis ad extrema sua, Davidem sistit, simulque transla-ti a familia Saulis ad Davidem ejusque posteros, a tribu Benjamin ad tri-bum Juda, regni historiam exponit, illustriumque Jacobi Patriarchæ Gen. XLIX, 8. 9. 10. & Mosis Deut. XXXIII, 7. vaticiniorum comple-mentum tradit. Divinam porro & canoniam libri autoritatem quan-Autoritas quam abunde comprobent ea, quæ c. præc. §. 6. in medium sunt prolata; divina: firmant tamen præterea, non tantum vaticinii de exstria a Salomo-ne Æ de Domini eventus, 1. Reg. VI. VII. VIII. comprobatus, ubi cum-primis 2. Sam. VII, 2—13. diligenter & exacte conferri meretur cum-1. Reg. VIII, 15—26. ut & insignis illa cum Chronicorum libris harmo-nia; sed sanctissima cum primis & divina prorsus de Messia ex Davidis semine nascendo oracula, 2. Sam. VII, 12. 13. 14. 19. & c. XXIII, 1. seq. quorum prius Paulus ad evincendam æternam Christi Deitatem Hebr. I, 5. adhibet, divinumque illi robur ad ingenerandam hominibus fidem inesse tradit. *Hoc maxime omnium, inter alia, que in his libris scripta sunt, velut Sol inter reliquas cœli stellas eluet, atq[ue] splendore clarissimo emicat, quod promissio Davidi de JESU Christo Domino nostro facta, in secundo illo Regum lib. c. 7. continetur. — Et hæc est illa promissio, qua toties in adversis confidit David, quam toties in Psalmis suis repetit, e qua velut e copia cornu, Prophetæ innumerabiles, easque egregias, & omnis spei atque consolationis plenissimas de Christo, redemtione & justitia nostra, conciones texunt, tursus commentatur ex vero b. Brentius bom. I. in lib. I. Sam. p. 202. Vindicias autem loci de Messia, non de Salomone accipiendi, amplissimas & irre-fragabiles vide ap. Calovium Bibl. Ill. b. l. T. I. p. 763 seq.*

Gg 2

III. Tem-



Chronolo-
gia.

Temporum porro ratio circa hunc librum nullis premitur difficultatibus, cum unius Davidis regimine contineatur, & a morte Saulis ad ultimam Davidis senectam decurrat, quod vel ex c. XXII, 1. appareret. *Triginta autem annorum filius erat David, cum regnum capesset, & quadraginta annis regnavit. In Hebron regnavit super Iuda septem annis & sex mensibus: in Jerusalem autem regnavit triginta tribus annis super omnem Israe& Judam* 2. Sam. V, 4. 5. Res itaque gestas quadraginta annorum & sex mensium liber complectitur, qui menses alibi, 1. Reg. II, 11. & 1. Chron. XXX, 27. omittuntur quidem, ex hoc tamen loco suppleremus. Annos vero ita dispescimus:

A.O.C. | A. Exodi

2949	436	David Sauli in regno succedit, annos habens triginta.
2951	438	exacto biennio, Isbosethi super regnum Israeliticum bellum cum Davide ortum 2. Sam. II, 10, III, 1.
2956	443	postquam Abner ab Isbosetho defecit, hoc obtruncato David super totum Israe& Rex constituitur, & tertio inungitur 2. Sam. V, 1—3. 1. Chron. XII, 23—fin.
2957	444	David cum toto Israele Hierosolymam adversus Jebuseos profectus, arcem Sionis occupavit; regnique sede in Hierosolymitana civitate constituta, annos ibi 33. universo Israeli imperavit 2. Sam. V, 5. 6. 7. 9. 1 Chron. XI, 4—7.
2959	446	Arca foederis, quæ primo anno Sabbatico e Gilgal in Silo, hoc itidem Sabbatico anno e Kirjath-jearim e domo Abinadab in arcem Sionis deducta est, gloria Domini ab Ephraimitica Josephi tribu ad tribum Judæ translata Ps. LXXVIII, 68. 69. 2. Sam. VI, 17.
2960	447	Oraculum Davidi redditum, cum de templo Domini exstruendo cogitaret 2. Sam. VII, 14.
2971	458	Salomon nascitur 2. Sam. XII, 25.
2981	468	Absalom regnum paternum invadit 2. Sam. XV, 7. sed in fuga in quereu pendulus a Joabo confossus est 2. Sam. XVIII.
2987	474	Peste, ob numerationem populi immissa, remittente, David in area Arafatæ sacrificat 2. Sam. XXIV. ibique



A.O.C. A.Exit.

- ibique templum exstruendam intelligit 1. Chron.
XXVI, 1. 2. Chron. III, 1.
2989 476 David moritur, cui Salomon in regimine succedit,
1. Reg. II, 1—10.
IV.

In partienda hac Davidis historia, quæ capitibus absolvitur XXIV. Partitio versibus 679. codem fere tramite incedunt interpres, nisi quod Franc. Burmannus Partem libri primam in duos dispelcat, ita ut liber I. initia regni Davidici c. I—IV. II. ejusdem confirmationem & continuationem c. V—X. III. fortem ejus adversam turbatamque c. XI—XIX. IV. reliqua Davidis restituti gesta exponat. Ceteris ut b. Calouio, b. Walthero, ut & Heideggero in Enchir. tres saltem libri partes, & convenientissime quidem constituuntur, ita ut P. I. prospera regni auspicia & felices Davidis successus c. I—X. P. II. peccata Davidis & supplicia c. XI—XVIII. P. III. ultima ejus post restitutionem gesta c. XIX—fin. tradat. Seu dictas, regni Davidici hoc libro exhiberi statum florentem, turbatum, restitutum.

V.

Tradit hic liber gesta Davidis in
I. statu regni florente, in

Tabula
Synopsica.

1. regni occupatione, ubi Davidis
 - a) luctus & lessus super antecessoris morte c. I.
 - β) successio in regnum Judæ c. II, 1—7.
 - γ) successio in regnum Israel
 - a. impedita per Isbosethi intrusionem
armis infeliciter tentatam c. II, 8—fin.
 - Isbosethi decrementis & Abneris cæde debilitatem c. III.
 - Isbosethi cæde finitam c. IV.
 - b. consummata per novam unctionem, & Zionis instauracionem c. V.
2. regni confirmati administratione, qua res
 - α) ecclesiasticas, ubi
 - a. arca foederis in Zionem deportatio c. VI.
 - β. divina de oriundo ex semine Davidis Messia promissio c. VII.
 - β) politicas

Gg 3

β) pol-



β) politicas, ubi

a. victoriae a finitimis populis variæ c. VII.

b. pietas erga domum Saul & liberalitas erga Mephibo-
thum c. IX.

c. bellum contra Ammonitas feliciter peractum c. X.

II. statu regni turbato, ubi Davidis

1. peccatum, ceu turbarum causa, adulterium & cædes Uriæ:

quod describitur

ut coimmissum c. XI.

ut exprobratum & agnatum c. XII, 1—14.

2. poenæ

α) privatæ, quæ sunt

mors recens nati filioli c. XII, 15—fin.

Ammonis filii cum sorore incestus c. XIII, 1—19.

ejusdem per fratrem Absolomum cædes c. XIII, 10—36.

fratricidæ persecutio & fuga c. XIII, c. XIV.

β) publica, deturbatio Davidis de throno per Absolomum fi-
lium, ubi

Davidis ob conspirationem filii exilium c. XV.

exagitatione exulis per Zibam, per Simei, per pellicum pro-
stitutionem c. XVI.

Achitophelis machinatio a Cuschai irrita reddita c. XVII.

Absolomi clades & deploratio c. XVIII.

III. statu regni restituto, ubi

1. Davidis in regnum restitutio c. XIX.

2. domita seditio Sebae c. XX.

3. res post restitutionem gestæ

α) laudabiles,

supplicium filiorum Saulis c. XXI, 1—15.

prælia contra Philistæos c. XXI, 15—fin.

hymnus Davidis evcharisticus c. XXII.

ejusdem cantio cygnea & Heroes c. XXIII.

β) vituperabilis, numeratio populi peste punita c. XXIV.

Commentarios in h. l. quære cap. præced. suo loco.

CAP. XIV.



C A P. XIV.

De libro priore Regum.

*Libri inscriptio Hebreica, Greca, & Latina; & in serie librorum Biblicorum summaris
ordo §. 1. Scriptor, aliis varius, nobis ut vero videtur simile, Esdrus un Capitis.
§. 2. Argumentum utriusq;, & sigillatim prioris libri §. 3. Scopus
& utilitas §. 4. Chronologia, cuius (α) fundamenta ponuntur, (β)
ordo in tabulam redigitur, (γ) εναντιολογια conciliantur §. 5. Cano-
nica autoritas argumentis adstrueta, & a Spinoza necquicquam sollici-
tata §. 6. Partitio §. 7. Tabula Synoptica §. 8. Commentarii
Patrum, Judeorum, Lutheranorum, Pontificiorum, Reformatorum,
Remonstrantium §. 9.*

§. I.

Hunc cum sequente unum quondam composuisse librum, qui Libri in-
scriptio. **מלך** Hebreis dicitur, & hodie quidem in priorem &
posteriorem dispescitur, Græcis autem βασιλεῶν, vel etiam
βασιλεῶν γῆραις, Latinis Regam, ut & Regnorum III. & IV.
inscribitur, ex iis jam liquido patet, quæ supra c. XII. §. 1. p. 213. & c. XIII. §. 1.
p. 234. proposuimus, quibus Origenis testimonium adde, qui in expositione
Ps. I. ubi catalogum librorum Biblicorum V.T. texit, ita habet: βασιλεῶν
τρίτη τετάρτη ἐν ἑώ, Οὐαμμέλεχ Δαχθίδ, ἐπέρ εῖτι βασιλεῖα Δαχθίδ. Re-
gnorum liber tertius & quartus, quos ipsi etiam in unum volumen redigunt, &
Vammelech David indigitant, hoc est, & Rex David. Ap. Eusebium, qui
haec verba excerpit & servavit l. VI. Hist. Ecc. c. 25. Quanquam in
Bombergiano Codice Hebraico A. C. 1521. edito, hæc sequior librorum
Græca & Latina numeratio haud obscure probetur, ubi sub initium libri
I. Reg. margini adscriptum legas סִבְרַת שָׁלֵשׁ liber Regam tertius, ad
auspiciū lib. 2. autem סִבְרַת יְהוָה liber quartus; ex quo intelligas, mo-
dernis Judæorum Magistris illam quatuor librorum Regum enumeratio-
nem non omnino improbari. Appellationis autem ratio, ab argumen-
to petia, in aprico est. βασιλεῖα ὄνομά ἔσται τὰ βιβλία, ἐπειδή καὶ τὰς
περάξεις τῶν γενομένων βασιλεῶν, ἐντε τῷ Ἰερῷ, καὶ τῷ Ιερανῇ, καὶ τὰ ἐτη
ἀντῶν περίεχει. Regum nominantur isti, ob id, quod Regum cum Judæ-

sum



De libro I.
Regum.

tum Israe*l* facta & annos continent, ut est in *Synopsi Athan.* T. II p. 75. Ceterum illa Hieronymi huc spectat observatio: meius multo est Malachim, i.e. Regum, quam Malachot Regnorum dicere. Non enim multarum gentium regna describit, sed unius Israelitici populi, qui tribubus duodecim continetur. in præf. ad libb. Regum T. IV. Opp. f. 7.b. Verum uti vix puto Codicem inveniri Hebreum, qui inscribat: ita Græca Βασιλεῶν inscriptio non omni prorsus fundamento destituitur, cum post Salomonis fatu, unius licet populi diversa tamen evaserint regna, religione non tantum, legibus & ritibus diversa, sed & nominibus distincta, ita ut regnum Judæ dicetur, quod in tribum Judæ & Benjamin Rehabeam cum posteris tenebat, regnum Israel vero, vel regnum Samariae, quod Jerobeam cum successoribus super X. tribus reliquas, quæ per apostasian a cultu patrio, Hierosolymis rite pebagendo, & per rebellionem a domo Davidis defecerant, administrabat. Reg. XII. Ordinis vero, quo præcedentem subsequitur hic liber, tam necessarius arctusque nexus est, ut in eadem Davidis historia, quam integrum Samuelis libri nondum exhibuerunt, continuo quasi filo perget, eique colophonem imponat, dum ultima Davidis superaddit, senectamque ejus cum Salomonis auspiciis conjungit.

II.

Scriptor

De scriptore hujus, non minus ac præcedentium librorum, aneps & ambigua quæstio est. Ubi quidem satis de eo convenit inter omnes, non unius hoc opus esse, sed variorum contextum labore. Ipsa hoc significare videtur Scriptura, cum Nathanem postrema Davidis attexuisse 1. Chron. XXIV, 29. memorat, ubi posteriora Davidis scripta esse in verbis Nathan Prophete dicuntur. Sic Salomonis gesta a Nathane, quoad ille vixit, & post excessum ejus, ab Achia Silonita, & Addo vel Jehdo vidente, memoriae posteritatis prodita narrantur 2. Chron. IX, 29. Reliquæ autem, operum Salomonis priorum & novissimorum, scripta sunt in verbis Nathan Prophete, & in libris Achiae Silonitæ, in visione quoque Addo videntis, contra Jerobeam filium Nabat. Porro de Rehabeami operibus 2. Chron. XII, 15. legitur, quod illa scripta sint in libro Semajæ Propheta, & Addo videntis. De rebus Abiæ in libro Addo prophetæ scriptum refertur 2. Chron. XIII, 22. Reliquum verborum Josaphat in verbis Iehu filii Hannani scriptum est, quæ digesit in libros regum Israe*l*, 2. Chron. XX, 34. De Uria rebus exacta compoisse commentaria Jesaias Propheta, filius Amoz fertur 2. Chron. XXVI, 22. De Manasse ejusque imperio scriptum dicitur 2. Chron. XXXIII, 19. Unde scripto-



scriptores universæ Regum historiæ autor Athanas. Synopseos post partem Regum.

lipom. p. 82. conjectit ad hunc modum: τὰ περὶ τῆς Δαβὶδ, ἔγραψε Σαμηλ, καὶ Νάθαν, καὶ Γαλ, οἱ προφῆται τὰ περὶ Σολομῶντος, Νάθαν καὶ Ἀχιλλ, οἱ προφῆται τὰ περὶ Ἱεροθόου, Σαβαῖας καὶ Αἴδων, οἱ προφῆται τὰ περὶ Αἴθια, Αἴδων ὁ προφῆτης τὰ περὶ Αἴσα, ἐν τῷ βιβλίῳ λόγων περὶ τῶν βασιλέων Ἰέδων τὰ περὶ Ἰωσαφάτ, ἵνε ὁ προφῆτης, ὁ τῷ οὐαὶ, ὃς οὐτέγραψε βιβλίον λόγων βασιλέων Ἰέδων τὰ περὶ Ἰωάννης, ἐπὶ τὴν γραφὴν τῶν βασιλεῶν τὰ περὶ Αμεσία, ἐπὶ βιβλίος βασιλέων Ἰέδων Ἰσραὴλ. τὰ περὶ Οὐρανού, Ἰεστίας ὁ προφῆτης τὰ περὶ Ἰωάδαμ, ἐπὶ βιβλίον τῶν βασιλέων Ἰέδων Ἰσραὴλ τὰ περὶ Ἀχιλλ, ἐπὶ βιβλίον βασιλέων Ἰέδων Ἰσραὴλ. τὰ περὶ Ἐζέκιελ, Ἡσαΐας νιὸς Αιών, ὁ προφῆτης τὰ περὶ Μακαοῦ, ἐπὶ λόγων τῶν ὀρθῶν τὰ περὶ Ἰωσήλ, ἐπὶ βιβλίον βασιλέων Ἰέδων τὰ περὶ Ἰωαννείμ ἐπὶ βιβλίον βασιλέων Ἰέδων Ἰσραὴλ. Et haud absurdè quidem hinc colligitur, (1) omnium Regum aetates suos habuisse Prophetas, cuiusmodi illi sunt, quos hactenus ex libris Paralipomenon citavimus, eosque divino instinctu consignasse & in tabulas retulisse, quæ sub Regibus singulis seu bona seu mala acciderunt, ad ecclesiæ facientia ædificationem: (2) forte etiam alia fuisse Diaria vel verba diērum, qualia i. Reg. XIV, 19. XV, 7. & sæpe alias in his libris Regum citantur, quæ fuerint mere Chronologica & Politica, non vero sacra scripta; quæ forte eadem sunt cum libris illis Regum Israel sive Juda, ad quos in Chronicorum libris frequenter remittitur, lib. 2. c. XVI, 11. XXIV, 27. XXV, 26. XXVII, 7. XXVIII, 26. XXXII, 32. XXXV, 27 Credideramus olim, inquit de his Clericus in *Dissertat. de scriptoribus librorum Historic.* §. 7. citari bisce locis libros Régum, quos habemus: sed postea reprehendit antiquiores illos Commentarios spectari, cum quæ habentur in libris Regum, qui extant, negat alia sint, negat copiosiora iis, qui in Ephemeridibus hodiernis (Paralipomenon libris) leguntur. Et sane librum aliquem Regum, præter modernos nostros, extitisse olim non-Canonicum, ad quem in Canonis libris provocetur, Sixtus Senensis lib. 2. Biblioth. S. verbo: *Regum liber, p. 125.* demonstrare satagit e. 2. Paral. XXIV, 27. Porro filii Joas, ac summa pecunie, quæ adunata fuerat sub eo, & instauratio Domus Dei, scripta sunt diligenter in libro Regum. Unde infert: *Quæ certe verba referri nequeunt ad historiam Regum, canonis Scripturis insertam, in qua tantum abest, ut ea, quæ presenti Paralipomenon capite narrantur, fusius et exactius referantur, ut nonnulla etiam in ipsa prætermissa sint ex his, quæ in hoc capite vel commenionantur, vel saltem indicantur.* Quod ut evincat clarius, adhuc ad lib. 3.

Hh

Esdr.



Ezdr. I, 33. provocat. Minus vero commode ex supra dictis conficitur, (α) vel allegatos istos scriptores scribas fuisse publicos, idque munericum Prophetica dignitate coniunctum olim fuisse, quod vult Rich. Simonius, nulla prorsus consequentia ex horum scriptis ad publicum aliquod munus concludens, & ὑποτέστει suæ, nondum probata, s. pius autem ab eis adversariis profligatae, nimium δελέων; vel horum omnium labores Chronica fuisse, aut commentarios diurnos suorum temporum, cum aliis longe insigniantur nominibus, & Nathanis quidem רְבָרִי נָתָן verba Natan, Achiae Silonitæ vero נְבוֹאָה Prophetia, Addo vel Jehdo זְחוּת visiones, ut & commentatorius סְרַרְשָׁה, Jehu tandem filii Hanani rursus רְבָרִי יְהוּן verba Jehu dicantur: (β) horum commentaria vel integræ huc relata esse in libros, qui hodie supersunt, Regum, quod ipsorum concisa satis non patitur brevitas, sermonisque reclamat constans sibi ubique æqualitas, & eadem semper serie pergens connexionem, vel humano studio in hanc compendii formam ab Ezdra vel Jeremia redacta fuisse, cui Georius repugnat. Nostri proinde Theologi, b. Waltherus Offic. §. 832. p. 946. & b. Calovius Bill. Ill. ad 1. Sam. IX, 9. T. I. p. 748. b. ubi hanc historiam a diversis Prophetis, aut etiam Sacerdotibus originaliter conscriptam, & postea ab uno, sive Jeremia sive Ezdra, in ordinem redactam sentiunt, mediante Georius utrumque statuunt factum, autoresque illos ὑπὸ πνεύματος οὐγίας Φερομένες & scripsisse & digessisse pronunciant. Si itaque dicendum tandem, quod res est, certum est Spiritum S. auctori secundario in calamus dictasse ea omnia eo ordine, eo modo ac sermonis forma, quæ & quo modo in his libris recensentur, scriptoremque sacrum nullis ejusmodi diariis aut Ephemeridibus opus habuisse, ad res ante se gestas enarrandas, quæ divinitus ipsi, qua concepta verba, suggerabantur; placuisse autem Spiritui S. ex supra dictis sive sacris, sive politicis monumentis, in Canonem sacrum transferre, quæ pro infinita sapientia sua ad ecclesiæ factura prospiciebat ædificationem, ad cetera vero, quæ non tam hominum saluti, quam cognitioni historicæ inservit, videbat, per allegatos libros digitum saltem intendere, ut, qui uberiorē Regum ac utriusque regni historiam expeterent, ad illos recurrerent possent. Unde forte ad manus habuit scriptor libri Regum diaria ista, verba dierum, libros Regum Judæ & Israel, Prophetiam Achiae Silonitæ, visiones Addo, & reliqua id genus monumenta, eaque ad privatam legit notitiam; scripsit vero, non quæ proprio Marte ex iis sibi excerpterat aut notaverat, sed præcise ea tantum, quæ suggerebat Spiritus Sanctus; citabat-



tabatque ista, non, ut fontes, unde sua deponserit ac in libros Regum, Regum.
 digesserit, non ut supplementa eorum, quæ hic divinitus sunt prolata,
 sed ut subsidia, humanæ saltem ac historicæ rerum gestarum notitiæ, a
 Sp̄itu Sancto per allegata ista illorum temporum hominibus suppeditata,
 quibus monumenta ista adhuc præsto erant. **ב.** Ince. tum vero, quonam
 amanuensi in exarando Regum libro Spiritus S. fuerit usus. Pro Jere-
 mia major pars stat, & Judæorum, quorum Magistri in *Bava Batra loc.*
supm cit. definiunt: **ג.** רְמָה כִּתְבָּה סִפְרֵו וְסִפְרֵ מֶלֶכִים וְקַנּוֹת Jere-
 mias scripsit librum suum, et librum Regum, et Threnos: & Christianorum,
 quia caput ultimum Jeremiae idem est, cum capite ultimo libri posterioris
 Regum; quod tamen adventitium esse, & ab aliena manu ad Jeremiæ
 calcem subnexum, Huetius ex fine cap. præc. probat, ubi dicitur: *Huc
 usq; verba Jeremiæ.* Quam sententiam ita interpolat Sanctius *Proleg. I.*
in libb. Regg. p. 5. ut a Salomone ad Manassem gesta Jesaiæ putet scrip-
 sissem, cum tria illa capp. XVIII. XIX. XX. libri 2. Regum, Jesaiæ capitili-
 bus XXXVI. XXXVII. XXXVIII. XXXIX. ex alio respondeant, post
 hunc autem a Manasse interfactum, reliqua usque ad captivitatem Baby-
 lonicam Jeremiam adjecisse. Addit præterea Sanctius, a vero forte
 non procul aberrare illum, qui collectorem putet Ezechiam Regem, aut
 eo jubente istos, quibus id negotii rex ipse mandavit, cum parabolas quo-
 que Salomonis, ante dispersas, in ordinem redigisse viri Ezechiae Regis Ju-
 da dicantur *Prov. XXV, 1.* Alii *Esdram* substituunt, pro quo eruditus la-
 borat *Huerius Dem. Ev. ang. Prop. IV. p. 346. seq. §. 2.* cui & nostrum
 adjicere calculum nulli dubitamus. **ד.** Hinc de tempore, quo exaratus
 liber est, judicium faciliter fieri potest, ante consignatum, aut mi-
 nimum consummatum & ad finem perductum non fuisse, quam tribus
 Judæ & Benjamin in Babyloniam abducēssent captivitatem, imo post
 annum demum XXXVII. captivitatis, & post mortem omnino Regis
 Joachin, ut ex 2. Reg. XXV, 27. seq. apparet. Et sero quidem scriptum
 fuisse librum, Grotius ex Chaldaicis mensium appellationibus Ziph &
 Bul. Reg. VI, 38. arguit *annot. ad l. c. v. 1.* idque non inepte colligi b. Ca-
 lovius *ad 1. Sam. IX, 9.* censet. Quæ itaque antiquioris multo ævi vesti-
 gia in eo deprehendit Clericus *loco cit. v. g. 1. Reg. VIII, 8.* in descrip-
 tione vestimentum arcæ, in adytum a Salomone reconditæ, & c. IX, 21. de Cha-
 nanæs Israeli stipendiariis; vel id evincunt, quod diversis temporibus
 consignatus sit, & magna ejus pars ante captivitatem exarata, cui post ex-
 cidiū templi reliqua fuērint adjecta, vel Spiritum S. pro sua & libertate



& sapientia, hæc talia scriptori nostro ad eundem modum exaranda sug-
ge sisse, quo in vetustioribus illis monumentis, supra recensitis, legebantur.
Plura de scriptore libri qui cupit, præter citatos jam, aeat Bonfre-
rium *Prælop. in Script. S. p. 23. Corn. a Lap. Proleg. in Libb. Reg. Sixtum-*
Senens. Biblioth. S. l. i. p. 10. Hottinger. Thes. Philol. Lib. 2. cap. 1. Sect. 2.
S. 4. p. 466. e nostris Placcium de Anonymis et Pseudonym. Lib. I. c. I. p. 3.
De regum Diariis & ephemericibus eruditæ agit Huetius c. l. §. 1. p. 345.

III.

Argumen-
tum utriusque,

Universus autem liber in exponentibus Regum, quibus Dei populus
paruit, gestis ita versatur, ut primo Salomonis describat imperium, porro
inauspicatam illam unius in duo regna, Judæ putæ & Israelis, scissionem
exponat, quorum unumquodque proprium habebat regem, illum Jero-
folymis, hunc Samariae res moderantem, usque ad devastationem Israelis
a Salmanassare factam, & ad captivitatem usque Judæ factam a Nebucad-
nezare Babylonio. Et reges quidem in universum *Judeæ* præfuerunt
post divisionem XIX. Rehabeam, Abia, Assa, Josaphat, Joram, Ahasia,
(Athalia, quæ non tam jure regnum tenuit, quam tyrannide occupavit,,
in censum non relata) Joas, Amasia, Ulsia, Jotham, Achas, Hiskia, Ma-
nasse, Ammon, Josias, Joahas, Jojakim, Jechonia sive Jojachin, Zedekia.
Hos inter vix duo fuere, qui pietatis rectæque in Deum fidei laudem tu-
lere, Hiskias & Josias ap. Syrac. c. XLI, 5. quibus Josaphat & Assa jun-
gendi sunt, qui pariter ab idolorum sibi caverunt cultu; præterea Assa
1. Reg. XV. Hiskias 2. Reg. XVIII. & Josias 2. Reg. XXII. saluberrima
ecclesiam reformatione ab idolatria, Antecessorum suorum perversita-
te introducta, repurgarunt. *Iffuelem* pariter rexerunt XIX. Jerobeam,,
Nadab, Baësa, Ella, Simri, Omri, Achab, Ahasia, Joram, Jehu, Joahas,
Joas, Jerobeam filius Joas, Zacharia, Sallum, Menahem, Pekahia, Pekah,
Hosea, impii omnes & idololatræ, Joram forte ac Zacharia aliqua ex
parte exceptis. Ceterum cum regna ista religione, legibus & ritibus di-
stabant, hinc odium inter utriusque Reges gliscetabat ingens, quod in gra-
vissima saepe erumpet bella, quale Rehabeam cum Jeroboanno 1. Reg.
XIV, 30. Abia cum Nadab c. XV, 6. Assa cum Baësa ib. v. 16. gerebat, ut
raro admodum, nec satis feliciter amicitia restauraretur, quam parum
utiliter Josaphat cum Achaso rege Israel colebat 1. Reg. XXII. Juvat hic
audire Virum Doctiss. Campeg. Vitrinam, qui scite in epitomen redigit
fere omnia, quæ circa argumentum librorum Regum paulo plenius no-
tari possunt, cum *Hypotyp. Hist. Sac. p. 50. seq.* ita habet: *Ecclesiæ a jactis*
fun.



fundamentis templi Salomonis usq; ad tñv metemissiay Babyloniam casus Regum. præcipui sunt, florentissimus status reipublice Judaice, cuius solius limitibus ecclesia superiore intervallo per Mosen circumscripta fuit, sub Rege Salomone; idem mox attenuatus sub filio ejus Rehabeamo, pravi homine consili, decem tribubus Israelitearum, per seditionem a Jerobeamo Ephraimita concitata, a Juda & Benjamine tribubus, divulsis, quæ ab eo tempore suis paruerunt regibus, a Regibus Iuda distinctis: illam status Politici mutationem mox sequitur immutatio religionis, idololatria ad res novi regis & Politie stabiliendas in regnum illud solenniter a Jerobeamo introducta, & altaribus templisque in utroque regni limite eum in usum exstructis, confirmata: reges inde in utroque regno varie indolis & morum, quorum qui decem tribubus præfuerunt, ad unum omnes Jerobeamiticæ idololatriæ, quam Ægyptiacam vocare licet, patrocinati sunt, (quod scilicet ratio status Politici exigere videbatur:) præterquam quod plerique eorum se insuper polluerint abominandis superstitionibus vicinarum gentium, Phœnicum & Syrorum, quibuscum per communia, cum familiis regii illarum genium inita, commercium ipsis intercessit; idololatria Phœnicia præsertim, Baalis sive Herculis Tyrii: eorum vero, qui in Iude & Benjamini tribu imperium obtinuerunt, aliqui quoque per fædem aut conjugalem conjunctionem cum regibus Israelitearum ad idololatriam impietatem, & quem illam comitari solent, vitia & sceleri cuiusvis generis prolapsi sunt, alii tamen in vera erga Deum pietate persistenterunt, & Iudeum populum, sacro cultu in melius instaurato, identidem lustrarunt, quos inter eminuerunt Asa, Josaphatus, Uzzias, Jotham, Hiskias, & Josias: utriusq; deniq; regni varia fata, prospera & adversa, quibus divina providentia bonorum regum pietatem persequuta est, & malorum impietatem castigavit & vindicavit; prophetis, qui per totum hoc intervallum in utroque regno plures iidemque illustres fuerunt, iram divinam ob sceleram passim in populo Dei graffantia illi fideliter denunciantibus, & poenitenti gratia spem facientibus: donec tandem, cum sacerdotis divinis monitis & comminationibus, in impietate & malitia sua obstinate perseverarent, Deus utriusque regni populum, dudum fratrum, imminentum & expilatum, pro severitate sua ex terra Canaan in exilium abduci passus est; Israelia quidem, sive Ephraimitas, jam ante variis cladi bus fractos, in Assyriam & Mediam, per Reges Assyrios, sexto anno Hiskiae regis; postquam eorum regnum fere stetisset per annos 263. & Iudeos per eosdem quidem Assyrios reges, qui tum Babylonii dicebantur, in Babyloniam, eique subjectas conterminas regiones, triplici pariter deportatione, quarum ultima accedit anno Zedekie regis undecimo, quo capta sunt Hierosolyma, et

Hh 3

templum



De libro I.
Regum.

& in specie
libri I.

templum conflagravit, postquam fere fletisset annis 430. Singulorum autem Regum seriem, qualitates, bella, Prophetas quoque sub singulis divinitus suscitatos, strictim expedivit Spanhem. *Hist. Eccl. V.T. T.I. Opp. p. 376. seq.* & Pontificiis vero paulo uberioris Natal. Alex. *T. II. Hist. Eccl. V.T. in V. mundi ætate p. 97. seq.* Jam quod ad priorem librum sigillatim attinet, ille post explicatum Salomonis regnum, res gestas complectitur IV. regum Judæ, Rehabeami, Abiæ, Assæ & Josaphat; & VII. regum Israhelis, Jerobeami, Nadabi, Baæsæ, Ellæ, Simri, Omri, & Achabi, quæque sub illis ecclesiæ juxta ac reipublicæ fuerit facies, repræsentat.

IV.

Libri Sco-
pus,

& utilitas.

Omnis vero isthæc eo tendit historia, *tum ut sub Salomonis, ejusque regni ac templi typo, cœlestis noster Salomon, Christus, regnumque ejus spirituale ob oculos poneretur fidelibus, ipso Salvatore docente.* M. *thh. XII. 42: tum ut genealogia Christi, cuius secundum carnem progenitores fuerunt Reges Judæ, quos etiam iccirco diligentius describi conveniebat, per tot ætatum vicissitudines continuata, sisteretur integra: tum ut ecclesiæ pertexerentur annales, & quæ ipsam fata exercuerint, quæ exornarint divinæ providentiæ beneficia, missis Elia, Elisa ceterisque Prophetis, ad posteros transmitteretur.* Typicam autem adumbrationem Christi per Salomonem, nec non per Eliam Prophetam; ecclesiæ N. T. per templum, Johannis baptistæ per Eliam Prophetam &c. latius exposuerunt b. Waltherus *Offic. § 842. seq. 850.* & cum primis Joh. Biermannus in *Moses en Christ. L. I. cap. XI. p. 248. seq. & c. XII. p. 265. seq. & Lib. II. c. IX. p. 451. seq.* Præterea quoque insignes, ad mores rite instituendos, usus præstat. *In regibus enim declaravit Deus judicia sua, inquit b. Brentius ad l. Reg. I. T. II. Opp. f. 838. ut unusquisque discat ex uno exemplo atque altero, hinc Dei misericordiam, hinc Dei iram.* Sunt et in his duobus libris multa fidei, multa legis vel observatae, vel non observatae exempla: *quæ omnia in nostri edificationem et doctrinam cedunt.* Hinc nervose Gregorius M. sive quisquis commentarii est autor, in *Proœm. in l. Sam. T. III. Opp. p. 2.* *Suavis est historia regum in superficie literæ, altior in typis allegoria, moribus instruendis utilis, lucida in exemplis exhibendis.* Et 1) quidem rectores populorum æque ac subditos pietatem & religionem, nisi rebus suis male velint consultum, curæ cordique habere docet: 2) rerum porro humanarum instabilitatem mirasque tradit vices, sub directione Dei, per quem reges regnant & principes terræ: 3) nimium quantum republicas detimenti capere, si, qui rerum potiuntur, perverso noyorum hominum consilio abrepti, tyrannide & saevitia subditos

pre-



premere, quam clementia & benefactis fovere malint: 4) raro eos, qui Regum, cum imperio & potestate in republica versantur, absque vitii labo gubernacula tenere, sibique ita temperare, ut pietatis per omnia & honestatis rationem habeant: 5) divinæ providentiae insigne illuc esse documentum, quod populi sui regnum, tot jactatum procellis, tam variis agitatum vicissitudinibus, per aliquot secula servarit: 6) imo & Augustinus futuris praenunciandis hos libros inservire, lib. XVII. de Civ. Dei c. 1. T. V. Opp. f. 937. tradit, ubi: *Ipsa Scriptura, inquit, quæ per ordinem reges eorumque facta & eventa digerens, videtur tanquam si historicæ diligentia rebus gestis occupata esse narrandis, si adjuvante Dei Spiritu tractetur, vel magis vel certe non minus prænunciandis futuris, quam præteritis enunciandis invenietur intenta.* Confer omnino Hier. Welleri dedicationem Commentario suo in h. l. præmisam, qua variam ejus in Principes utilitatem ordinę recenset T. opp. Lat. p. 204. seq.

V.

Spinosâ perquam ac adeo perplexa temporum, quibus Dei populus sub Chronologo Regum vixit imperio, ratio est, ut ad hanc epocham gravissimi hæreantia Chronologi, variasque scindantur in partes. Cum enim utriusque regni annos perpetuo invicem contendat Scriptura, tanta nihilominus inter utrosque discrepantia occurrit, ut alteri cum alteris conciliari comode vix possint, nisi varia, hinc protrahendi, hinc coarctandi annorum numeri, adminicula adhibeantur. In quibus principem tenent locum ea, quæ annos incompletos numerari dicunt pro *completis*, currentes pro *exactis*, uti Joaso XL. anni tribuuntur, qui in eunte regni sui quadragesimo interfectus est; item quæ *avuplex* & *interregna* infarciant, aut in *consortium regni admissos* docent filios vivis parentibus, quorum anni tamen integri recenseantur: quæ & alia, mira brevitate in compendium misit, unoque velut coniectu exhibet Spanhem. P. II. Chronol. Sac. Canone Epochæ VI. T. I. Opp. p. 235. seq. prolixè autem & ex instituto eadem persequitur Guil. Whistonus in *conspictu Chronologie* V. T. anglico idiomate evulgato, cuius brevem delineationem vide in Lips. Act. Erud. A. 1703. mens. Febr. p. 51 seq. Nos in his rite digerendis, ut & breves sumus, & veritati, quoad quidem in his tenebris datum est, insistamus, & sartam cum primis teatamque Scripturæ S. servemus autoritatem, ita instituimus, ut

(I.) Regum Judæ annos, a jactis templi fundamentis ad ejus destructionem, fineque regni Judaici, rudi calculo, prout in historia sacra diserte memorantur, in summam colligamus.

Salo-



De libro I.
Regum.

Salomon a jactis templi fundamentis regnavit, per 1. Reg. VI, 1. XI, 42.	annis	37
Rehabeam, per 1. Reg. XIV, 21. 2. Chron. XII, 13.	—	17
Abiam, per 1. Reg. XV, 2. 2. Chron. XIII, 2.	—	3
Affa, per 1. Reg. XV, 10. 2. Chron. XVI, 12.	—	41
Josaphat, per 1. Reg. XXII, 42. 2. Chron. XX, 31.	—	25
Joram, per 2. Reg. VIII, 17. 2. Chron. XXI, 20.	—	8
Ahasia, per 2. Reg. VIII, 26. 2. Chron. XXII, 2.	—	1
Athalia, per 2. Reg. XI, 3. 2. Chron. XXII, 12.	—	6
Joas, per 2. Reg. XII, 1. 2. Chron. XXIV, 1.	—	40
Amazia, per 2. Reg. XIV, 1. 2. Chron. XXV, 1.	—	29
Azaria vel Uzia, per 2. Reg. XV, 1. 2. Chron. XXVI, 3.	—	52
Jotham, per 2. Reg. XV, 33. 2. Chron. XXVII, 1.	—	16
Ahas, per 2. Reg. XVI, 2. 2. Chron. XXVIII, 1.	—	16
Ezechias, qui & Hiskias, per 2. Reg. XVII, 2. 2. Chron. XXIX, 1.	—	29
Manasses, per 2. Reg. XXI, 1. 2. Chron. XXXIII, 1.	—	55
Amon, per 2. Reg. XXI, 19. 2. Chron. XXXIII, 21.	—	2
Josia, per 2. Reg. XXII, 2. 2. Chron. XXXIV, 1.	—	31
Joahas, per 2. Reg. XXIII, 31. 2. Chron. XXXVI, 2. tribus mensibus.	—	18
Jojakim, per 2. Reg. XXIII, 36. 2. Chron. XXXVI, 5.	—	11
Jechonia, per 2. Chron. XXXVI, 9. tribus mensibus, decem diebus.	—	
Zedekia, per 2. Reg. XXIV, 18. 2. Chron. XXXVI, 11.	—	11

Habes cum 6. mensibus, diebus 10. annos 430

(II.) Notamus, mirifice hunc annorum calculum conspirare cum numeris 390. dierum, quibus Ezechiel Propheta jussus recumbere in latu, & sic Israelitarum ferre iniuritatem, ita ut pro anno diem ipsi Deus daret Ezech. IV, 5. seq. Si enim 37. annos Salomonis, summæ 430. annorum subducas, initio perversitatis Israeliticæ in Jerobeami μοσχοτοιχῳ, qua peccavit ipse & peccare fecit Israelem 1. Reg. XII, 28. rejecto, indeque continuos 390. annos numeres, devenies his elapsis in annum primum obsidionis Jerosolymitanæ, qua initium præbuit totalis vastationis & templi & urbis 2. Reg. XXV, 1. ad quam sane scopus universæ visionis Propheticæ manifesto tendit v. 2. seq. Verum cum istos Regum annos contrahere utriusque regni Synchronismus jubeat, ut ex tab. seq. constabit, finis hujus epochæ Propheticæ ulterius, & ad quartum circiter ab excidio urbis & templi annum protenditur, ut cum A. M. 3029. cœperit, in A. M. 3420. definat, qui ipse 23. annus est captivitatis, circa quem ultima



timi populi Israelitici per Nebus r. Adan deportatio contiguit post Regum. quam terra penitus inulta relieta est. De quo Ezechielis calculo pluribus videb. Strauch. Breviar. Chron. lib. IV. cap. XIV. p. 606. Rabbino rum circa eundem placita concessit Joh. Meyr. Annotat. ad Seder Olam cap. 26. p. 1135.

(III.) Neque enim ab hoc termino, in quo Ezechielis substitut numerus, vel a templi demum vastatione, captivitatis Babylonicae æram, LXX annis Jer. XXV, 12. 2. Chron. XXXVI, 21. circumscriptam, auspiciatur, cuius potius initia a quarto anno Jojakimi, qui primus fuit Nebucadnezaris, deducimus; argumento loci Jer. XXV. 12. XXIX, 10. ut & Cananis Ptolemaei, & fragmenti Berossi in annis Regum Babyloniorum, quæ a Nabocolaslari (est autem is Nebucadnezar) Nabopolassaris filii, initii usque ad Cyrus nobis dant 70. annos. Conf. Vitringa Hypotyp. Histor. Sac. p. 68. §. 38. seq. & enostis b. Calovius Chronolog. Sac. Sect. V. quest. 20. T. I. Bibl. Illustr. p. 96. Secus ac Scaliger sentit, Tremellius, & e nostis b. Strauchi Brev. Chron. lib. IV. cap. 21. p. 718. qui in spontaneam Jechoniac transmigrationem initium ejus conjiciunt, quorum tamen argumenta magnus Calovius c. l. solide discussit.

(IV.) Juvat autem hanc periodum nobilissimis Olympiadum, & conditæ Romæ æris, quæ in illam incidentur illustrare, quibus lux ingens historiæ tam sacræ affunditur, quam profana. Et Olympiadam quidem Epocham b. Stranchius ex instituto exponit Brev. Chron. lib. IV. c. 16. p. 639. alteram illam Urbis conditæ cap. 17. p. 654.

(V.) Quo demum pacto anni regum Juda, cum annis regum Israel compont queant, vix clarus & commodius perspicitur, quam ex ipsis hujus epochæ tabulis Chronologicis, in quibus potissimum Usserii sequemur Annales, qui ex Spanhemii judicio, difficultates singulas omnium solidissime (pauca forte dubia si exeperis) servata Scripturis reverentia, expendit.

A.Orb.

	ÆTAS MVNDI QVINTA.
2992	Anno 480. ab exitu Israelitarum, anno 4. regni Salomonis, mensis secundi, qui tunc Ziv dicebatur, die secundo, jacta sunt templi fundamenta. 1. Reg. VI, 1. 37.
3000	anno II. regni Salomonis, mense octavo, Bul, templi structura absolvitur 1. Reg. VI, 38.
3001	qui Jubileus nonus erat, mense septimo templi encœnia magnifice

Ii

a Salo-



De libro I.
Regum,

A.Orb.

a Salomone celebrata sunt 1. Reg. VIII. 2. Chron. V. VI. VII.

3012 qui decimus tertius erat, ab extucto templo, totius suæ regiæ structuram Salomo absolvit, 20. annis in utrumque opus expensis; 7. cum dimidio in Dei, 13. vel 12. cum dimidio, in suæ domus ædificatione peractis. 1. Reg. VII, 1. IX, 10. 2. Chron. VIII, 1.

3029 Salomo diem obiit, cum 40. annis regnasset 1. Reg. XI, 42. 2. Chron. IX, 30.

Rehabeam Salomoni succedens, duro responso decem tribus (Sichemum convenienter toto Israele ad constituendum regem) a se alienat, regnumque avitum in partes scindit, quarum altera tribum Judæ & Benjamin complexa, regnum Judæ; altera decem reliquas tribus comprehendens, regnum Israelis vel Samariæ constituit.

REGES JUDÆ: A.Reg. A.Reg.

3029 Rehabeam, qui regnavit annis 17. 2. Reg. XIV, 2. L.

Judæ. Israel.

I. I.

REGES ISRAEL:

Jerobeam I. regnavit annis 22. 1. Reg. XIV, 20. Jerobeam die 15. mensis 8. festo, quod ipse commentus erat simile festo tabernaculorum Judaico, in altari idololatrico, Bethele extucto, vitulo suo sacrificavit 1. Reg. XII, 32. sq. reprehensus a Propheta, ex Judæa ad ipsum a Deo misso 1. Reg. XIII. A quo idolatriæ primo exercitio publico, & divini in eam judicii denunciatio-ne, arcessendum est 390. annorum iniustitiae Israelis initium ap Ezech. IV, 5.

Selak



Anno Orb.		A.Reg. Judeæ.	A.Reg. Israel.	
3033	Sesak Rex Ægypti Ju- dæam invadit, captis- que urbibus munitis Hierosolymas petit. A quo pacem redimit Rehabeam thetauris domus Dei & domus Regiæ, nec non scutis aureis datis: pro qui- bus ænea substituit Rehabeam. Reg. XIV, 25. 2. Chron. XII, 2—12.	5	5	
3046	Abiah, anno Jerobeami 18. in eunte, patri Re- habeamo defuncto in regno succedit 1. Reg. XV, 1.	1	18	
3049	Asa, anno Jerobeami 20. completo, patri Abiae defuncto in regno succedit, quod annis 41. tenuit. 1. Reg. XV, 8. seq.	1	21	
3050		2	22	1. Nadab, anno 1. Asæ, pa- tri Jerobeamo defun- cto in regno succedit, quod in secundum saltem annum pro- duxit 1. Reg. XV, 25.
3051		3	2	1. Baasha, occiso a se Na- dabo, in regno succe- dit, anno 3. Asæ: ad annum usque 24. re- gnum tenuit 1. Reg. XV, 27. seq.
			Ii 2	1. Ela



252 INTRODUCTIO AD LIBROS BIBLICOS

De libro I.
Regum.Anno
Orb.
3074

3075

3079

3080

3086

A Reg.
Judæ.A Reg.
Israel.

26

24

1. Elæ

patri Baasæ defuncto

succedit, anno 26. Asæ

1. Reg. XVI, 8.

27

Anno 2. Elæ,

27. Asæ, Elæ

cum tota familia Boa-

sæ, e medio tollitur a-

Simri, qui Tirzæ diebus

7. regnum occupavit.

Sed populus castra ha-

bens contra Gibbetho-

nem Philistæorum, re-

gem constituit Omrin,

vel Amrin, principem

militiae: quo Tirzæ

obsidente, Simri se

cum domo regia com-

bussit 1. Reg. XVI, 15—18.

I Schismate in populo Israe-

litico orto, pars una

Thibni constituit re-

gem, pars altera secuta-

est Amrin, eaque potior

& firmior 1. Reg. XVI,

21. 22.

5 Amri, mortuo æmulo

Thibni, solus regnare

incipit anno 31. Asæ 1.

Reg. XVI, 23.

31

6 Cum Tirzæ sex annis re-

gnasset Amri, regni se-

dem inde transtulit Sa-

mariam, 1. Reg. XVI,

23. seq.

32

1. Patri Amri defuncto fi-

lius succedit Achab, qui

ad

38

12

1. Patri Amri defuncto fi-

lius succedit Achab, qui

ad



Anno Orb.		A.Reg. Judæ.	A.Reg. Israel.	
3090	Asa anno regni 41. desinente moritur, postquam in triennium ex pedibus laborasset 2. Chron. XVI, 12. seq. Cui <i>Josaphat</i> filius successit, qui anno Achabi 4. desinente, regnum suscipiens, annis 25. il- lud tenuit 1. Reg. XXII, 41-42. 2. Chron. XX, 31.	41	5	ad annum usque 22. re-gno præfuit 1. Reg. XVI, 28. sq.
3103		14	18	Benhadad Rex Syriæ Sa-mariam obsidet; unde magna accepta plaga, fugatus recessit 1. Reg. XX.
3105		16	20	Achabus, oppressi per mendacia ac fraudes Nabothi vineam ad se rapit 1. Reg. XXI.
3106	<i>Joram</i> Prorex a Patre con-stituitur; ideo <i>Joram</i> , Israeliticus, qui anno 18. <i>Josaphati</i> Rex factus, anno 2. <i>Jorami Ju-dai</i> regnare cœpisse dicitur 2. Reg. I, 17.	17	21	Achab anno 17. <i>Josaphati</i> , filium <i>Ahasiam</i> Pro-regem constituit 1. Reg. XXII, 51.
3107		18	22	Achab anno altero, postquam in regni consor-tium adoptasset <i>Ahasiam</i> , in prælio ad op-pugnationem Ramoth in
		I i 3		



INTRODVCTIO AD LIBROS BIBLICOS

De libro I.
Regum.

254
Anno
Orbis.

A. Reg.
Judæ.

A. Reg.
Israël.

in Gilead occiditur 1.
Reg. XXII. 2. Chron.
XVIII. Quo defuncto
solus rerum potitur A-
chasia, sed nono mense
post, per quendam cla-
thrum in cœnaculo suo
Samariæ cadens ægro-
tavit & obiit, post-
quam biennium partim
cum patre, partim so-
lus in regni administra-
tione exegisset 1. Reg.
XXII, 51.

Achasia defuncto *Jonam*
frater ipsius, anno Josa-
phati 18. desinente, suc-
cedit : regnum tenens
12. annis. 2. Reg. III, 1.

3112 Josaphat filiorum natu- 23

maximum *Joramum*,
cui antea vicariam po-
testatem communica-
verat, regni secum con-
stituit consortem, Jo-
rami Israëlitici regis an-
no 5; quo per 8. an-
nos ille potitus est 2.
Chron. XXI, 2. 3. 5. 20.
2. Reg. VIII, 16. 17. qui
ab hoc auspicio nume-
randi.

3115 Josaphato mortuo 1. Reg. 25.4.

XXII, 50. 2. Chron. XXI,
1. anno regni sui 25. Jo-

8

rami



Anno Orbis.		A.Reg. Judæ.	A.Reg. Israel.	
	rami vero in regiminiis consortium adsciti an- no 4. Joram plenarie succedit, solus que per quadriennium regnat.			
3118	<i>Ahasia</i> a Joramō patre., intestinorum morbo graviter laborante., Prorex constituitur., anno Jorami Israëlitici ii.2. Reg. IX, 29.	7	11	
3119	Joram, ex euntibus in- testinis, misere perit & inglorie sepelitur 2. Chron. XXV, 19. seq. Successit <i>Ahasiab</i> filius ejus, anno 12. Joramī filii Achabi: & anno 1. regnavit Hierosolymis 2. Reg. VIII, 25. 2.Chr. XXII, 2. seq.	8	12	
	<i>Ahasiah</i> , qui ad invisen- dum Joramum Israëlitici- cum Iesreelem descen- derat, fugiens coram irruente Jehu, & in- ascensu Guris depre- hensus, in curru, Jehu jussu, percutitur 2. Reg. IX. 2. Chron. XXII.		I	
	<i>Atbalia</i> , filia Achabi, A- hasiae mater, post cæ- dem filii regnum oc- cupat, perditō u- niuersitate domus Ju-			

In prælio a Syris percus-
sus Joramus, ad curan-
da vulnera se subduxit
2. Reg. VIII. Inter hæc
Jehu filius Josaphati
a Propheta quodam in
regem Israel ungitur.,
domumque Achab ex-
cindere jubetur; qui
Iesreelem properans,
Joramum ibi decum-
bentem & Jesabelem
occidit c. IX. Inde
literis Samarijam missis
dæ



De libro I.
Regum.
Anno
Orbis,

A.Reg.
Judæ.

A.Reg.
Israel,

dæ semine regio. Cujus tamen tyrannidi Joas infans, Ahaziae filius, cum nutrice subducitur, & per 6. annos, quibus Athalia dominata est, in domo Dei absconditur 2. Reg. XI, 1. seq. 2. Chron. XXII, 10. seq.

3126 Jojada Pontifex *Joasum*, septennem populo producit, regem ungit, Athaliam occidit, & cultum Dei instaurat. Joas vero annis 40. regnavit 2. Reg. XI, 4—21. 2. Chron. XXIII, 1—21. 2. Reg. XII, 1. 2. Chron. XXIV, 1. quadragesimi tamen anni diebus tan- tum paucis delibatis,

3148

3163

3165 Joas graviter decumbens a servis suis trucida-

1. 6. 7

23 1 *Joahas* patri defuncto Je-hu succedit, anno 23. Joasi filii Ahaziae, & annis 17. regnat 2. Reg. XIII, 1.

38 16, 1 *Joas* filius Joahast a patre regni particeps factus est, anno 37. desinente Joasi regis Judæ: & 16 annis regnavit 2. Reg. XIII, 10.

40 2

Achabi 70. filios jugu- landos curavit: & sic in regno confirmatus, 28. annis præfuit c. X. 28. 29. 36.

tur



Anno Orbis.		A. Reg. Judæ.	A. Reg. Iſrael.
	tur, ineunte regni sui anno 40. 2. Chron. XXIV, 1. 23. sq. 2. Reg. XII, 1. 17. sqq.		
	<i>Amazias filius, anno Joasi Israelitici 2. desinente, interfecto patri succe- dit, regnum 29. annos tenens 2. Reg. XIV, 1. 2.</i>	1	2
3168			3. <i>Joahas filius Jehu mori- tur cum annis 17. re- gnasset: tertio autem anno post ascitum in- imperium filium Joa- sum currente 2. Reg. XIII, 1. 9.</i>
		4	4. <i>Jerobeam II. a patre Joa- so, ad bellum Syria- cum profecturo, in re- gni consortium assum- tus fuisse videtur: ut ea ratione, Jerobeami hujus anno 27. Azarias rex Judæ regnare cœ- pisse intelligatur. 2. Reg. XV, 1.</i>
3179		15	12. <i>Jerobeam II. defuncto pa- tri succedens, annis 42 post mortem Parentis regnavit solus, a 15. Amaziae Regis Judæ anno 2. Reg. XIV, 23. postquam ipse in duo- decimum jam annum regni paterni consors fuisset.</i>

Kk

Amagi-



Regum.	Anni Orbis.	A. Reg. Judæ.	A. Reg. Israel.
3194	Amasias, facta adversus eum conjuratione, oc- ciditur 2. Reg. XIV, 17. seq. 2. Chron. XXV, 27. 28. Cui Ussias sive Azaria fi- lius succedit, anno 27. Jeroboami Israelitici (ex quo ille regni pa- terni particeps erat fa- ctus) annisque regnat 52. Hierosolymis 2. Reg. XV, 1, seq.	I	27.16.
3220		37	52.41
3228		35	9

Jerobeam moritur. Hinc
turbæ enatae, ad ἀνα-
χαγ regnum Israeliti-
cum perduxerunt, un-
decim cum dimidio
annorum spatio conti-
nuatam. Ejusmodi e-
nim *interregnū* Syn-
chronismus Regum
hic postulat; ut Za-
chariae menses sex tri-
gesimo octavo, & in-
terfeccoris ipsius Shal-
lumi mensis unicus tri-
gesimo nono Azariae s.
Ussiae anno responde-
ant. 2. Reg. XV, 8. 13.

Ab æstate hujus anni pri-
ma Græcorum nume-
ratur *OLYMPIAS*:
desinque istud tem-
porum intervallum,
quod



Anno Orbis.	A. Reg Judæ.	A. Reg Israel.	
3232	38	12.1	quod Varro μυθιστὸν dixit, incipitque illud quod dicitur ἱσορρύνειν.
	39		<i>Zacharias</i> , filius Jeroboomi, regnavit anno 38. Azariæ regis Judæ, sex mensium spatio 2. Reg. XV, 8.
		I	<i>Sallum</i> , Jabeli filius, qui Zachariam coram populo trucidaverat, anno 39. Azariæ, regnavit mense unico 2. Reg. XV, 13.
	50	10.1.	<i>Menachem</i> Sallumum occidit, & de regni possessione per II. ferme menses contendit: in qua dein a Phule Assyriorum Rege confirmatus, 10. annis præfuit, a 39. Azariæ anno desinente c. XV, 17.
3243			<i>Pekajah</i> patri Menachemo defuncto succedit, & regnavit biennio 2. Reg. XV, 23.
3245	52	2. 1.	<i>Pekab</i> , interempto Samariae Pekajah, in palatio regio, regnavit annis 20 ab anno 52. Usiæ f. Azariæ regis Judæ 2. Reg. XV, 25, 27.
3246	Defuncto Usiæ successit filius <i>Jotham</i> , anno se-	I 2	

Kk 2

cundo



cundo Pekæ regis Isra-
el: & 16. annis regna-
vit Hierosolymis 2.
Reg. XV, 32. 33. 2. Chr.
XXVI, 23. & XXVII,
1. 8.

3256

A. Reg.
Judæ.

A. Reg.
Israel.

II

12

II

13

3257

3262

Achaz patri Jothamo suc-
cedens, anno 17. desi-
nente Pekæ, 16. anni
regnavit Hierosolymis
2. Reg. XVI, 1. 2. 2.
Chron. XXVIII, 1.

3265

I

18

4

I

Hosea filius Elæ, interfe-
cto Pekæ Remaliæ filio,
regnum invasit, anno
vigesimo, ex quo Jo-
tham



Anno Orbis.	A.Reg. Judæ.	A.Reg. Israel.		
3274	13.	9. 1.	tham in Juda regnare cœpit 2. Reg. XV, 30. i. e. quarto regni Aha- si. Sed ob turbas & se- ditiones intervenien- tes regno statim potisi non poterat, unde Res- publica ad ἀναγκαῖον quandam per 9. annos redacta est.	Hosea turbis domesticis compositis, regno tan- dem potitus est, anno desinente 11. Achasi Regis Judæ, & regna- vit annis 9. 2. Reg. XVII, 1.
3277	Ezechias f. Hiskias a patre Achaso ultimo regni ejus anno in domina- tus consortium adsci- tus, inde a 3. anno de- sinente Hoseæ regis Israel, 29. annis regna- vit Hierosolymis 2. Reg. XVIII, 1. 2. Eodem anno mortuus est Achasmus 2. Reg. XVI, 20.	16. 1.	4	
3279		3	6	Hosea annum, quod mit- tere solebat, tributum Salmanassaro recusa- vit, rebellis factus 2. Reg. XVII, 4.
3280		4	7	Salmanassar comperta Hoseæ conspiratione, totum
		Kk 3		



Regum.	Anno Orbis.	A.Reg. Judæ.	A.Reg. Israel.	
3283			6	9
				totum regnum Israeliticum pervadit : & ascensens contra Samariam anno 4. Ezechiae, & 7. Hoseæ (utroque ineunte) obsedit eam tribus annis 2. Reg. XVII, 4. 5. & XVIII, 9. Sub finem anni tertii obsidionis, regnique Ezechiae sexti & Hoseæ noni, Samariam cepit Salmanassar : & deportavit Israelitas in ditinam suam, collocavitque in Calacho, Chabore, Nehar-gozane, (quo Peræa incolas, sive duas tribus & dimicam trans Jordanem, prius transtulerat Tiglath-Pileser 1. Chr. V, 26.) & in civitatibus Mediæ. 2. Reg. XVII, 6. XVIII, 10. II. Atque hic finis fuit regni Israeliti, postquam 254. annis stetisset, a regno Iudeæ sejunctum.
3283	7	A.Reg. Judæ.		
3306	1			Post excidium regni Israeliti, Ezechias regnavit adhuc in Juda annos 23.
3327	22			defuncto Ezechiae <i>Manasses</i> filius succedens, 55. annis regnavit 2. Reg. XXI, 1. 2. Chron. XXXIII, 1. completa est Prophœtia Es. VII, 8. intra sexaginta quinq; annos



Anno Orbis. A.Reg. Judæ.

- annos atteretur Ephraim, ut non sit populus, initio regni Achasi promulgata. Quod factum ab Assar Haddon Rege Assyriæ Estr. IV, 2. 10. cuius exercitus eodem tempore e Samaria in vicinam Judæam progressi, Regem Manassem ceperunt, & vincitum Babylonem deduxerunt, quod anno regni ejus 22. accidisse Judæi tradunt: e qua tamen captivitate brevi post restitutus fuit: unde ejus nulla habita ratione 55. annis regnasse Hierosolymis dicitur 2. Reg. XX, 1. 2. Chron. XXXIII, 1. 12. 13. Samaritanorum nova cuditur religio, cuius originem vide 2. Reg. XVII, 25. 33. 41.
- 3361 55 Manasses moritur, & in horto domus suæ sepelitur. 2. Reg. XXI, 18. 2. Chron. XXXIII.
- I Amon filius succedens, biennio regnavit 2. Reg. XXI, 19. 2. Chron. XXXII, 21.
- 3363 2. 1. post occisum Amonem, Josias filius, octo annorum puer rex constituitur, annosque regnat 31. 2. Reg. XXII, 1. 2. Chron. XXXIV, 1.
- 3380 18 Josia reformatio, & scederis divini renovatio facta 2. Reg. XXII, seq. 2. Chron. XXXIV, 8—28. Hinc 40. annorum peccati Judæ epocha deducitur ap. Ezech. IV, 6.
- 3394 31 Josias, in bello contra Regem Ægypti Necho temere suscep-
to, occiditur 2. Reg. XXIII, 29. 30. 2. Chron. XXXV,
22. 23.
- I post cædem Josiæ populus Sallumum, sive Jehoachasum, juniores Josiæ filium regem unxit: quem tamen, ab Assyriaca expeditione reversus Necho, cum tribus saltem mensibus regnavisset, amovit; fratremque natu maiorem Eliakimum regem constituit pro Josia patre ejus, immutans nomen ejus Jehojakimum. 2. Reg. XXIII, 30. seqq. 2. Chron. XXXVI, 1. seq. hoc anno in societatem regni assumptus creditur Jechonias, ob 2. Chron. XXXVI, 9.

captum



De libro I. Regum.	Anno Orbis.	A. Reg. Judæ.	A. Cap. tivit. Babyl.
-----------------------	----------------	------------------	-----------------------------

3398	4	I	
------	---	---	--

captum regem Jehojakimum, Nebucadnezar anno regni sui primo, cum in Syriam & Judæam cum copiis suis irruisset, catenis vincitur, ut abduceret eum Babyloniam 2. Chron. XXXVI, 6. sed pactis postea conditionibus servitutis, domi eum reliquit, ubi servus illi permansit tribus annis 2. Reg. XXIV, 1. A qua prima omnium regis & populi Judaici sub Nebucadnezare facta servitudo, inchoandi sunt LXX. anni CAPTIVITATIS BABYLONICÆ Conf. Lightfoot. Proleg. ad Harm. Evang. Secl. 7. P. I. Opp. p. 245.

3405	I	8	
------	---	---	--

Jechonias regnare coepit circa mensis duodecimi diem 25. regnavitque mensibus 3. 2. Reg. XXIV, 8. & diebus 10. 2. Chron. XXXVI, 9.

hoc eodem anno 8. Nebucadnezaris prope completo, eidem sese cum obsessa Hierosolyma tradidit Jechonias, cum matre Nehusta, uxoribus & aulicis captivus abductus, cum 10000. virorum ex urbe, & 7000. ex reliqua regione, ut & 1000. fabris lignariis ac ferrariis, quos omnes captivos in Babyloniam abduxerat vicit 2. Reg. XXIV, 8. 2. Chron. XXXVI, 10. Jer. XXIV, 1. XXIX, 1. Ezech. XVII, 12.

Nebucadnezar, Jechoniac loco regem substituit patrum ipsius Mattaniam, Josiæ filium, nomine ejus in Zedekiam mutato, qui regnare cepit mensa 4. die 10. & regnavit undecim plenis annis Hierosolymis 2. Reg. XXIV, 18. 2. Chron. XXXVI, 11. Jer. LII, 1.

3408	4	II	
------	---	----	--

hic annus quartus regni Zedekiae a Jeremiah c. XXVIII, 1. principium regni ejus dicitur, quo scilicet is noviter in regno suo a Nebucadnezare confirmatus Babylone est, quo profectus erat Jer. LI, 59.

3416	II	19	
------	----	----	--

mensis 4. die 9. obsessa Hierosolyma a Chaldaeis occupata.



Anno Orbis.	A. Reg. Judæ.	A.ca- ptivit. Babyl.	
			cupatur 2. Reg. XXV, 2. seq. Capto Zedekiae, occisis prius ejus liberis in conspectu ipsius, oculi effossi, numellisque ipse vincitus chalybeis in Babyloniam deportatus est.
			mensis 5. die 10. templi Salomonici & urbis Hierosolymæ excidium factum Jer. LII, 12. 13. anno Nebucadnezaris 19. definente: Olympiadis XLVIII. anno 1. ineunte, Nabonassari 160. currente; postquam a Salomone condi coptum est, annis 424. mensibus 3. & diebus 8.
			<i>Hic finis Epochæ Regum in populo Dei.</i>
3419	22		hoc anno abductæ sunt reliquæ populi e terra Israelitica per Nebusar Adan Jer. LII, 30.
3420	23		finiunt anni peccatorum Israelis 390. & 40. anni peccatorum domus Judæ, Ezechieli c. IV. memorati, de quibus supra hoc ipso §. (II) dictum: in extrema desolatione nimis, quæ terram penitus incultam reliquit.
3442	45		translati Jechoniæ anno 37. Evilmerodach Patri Nebucadnezari, succedens, Jechoniæ, mutatis vestimentis carceris ejus, ceteris principibus in aura Babylonica anteponit, cuiusque caput exaltat 2. Reg. XXV, 27. seq. Jer. LII, 32.
3444	47		Jechonia vita functus videtur 2. Reg. XXV, 29. 30. <i>Hic definit libri Regum.</i>

(VI.) Et hac quidem ratione facilis negotio componi possunt, quæ circa numeros in Regum & Chronicorum libris adversa invicem fronte, concurrere videbantur. Quod enim (α) i. Reg. XVI, 8. Baasa anno 26. Asæ regis Judæ mortuus legitur, qui idem tamen anno 36. Asæ invasisse 2. Chron. XVI, 1. memoratur, id non de annis regiminis Asæ, sed de regni, quod tenebat, Judaici ab Israelitico divisi auspicio capiendum, adeoque a Rehabeami initiosis deducendum est, ut 13. annus Baasæ, quo bellum ipse movit, decimus sextus Asæ Regis sit, at regni, quod Asa post Rehabeamum avum gubernabat, trigesimus sextus.

LI

(β) quod



(β) quod Amri 1. Reg. XVI, 23. Aſæ anno 31. regno potitus, duodecim illud tenuisse legitur, qui tamen anno 38. Aſæ v. 29. defunctus, septem saltem in regno consecuisse annos videtur, facile solvit ex anteced. v. 15. seq. ubi una cum Simri anno Aſæ 27. electus narratur, æmulum tamen regni statim nactus Thibrin, in quintum usque a prima electione annum, qui ipſe 31. est Aſæ. Duodecim ergo cum regni ejus anni numerantur, auspicium a prima ejus in regem electione & ab anno 27. Aſæ capit: ubi vero Aſæ 31mo rex factus dicitur, solitarium ejus regnum, sublato æmulo, respicitur. (γ) quando Joram Israeliticus anno secundo Joram Judaici regnum cepisse 2. Reg. I, 17. memoratur, cum tamen rursus Joram Judaicus anno 5. demum Jorami Israelitici a Josaphato patre in regni consortium admisus legatur 1. Reg. VIII, 16. ita conciliandum est, ut Judaicum illum dicas vicariam regni administrationem a patre Josaphato, anno regni sui 17. ad periculosa per quam adversus Syros expeditiōnem proficidente, jam nactum fuisse, adeoque anno & amplius ante Joramum Israeliticum regni gubernaculis admotum: solenni vero pompa regni consortem a Patre Josaphato allectum demum fuisse anno regni Josaph. 23. qui in quintum incidit Jorami Israelitici annum. Triplex ergo auspicium regni Jorami Judaici, sat notabilibus temporum intervallis distinctum, observare licet: unum, quo anno regni paterni 17. Pro-Rex constituebatur; alterum anno regni paterni 23. quo æqualem cum patre regni potestatem adipisciebatur; ultimum post fata parentis, cum solus regnum teneret. (δ) cum Ahasia annos natus 22. rex factus 2. Reg. VIII, 26. legitur, idem tamen 2. Chron. XXII, 2. annos jam 42. ætatis habuisse, cum sceptra caperret, dicitur; prior ille numerus ad ætatem utique referendus, haud vero æque posterior, quippe qui vel ad æram Samarianam referendus est, in qua ad hanc Ahasiae ætatem, cum rex fieret, anni 42. fluxerant; cum a condita Samaria sex annis Amri, proavus ejus mater-nus, 22. filius ejus Ahab, 2. Ahasia, & Joram jam in 12. annum regnaret, qui juncti 42. efficiunt, unde factum suspicantur aliqui, ut Athalia Amri filia hic dicatur, patre tamen Ahabo, avo Amri prognata, quod ab Amri calculum ducendum esse innuat: vel ad idolatriam regni sui, quod filius 42. annorum in regno idololatrico & sectator impietatis illius dicatur, quæ per 42. annos inde a proavo materno viguit. Confer omnino huc b. Calov. Bibl. Illustr. ad l. c. Chron. T. I. p. 854. seq. (ϵ) cum 2. Reg. XV, 1. Azaria vel Uria regnum occupasse anno 27. Jerobeami II. Israelitici dicitur, qui tamen Jerobeam anno 15. Amaziæ solium consendisse.

2. Reg.



2. Reg. XIV, 23. legitur, a morte Amaziæ ad initium regni Uſiæ vel Aza-
riæ hiatus annorum 11. solidorum in epocha regum Iudaæ dabitur, quem
interregno quidem absorptum fuisse Calvisius, Behnius, Cappellus, aliique
credunt. Præstat autem, Jerobeamum anno Amaziæ 4. a patre Joramœ,
ad bellum Syriacum profecturo, in regni consortium adscitum, conjecta-
re, & ab hoc annos illos 27. 2. Reg. XV, 1. numerare, alterum vero illud
regni initium c. XIV, 23. indicatum, de regno solitario, quod defuncto
patre anno 15. Amaziæ solus capessivit Jerobeam, explicare, quam anno-
rum regum Iudaæ totiusque epochæ seriem ac ordinem, inserto interre-
gno, turbare. (ξ) cum ab anno 15. Amaziæ Regis Iudaæ, Jerobeamus II.
Israelicitus annos 41. (2. Reg. XIV, 23.) & post eum filius ejus Zacharias
mensæ sex, trigesimo octavo Azariæ s. Uſiæ anno, deinde Sallum mensam
unum, anno Uſiæ 39. (c. XV, 8. 13.) regnasse scribatur, ut ista possint
consistere, annorum 11. & mensum 6. interregnum interponendum est,
ut adeo Jerobeamo II defuncto Zacharias filius 2. Reg. IV, 29. non im-
mediate successisse, sed post undecim demum cum dimidio turbarum,
& ἀναρχίας annos surrogatus credatur. (η) quando Hosea rex Israel
2. Reg. XV, 30. anno vigesimo regni Jotham, filii Uſiæ, imperfecto Pekæ
successisse dicitur, cum tamen Jotham 16. saltem annis in universum præ-
fuisse legatur v. 33. & 2. Chron. XXVII, 8. tum quartus successoris Achasi
annus adhuc a Jothamo, licet jam ante quadriennum defuncto, deno-
minatur, hujusque a nomine, vivis iam quidem exempti, temporis nota-
tio desumitur, quod nullam adhuc Achasi mentionem fecerat Scriptura
S. aut quod ex indignatione regem impiissimum Achasum nominare de-
rectaverit Spiritus S. Quando vero idem Hosea 2. Reg. XVII, 1. anno
duodecimo Achasi rex demum factus memoratur, geminum utique regni
ejus auspicium, octo & amplius annorum spacio distans, statuendum &
ita conciliandum est, ut imperfecto Peka statim quidem regnum invasisse
credas Hoseam, anno Jotham vigesimo, qui quartus est Achasi, sed con-
tentibus aliis de principatu, ad ἀναρχίαν respubl. perducta est, donec
post 9. annos, domesticis turbis sedatis, regno demum pacato fuerit po-
titus. (θ) pariter & Jechoniæ geminum regni initium tribui videtur,
2. Chron. XXXVI, 9. quidem octayus ætatis ejus annus; 1. Reg. XXIV,
8. autem decimus octavus, unde probabile est, octavo ætatis anno a patre
in regni, quod ipse in alterum annum tenebat, societatem admissum esse,
decimo autem octavo anno patri defuncto successisse, ex quo tribus tan-
tam mensibus thronum tenuit, mox a Nebucadnezare cum suis uxoribus



translatus, eo quod male p̄æset. Hoc sâne pacto apte sibi omnia respondent, nec est, ut textum sacrum ullius postulemus corruptelæ, quod a Grotio quidem, Capello, & Pontificiis Doctoribus minus miramur factum, quam cum Vir Doctiss. Campeg. Vitrina in *Hypotyp. Hist. S. p. 67. §. 37.* sibi altisque persuadet, fieri posse, ut numeri aliqui in *historia Chronicorum, que dicitur, a librariis per socordiam fuerint corrupti, ut 2. Chron. XXII, 2. coll. cum 2. Reg. VIII, 26. 2. Chron. XXXVI, 9. 10. coll. cum. 2. Reg. XXIV, 8.* Bella sâne ratio, qua omni in conciliandis ἐναντίοΦαντιαζ; labore superfedere, unoque corruptionis opprobrio nodos quosvis solvere queas; cum tamen ne vero quidem sit simile, eandem omnium librariorum circa eadem loca fuisse socordiam, ut universalis inde per omnes omnino codices (qui enim aliter legat, nullum producere potuit) corruptio grassaretur. Ne dicam, omnem Scripturæ ὀσφάλειαν, hoc commento semel admisso, e medio tolli, cum in quovis alio loco æque ac in numeris, quos quidem Hebræi non signis indicant, quorum facilis esse posset permutatio, sed integris vocibus enunciant, corruptio vitium intulisse textui dici queat, quod nemo Pontificius facile repudiaverit; ut omnino mirer, Theologum R. formatum intaminati textus Hebraici hostibus, si non adversus Scripturæ autoritatem tela subministrare, herbam saltem porrigit. Præstisit omnino, si veterum Religionis suæ Doctorum aurum præbuisset monito, quo in Commentar. Martyris & Wolphii ad 2. Reg. VIII, 17. legitur: Occurrunt sepe obscura loca in iis Chronologiis, ad que concilianda non eo configiendum puto, ut dicamus Codicem sacrum mendosum. Nam Deus, qui pro sua misericordia voluit divinas literas nobis conservatas, eas etiam integras, non corruptas concessit. Quamobrem, si quando quoad numerum annorum nos explicare minime valemus, fatenda est ignorantia, qua laboramus. Et attendendum, sacras literas quandog, tam concise loqui, ut non facile appareat, unde supputatio incipienda sit. Maneat itaq; Scriptum incorrupta, que si labefactetur in uno aut altero loco, in aliis quoque suspecta erit.

VI.

Canonica
autoritas
afferta

Canonicam utriusque libri Regum autoritatem nemo, quod sciam, in dubium vocavit, cum nexu tam æcto ceteris libris Biblicis hic noster cohæreat, ut canoni si eximatur, nec sua historiæ sacræ integritas constet, nec Chronicorum volumen, vel Jesaiæ quoque ac Jeremiæ vaticinia, sati salva gaudeant vel autoritate, vel luce. Tanti ergo Regum libros ipse fecit Salvator, ut divina inde & irrefragabili depromeret argumen-

ta,



ta, cum ad historiam famis, quæ Eliæ ætate terræ sanctæ gravis incubuit, Regum. & ad missionem Prophetæ in ædes Zarpathanæ, porro ad Naamanis Syri a lepra sanationem, ex 1. Reg. XVII, & 2. Reg. IV, disertis verbis apud Lucam c. IV, 25. 26. 27. provocaret. Sic & ex 1. Reg. X. citato reginæ Austris exemplo, quæ pernoscendæ sapientiæ Salomonis gratia tantam vi. m. confecit, supinam istius ætatis hominum negligentiam gravissime notavit. Magistri sui vestigia legentes, S. Stephanus structuram templi Salomonis ex 1. Reg. VI. repetit Act. VII, 47: & Paulus Rom. XI, 2. 3. 4. verba ipsa orationis juxta Eliæ, ac oraculi divini, ex 1. Reg. XIX, allegat: Jacobus quoque in demonstranda precum virtute ad Eliam provocat c. V, 17. 18. precibus suis cœlum claudentem & aperientem 1. Reg. XVII. & XVIII, 41. seq. Citat præterea Huetius *l. supra cit. § 4. p. 348.* testimonia gentilium, & ad publicam Tyriorum monumentorum fidem, ad varia veterum fragmenta, Josephi, Eusebii, Clementis Alexandrini studio nobis servata, ad Herodotum & Berosum provocat, quæ quidem historicam ac humanam his libris fidem conciliant, ut contra hanc testimoniū nubem eorum veritatem nemo sanus temere inficias iverit. Julianus ille Apostata, quantumlibet profligatae impietatis homo acerrimus que divini codicis insectator, librorum Regum tamen fidem ausus non est dubiam reddere, dum ignem qui Eliæ holocaustum absumisit, cœlo de lapsum fatetur ap. Cyrill. lib. X. advers. Julian. edit. Lips. p. 343. cumque ex 2. Reg. XVIII. ingentem illam Asyriorum stragem ab angelo percusso exercitu Rabsakæ illatam commemorasset Cyrillus lib. VII. p. 221. divinamque illam ultionem Deastris gentilium opposuisse, nihil habebat Julianus, quod contra veritatem vel historiae vel libri oggereret, adeo ut intactum hunc locum sicco præteriret pede. Quæ cum ita habeant, mirari profecto subit, qua fronte Spinosa fidem ac ἀσφάλειαν his libris derogare ex numerorum computatione satagat, dum cap. IX. tract. Theol. Polit. p. 118. ejusmodi annorum ab Exitu Ægypti ad templi structuram lapsorum computum init, qui integro seculo numerum 1. Reg. VI, 1. definitum superat. Quitamen quam exacte sibi constet, prolixe docuimus supra cap. X. §. 8. p. 183. seq. Nec minor videtur fuisse circa annorum computationem *discrepancia*, inquit p. 120. in libris Chronicorum Regum Judæ & libris Chronicorum Regum Ismelis, cuius rei exemplum profert ex 2. Reg. I, 17. &c. VIII, 16. Et si quis præterea historias libri Paralip. conferre velit cum historiis librorum Regum, plures similes *discrepancias* inveniet, quas hic non opus habeo recensere, & multo minus autorum commenta-

L 1 3

qui-

a Spinosa
impugna-
ta.

quibus has historias conciliare conantur. At vero ista omnia concinne perquam componi posse, S. præcedens docuit, qui ista solvit dubia, quæ in contumeliam librorum sacrorum profanus homo vertere poterat. Nec ideo, ut ipsi quidem videtur, ex his clarissime sequitur, veram annorum computationem neque ex ipsis historiis constare, nec ipsas historias in una eademque convenire, sed valde diversas supposere. Ac proinde fatendum, has historias ex diversis scriptoribus collectas esse, nec adhuc ordinatas neque examinatas fuisse. Qua pro more μυστηρια ex ingenio autoris, nullo fundamento allata eo tendunt, ut non humanum saltem, sed & confusum præterea nec tutæ fidei hoc Regum opus nobis persuadeant, in quo prudente quodam selectu opus sit, ut quid humanum, quid divinum, quid recipiendum quidve sit repudiandum, dignoscas. Eamque tantam conviciorum molem discrepanti tantum annorum computationi superstruit, cum aliud non reperiret, quod criminaretur.

Partitio.

Capita complectitur liber I. Regum XXII. versus 809: partes, ex b. Waltheri mente *Offic. S. 835*. tres, quarum (I.) historiam tradit ante templi ædificationem, de Davidis senio & morte, Salomonis quoque inauguratione, sapientia, justitia &c. usque ad c. V. (II.) ædificationem templi exponit ad c. VIII. (III) quæ post structuram hanc gesta sunt. Verum concinnior haud dubie est bipartita distributio, quæ b. Friedlibii *Observ. Bibl. ad b. l. b. Calovii Bibl. Ill. b. l. e Reformatis autem Hottingeri Thes. Philol. L. II. c. I. Sect. 2. p. 466. Heideggeri in Enchir. b. l. aliorumque fere communem calculum tulit, qua pro diversitate regni vel integri, vel divisi, libri P. I. historiam persequitur regni, sub Davidis senio & florentissimo Salomonis imperio, integri c. I—XI. P. II. statum regni unius in duo distincti enarrat, Judæ sub quatuor, Israelis sub octo regibus primis c. XII—fin.*

VIII.

Tabula
Synoptica.

Tradit ergo liber historiam

I. regni integri sub Salomone, ubi

- α) Salomonis, sub extrema Davidis, inauguratio c. I.
- β) ejusdem ultima a Patre instructio, regnique confirmatio c. II.
- γ) divina sapientiae collatio, ejusdemque specimen c. III.
- δ) felix regni administratio
 - 1. in œconomicis & politicis c. IV.
 - 2. in ecclesiasticis per structuram templi, ubi

a. ma-



- a. materia ab Hiramo suppeditata & architectorum ordinis Regum; c. V.
- b. structura ipsa & forma templi, c. VI.
- c. domus Salomonis & vasa templi c. VII.
- d. solennis templi, illata arca, inauguratione c. VIII.
- e. divina per factam apparitionem, approbatio c. IX.
3. fama Salomonis ad exterios sparsa, & adventus Reginæ Sabae c. X.
- ε) infelicia ejus fata, eorumque causæ, conjugia prophana & idolatria c. XI.
- II. regni distracti, sub regibus Judæ**
- α) Rehabeamo, ubi
1. schisma tum qua regnum, tum qua cultum publicum ortum c. XII.
 2. divina Jerobeami a schismate in religione per prophetam tentata revocatio c. XIII.
 3. Jerobeami excidium, templique a Sisak facta deprædatio c. XIV.
- β) Abiah c. XV, 1—8.
- γ) Aſa v. 9—24.
- δ) Josaphato, ubi in regno Israelis
1. caedes Nadabi v. 25—fin.
 2. ἔβγαζον, Ela, Simri, Amri, Achab c. XVI.
 3. Elias
- a. Siccitatem prædicti, & Sareptanam sustentavit c. XVII.
 - b. Baalitas mactavit c. XVIII.
 - c. in exilio cum Deo collocutus, Jehu Regem, Elisam prophetam constituit c. XIX.
4. Benhadadi ab Achabo devicti in vivis conservatio c. XX.
5. Naboth ob vineam nefarie occiditur c. XXI.
6. impio fœderi Josaphat implicatur c. XXII.
- IX.

Patres veteris ecclesiæ, quorum in hoc libro explanando desudati Interpretessuntur industria, supra ad l. I. Sam. citati, THEODORETUS & PRO. Patres: COPIVS e Græcis: in Latinis AVGVSTINVS, HIERONYMVS, EVCHERIVS, ISIDORVS uterque, BEDA, S. PATERIVS, RVPERTVS huic redeunt, nec est quod ibi c. XII. §. 10.

p. 228.



De libro I,
Regum,

p. 223. dictis adjiciam. Origenes autem, quo jure huc citetur a collecto-
ribus Bibliothecarum, plane me fugit, cum nihil ejus in hos libros hodie
prostet. Pariter & A M B R O S I V M huc referri video, qui nec ipse ta-
men librum explicatione illustravit; sed tituli opusculorum ejus non-
nullorum bonos viros fefellerunt, cum lib. *de Salomone*, Opp. T.
IV. p. 417. dictum Prov. XXX, 18. 19. ex instituto excusit, motoque sibi
dubio, qui factum sit, ut tria se nescire, quartumque se comprehendere
non posse profiteretur Salomon, qui tam locuples tamen sapientiae posse-
for a Spiritu Dei prædicetur, ut omnia, humana certe, cognovisse visus sit?
singula ista dicti membra ita sub incudem vocavit, ut mysteria in singulis
venetur: libro *de Nabuſe Israelita* p. 272. divites avaros exagitavit:
libro *de Helia & jejunio* p. 323. de antiquitate & usu jejunii, nec non de
ebrietatis fuga ex instituto egit. Huc quoque a Lipenio in *Biblioth.*
Theol. p. 647. nec non a Georg. Matth. Königio *Biblioth. Vet.* & *Nov.*
p. 212. refertur Joh. Roderici a Corduba *CATENA* in libros Regum
collecta, & Lugduni in fol. Tom. II. 1652. edita, quam tamen a b. Ittigio
nostro in *de catenis & Biblioth. P.P.a Guil.Crowæo in Elencho Scriptorum*
in S. Scriptur. aliique, qui in hoc argumento data opera sunt versati, præ-
termissem miror.

Rabbini:

E Judæis conferantur superius p. 35. lqq. porro c. IX. §. II. p. 163. &
c. XII. §. 10. p. 230. nominati.

Lutherani:

Nostrates ecclesiæ Doctores Regum libros enarrarunt JOH.
BRENTIVS T. II. p. 838. JO. BVGENHAGIVS Wittebergæ in
8. A. 1525. ABEL NEZENIVS in singularium Exercitat. P. II. Je-
næ in 4. A. 1611. MAVRIT. HELINGIVS in Periocha, qua argu-
menta capitum, & locorum communium breves consignationes expedivit in Sam. & Regum libros,, Noribergæ in 8. A. 1594. HIERONYM.
WELLERVS Tomo Opp. Latino p. 203. NICOL. FRISCH.
LINVS, cuius huc citatur Hebræis s. Regum Judaicor. & Israelitico-
rum historia, Argentorati A. 1599. ERASMVS SACERIVS
commentario Lipsiæ edito A. 1559. SEBAST. LEONHARDVS in
πτομηματι in libb. Regum, Ephord. in 8. A. 1606. & Lipsiæ A. 1610.
1614. SEBASTIAN. SCHMIDIVS, cuius *in libros Regum annotationes* M. Joh. Ullmanni studio, post b. Autoris obitum Argentorati
prodierunt in 4. A. 1697. Sermonibus vernaculis eum illustrarunt BAL-
THAS. BIDEMBACH Lips. fol. 1665. JO. MICH. DILHER,
in *Eugendschaf und Lasterplaß* p. 369—653. ubi Salomonis, Reha-
beamii,



beami, Abiæ aliorumque Regum vitas strictim persequitur: novissime Regum.
autem JO. HENR. HÆVECKER in Groß-Herrlichen Königs-
Saal/ auff welchen die wiederlebende Königreiche Israel und Juda
nach ihrem Thun und Lohn/ in dem Römisch-Deutschen Christen-
Reiche/ und dessen Regenten und Unterthanen/ mit ihren zufälligen
Veränderungen aus den Büchern der Könige vorgestellt werden sc.
Lipſiae in 4. A. 1710. Salomonis historiam in capp. XI. priora libri I.
Reg. XC. homilias consignavit M. CHRISTOPH. WELHAM-
MER: quam ipsam quoque D. BALTHAS. SCHVPPIVS bre-
vibus annotationibus illustravit.

De Pontificiis hic repetenda sunt, quæ c. XII. §. 10, p. 231. dicta sunt *Pontificii:*
de ANGELOMO: ANTONINO Florentino: JAC. BON-
FRERIO: NICOL. CAVSSINO: HADR. CROMMIO:
ALEXANDRO de HALES: THOMA MALVENDA:
FABRIT. PAVLVTIO: CLAVDIO RANGOLIO: CASP.
SANCTIO: NICOL. SERARIO: ALPHON. TOSTA-
TO: LVDOV. de VERA: RICHAR. de S. VICTORE:
BASIL. ZANCHIO. Quibus adde ALEXAND. ARCHI-
ROTAM in lib. Regum diversa loca, in 4. Oxonii A. 1635. FRAN-
CISC. de MENDOZA, cuius Commentariorum in libb. Regum-
tomus Colon. Agripp. in fol. A. 1634. prodiit: EVANGELI-
STAM MARCELLINVM Venetiis in 8. A. 1589. ut & ex parte
JOANNEM de PINEDA S. J. in de rebus Salomonis Regis libris
octo reculis Moguntiae fol. 1613.

E Reformatis hoc pertinent MARTIN. BORRHAVS alias *Reformati:*
CELLARIUS, ad libb. præcedd. sæpius nominatus: FRANCISC.
BVRMANNVS in 4. Amstelodami A. 1691: PANTALEON
CANDIDVS, cuius conciones funebres ex libris Regum concinna-
tæ Basileæ lucem viderunt, in 8. 1608. PETR. MARTYR & JOH.
WOLFIVS, Heidelbergæ 1581. 1599. VICTORIN. STRIGE-
LIVS Lips. in fol. A. 1591. CORN. GENTMAN straffe der God-
loosheid, ofte Verklaringe over het erste Boek der Koningen, Goes in 4. A.
1679. CHRIST. SCHOTANVS in Bibliotheca historia S. V. T.
Tomo II. p. 746—1010. JOSEPH HALL Bibl. Gesichter P. II.
p. 513—822. & in lib. II. Reg. p. 823—1213.

De JOHANNE CLERICO in hos libros ex supra dictis *Remon-*
stantes.
constat.



CAP. XV. De libro posteriore Regum.

Summarium
capitis.

Hujus & procedente libri distinctione, quibus autoribus & quo consilio facta?
§. 1. Libri argumentum: Scopus: varia utilitas §. 2. Autoritas de-
vina & Canonica evincitur §. 3. Partitio §. 4. Tabula Synoptica
§. 5.

I.

Libri hujus
a preced.
distractio.

PAUCA admodum hic observanda veniunt, cum redeant, quæ cap. præc. nec non c. XIII. §. 1. diximus. Unde constat, hujus libri a præcedente distinctionem, quocum Hebræis unum saltem constituit volumen, Græca versionis autoribus acceptam esse ferendam, quam quidem Latinis nec quicquam tribuit Sanctius Comm. in 4. Reg. I, 1. p. 1339. Rectius vero divelli, quam ut in unum cum illo compingatur, censet Corn. a Lap. Comm. in b. I. p. 219. ex immutata regni Iudæ facie: *Hic enim cœpit prolapsus regni Iuda, quod sub Salomone, ceterisque hoc usq. regibus fuerat forte, amplum, & opulentum.* Quæ quidem ratio Sanctio probatur, ita tamen, ut rerum inclinationem regno Israelis potius, quam Iudeæ, adscribendam existimet. Satis enim prospera regnum Iudæ adhuc sub Josaphato ceterisque Regibus fortuna utebatur, & cladibus licet hinc inde acceptis & illatis, prius tamen non inclinavit, quam sub Joahaso dura satis pateretur ab Ægyptiis c. XXIV. Ex quo tempore in pejus indies ruere cœpit, mox tributarium redditum finitimus regibus, donec sub Zedekia rege prorsus interiret. At Israelis potentiam statim ab initio hujus libri Moabitarum imminentia defectio, qui cum antea Israelis Regibus ex pacto servirent, nunc cum illorum viderent fractam esse potentiam, a data fide & feedere religiose concepto defecerunt. b. Hieron. Wellerus in argum. libri Commentar. præmisso T. Opp. Lat. p. 339. in eo potissimum distinctionis ponit fundamentum, quod cum in priore Regum libro peccata populi recensita fuerint, incredibili manerasq. Numinis tot annis tolerata, nunc in posteriore sequantur poenæ, divinitus utrique regno infictæ. Quæ satis commode sibi constatatio, si dextre explicetur. Nobis tamen videtur similius, eo

cum-



cumprimis respexisse distinctionis hujus autores, ut in æquales partes mo- Regum.
lem universi Regum operis secarent, & expeditiorem ejus in evolvendo,
citando, commemorando redderent usum.

II.

Jam de inscriptione & autore libri, de Chronologia item nihil adjiciemus iis, quæ cap. præced. satis copiose in medium attulimus. Argumentum autem libri (in quo recensendo prolixè versatur b. Wellerus ^{tum} in Ep. Dedic. Comm. T. Opp. Lat. p. 332. seq.) utriusque regni historiam inde, ubi prior liber substiterat, continua serie pertexens, res gestas sedecim regum Judæ, a Josaphato usque ad Zedekiam; & regum Israelis duodecim, ab Achasia ad Hoseam complectitur; simul etiam prophetarum, Eliæ cumprimis & Elisæ oracula & præclare facta cum cura exponit, & quis regni utriusque finis, qui exitus impietatis fuerit, & quo demum fato aliam longe ac diversam respublica Judaica faciem induerit, luculentiter tradit. Scopus idem huic cum præcedente libro præfixus est, ut ex typis Eliæ, Elisæ, Hiskiae quoque regis, Messiaæ non solum fata & gesta prænoscerentur, sed Genealogia quoque, ex Regum Judæ serie, integræ peteretur; tum etiam, ut populi Dei, in quo illustrem ecclesiæ V. T. sedem Deus fixerat, sacra pariter ac civilis, plena traderetur, nec interrupta historia, ecclesiæque incrementa juxta ac decrementa docerentur. Christi enim in cœlos ascensio vix illustriori unquam præludebatur typo, quam Eliæ per turbinem in cœlum evocatione 2. Reg. II, cuius cum illa convenientiam Biermannus tradit Mos. & Chr. I. t. cap. XII. p. 271. qui porro Elisæ quoque typicam ad Christum relationem p. 274. nec non Hiskiae Regis p. 282. seq. perquam diserte exponit. De Eliâ quoque Waltherum nostrum vide Offic. §. 851. nec non Augustinum Serm. 206. de tempore T. X. Opp. f. 1047. quem ita auspicatur: *Sicut de beato Helia diximus, quod typum habuerit Domini Salvatoris, ita & sanctum Helis eum confidenter & secure afferimus Salvatoris nostri imaginem prætulisse.* Quod in sequentibus per partes declarat. Iis porro, quæ de Genealogia diximus, fidem facit Matthæus c. I, 8—11. Sed & utilitas haud una ex hoc libro in pium redundat lectorem. Præter illas enim, quas cap. præ. Utilitas. §. 4. recensuimus, discitur inde 1) quam severe Deus eorum irascatur peccatis, qui rerum potiuntur, suæque perversitatis exempla subditis præbent: 2) quam vanum sit brachium humanum, maleque cedant fœdera cum impiis inita, plus illatura damni, ubi judicia divina regnum aliquod premunt: 4) quam duræ maneat vices potentissima etiam regna,



Regum. regna, in quibus pietas & justitia exultat, & quam horribiles sequantur peccata publice grassantia poenæ, quibus opulentissima exhausti & everti regna, florentissimas urbes exscindi, clarissimas familias funditus deleri animadvertes: 4) quanta μακεδονικὴ ad pœnitentiam Deus homines invitet Rom. II, 4. & nihil relinquat intentatum, quo ad saniorem eos flectere mentem, & imminenti subducere periculo queat: 5) quam calamitosus omnium Tyrannorum & θεομάρκων, qui ecclesiam persecuntur, sit exitus, Sennacheribi aliorumque exemplo: 6) quam ne ecclesiæ sua divina parcat justitia, ubi argentum ejus in scorias degeneravit Jes. I, 21. seq. ac mensura peccatorum impleta est, quin gravissime eam affligi patiatur, ita tamen ut reliquias sibi & semen sanctum mediis in turbis servet; & quæ sunt alia potismata, in commentariis passim obvia, quibus Burmannum juge in b. I. sub finem Comm. p. 173. seq.

III.

De divina libri autoritate sufficere possent, quæ supra §. 6. cap. prece. in medium attulimus, quibus nunc ex abundanti istud addimus, cui haud parum ponderis inest, argumentum a complemento vaticiniorum, divinorum in utriusque regni eversione & captivitate Assyriaca Israelis, & Babylonica Judæ conspicuo. Utramque a sanctissimis Dei vaticibus, frequentibus perquam oraculis non modo prædictam, sed & signis ac actionibus mysticis (velut Jes. VIII, 1. seq. Ezech. IV. &c.) delineatam, hic liber ipso comprobat eventu. Eadem ergo ipse gaudeat necesse est, quam ad probandam tot vaticiniorum divinitatem ac ἀνθετικῶν adhibet, autoritate, irrefragabili sane atque Canonica. Accedit exacta historicæ narrationis, circa Hiskiæ gesta, capitum XVIII. XIX. XX. cum Jes. XXXVI. XXXVII. XXXVIII. XXXIX. ut & circa translationem ultimam & captivitatem, capitum XXV. cum Jer. LII, harmonia & conformitas, quæ historias illas eodem utrobius Spiritu, eademque autoritate consignatas haud leviter evincit; ut adeo hoc nostrum monumentum eadem veneratione ac mente pro divino sit suscipiendum, quo dictorum Prophetarum oracula prosequimur & volumina.

IV.

Capitibus hic liber absolvitur XXV. versiculis 712. & in duas ac plurimum dispescitur partes, modo tamen dispari. b. Friedlibius in Observ. Bibl. in b. I. p. 378. priorem articulum continere creditres gestas, vivente Eliae & Eliseo Prophetis ad cap. XI. posteriorem comprehendere gesta post Eliae & Elisei mortem ad c. XXV. Verum concinnius haud dubie



dubie distinctionis momentum in regni Israel interitu queritur, ut *P. I. Regum.*
P. II. superstes solum regnum Judæ, inde ab Ezechia ad captivitatem usque Babyloniam sistit c. XVIII—fin. quæ distributio b. Calvio, Hottingero in *Theb. Phil.* p. 467. & Heideggero in *Ench.* p. 101. (qui circa c. XVII. paululum a ceteris abit) placuit, & narrationis indoli magis respondet. b. Waltherus *Offic.* §. 846. tres partes constituit: *primam* de regno utroque simul florente adhuc, ceteris paribus, usque ad c. XVI. incl. *secundam* de captivitate Assyriaca tribuum Israel c. XVII. *tertiam* de regno Judæ tantum considerato ante sui captivitatem a c. XVIII—XXIII. & quoad ipsam captivitatem Babyloniam, tam priorem c. XXIV. quam posteriorem c. XXV. Sed præstat medium ad primam partem referre.

V.

Agit ergo historia regnum Judæ & Israelis hoc libro continuata, *Tabula Synoptica.*

parte

I. de utroque regno simul adhuc stante usque ad terminum Israelitici: habens regnante in Juda

- 1) *Josaphato*, cuius continuatur cœpta jam præc. libro historia,
 - a) Achasias regis Israel lapsum, ab Elia increpationem, & mortem c. I.
 - b) Eliæ raptum, c. II, 1—10.
 - c) Elisæ partim miracula, videlicet
 - a. aquarum Jerichuntis sanationem, & ursorum in pueros immissionem c. II, 10—fin.
 - b. aquarum in bello Moabitico productionem c. III.
 - c. olei multiplicationem, & filii Sunamitidis suscitacionem c. IV.
 - d. Naamanis leprosi sanationem c. V.
 - e. securis e Jordani fundo revocationem: Syrorum delusionem c. VI.
 - f. prædictam Samariæ vilitatem annonæ, conjectis infugam Syris c. VII partim vaticinia de septem annorum fame c. VIII, 1—15.
 - d) *Jonomo*, Edomæorum & Libnæorum defectionem c. VIII, 16—25.
 - e) *Achasia*
 - a) ejusdem impietatem c. VIII, 26. fin.
 - b) Jorami & domus Achabia Jehu deletionem c. IX.

M m 3

v) Ze-



- γ) Zelum Jehu, tum contra familiam Achabi, tum contra Baalitas c. X.
- 4) *Ahabia*, tyrannidem ejusque poenam c. XI.
- 5) *Joasō*,
- α) ejus primo pietatem, hinc degenerationem, tandem interitum c. XII.
 - β) Syrorum trinam deviationem, & mortem Elisæ, miraculo conspicuam c. XIII.
- 6) *Amazia*, contra Edomæos victoriam, a Joaso Israelitico captivitatem, & cædem c. XIV.
- 7) *Azaria vel Uſia*,
- α) ejusdem sacerdotium invadentis, lepram c. XV, 1—7.
 - β) συγχρόνων in Israele, Sachariæ, Sallum, Menahem, Pekajæ, & Pekæ successionem c. XV, 8—31.
- 8) *Jotham*, laudes ejus, præterquam quod excelsa non abolevit c. XV, 32—fin.
- 9) *Abaso*, oppugnati a Rezin & Pekah ad Regem Assyrium, Deosque gentilium, defectionem c. XVI.
- 10) *Ezechias* sive *Hiskia*, Hoseæ regis Israel in Assyriam abductionem, & REGNI ISRAELITICI FINEM, cultus vero SAMARITICI originem c. XVII.
- II. de regno Judeæ scorsim, post sublatum Israelis regnum, superflite, ad ejus usque interitum. Vides
- 1) regnum labefactatum, sub
- α) Ezechias s. Hiskia, cuius memoratur
 - a. pietas, &c. a Sennacheribo facta oppugnatio c. XVIII.
 - b. oratio, & per angelum hostium percussorem, liberatio c. XIX.
 - c. morbus fatalis & restitutio c. XX.
 - β) *Manasse*, de cuius idolatria & tyrannide c. XXI, 1—17.
 - γ) *Ammon*, a ministris occiso c. XXI, 18—fin.
 - δ) *Josia*, cuius pietas c. XXII. & celebratio Paschatis c. XXIII, 1—29.
 - ε) *Joasō*, qui a Pharaone vinctus in Ægyptum abducitur c. XXIII, 30—34.

2. regnum



2. regnum cadens sub
 α) Jojakimo, qui
 a. tributarius Pharaoni factus c. XXIII, 34—fin.
 b. ob rebellionem perditus c. XXIV, 1—5.
 β) Jechonia, qui captivus in Babyloniam abducitur c. XXIV,
 6—fin.
 γ) Zedekia, qui captis dirutisque Hierosolymis Babylonem
 deportatur c. XXV.

De Commentariis huc repetenda sunt cap. prae. §. ult. dicta.

CAP. XVI.

De libro priore Chronicorum.

*Apud Hebreos רְבָרִי חֲמִימִם inscribitur. Iis enim, ut aliis postea populis, Summarium in more possum erat, ephemeridas consignare. Hoc facientes, numerum Capitis, המוכרים dicti, incertum. ὁ ἐπὶ τῶν ὑπομνημάτων, ὑπομνηματεῖ γράφει, ὑπομνήσου, Εἰ ἐστὶ τῶν ἀναμνήσεων, quid Gracis no-
 tent? Quid sint proprie verba dierum? Quo sensu hic liber ita in-
 scribat? §. 1. Gracis παρολειπόμενα Εἰ χειρία dicuntur. Latini Paralipomena, annales &c. In hagiographis ultimum locum oc-
 cupat Hebreis §. 2. Scriptor libri alii compilator incertus, priscis
 monumentis usus; nobis Esdras Θεόπουες §. 3. Qui ab objectis
 & veteris vestigiis, & novitatis indicis, contra Clericum & Spino-
 sam vindicatur §. 4. Argumentum utriusque libri, & sigillatum prio-
 ris. Scopus. Utilitas varia, & Hieronymi encomium libri §. 5. Au-
 toritas Canonica, scabiose a Spinoſa traducta; valide asserta; argu-
 mento a lectionum in numeris & nominibus propriis diversitate defun-
 to impugnata; & vindicata §. 6. Chronologie ex hoc libro compo-
 nende gemina ratio. Ubi dubio occurritur: cur recensio posteritatis
 Zorobabelis in Chronicū lib. I. c. III. plane non respondeat ei, que a
 Mattheo genealogia Christi inseritur? §. 7. Unde numeri capitum
 in Hebreo & Germanico Codice diversitas? Partitio libri §. 8. Ta-
 bula Synoptica §. 9. Commentarii Patrum, Rabbinorum, Luthera-
 norum, Pontificiorum, Reformatorum, Remonstrantium §. 10.*

§. I. No-



De libro I.
Chronico-
rum.
Appellatio
libri He-
braica;

§. I.

Nomine non uno hic cum sequente liber apud Hebraeos, Græcos, & Latinos gaudet. Quorum illi quidem **דָבָרִי הַיּוֹם** verba dierum, sive aut alii vertunt, **גְּשֻׁתָּה** diurna, aut juxta b. Laur. Fabricium in *Partit. Cod. Hebr. &c. b. Calovium*, res gestas temporum dicunt, appellatione ipsi Scripturæ trita, quæ hos nostros libros eodem nomine Neh. XII, 23, insignit, ex Huetii mente ad i. Chron. X, 10. sqq. digitum intendens. Frequens alias mentio, maxime in Regum libris, injicitur verborum dierum *Regum Judæ & Israëlis*, ut ex i. Reg. XI, 41. XIV, 19. 29. XV, 7. 23. 31. XVI, 5. 14. &c. patet: quibus diversa ab his commentaria innui satis inde appetet, quod i. Chron. XXVII, 24. **רְבָרֵן הַיּוֹם** **הַמֶּלֶךְ יְהוָה** *Cronica gestorum Davidis*, tanquam distincta & a præsentibus his alia citantur. Tum vero nonnulla quoque in illis annalibus legi dicuntur, quæ in his frustra queres. Quæ enim i. Reg. XVI, 20. 27. de Simri & Omri scripta perhibentur, in libro verborum dierum *Regum Israëli*, non continentur in his libris, quos præmanibus habemus. Sic & quæ de domo Achabi eburnea, & urbibus ab eo extructis i. Reg. XXII, 39. in verbis dierum *Regum Israëli* fusiis exposita afferuntur, in his desiderantur. Ubi quidem caute vult distingui R. Dav. Kimchi ad initium Comment. in lib. I. Chronic. annales regum Judæ ab annalibus Regum Israëlis: utrosque enim seorsim peculiari conditos fuisse libro. Et hos quidem in Canonem Sacrae Scripturæ relatos nunquam fuisse, quia permansurum non erat regnum Israëlis, & in sequentibus temporibus regnum domus Davidis solum sit perennaturum, sicut dicitur: *& rex unus erit omnibus illis*; item, *nec erunt ultimæ due gentes, neque dividentur in duo regna amplius* Ezech. XXXVII, 22. Judæ vero annales hunc ipsum Chronicoruni esse librum, quem Esdras, pridem quidem scriptum, in Canonem retulerit per manus Haggæi, Zachariae & Malachiae. Sed vero, ne isthæc Kimchii observatio fallat, ut ex collatione citatorum ex Chronicis Regum Judæ cum nostris Paralipomenon libris facilis negotio demonstratur. Ceterum non inscite inde colligunt eruditii, a prima inde Reipublicæ Judaicæ origine, aut a Davidis certe ætate in more positum Hebreis fuisse, ut acta publica in tabulas referrentur, ad quas recurrerent, sicubi præteriorum rerum memoria opus esset. Idem postea institutum ad Ægyptios quoque, Tyrios, Indos, Sinas, Græcos, ac Romanos transisse, Huetius observat *Dem. Evang. Prop. IV, ad lib. Regum*

§. I.



§. 1. p. 345. Sane apud Babylonios obtinuisse, ex Esdræ IV, 15. clarum est: Chronice apud Persas ac Medos similiter, ex Esth. X, 2. cum primis vero ex Esth. VI, rum.

1. constat, ubi paulo plenius **ספר חכברנות רבי הימוי liber memoriarum verborum dierum**, hæc monumenta interribuntur. Et ex Persarum quidem **βασιλεῖον διφθεροῦ membranis regis**, ēv ἀξ̄ οἱ Πέρσαι τὰς παλαιὰς πράξεις, κατὰ τινὰ νέαν, εἰχον συντελαγμένας, in quibus Persas antiquas, ex lege quadam habebant collectas, Ctesias Cnidius curiose se-scrutatum singula, & in historiam suam transtulisse, apud Diodor. Sic. lib. 2. Biblioth. manifesto testatur. Et Alexandri M. ἐΦημερίδας *Diaria*. Plutarchi adhuc ætate extitisse, ipse testis est, cum fatalem regis mórbum diemque sub finem vita *Alexandri T. I. p. 706.* ex istis diariis, signatis verbis transcripsit. Porro in his consignandis qui operam ponebat, apud Hebraeos, **הנְּצִיבָר a commentariis dictum**, Huetius c. l. eumque secutus Clericus Dissert. descriptoribus libr. Hist. V. Test. S. 7. censent; quo munere Josaphat, filius Achilud, sub Davide 2. Sam. VIII, 16. nec non sub Salomone 1. Chron. XVIII, 15. & 1. Reg. IV, 3. sub Ezechia, Joachus, Asaphi filius 2. Reg. XVIII, 18. sub Josia alias Joachus, Joachasi filius 2. Chron. XXXII, 8. functi leguntur. Ista vero extra omne dubium posita non esse, interpretum testatur dissensus. Sunt enim, qui pro historiographo & annalium conditore quidem faciunt, Chaldaeus interpres, ejusque legens vestigia R. Dav. Kimchi; quorum ille τὸν **חַמְבֵּר prefectum libris memorialibus** vertit, hic per **מִפְנָא עַד רְכֻרְנוֹת** **סְפִיר חֲכָבָרָנוֹת** constitutum super librum rerum memorabilium exponit: scribebat enim res gestas a Rege ipso, & omnia mandabat memorie, ait Vatablus not. ad 2. Sam. VIII, 16. At vero longe secus sentiunt Talmudistæ, eosque secuti R. Salomo & Abarbenel, monitorem potius Regi in jure dicundo, vel expediundi regni negotiis adsistentem, hac voce notari censentes. Ita sane Abarbenel ad l. c.

מַכְרֵר לְמֶלֶךְ

עַנְנֵי המשפט אשר יפעל להם מה שראוין וחול אמור שהריה **מַכְרֵר הַרְן שְׁבָא לְפָנָיו רַאשֵׁון כִּרְיָה לְפָסְקוּ רַאשֵׁון**: monuisse Regem, inquit, de causis forensibus, ut in singulis secundum jus fasq; ageret. Doctores vero nostri p. m. judicia direxisse dicunt, causasque primum eum & cognovisse & direxisse. Quæ ipsa Jarchii sententia est, quacum Germanica b. Lutheri versio conspirat, quæ *Cancellarium reddidit*. Hinc utramque significationem Joann. Menochius conjungit, cum ad c. l. Sam. annotat: *Emi ergo Josaphat vel commonefactor, id est, qui negotia tractanda in memoriam revocabat, & supplices porrigebat libellos, quos vul-*

Na

go



De libro I.
Chronico-
rum.

go Memorialia appellamus, quo munere ut plurimum funguntur, qui Principibus sunt a secretis: vel certe res gestas in commentaria referebat, ne memoria illorum intercederet, qui libri verba dierum dicebantur, quod in modum ephemeridum, quae accidebant notatu digna, per sua tempora & dies digesta notabantur, ut esset historia parata materia. Eodem recidunt, quæ satis prolixe, sed omnino hæsitanter in hanc vocem commentatus est Sanctius Comm. in b.l. Sam. & paulo curatius adhuc in Prolegom. i. ad Comment. in libb. Regum. Nec omnino dubium sustulerunt, ad quos Huetius & Clericus provocant, Græcae versionis autores, qui per τὸν ἐπὶ τῶν ὑπομνημάτων, & alibi per ὑπομνηματογράφου, ipsosque annales per γράμματα μηνιόσυνα ἡμερῶν reddiderunt. Ista enim nomina quid sibi velint, conjicere licet ex iis, quæ Georg. Codinus Europolata de officiis magna ecclesie & aula Constantinopolit. cap. I. in medium affert, ubi in Officialibus ecclesiasticis etiam τὸν ὑπομνηματογράφου memorat, quem eiς τὸ γράφειν τὰ πατριαρχικὰ ὑπομνήματα scribendis commentariis s. memorialibus Patriarche occupari dicit; & distinctum ab illo τὸν ὑπομνηματονοντα monitorem sive suggestorem, quem eiς τὸ ἐνθυμίζειν τὸν ἀρχιερέα μωσιῶν Patriarche missam celebranti adstitisse tradit, & tacite suggestisse singulas orationes; a quo tamen multum diversus est Jac. Goarus, cum in notis ad b. l. Codini p. 14. ex Allatianistὸν ὑπομνηματονοντα describit, δεχόμενον τὰς ὑπομνήσεις τῶν ἔρχοντων εἰς τὴν ιερότει, καὶ ἀναφένται τῷ ἀρχιερεῖ καὶ τῷ κληρῷ, quod a memoria suscepit commendationes memorialium, ad justitiae tribunal accendentium, & presentarit eas Pontifici & Clero. Porro cap. 2. in officialibus Palatii n. 58. ponit τὸν ἐπὶ ἀναμνήσεων, Magistrum memoriae, quem Goarus in not. p. 33. de omnibus Rempublicam & principem spectantibus, de publico bono adaugendo, removendis incommodis, puniendis sceleribus, æque, ac virtute compensanda, commonuisse Imperatorem observat. Quæ utut omnia, multis quidem seculis post instituta, describant, genuinam tamen ταῦτα significationem haud parum illustrant, nec tam annalium conditorem, quam rerum agendarum monitorem hac voce Græcis intelligi demonstrant. Quo & Vatabli ad 2. Sam. VIII, 16. spectat observatio, qui missi superioris allata ejusdem interpretatione, מִזְבֵּחַ ad verbum, memorantem vel reducentem in memoriam notare animadverit, cuius officium erat, suggerere & in memoriam revocare Regi, quæ essent agenda. Sed justo forte prolixius hæc prosequor, dum in eruendo verborum disserum versor significatu. Jam ut in viam redeamus, constat ex supra dictis, דָבָרִים חֲמִתִּים propriæ ejusmodi notare commentarios sive annales, quibus



quibus singulorum dierum observationes & acta publica memoratu di- Chronico-
gna, publica quidem autoritate, ab hominibus fide dignis, memoriae rum.
gratia consignantur, ex quibus alii deinceps materiam capiant, justo or-
dine in historiam digerendam. Huic itaque libro, θεονέως ωνιτον
& immediato Spiritus S. dictamine exarato, cum id nominis injungitur,
analogice saltem & per quandam similitudinem intelligendum est, non-
quod nomen ferat operis, cuius vicem postea supplevit, postquam alterum
illud intercidisset, quæ Clerici conjectura est, sed quoniam ad modum
ejusmodi ephemeridum, per quam tamen succincte, compositus,
temporum a primo inde generis humani ortu seriem, ad regum us-
que in populo Dei imperium, per Genealogias tradit, mox Regum gesta
exponit, & quæ singulis evenerint Judæ & Israelis regnis, ordine re-
censet.

II.

Longe autem diverso Græcis nomine venit, quibus παράλειπομένη Greca :
pretermissa inscribitur, ἐπειδὴ παράλειφθέντι πόλισσιν τῆς Βασιλείου πε-
γίχεται εἰς τέτοις, quoniam multa, in libris regum præterita, in his libris con-
tinentur, ut Athanasiana habet Synopsis T. II. p. 82. Sic Isidorus quoque
lib. VI. Origin. c. 1. p. 45. B. explicat: Paralipomenon græce dicitur, quod
prætermislorum vel reliquorum nos dicere possumus, quia ea, quæ in lege,
vel in Regum libris vel omessa, vel non plene relata sunt, in isto summatim &
breviter explicantur. Et ita communiter interpretes appellari tradunt,
quia ea, qua vel in Pentateucho, vel in libris Josuæ, Judicum, & maxime
Regum, aut omessa, aut plene descripta sunt, breviter & summatim hic
recensi credunt. Hinc & in Arabica versione liber supplementorum,
Regum vocatur, cum colophonem posteriori libro Chronic. his verbis
imponit: *absolutus est cum auxilio & optima Dei providentia liber volumi-
num Regum & liber supplementorum Regum.* Sed vereor, ne idem hic lo-
cum habeat, quod de eadem τῶν παραλειπομένων inscriptione, Xeno-
phantis historiarum Grecarum libris VII. præfixa, Joannes Leunclavius
in notis ad Xenoph. p. 1060. B. judicat, inepte eum operi titulum dari;
cum non tam supplet Chronicorum liber in Regum libris omissa, quam
omnium ætatum seriem succincte texat, & in compendium redigat.
Multa namque hic repetuntur, quæ satis copiose jam in Regum libris le-
gebantur, ut sunt initia regni Salomonis, structura & inauguratio tem-
pli, & id genus alia; nonnulla vero ibi omessa, resarcuntur, ut in histo-
riis Josaphati & Ezechiae videre est; quædam concisius in superioribus
Nn 2 dicta,



De libro I.
Chronico-
rum-
dicta, amplificantur, ut res gestæ Abia, Aia, Joas, Manassis, & aliorum;
alia plenius jam exposita in epitomen hic mittuntur, & velut in tabella
repræsentantur. Cujus quidem repetitionis, & additionis rerum in
præcedentibus libris intactarum rationem, si non ubivis sufficientem, ali-
qualem tamen reddit Abarbenel ap. Joh. Meyer. in *Seder Olam proleg.*
p. 202. seq. ex diverso scriptorum in his libris consignandis scopo. In
Samuelis enim & Regum libris non id intendisse scriptorem sacrum, ut
omnia & singula præcise enarraret, quæ David reliquique Reges præcla-
ri egerint, sed ea tantum referret, quæ utilē doctrinam in se continent,
unde vel Dei benignitas & prodigia, vel honinum peccata & supplicia
elucerent. Hinc ex magna copia eorum, quæ tunc gesta sunt, ea dunta-
xat annotasse, ex Dei mandato, quibus hunc finem consequi posset, ut
Deum homines cognoscerent, timerent, & celebrarent, & generatio-
num successiones ac Regum Genealogias animadverterent, omissis multi-
bus superfluis, quæ scilicet fuerit Regum fortitudo, quas urbes aedificave-
rint & similia. Inde, pergit, mirum non esse, si alia in illis, alia in his li-
bris occurrant, diverso quippe consilio & instituto compositis. Horum
enim scopum, ut paulo post visuri sumus, Esdræ scriptori fuisse gloriam
Regum Judæ. Ad quem quæ non faciant illustrandam, omissa fuisse in
Paralipomenis. Quæ vero eodem modo & in superioribus & in his recen-
sentur libris, sine additione & diminutione, ea necessario ad ejus histori-
am pertinuisse. Tandem quum eadem historia bis vel ter occurrit,
repetita, velut historia Hiskiae v. g. in libris Regum & Jesaia, id ob diver-
sas factum esse rationes & fines. In Regum enim libris eam totam nar-
rari, ut historia regis Hiskiae sua constet integritas. In Jesaia vero non
per se illam narrari & per modum historiæ, sed per modum prophetiæ.
Sic Jeremiam in sua prophetia historiam destructionis Hierosolymorum
referre, quæ & in libris Regum recensetur, quia necessum fuerit, ut de-
nunciando eas Prophetias, ipsis etiam proponeret historiam; & hac de-
causa eo plane modo non inveniri historiam in Jeremia, quo in libris Re-
gum, sed mixtam esse prophetiam cum historia. In hanc sententiam
Abarbenel non omnino absurde pronunciat. Itaque magis apposite
aliis ταὶ χρονιὰ audiunt hi libri, Hieronymo judice, qui *in prefat. in lib.*
Regum T. IV. Opp. f. 7. b. dum in recensione Hagiographorum ad hunc
nostrum devolvitur: *Septimus*, inquit, *dibre hajomim*, i. e. verba dierum,
quod significans χρονιῶν totius divinae historiae possimus appellare: qui
labor apud nos Paralipomenon primus atq; secundus inscribitur: quia τῶν

286-



Xερναν, temporum ac seculorum accurasier paulo digestio his libris continetur, vel certe concisa omnium a mundi exordio temporum, ad rum. istam, quae scribebantur ipsis, periodum usque, epitome per G. nealogias exhibetur. Græcos imitati Latini, *Paralipomena*, perssim, & *Chronico-Latine*. rum libros salutant; sunt etiam, qui *annales*, sunt qui *Ephemeridas* inscribunt, Hebraicum titulum hac voce reddere satagentes. *Chronica*-b. Luther quoque in versione Germanica audiunt. Porro Hebræi hunc li- Sedes & brum in Hagiographorum classem redigunt, cuius hanc reddit rationem ordo. R. David Kimchi loc. cit. quia continet enarrationem historicam; quantumvis etiam quadam ibi extent propheetie: quia vero principaliter & præcipue scriptus est ad enarrandas res gestas, & prosapias sive genealogias, ideo comprehensus fuit sub Hagiographis, sicut & liber Ruth, qui eo fine scriptus est, ut recenseret familiam Davidis, ideo & ille relatus fuit inter Hagiographa. Sed aliam longe rationem Hagiographorum, qua a Propheticis libris distinguuntur, supra audivimus cap. II. § 4 p. 25. unde etiam de Chronicis, ex Judæorum mente, fieri judicium poterit. Ultimo tandem loco in Bibliorum codice hunc nostrum Judæi ponunt, post Esdram & Nehemiam, quia ultimo loco ab Esdra scriptum vel recensitum opinantur. Rationem ordinis, quem in Latino & Græco Codice hi libri te- nent, ita reddit frater Brito, Ordinis Minor. in præfat. super primum Prologum Hieronymi in libros Paralipom. in Bibl. Glossat. Lyra sub init. b. L. T. II. f. 187. F. quoniam in his supplentur, que minus ibi dicuntur, ideo post libros Regum immediate sequuntur: præponitur autem (uterque) libris Esdræ, quia finis libri secundi Paralipomenon idem est cum principio Esdræ.

III.

Jam circa scriptorem cum mire dissentiant interpres, eo tamen Scriptor redeunt omnes, ut vel ex variis annalium monumentis collectam hanc epitomen, incerto autore, vel Esdræ forte opera, arbitrentur; vel ad Esdram primam scriptorem universum referant opus. His (libri) nullum sed compi- certum habent autorem, inquit Sixtus Sen. Biblioth. S. I. p. 10. Vero simile lator ali- est, eos ex scedula matris, annalibus & diariis sacris, in populo repertis, con- quis; cinnatos esse ab Esdra, post redditum ejus ex Babylone in terram sanctam, Sim. Episcopii conjectura est Institut. Theol. lib. 3. c. 3. T. I. Opp. p. 220. Eademque sententia Theodoreto primum placuit, magnoque consensu a recentioribus, Sanctio, Huetio, Clerico, iisque omnibus approbatum, quibus illa de המזכירים traditio, S. præced. discussa, arridet; quæ si



De libro I.
Chronico-
rum.

fimo niteretur talo, habemus sanè autores suo quemque nomine memoriæ proditos. Et posset forte citra detrimentum divinæ librorum horum autoritatis admitti, si pari in Scripturas veneratione omnes illam amplectenterentur, ac Lavaterus, qui in prolegom. in b. I. p. 1. b. eam ita exponit: *Posset tamen dici, Esdram sive alium quempiam, afflatu Spiritus Sancti, ex illis annualium libris, qui procul dubio a Prophetis, qui sub Regibus vixerunt, conscripti fuerunt, præcipuas res, que in historia Regum deesse videbantur, decerpserit, & in hoc compendium redigisse. Certum enim est, Deum qui cavere potuisset, ne libri illi intercederent, consuluisse sui populi utilitati & commodo, neg. voluisse, ut nimia librorum copia obruerentur.* At vero cum apud plerosque Criticos eo tandem hæc sententia recumbat, ut vix humanam ac historicam Chronicis nostris autoritatem ac fidem relinquat, omnemque eorum Georgievitav e medio tollat, quasi ex humanis saltem monumentis istis, studio ejusdam privato consarcinati & excerpti fuerint, quođ Grotii & Ludov. Cappelli in h. I. verba haud obscure docent; calumniæ huic verius, quam nixa rationibus sententia subscribere non possumus. *Spiritus S. enim non excerptit e scriptis humanis suis, ut libros consarcinet, graviter pronunciat b. Calovius noster, contra Gro- tium hanc causam prolixe perorans T. I. Bibl. Ill p. 835.* Hinc longe- poior interpretum pars ad Esdram, primum Paralipomenon scriptorem, librum refert. Ita Hebræorum m. gistro in Massecheth *Bava Batm cap. I. fol. 15. col. 1.* זְרָא כִּתֵּב סִפְרֹו וַיֹּהֶס שֶׁל דְּבָרֵי הַיּוֹםִים עַד לְזְרָא Esdras scripsit librum suum, & Genealogias libri Chronicorum usque ad seipsum: vel exponente Buxtorffio de punct. vocal p. 182. usq; ad זְרָא וְרוּן ei fuerum fratres 2. Chron. XXI, 2. Sic enim legitur in Schalscheleth fol. 66. col. 2. זְרָא כִּתֵּב סִפְרֹו וַיֹּהֶס רְהָה עַד וְרוּן אֲחִים פָּרָשׁ בָּא R. Salomo sub initium Comm. in b. I. Esdras hunc genealogiarum catalogum scripsisse testatur per manus Haggæi, Zachariæ & Malachiaæ. His Christiani consentiunt commentatores passim, nostrique cumprimis, ut apud Friedlibium *Observ. Bibl. ad b. I. Petr. Palladium Isagog. p. 67.* Waltherum *Offic. §. 853.* Calovium loc. cit. videre est. *Divinitus inspinatum fuit Esdræ, Sacerdoti & Legis Doctori, ut aliqua ad V. T. pertinentia, que a Scriptoribus ipsum precedentibus fuerant dimissa, vel minus plene scripta, in hoc libro per ipsum colligerentur, ait Lyra in Prolog. Postill. super b. I.* Eddidum ante ipsum Josephus in *Hypomnestico MSCto lib. 2. c. 130.* postquam Regum libros ab Esdra reduce ex memoria restitutos memorasset: *postea intelligens, inquit, quenam in Regum libro prætermissem, de suo illa- expo-*



exposuit et in medium protulit; prior enim (qui IV. Regum sunt) ex pluribus collectus fuerat. Atque hunc duobus voluminibus distinctum, Judæi quidem verba dierum inscribunt, ecclesia librum Paralipomenon, ut est ap. D. Fabric. Cod. Pseudop. V. T. n. CLXXXIII. p. 904. Nec argumentis destituuntur, quibus assertum confirment; tum quia verba ultima librorum Paralipomenon 2. lib. XXXVI, 23. eadem plane sunt cum iis, quæ initio libri Esdræ c. I, 2. 3. habentur; eum vero morem, repetitis, sub initium novi operis, clausulæ verbis libros continuandi antiquis receptum fuisse. Grotius ad c. l. Paral. observat, & ex Procopii fine Vandalicorum & Gothicorum initio probat: tum quia post captivitatem scriptos esse, eadem verba, quæ liberationem Cyri commemorant, dubitare non sinunt: tum quia catalogi in novem his primis capitibus similes sunt iis catalogis, qui Esdræ c. II. VIII. & X. habentur. Opinionis huic nostrum quoque libenter adjicimus calculum, (cum certior non suppetat) modo Esdras Φερόμενος ὑπὸ πνεύματος ἀγίου in exarandis his libris 2. Pet. I, 21. nec propria tantum industria ex priscis, iisque humanis saltem, annalibus hanc epitomen compilasse, sed Spiritu S. suggestente & inspirante, consignasse singula dicatur. Hinc ea præcise videas his libris vel de novo tradita, cum alibi in sacro Codice obvia non sint, vel in compendium missa, cum alias latius declararentur, vel uberior amplificata, quæ in rem ecclesiæ salutisque nostræ juvandæ fore sapientissimus Dei Spiritus judicavit. Cererum quod observarunt viri docti, genealogiam Zorobabelis 1. Chron. III, 21. seq. ultra Machabæorum tempora fere usque ad Christum extendi, facile periret, ut credamus, hæc talia per manum æque Θεοπνευστον post Esdram dudum adjecta fuisse, eo consilio, ut integræ generationum & Davidicæ prosapiaæ series suo loco exhiberetur. Sed & librum ipsum satis diu post solutam captivitatem concinnatum fuisse, varia hinc inde vestigia manifesto evincunt. Plura de scriptore libri qui cupit, præter Huetium Dem. Ev. Prop. IV. de libris Paralip. S. 1. p. 351. sq. Clericum cit. Differt. Sanctum preloqu. Comm. in libb. Regum, Bonfrerium in appendice ad cap. 7. preloquior. in Script. S. Secl. 6 p. 1068. adeat Vincent. Placcium Theat. Script. Anon. et Pseudon. cap. I. n. 4. p. 4. sq.

IV.

Jam contra nostram sententiam, Esdramque scriptorem, post Hobbesium in Leviath. c. 33. urget cum primis Clericus loca antiquius redolentia ævum, v. g. cum 1. Chron. IV, 43. Simeonitæ nonnulli expulsis Amalekitis, qui in monte Seir habitabant, illic dicuntur sedem fixisse.

vindicatus

I.

ad



De libro I.
Chronico-
rum.

ad hunc usq; diem; cum tamen Esdræ temporibus Simeonitæ dudum in captivitatē trans Euphratēm essent abducti. Sic 2. Chron. V, 9. arca in templum a Salomone illata, dicitur in eo mansisse usq; in presentem dēm: post redditum vero e Babylone arcam amplius præsto non fuisse, in confessio est. Paria occurrere observant 2. Chron. VIII, 8. X, 19. XXI, 10. At enim vero, uti suprī §. 1. ultro largiti fuimus, singulos omnino Reges vel certe astatates, suos habuisse annales, sua diaria, ad quæ multoties Chronica nostra remittunt; ita fieri potuit, ut *εὐτολεῖς* retineret & suggereret scriptori Esdræ Spiritus S. hanc vel illam periodum aut phrasin ad eum omnino modum, quo in prisēis illis monumentis, populo olim probe notis, legebantur. Unde mirum non est, phrasin subinde occurrere, illa quidem tempestate, qua Chronicorum liber exarabatur, longe antiquiore. Fuisse quoque sat graves Spiritui Sancto causas, cur ejusmodi phrasibus reduci ex captivitate populo pristinorum temporum vel felicitatem vel *μηνοθυμίαν* divinam in memoriam revocare, pro sua sapientia voluerit, dubitandum non est, licet a nobis ea evidenter satis indicari nequeant. Ut adeo minus firmiter hinc colligatur, ab Esdra librum hunc *Θεοντεύσως* provenire non potuisse. Quin potius, cum eandem formulam: *ad hunc usq; diem de captivitate Assyriaca duarum tribuum cum dimidia cap. VI, 26. usurpatam legamus, liquido inde constat, hæc priora libri capita æque sero scripta fuisse, ac reliqua, nec adeo ex variis consutum eundem tabulis vel fragmentis, sed continua serie, Spiritus Sancti dictamine, esse exaratum. Cœtra vero ea recentiorem longe, & post Judæ Macchabæi demum tempora consignatum eum pertendit Spinosæ, cuius Tract. Theol. Pol. c. 10 p. 127. verba hæc sunt: De duobus Paralipomenon nihil certi, et quod opera pretium sit, notandum habeo, nisi quod dudum post Hezram, et forte postquam Judas Machabeus templum restauravit, scripti fuerunt. Nam c. IX. libri I. narrat historicus, quenam familie primum (tempore scilicet Hezra) Hierosolymæ habitaverint: et deinde v. 17. Janitores, quorum duo etiam in Nekem. XI, 19. narrantur, indicat. Quod ostendit, hos libros dudum post urbis reædificationem scriptos fuisse. Istud vero familias illas & janitores ostendere, nemo facile inde eliciisset, nisi æque perversæ mentis ac argutator Theologo-Politicus, qui re vera hic, quod opera pretium sit, non habet. Quid enim prohibet, quo minus familias sibi coævas describere Esdras potuerit? aut num templo vix restituto, janitores esse nulli, aut nominari minime ab Esdra poterant? Finitam enim templi structuram, ejusque inaugurationem ipse*



ipse cum recenscat libri sui c. VI, 15. sq. cur non janitores in Chronicis Chronico-nominare queat? Satis omnino diu Esdras & Nehemias vitam produxit. se leguntur, cum ille Johannis, qui pater fuisse creditur Jadduae Esd. X, 6. hic Jadduae Pontificis tempora Neh. XII, 22. vivendo attigerit, quem Jadduam Alexandro M. σύγχρονον, eique Hierosolymas petenti obviam factum, memorat Josephus I. XI. Antiqu. c. 8. Dudum porro post reditum, solutamque captivitatem scriptos esse libros ultro largimur.

V.

Geminum uterque liber argumentum exequitur, dum primo quidem genealogias ab ultima hominum rerumque origine, per varias populi cum primis Judaici propagines, ad proxima a Messia tempora pertinet, ejusque ex Davidis & Abrahami prosapia ortum demonstrat humatum; deinde vero, præmissis de Saule nonnullis, res sacras pariter ac civiles Davidis, regnique Judæ historiam, ad restitutam quadantenus in Zorobabele dignitatis regia velut umbram, cum cura recenset, suis quæque temporibus distinguit, nec infrequentem Regum Israel mentionem injicit, maxime ubi ad illustrandam regni Judæ historiam facit, ut non immerto *Instrumeni veteris epitomen Paralipomena* cum Hieronymo loco mox citando dixeris. Ad regnum Judæ enim potissimum hos libros accommodatos esse, nec Regum Israel meminisse aliter, quam quatenus ad historiam Judæ lucis aliquid afferunt, ante reliquos interpres, Syrus jam animadvertisit, cum in versione sua eos ita inscribit: ΙΔΥΟΝ ΠΕΡΙ ΖΕΦΑΝ

Argumentum utriusque,

τέλος ΙΔΥΟΝ ΠΕΡΙ ΖΕΦΑΝ. Liber rerum actarum temporibus regum Judæ, qui vocatur Dibre-Jamin. Ceterum huc faciunt, quæ non inconcinne observavit Abarbenel, cuius verba latine reddita Joh. Meyer in *Seder Olam Prolegom.* p. 201. sq. exhibet: id nimur in his libris egisse Esdram (quem eorum scriptorem statuit) ut prosapiam Davidis & tribus ejus, & genealogiam regum, qui fuerunt ex semine ejus usque ad Zorobabelum filium Schealtielis exponeret, initio facto ab Adamo usque ad excidium Hierosolymitanum, & ad Zedekiam, ultimum de domo Davidica regem. In Esdræ vero libro narrasse reduces ex captivitate Babylonica, & eorum prosapiam, ac principatum Zorobabelis, nec non ædificium templi secundi, & quicquid iis accidit in diebus Esdræ. Cumque hæc duo volumina conjuncta esse vellent, inde factum, ut iis Paralipomena verbis obsignaret, quibus Esdræ librum auspicatur. Hos enim duos libros Esram hominibus suæ ætatis sufficere judicasse, ut

Oo

suam

102



De libro I.
Chronico-
sum.

figillatim
prioris.

Scopus.

Utilitas.

suam prosopiam & familiam Davidis Regis sui, nec non potentiam & dignitatem cognitam & perspectam haberent. Porro cum hunc sibi scopum in libris Paralipomenon Esdras haberet præfixum, ut laudibus efficeret & condecoraret res Regum Judæ, hinc ipsorum bella, & quicquid eorum gloriam amplificare poterat, fusius enarrasse, neque hanc ejus additionem inanem esse & superfluam. Quæ quidem singula in libris Samuelis & Regum æque non recenseri, mirum non esse, cum ab illorum scopo ea sint aliena. Hæc ex mente Abæbenelis, quam Præfationibus ad libros Josuæ, Samuelis & Regum prolixè exposuit. Ad priorem itaque quod attinet librum, is præmissis per novem capita genealogiis, in Davidis versatur rebus exponendis, ad Salomonis usque inaugurationem, cuius initia ultimo capite tangit. Eo autem hæc omnia tendunt, ut Messia ex patribus secundum carnem natales, non interrupta generationum serie, ostendant, eumque ex communi nobiscum stirpe prognum doceant, & omnium de humana ejus origine & consanguinitate oraculorum & vaticiniorum illibatam demonstrent veritatem: tum etiam ecclesiæ ac politia Judaicæ faciem ac vicisitudines, sub regum imperio, nis sū τουρόφει declarent. Succincte b. Calovius: *Scopus, inquit, precipius est, Christi genealogiam & majorum ejus historiam, nec non ecclesiæ ejus statum ob oculos pouere.* Et necesse omnino erat, concatenata isthac generationum recensione Messiam ita delineare, ne in dignoscenda ejus persona ullus locum haberet error. Usus demum libri longe lateque patet, & 1) quidem eo usque se extendit, quo universa historiae sacræ se porrigit utilitas, quam ex instituto celebrant nostris b. Dannhauer. *Hermeneut. Sac. Artic. XV. p. 315. seqq.* & e Reformatis Heidegger. *Dissert. Bibl. XII. §. 16. p. 401.* Præterea quoque 2) omnia genealogiarum commoda præstat, quarum non privatus modo usus est, ad Judæos spectans, quorum familiae ac tribus, tot gentis cladibus attritæ, ipsaque captivitate mirum quantum confusæ, accurate extricantur, ut partim gentes Israelitis per connubia inserentes ab iisdem distinguerentur, partim certi posuerentur limites, in quibus ipsæ posthac se continerent familiae, de qua insigni & varia Genealogiarum inter Judæos utilitate, eruditissimum videtur Spanhemium Patrem, *Dub. Evangel. P. I. Dub. XIII. §. 4 p. 62.* & Burmannum in *I. Chron. I. p. 181. seq.* sed & communis ecclesiæ universæ, cuius de exhibito Messia fides egregie iis confirmatur, cum ob oculos sibi positam videt generationum in tribu Juda, per Davidem ad Zorobabelm & amplius, scriam, e qua Christum genus ducturum

tot



tot Prophetarum oraculis constabat Hebr. VII, 14. Ut taceam 3) in Chronico-
historia sacra rite digerenda, metiendisque temporum intervallis, in ex-
ponendis difficultibus quibusdam Scripturæ locis, in demonstrando Do-
ctorum ac testimoniis, per quos cœlestis doctrina inde ab initio ad nos trans-
missa & propagata est, ordine his libris pariter ac genealogiis faculam
accendi. Quis enim aliquot Psalmorum argumenta, Prophetarum vatici-
nia, multosq; Novi Testamenti locos recte intelligit, nisi historiam his libris
comprehensam habeat perceptam? Quantum quoq; lucis accedit Prophetarum
oraculis, si ex his & Regum libris sciamus, quales fuerint Reges, quorum
illi temporibus floruerunt: aut quomodo et quando illa acciderint, de qui-
bus illi predixerunt. Libros quoq; Regum absq; horum adminiculo non sa-
tis intelliges, ut recte omnino judicat Lavaterus Comm. in b. l. p. 2. a. Unde
Hieronymus prolixis eos encomiis ornat, & in prefat. in Lib. Paralipom.
ad Dominionem et Rogationum T. IV. Opp. f. 9. A. disertis verbis testatur,
quod omnis eruditio Scripturarum in hoc (libro) continetur: et historie, que
vel prætermissee sunt in suis locis, vel perstricta leviter, hic per quedam verbo-
rum compendia explicantur. Et in epist. ad Paulinum T. IV. f. 3 D. inquit:
Paralipomenon Liber, id est, instrumenti veteris ēπιστολὴ, tantus ac talis est,
ut absque illo si quis scientiam Scripturarum sibi voluerit arrogare, seipsum
irrideat. Per singula quippe nomina juncturasq; verborum, & prætermissee
in Regum libris tanguntur historie, & innumerabiles explicantur Evangelii
questiones.

VI.

Eo autem magis detestanda est effrena Spinozæ temeritas, qui Autoritas
adeo abjecte de his libris sentit, ut minari satis non posse profiteatur, cur Canonica,
inter sacros recepti fuerint ab iis, qui librum Sapientiæ, Tobiae, & reliquos, qui
Apocryphi dicuntur, ex Canone sacrorum deleverunt. Intentum tamen non
est, addit, eorum autoritatem elevare, sed quandoquidem ab omnibus sunt re-
cepti, eos etiam, ut sunt, relinquere. Mirari sane desisset, si dudum ante
in canone sacrorum repertos, in Sanctuario cum reliquis asservatos, ec-
clesiæque Novi Testamenti, pari cum ceteris Canonis autoritate, tra-
ditos fuisse cogitassem, quam liber Sapientiæ, Tobiae & reliqui Apocryphi
vel in lucem editi, vel ad aliquem publicæ lectionis in ecclesia usum fue-
rint admissi. Sub auspicio enim Novi Testimenti divinam hos libros asserta:
autoritatem jam in ecclesia obtinuisse, haud obscure ex iis locis colligi-
tur, quibus ad illorum testimonia & fidem vel provocatur ab Apostolis,
vel manifestis indicis alluditur. Tabulas generationum Christi Matth. I.
O o 2 & Luc.



De libro I.
Chronico-
rum.

& Luc. III. occurrentes, nemo sanus facile negaverit, ex his libris divino suggestente Spiritu, esse contextas. Confer præterea 1. Chron. XXXI, 11. cum Apoc. V, 12. 2. Chron. VI, 18. cum Act. VII, 48. & XVII, 24. 2. Chron. XIX, 7. cum 1. Pet. I, 17. Non ergo heri aut nudius tertius inter sacros recepti fuerunt, sed a primo statim ortu suo divina autoritate canonici inserti, nec unquam in ecclesia vel Judaica, vel primæva Christiana, quod constet, in dubium vocati, aut novitatis vel non tutæ fidei postulati: a qua canonice dignitatis possessione, tot seculorum ferente, etiam, nec Spinoza, nec ejus similis novus homo alias deturbare eos, nisi firmissimis instructus rationibus, valebit. Haud insimum enim in argumentis, canonicam sacrorum librorum autoritatem demonstrantibus, locum tenere istud, quod a perpetua & non interrupta manuum traditione, consonoque omnium temporum ecclesiæ, maxime vero primitivæ, testimonio ducitur, solide dudum evicerunt Theologi b. Egid. Hunnius de majestate & certitud. Script. Sacr. argum. XII. T. I. Opp. p. 18. sqq. b. Joh. Schröderus de Principio Theologie cap. I. quest. 7. arg. 14. p. 59. b. Petr. Haberkornius Anti-Valerian. Diff. II. cap. 5. p. 70. sq. & Diff. III. p. 79. sqq. Gravissima vero, qua hos libros premit, criminatio corruptionis est, quam per universum opus grassatam fuisse tantam calumniantur textus Hebraici hostes, ut neque annorum numeri iis respondant, qui in libris Regum designantur, nec personarum & urbium, locorum ac gentium appellations reliquis consentiant Scripturis. Ita omnino Spinoza argutatur, Tract. Theol. Polit. e. IX. p. 120. ubi præterea commentatores, qui has discrepancies conciliare nituntur, Rabbinos plane delirare, ceteros somniare, fingere, & linguam denique ipsam plane corrumpere cavillatur. A quo non multum abit Ludov. Cappellus, qui in Critica, quam vocat, Sacra, in libro 1. Chronicor. CLXXXVIII. in 2. vero LIII. varias & depravatas lectiones numerat, a se restitutas, quarum catalogum & censuram index libri ordine prodit. Cum primis id agit Rich. Simoh. Hist. Crit. Lib. I. Hist. Crit. V. T. c. 4. p. 27. ut turbationis, defectus & corruptelarum notam his libris, maxime in Genealogiis, inurat, in quibus componendis frustra dicit insidasse interpres. Nec ex religionis suæ principiis aliter potuit Huetius, quin Dem. Evang. Prop. IV. in b. I. S. 5 p. 354. seq. depravatas Hebraici textus lectiones ambabus manibus largiretur. Eandem Campeg. Vitringæ accusationem cap. prec. XIV. sub fin. S. 5. p. 208. audivimus & sub incudem vocavimus. Verum ut omnes istæ ἵνα φανικαὶ aut lectionum varietates, maxime circa numerorum diversitatem, interpretata dexteritate & studio conciliatae dudum



dudum & sublate sunt, quod Lightfootus in *Prolegom. ad Harmon. IV.* Evangelist. Sect. VI. T. I. Opp. p. 241. seq. Glassius noster Philol. S. Lib. L p. 75. Waltherus in *Harmonia Biblica*, Nic. Arnoldus in *Luce in tenebris*, Joh. Meyer annotat. in *Seder Olam* suis locis, & Commentariorum in loca ista dubia, inspectio docet, quibus addi poterunt, quæ nos supm p. 265. sq. in medium attuimus: ita ex appellationum, nominumque propriorum diversitate textus corruptio nullo plane argumento confici potest; cum & binomines multi fuerint, & exigua illa unius & alterius literæ mutatione temporum tractui, tum & indoli, dialecto, & pronunciationi diversarum tribuum & regionum, sit tribuenda. Sane Vir Doctissimus, & Praeceptor quondam noster in Talmudicis literis, Guil. Surenhusius in *βιβλίον της γένεσις lib. IV. de modis explicandi genealogias Thes. II. p. 91.* hunc canonem, tanquam in confessio & extra dubium ponit, ex Gemara, tit. *Bava Batmi* fol. 91. col. 2. multisque exemplis illustrat: *nomina propria virorum & mulierum* sepe variare solere, & unam eandem personam multis nominibus appellari, propter ipsius acta & virtutes, quorum unum nomen indutum sit a parentibus, ut distinguitur ab alia persona; alterum vero ab insigni quodam casu, vel ab historia, que ipsius aetate contigit. Et *Thes. IV. p. 93.* observat: *nomina propria virorum & mulierum transpositione, vel commutatione literarum* sepe variare solere, eadem persona manente: porro *Thes. VI. p. 95.* *nomina propria locorum aliquando præterlapsis temporibus in aliis commutari*, ex Talmud. Cod. *Schabbat* fol. 36. col. 1. Hinc per universum Codicem sacrum, similes lectionum occurrunt discrepantiae, ex quibus textum Hebraicum corruptum, nullo plane jure Cappellum arguere, data opera & solide demonstravit Buxtorffius fil. in *Anti-Critica Capp. II.* opposita, qua singula loca Pseudo-critico sollicitata afferit & vindicat; objectæ vero nominum propriorum diversitatib; Part. II. c. 2. p. 374. repergit: *quasi vero non idem nomen proprium diversimode potuisse exprimi & pronunciari, vel etiam progressu temporis nonnihil, ratione vocalium, proferebendo immutari, ita ut Moses secutus sit eam effendi nationem, quæ suis temporibus, scriptor libri Chronicorum, quæ suis itidem fuerit usitata. Quasi signorum esset, quæ sit varietas circa nominum propriorum prolationem, & quibus illa mutationibus, pro diversitate seu regionum, seu temporum sint expressa.* Rursus c. 8 p. 586. ait: *qui in variantibus nominibus propriis rationem querit, vel ad uniformem illa reducere tentat lectionem, vel ex interpretatione diversa scriptio[n]e & nomenclatura, Hebreicam quoq[ue] lectionem, in quam omnes Hebreorum codices consentiunt, immutare vel corrigere, aut emendare conatur, ne ille nihil aliud facit, quam ut cum ratione insanire videatur. Inter-*



De libro I.

Chronico- pretrum est explicare, quando uni eidemq; persona aut loco diversa attribuuntur nomina; non autem lectionem textus corriger. Rationem omnium appellationem dare quis possit? Insignem tamen operam in inquirendis appellationum propriarum significationibus, ortu & compositione, anomaliis & scriptiorum diversitatibus, praestitit Vir de Hebraica Sacri textus literatura immortaliter meritus, Matthias Hillerus in *Onomastico Sacro*, cuius *P. I. via nona*, quae est trajectoris literaturam p. 365. *via decima* de permutatione literarum p. 385. *via undecima* de literarum abolitione p. 400. &c. ad ostendendam diversitatis in nominibus propriis originem apprime facit. Hinc & ante ipsum b. Glassius *Philol. Sac. lib. IV. Tract. 3. observat. 4. pag. margin. 766. sqq.* observavit, unum idemque nomen propriuni, diversis in locis, variationi & mutationi haud uni, mox in additione & omissione literarum, mox in earum permutatione, mox in transpositione, obnoxium esse, citra ullam tamen textus sacri corruptelam. Unde vel ipse Andreas Masius, Pontificius licet, *ad Jos. XXI. 11—16. fatetur, multis de causis proprias locorum, hominumque appellations mutari tempore.* Et esse etiam, ubi uni loco, aut uni homini diversa sint ab initio imposita nomina. Quam absurde vero Cappellus *Critica S. lib. IV. cap. XVII. §. 7. sqq.* ex hodierna, quae dicitur τῷ LXX, versione Græca textum Hebræum in Chronicis & aliis libris, corrigat, suppleat & decurset, maxime in nominibus propriis; præterea, quæ Buxtorffius *Anti-Crit. P. II. cap. 8. p. 586.* prolixè reponit, colligi satis ex iis potest, quæ Hieronymus ad Dominionem & Rogatianum prefat. in lib. *Paralip. T. IV. Opp f. 8. D.* conqueritur: *Libere vobis loquor: ita in Græcis & Latinis codicibus hic nominum liber vitiosus est, ut non tam Hebræa, quam Barbæ quædam & Sarmatica nomina conjecta arbitrandum sit.* Nec hoc LXX. interpretibus (qui Spiritu S. pleni, ea, que vera fuerunt, transtulerint) sed Scriptorum culpe adscribendum, dum de emendatis inemendata scriptitant: & sepe tria nomina, subtraetis e medio syllabis, in unum vocabulum cogunt: vel e regione unum nomen, propter latitudinem suam in duo vel tria vocabula dividunt. Unde satis, opinor, constat, Græcum & Latinum textum ex Hebræo, non vice versa, restituendum & emendandum esse. Quare paulo ante fatetur Hieronymus, se in transferendo Paralipomenon libro, relictis versionibus quibuscumque, Hebræos fontes unice secutum, & de Tyberiade quendam legis doctorem, qui apud Hebræos admirationi habebatur, assumisse & cum eo contulisse a vertice, ut ajunt, ad extrēmum unguem, ne alicubi forte hallucinaretur.

VII. In



In putandis temporum intervallis duplex in his libris calculus obtinet; alter ad genealogias accommodandus, a c. I.—X. a mundo condito incipiens & ad proxima ante Christum natum tempora pertingens; alter historiam libri in ordinem redigens, inde ab interitu Saulis c. XI. ad redditum usque Judæorum in patriam, cuius potestatem captivis in Chaldaea Cyri edictum sub fin. lib. 2. fecit. Et hic quidem posterior plane idem est cum eo, quem ad libros Regum satis prolixum exhibuimus, cui non est quod hic adjiciam, cum, quæ ad finem usque captivitatis juxta æ epochæ mundi quintæ faciunt, rectius ad librum Esdræ reseruentur, ubi comparebunt. Prior autem ille ubi desinat, non satis liquet; quamquam tempora Christi proxime eum attingere constet. Quæ enim omnium longissime protenditur Davidicæ stirpis descriptio, 1. Chron. III. 20. sqq. Zorobabelis prosapiam per decem generationes continuat; nec plures a Zorobabele ad Christum numerat Matthæus c. I. 13. sqq. Ubi haud leve ex eo dubium oritur, quod alia longe & diversa in Chronicis legatur Zorobabelis posteritas, ab illa, per quam Matthæus genealogiam Christi derivat: unde tres Zorobabeles, alium ab autore Chronicorum, alium a Matthæo, demum etiam a Luca alium, recensitos tradit. D. Joh. Mich. Langius de Genealogia Christi Diff. III. §. 23. sq. p. 71. attamen intererat, convenire utrique, ut harmonia Ver. & Novi Testamenti eo melius constaret, & Christi genealogia dubiis & cavillis Judæorum, aliorumque Scripturae hollum minus esset exposta. Verum erudite hunc nodum solvit Spanhemius. Dub. Evang. P. I. Dub. XIII. p. 60. docens, genealogiam a Matthæo contextam & ad Josephum deductam per Abiud, filium Zorobabelis, fuisse quidem hominum e Davidis stirpe descendentium, sed obscurorum admodum, & redactorum ex singulari Dei dispensatione ad statum privatum & conditionem vilem & abjectam; scriptori Paralipomenon autem propositum fuisse, eam Zorobabelis posteritatem describere, quæ in majori dignitate & estimatione erat constituta; omisso plane in filiis Zorobabelis Abiud & progenie ejus, per obscuram agente vitam. Ceterum valde probabile esse, Matthæum in concinnanda Servatoris genealogia, dictante quidem Spiritu Dei, tabulas Judæorum publicas fuisse secutum, quæ & veritatem continerent, & quarum autoritas esset αξιοτιμητa & indubitate inter Judæos, ut hoc ipso catalogo Judæos convinceret, Christum natum ex posteritate Davidis, utpote oriundum ex matre deponsa viro de domo Davidis. Plura qui

De libro.
Chronico-
rum.
Chronolo-
gia.



De libro I.
Chronico-
rum.

qui cupit, Natalem Alexandrum adeat, qui *Hist. Eccl. Vet. Test.* in quintam mundi ætatem *Dissert. IX. T. II. p. 192. edit. in fol.* libros Regum & Paralipomenon in Genealogiis a Matthæo & Luca non dissentire, ex instituto evincit, solutis quæ in contrarium moveri solent dubiis. Sed hæc w; èv παρόδῳ.

VIII.

Partitio.

Capitibus liber prior constat in codice Hebræo XXIX. in germanico autem XXX. quia b. Lutherus in adornanda versione germanica caput quartum in duo distincta dispescuit, & hoc pacto descriptionem tribus Judæ a filiis Simeonis distinxit, singulis tribus peculiare adsignandum caput ratus. Versus ejus numerantur 941. In partes distribuitur tres ab. Walthero, qui *Offic. §. 857. in prima* recenseri ait Patriarchas ab initio mundi, & familias XII. tribuum Israel capp. 9. prioribus: in secunda portionem historiæ de vita & obitu Saulis c. X. in tertia amplificari historiam Davidis, uti concepta est lib. 2. Sam. In duas vero concinnius a b. Calovio & Friedlibio, nec non ab Hottingero *Thes. Philol. L. II. cap. I. Seet. 3. p. 509.* Lavatero *Comm. in h. l. proœm.* Heideggero in *Enchir. addit. l. p. 108.* aliisque communiter distribuitur, quarum altera Genealogica est, qua ortus & propagatio gentis Israeliticæ per generationum seriem a prima mundioragine ad Christi fere tempora traditur c. I—IX. altera historica, quæ Regnum Judaicum, a Saulis novissimis per universum Davidis imperium, ad Salomonis usque initia accurate perquam delcribit, a c. X—ad fin.

IX.

Tabula Syn. Est itaque libri I. Chronicorum
optica.

P. 1. genealogica, tradens genealogiam

- α) Christi, ab ortu generis humani per
 1. Patriarchas, eorumque familias c. I.
 2. Judam, ejusque tribum c. II.
 3. Davidem cum primis, ejusque posteris ad Zorobabelem usque c. III.

β) populi Israel, secundum suas tribus, posteriorum nimirum

- 1. Judæ reliquorum, ex quibus Christus non debuit nasci c. IV, 1—23.
- 2. Simeonis c. IV, 24—fin. (*Germ. c. V.*)
- 3. Ruben, Gad, & Manassis c. V. (*Germ. c. VI.*)

4. Levi



4. Levi, cum functionibus & habitationibus eorum c. VI. Chronicorum.
- (Germ. c. VII.)
5. Isaschar, Benjamin, Naphthali, Manassis, Ephraim, Aset c. VII. (Germ. c. VIII.)
6. Benjaminis, maximē Saulis & Jonathanis c. VIII. (Germ. c. IX.)
7. eorum, qui ex diversis tribubus sedem Hierosolymis fixerunt, c. IX. (Germ. c. X.)

P. II. historica, tradens historiam regni Davidis, ubi

- a) antecedens, mors tragica Saulis, & translatio regni ad Davidem c. X. (Germ. c. XI.)

b) Davidis inauguratio, Duces, ac Heroës c. XI. (Germ. c. XII.)

c) copiarum recensio c. XII. (Germ. c. XIII.)

d) regni administratio, & quidem

1. circa sacra, ubi

N. arcæ deportatio ad aedes Obed-Edom, post peremptum Uzam c. XIII. (Germ. c. XIV.)

D. idolorum Philistinorum, percussis ipsis, abolitio c. XIV. (G. c. XV.)

J. arcæ ex domo Obed-Edom Hierosolymas translatio c. XV. (G. c. XVI.)

T. Musica sacra, Sacerdotumque in tabernaculo officia c. XVI. (G. c. XVII.)

M. consilium de exstruendo templo, divinitus revocatum c. XVII. (G. c. XVIII.)

2. circa regni hostes, ubi

N. victoriae adversus Philistæos, Moabitas, Syros, Edomæos c. XVIII. (G. c. XIX.)

D. — — — Ammonitas, legatorum violatores c. XIX. (G. XX.)

J. — — — Ammonitas iterum & Philistæos gigantes c. XX. (G. XXI.)

3. circa domus Dei a Salomone olim exstruendæ præparatio-

nem, ubi

N. loci in arca Arafæ designatio c. XXI. (G. XXII.)

D. materiæ comparatio, filiique & principum instructio c. XXII. (G. XXIII.)

P p

J. Lc-



De libro I.
Chronico-
rum.

- 3. Levitarum recensio & ad sua officia deputatio c. XXIII. (G. XXIV.)
- 7. Sacerdotum ordines, & Kehathitarum ac Meraritarum officia c. XXIV. (G. XXV.)
- 7. Musicorum classes & functio c. XXV. (G. XXVI.)
- 7. Janitorum & inspectorum officia c. XXVI. (G. XXVII.)
- 4. circa copias, & officiales Regis c. XXVII. (G. XXVIII.)
- 5. circa comitia ultima, quibus
- N. ad structuram templi designatum successorem exstimum-
lat c. XXVIII. (G. c. XXIX.)
- D. contributionem ad templum exemplo suo monstrat
& exigit c. XXIX. (G. XXX.)
- E) Davidis obitus, & Salomonis confirmatio c. XXIX, 22. seqq.
(G. XXX.)

X.

Commen-
tarii
Patrum:

Non adeo frequentes nactus hic liber est interpretes; e Patribus tamen Græcis THEODORETVM, cuius *questiones in Paralipomena T. I. Opp. P. I. p. 362.* exhibentur; & PROCOPIVM GAZÆVM Sophistam, cuius in h. l. *commentationes Græce & Latine*, per Masium prodierunt Leidae in 4. A. 1620: e Latinis HIERONYMVM, cuius *questiones seu traditiones Hebraicæ* in hoc libros T. IV. Opp. f. 114. leguntur. Quo autem jure BEDAM huc citent Heidegerus, Crovæus, Lippenius, non intelligo, cum nihil ejus in Chronicis extet, nisi forte *de templo Salomonis* librum, T. VIII. Opp. p. 1. hue referre velint, qui tamen æque ad Regum librum I. spectabit: aut *Coronicon*, sive *de sex mundi atatibus* T. II. Opp. f. 174. qui tamen libellus hoc plane non pertinet, nihilque prorsus ad libri Chronicorum explanationem facit.

Rabino-
rum:

E Synagogæ Doctoribus paucos admodum ideo in Paralipomena Commentarios edere ausos fuisse, quod Esdræ codices, maxime in Genealogiis fuerint vitiosi, Rich. Simon quidem in libri hujus contumeliam, sed perperam tradit His. Crit. V. T. Lib. I. c. IV. p. 27. sq. Evidem Don Isaac Abarbenel P. refat. in Lib. Samuel f. 74 col. 4. in sua patria nullum se reperire potuisse ait in Paralipomena Commentarium, nisi pauca verba Kimchi, quæ inania sint præ paucitate & profundum non petant.

Non



Non esse istum librum Paralipomenon usitatum apud Judeos in Medraischim, suumque peccatum confitetur, quod in hunc diem istum librum non legitur & meditatus sit. Interim tamen præter R. Levi ben Gersom, Kimchium & R. Aben Melech, ipsi Simonio citatos, cum primis huc spectat R. JOSEPH fil. David Aben JECHIJA, supra jam ad librum Ruth citatus, cuius in Hagiographa commentarius Philologicus, **אָבִן יְוַיָּהוּ** inscriptus & Bononiae in fol. A. 1538. impresus, Paralipomena suo loco illustrat: & R. ISAAC bar R. Salomo JABEZ, cuius elegans in Hagiographa expositio, Constantinopoli excusa, **תְּרֵרָה רְגָבָה** Lex misericordie inscribitur. Referenda huic quoque est *Pampbrahis Chaldaica libri*, Lightfoot equidem ex Codice Cantabrig. in horis Talmudic. hau data, sed a Matth. Frieder. Beckio primum, & Codice MS. membranaceo Bibliothecæ Ministerii Erfordiensis, in lucem protracta, & cum versione ac notis edita, Augustæ Vindelic. in 4. A. 1680. de qua Placcii confer *Theatr. Anonym. P. I. p. 721. n. 507.* & Acta Erudit. Lips. A. 1683. mens.

Nov. p. 505.

Inter Lutheranos SEBASTIAN. LEONHARDVS hypo-
mnemata in hos, uti in Superiores quoque, libros edidit, Lipsiae recu-
fos in 8. A. 1613. ABEL NEZENIVS in operationibus Biblicis,
jam sæpe citatis, P. II. Chronica etiam illustravit: ERASMVS SAR-
CERIVS autem integrō commentario eos explicavit, Basileæ excuso
A. 1560.

E Pontificiis huic pertinent, supra saepius laudati, ANGELO-
MVS: ANTONINVS Florentinus: HADRIAN. CROM-
MIVS: THOMAS MALVENDA: FABRITIVS PAVL-
TIVS: RABANVS: ALPHONSVS TOSTATVS: NI-
COL. SERARIVS: JAC. BONFRERIVS: BASIL. ZAN-
CHIVS. CASPARIS SANCTII in Paralipomena Commen-
tarius, libris IV. Regum ab ipso satis diffusè & erudite explicatis sub-
nexus, per quam sterilis & jejonus, pauca folia complet, & tantum
non in plurimis capitibus ad parallelam in libb. Regum historiam
lectorem remittit.

E Reformatis præcipuum meretur laudem LVDOVICVS *Reformato.*
LAVATERVS, qui insigni de utroque Chronicorum libro bene rum:
meritus est commentario, recuso Heidelbergæ in fol. A. 1599. in quo
haud levem genealogiarum curam habuit, easque in ordinem & ta-
bulas rededit, Christique cum primis secundum carnem genus per avos
& proavos iusta serie ad Adamum usque deduxit, & usum practicum
Pp 2 singulis



De libro II. singulis pericopis subjicit, ut adeo varium lectori usum præstet. VI-
CTORIN. STRIGELIVS scholia in hos libros Lipsiæ edidit in
fol. An. 1591. ARTHVRI JACKSON Angli in h. l. commentarii
Londini in 4. A. 1654. lucem aspexerunt. FRANCISCI BVR-
MANNI in h. l. explicatio Regum libris juncta, satis quidem con-
cisa, nihil tamen prætermittit eorum, quæ vel difficultate laborant, vel
in Regum libb. relicta erant intacta. CHRIST. SCHOTANVS
in *Biblioth. historie V. T. T. II.* regum historiæ horum quoque librorum
explicationem suis locis conjunxit vel intercalavit.

Remon-
strantium. *De JOH. CLERICO* in h. l. jam supra dictum.

CAP. XVII.

De libro posteriore Chronicorum.

Summarium Capitis. *Hic unus quondam fuit cum præcedente, liber §. I. Cujus argumentum, scopus, utilitas §. II. Partitio & tabula synoptica §. III.*

§. I.

Unus est *H*unc cum præcedente unum constituisse priscis Hebræis librum,
cum præ-
cedente hic
liber. ex supra dictis cap. XIII. §. 1. p 234. constat, & præter Athana-
sianam synopsin, in qua ita legitur: παραλιπομένων πρώτων
καὶ δευτέρων εἰς ἐν αριθμησιν βιβλίον Paralipomenon prior & posterior
pro uno libro computantur, Hieronymi quam maxime testimonio com-
probatur, qui in prefat. in lib. Paralip. ad Domnion. & Rogat. T. IV. Opp.
f. 8. D. rationem divisionis addens: Hoc primum sciendum, inquit, quod
apud Hebreos liber Paralipomenon unus sit, & apud illos vocatur dibre-
hijomim, i. e. verba dierum: qui propter magnitudinem apud nos di-
visus est. Quod nonnulli etiam in Bruto, Ciceronis dialogo faciunt, ut
eum in tres partes secent, cum unus a suo autore sit editus. Sic & Ori-
genes in expositione Pf. I. apud Euseb. lib. VI Hist. Eccles c. 25. Παρα-
λιπομένων πρώτη δευτέρα ἐν ἑνὶ, Διθεὶν Αἴανην, ὅπερ εἰσὶ λόγοι ήμερῶν.
Paralipomenon liber primus & secundus uno continentur volumine, quod
vocant Dibre Hajamm, hoc est, verba dierum. Maforethas omnino
unum saltem novisse Chronicorum volumen, satis inde appetet, quod
versiculos, quos singulorum librorum, ne qui inde exciderent aut ex-
pungi possent, seorsim numerarunt in ceteris, hujus utriusque in unam
sum-



summam 1763. coegerint, quorum medius I. Chron. XXVII, 25. legit
gatur. Huc ergo pariter spectant, quae de prioris appellatione, scriptore, sum.
autoritate & chronologia cap. præc. in medium sunt prolata.

De libro L.
Chronico-

II.

Argumentum libri verbis b. Calovii Bibl. Illustr. T. I p. 848. enarrare libet: Secundus hic liber agit cum de Salomonis historia, tum de rebus post scissionem regni gestis; statum regni Judæ a Salomone usque ad liberationem e captivitate Babylonica per Cyrum factam describens: annorum 479. nimirum, trium Salomonis, cuius quarto extructum est templum, inde ad captivitatem, 4. anno Jojakimi factam, annorum 406. Et 70. annorum captivitatis, usque ad primum Monarchie Cyri. Judæ enim Reges cum primis persecutur, ex quibus justo ordine Messias secundum carnem ortum ducebat; suisque quæque temporibus signans & distingvens, quoddam veluti Chronicon librorum Regum exhibit, multa hinc inde inspergens, lectu jucunda & amplissimi usus. Quæ omnia ad eundem collineant scopum, qui ad Regum libros fuit indicatus, & ut majorum Christi non modo series & historia, sed & personæ regnique ipsius conditio, in Salomone & rebus ab ipso gestis typice adumbrata, ob oculos poneretur. Idque usū vario, in præcedentibus Utilitas. capp. diligenter inculcato, ad quenq[ue] veritatis historicæ confirmatio, in iis, quæ cum libris Regum convenient, & plenior accedit cognitio, in iis, quæ ibi prætermissa, hic subnectuntur; cui observationem addimus Lavateri proleg. in b. l. p. 94. Si rem diligenter expendamus, in singulorum fere Regum historia habemus aliqua peculiaria documenta. In Salomone, ne quis fidat sapientiae sue: in Rechabeam, quam pestiferum sit, adhibere juvenes in consilium: in Abia, hypocritas interdum insignibus victoriis potiri: in Asa, non nimium tribendum medicinae: in Josaphato, quam periculosum sit, affinitatem contrahere cum impiis &c. Observat præterea, rerum varietate hunc librum utiliorem esse & jucundiorem priore, cum varias contineat narrationes, preces, conciones & alia, quæ in libris Regum prætermittuntur.

III.

Ceterum capita continet XXXVI. versus 822. & commodissime, Partitio. omniumque fere interpretum consensu, in duas distribuitur partes, quarum I. regni indivisi, duodecim tribuum, sub Salomone c. I.—IX. II. divisi, soliusque regni Judæ historiam, usque ad captivitatem Babyloniam, tradit c. X. ad fin. Sistit itaque hic liber historiam regni

Pp. 3.

I. in



De libro II.
Chronico. I. *integri* duodecim tribuum sub *SALOMONE*, cuius describuntur
rum.

α) acta ecclesiastica, scil.

1. pietas in Deum & oratio c. I.
2. lignorum & architectorum, ad extruendum templum com-
paratio c. II.
3. exstructionis locus, tempus, materia & forma c. III.
4. vasorum & ornamentorum apparatus c. IV.
5. arcæ introductio c. V.
6. subjuncta oratio inauguralis c. VI.
7. divina per ignem cœlitus dimissum approbatio c. VII.

β) acta politica & œconomica c. VIII.

γ) famæ celebritas & Reginæ Arabiæ visitatio c. IX.

II. *divisi*, & quidem solius Judæ, sub reliquis Regibus

α) *REHABEAMO*, ubi

1. infesta regni divisio c. X.
2. divisionis frustra impugnatæ confirmatio c. XI.
3. Regis a lege defectio, & per Sisakum poena c. XII.

β) *ABIA*, cuius contra Jerobeamum victoria exhibetur c. XIII.

γ) *ASA*, cuius

1. pietas, & contra Aethiopes victoria c. XIV.
2. continuata reformatio, fœdusque cum DEO redintegrati-
onem c. XV.
3. lapsus in impio fœdere cum Syro, & fiducia in Medicis
posita c. XVI.

δ) *JOSAPHATO*, cuius

1. visitatio ecclesiastica c. XVII.
2. inauspicata cum Achabo confœderatio c. XVIII.
3. resipiscientia c. XIX.

4. victoriæ contra triplicis generis hostes c. XX.

ε) *JORAMO* impio & infeliciter rerum potiente c. XXI.

ζ) *AHASIA* impio, & cum Achabi familia aJehu occiso c. XXII,

1—9.

η) *ATHALIA* impia, regium Judæ semen fere totum extirpante

v. 10—fin.

θ) *JOASO*, cuius

1. inauguratio & cultus Dei per Jojadam restitutio c. XXIII.

2. regni



2. regni administratio diversa, idololatria, poena c. XXIV.
- i) *AMASIA*, cuius ab Edomæis vistoria, idololatria, poena c. XXV.
- ii) *USIA*, cuius primo pii felices sucessus, mox sacerdotium invadentis poena c. XXVI.
- iii) *JOTHAMO* pio, felice, qui Ammonitas tributarios fecit, c. XXVII.
- iv) *AHASO* impio, ob idololatriam & foedera profana afflito c. XXVII.
- v) *HISKIA*, qui pientissimus
1. templum repurgat c. XXIX.
2. pascha celebrat c. XXX.
3. Sacerdotes, Levitas, & ærarium ecclesiasticum ordinat c. XXXI.
4. a Sennacheribo & morbo lethali liberatur c. XXXII.
- vi) *MANASSE*, qui impius captivus abducitur, & resipiscens in regnum restituitur c. XXXIII, 1—20.
- vii) *AMMONE*, qui idolorum cultor a conjuratis servis occiditur c. XXXIII, 21—fin.
- viii) *JOSIA*, qui pietatem testatur
1. idolorum abrogatione, & foederis cum Deo renovatione c. XXXIV.
2. paschatis celebratione c. XXXV.
- ix) *JOAHASO*, quem Rex Ægypti captivum abducit c. XXXVI,
1—4.
- x) *JOJAKIMO*, qui cum vasis domus Dei Babylonem abducitur, 5—fin.
- xi) *JECHONIA*, qui & ipse Babylonem abripitur, *ibid.*
- xii) *ZEDEKIA*, sub quo templum comburitur & urbs vastatur, *ibid.*



CAP.



CAP. XVIII.

De libro Esdræ.

Summarium capitis.

Libri inscriptio. Cur in Grecis & Latinis codicibus primus Esdræ inscribatur? Apud Hebreos quondam Esdras & Nehemias unum constituebant volumen. Sedes libri in Bibliis Christianorum, & Iudeorum §. 1. Esdræ appellatio quid notet? Scriptori hujus libri cum alio quodam Levita commune hoc nomen est, adeoque duodantur Esdræ probe discernendi. Ejus genealogia. An Esdras idem cum Josedebo vel Jozadako 1. Chron. VI, 14. 15? Ejus eruditio & munus; merita quoque in S. Codicem. An in Prophetis locum obtineat? §. 2. Libri Scriptor Esdras afferit, cui contra P. Dan. Huetium etiam priora sex libri capp. vendicantur §. 3. Spinozæ refelluntur criminationes, quibus partim novitatis partim corruptionis variae librum insimulat §. 4. Idem porro Esdras omnium V. T. librorum historicorum autor esse, contra eundem Spinozam, negatur §. 5. Nec tribuendi ipsi sunt libri Cabballistici, Pico Mirandulano celebrati: nec CCIV libri, quos somniat Sextus Sennensis: nec vaticinum de fatis Monarchiæ Rom. Imperii: nec de diebus infastis libellus: nec libri III. & IV. qui sub Esdræ nomine in Apocryphis leguntur; de quibus quid sentiendum sit, edifferitur §. 6. Libri argumentum: Scopus: Utilitas §. 7. Autoritas ejus divina afferit, eaque an in dubium vocetur ab Anabaptistis, disquiritur §. 8. Chronologia libri. Quis Darius, sub quo templum restauratum? Quis Artaxerxes, cuius indulu Esdras & Nehemias cultum & rempublicam apud Iudeos restaurarunt? Tabula Chronologica finem quintæ, & initium sextæ mundi etatis complexa §. 9. Partitio §. 10. Tabula Synoptica §. 11. Commentarii Patrum, Lutheranorum, Pontificiorum, Reformatorum, Remonstrantium, & Fanaticorum §. 12.

§. I.



Sequitur in Christianorum codicibus נָהָרִיּוֹת qui Latinis *Ezra*, vel Inscriptio, molliore sone *Ezm*, aut cum Græcis, qui more Dorico Ζιν σδ̄ murant, *Esdras* appellatur, a scriptore & objecto palmario inscriptus liber. Vulgata librum primum *Ezra* dicit, nec secus Arabica versio, quæ ita habet: *liber primus Ezrae sacerdotis, legisperiti.* Quem enim nos Nehemiac vocamus librum, ab eadem profectum credunt manu, & Esdræ secundum numerant; vel quod in Nehemiac libro historia ab Esdra cœpta eodem filo continuatur, quæ D. Andr. Osiandri in *Nor. Bibl. ad Neb. I. t. observatio est*, vel quod priscais Hebræis uterque in unum compingitur volumen. Ita enim Hieronymus Epist. ad Paulinum T. IV. Opp. f. 3. D. *Esdras & Neemias*, inquit, *adjuror videlicet & consolator a Domino, in unum volumen coarctantur.* Et rūfus in p̄f. in b. l. ad Dominion. & Rogat. T. IV. f. 9. B. nec quenquam moveat, ait, *quod unus a nobis liber editus est, quia & apud Hebreos Esdræ Neemias, sermones in unum volumen coarctantur.* Plane ut ante ipsum Origenes in expositione Ps. I. apud Euseb. l. VI. Hist. Eccl. c. 25. *Ἐσδρας πρῶτος γενεθλίος ἐν ἑβραιοῖς, οὐ δὲ Βοηθός.* *Esdras primus & secundus, qui apud Iudeos unicum conficiunt librum, vocatur Ezra, id est adjutor.* Hinc quoque Lactantium videoas lib. IV. *Instit. div. cap. II.* ex Esdræ libro allegare, quæ Nehemiac IX, 26. leguntur, unde manifestum est, utrumque ipsi unum composuisse volumen. Et Masorethæ quidem, cum vel ad undecim libellos Hagiographorum numerum revocant, utrobique Nehemiam prætermissum sub Esdræ appellatione, adeoque & uno cum illo volumine, comprehendunt. Vide Buxtorff. *Tiberiad. c. XI. p. 26. edit. in fol.* Porro si LXX. in versione Græca ex hoc utroque, quem pro uno habent libro, transposito ordine, posteriore, ex Apocrypho vero III. Esdræ priorem faciunt, ut in Athanasiana Synopsi & Polyglotis Anglicanis annotatum reperio; quoniam historiam paulo altius atque ille repetit, ut notat Joh. Rainoldus T. I. *Censura Apocryphorum*, p. 238. Vulgo tamen Græcae editiones utrumque separant, ac priorem *Ἐσδραν* simpliciter, & sine adjecto, & subsequentem *Νεεμιαν* inscribunt. Ex quibus colligitur, illam in *priorem & posteriorem Esdræ*, item in *Esdræ & Nehemiac* librum distinctionem non a viris Σεπτεμβρίοις, aut primiseorum scriptoribus, sed a Græcis & Latinis demum interpretibus, dudum post Christum natum, esse introductam. Porro in Christianorum codi-

Qq

Sedes ac
cibus Ordo.

cibus hæc Esdræ historia Paralipomenis immediate subjungitur, historiæ temporumque serie ita jubente, cum ibi Esdras incipiat, ubi Chronica subsistunt; ordinatur iste liber immediate post Paralipomena, sicut ait Hieronymus, in lib. de Hebraicis question. eo quod idem sit finis Paralip. & principium hujus libri, ait Brito, in expositione prologi Hieron. in b. l. Bibl. Glosat. Lyra T. II. f. 239. C: at vero in Hebraicis editionibus Judæorum, una cum Nehemia, Chronica proxime antecedit hic liber, quod prius aut scriptum hunc aut recensitum credunt, quam Paralipomena; quo de vide cap. XVI. §. 2. p. 285.

II.

Nomen autem נָשָׁר vel נָשָׁר auxilium notat, non sine omni Le-
gisperito nostro impositum, quod is ecclesiæ pariter ac reipublicæ Judai-
cæ, extremum afflictæ & prostratae, auxilio suo præsto futurus esset, ut
in justum denuo coalesceret corpus. Hinc commode Hieronymus loc.
sit. & in Comment. in Mich. II. verit Adjutorem, ut Bonifac Origenes §. pre-
ced. Sed vero probe hic observandum, duos esse hoc nomine insigni-
tos, qui ex captivitate Babylonica reduces in sacris literis commemoran-
tur. Alius enim Esdras Levitici ordinis Neh. XII, 1. commemoratur,
qui una cum Josua Pontifice & Serubabele Principe, sub Cyro, Hiero-
lymam ex captivitate ascenderat: alius, longeque diversus, ex Sacerdo-
tum ordine, & de Pontificali linea, qui anno septimo Artaxerxis e Per-
sie in Judæam cum pluribus Judæis aliis, Regis indultu profectus est, ut
structuram templi & urbis, quam somnolentius Judæi reduces tracta-
bant, urgeret Esdr. VII, 1. sq. Junius quidem & Tremellius, in annot.
ad Nehem. c. I. & qui cum ipsis faciunt, eundem utrobique notari Esdram,
non geminum credunt, & Nehemiam per Syncedochen duas profectio-
nes ex captivitate, longo tempore a se invicem distantes, conjungere
tradunt: priorem sub Zorobabele Duce & Josua Pontifice, imperante
Persie Cyro; posteriorem Esdra Duce Anno 7. Arthasastæ h. e. Artaxer-
xis. Hinc versum 1. apud Nehem. c. I. ita distingvunt: *Isti sunt Sacerdo-
tes & Levitæ, qui ascenderant cum Zerubabele, filio Schealtielis & Josua:*
(hic repetendam dicunt præpositionem בְּ אֶתְּ וְ כֵּן h. m. & cum)
Semja, Firmeja, Ezrā: & ad marg. n. 2. notant: *ascenderant duabus*
profectionibus, altera cum duobus Zerubabele & Jeschuba Esr. 2. & aliena
cum ipso Esra Esr. 7. Sed vim inferri textui, quis non videt? diversissi-
marum enim profectionum, & tanto quidem temporis & circumstantia-
rum intervallo disjunctarum, una in periodo, unaque constructione
con-



conjunctionem, in libro historico, in quo accurate rerum temporumque Esdræ. discrimina in ceteris observata deprehendimus, nemo facile quæsiverit, nec synecdochen talem cogitasset quisquam, nisi gemina ista persona, in unam conflanda, commentum istud suppeditasset. Differt sane uterque hic Esdras, familia, tempore, functione & officio, & demum dignitate, cum Levita absque addito & simpliciter, hic noster semper cum emphasi & elogio recenseatur. Conf. Neh. XII, 26. 33. 36. Esdr. VII, 6. 12. 21. Diversos itaque Esdras Theologi nostrates recte statuunt, sibi cognomines, ut ap. b. Dorscheum in *Syll. Semeistri n. IX.* p. 190. b. Glassium *Philol.* S. lib. IV. Tr. 3. Obs. XI. pag. marg. 804. Barth. Mayer. *Philol. S. II.* p. iii. Laurent. Fabricium in *Partit. Codicis Hebrei c. XIX.* Thesauri Creniani I. p. 353. videre licet, quorum posterior, tot ornatus in Scriptura encomiis, noster est, de quo in præsenti agimus. Ortum autem ille dicit e familia Aaronis, quod genealogia docet Esdr. VII, 1. seqq. & 1. Chron. VI, *genealogia:* (Germ. VII.) 3. sq. obvia; quæ tamen poster' or, sex gradibus inter primos octo, & novem ultimos interpositis, auctior illam superat, & in libro Esdræ occurrentem generationum seriem mediatam intelligendam esse ostendit. Viginti tribus itaque generationibus ab Aarone in linea recta distat, nec nisi mediate filius Serajæ, (qui in urbis vastatione occisus 2. Reg. XXV, 18. 21. legitur) cuius forte nepos aut abnepos fuerit, Esdr. VII, 1. dicitur. Unde male Esdram cum Josedecho vel Jozadako, quem genuisse Seraja 1. Chron. VI, (Germ. VII.) 14. 15. legitur, confundit Hieronymus apud Ludov. Vivem in L. 18. de Civ. Dei c. 36. August. Opp. T. V. f. 1096. ejusque legens vestigia Sixtus Senens. lib. I. Biblioth. S. p. 10. b. qui ita habet: *Ezra, quem primus Paralipomenon liber Josedech sacerdotem appellat, filius Samja, filii Azaria &c.* cum nec temporum ratio id ferat, & nimis grandis hoc pacto tribuenda sit Esdræ ætas; & Jozadak Josuam, primum Pontificem maximum post captivitatem, genuisse legatur. Esdr. V, 2. Neh. XII, 26. qui sat multo tempore Esdram præcessit, & jam in prima illa sub Cyro profectione in patriam Judæam ascenderat. Voluit autem Esdras in sui libri genealogia se statim Serajæ subiectare, qui ratione Pontificatus clarus fuit, & ante eversionem Hierosolymis floruit: cum pater aut avus ipsius in captivitatis tenebris latitaverit. Confer adhuc Dorscheum loc. cit. p. 192. & Sanctum Prolegom. I. Comm. in b. l. p. 29. Porro hinc consequitur, eundem hunc nostrum cum Malachia, Prophetarum ultimo, non esse, quod nonnullis equidem autoritate Targum in *Mal. I.* 1. subnixis, inscite per quam fuit visum; ut

Qq 2

ex



De libro
Esdræ.
doctrina:

ex instituto discutiemus infra in cap. de Malachia. Quanta autem Esdras legis divinæ peritia, quanta eruditione juxta ac autoritate polluerit, ex tot illustribus nomini ejus passim adjectis encomiis satis intelligitur, maxime quando Esdr. VII, 6. סופר מזרע scriba promptus in lege Moses salutatur, & animum suum dispositissime ad interpretationem Legis Domini, & ad praestandum docendum, in Israele statutum & judicium c. I. v. 10. legitur. Sic in diplomate Arthasastæ regio v. II. 12. sacerdos & scriba legis Dei caelorum absolutus audit. Scribam appellat, inquit Buxtorff. Tiberiad. c. X. p. 23. b. ad locum allegatum, non tam a scribendo, quam ab enarrandis & explicandis iis, quæ in Scripturis Sacris comprehenduntur. Nam סופר liber, סופר librarius, librorum peritus interpres & Docttor, Scriba. Anullo autem libro majus nomen læsg; major erat, quam a libro legis Dei, unde vocabatur Legisperitus, qui librum legis Dei docebat & interpretabatur. Sic & in N. T. interdum appellantur γραμματεῖς scribæ, qui docebant populum, unde & de Jesu Christo dicitur: Docebat enim eos, ut habens autoritatem, & non ut ci γραμματεῖς scribæ Matth. VII, 29 interdum vocatioi, Legisperiti Luc. VII 30. & XI, 46. Fuit tamen etiam scriba proprie sic dictus, qui epistolæ, diplomata, libros, contractus & similia conscribebat, aut alii scribis præerat. Allegat porro Buxtorffius testimonia ex Talmudis Hierosolymitanis libro Megilla cap. I. & Babylonici libro Sanhedrin cap. 2. fol. 21. ubi ex Magistrorum sententia dignus dicitur Esdras, per cuius manus daretur lex Israeli, si non præcessisset ipsum Moses, Mosique meritis in legem Domini collatis comparatur. Et prostant omnino insignia ejus in omnium temporum ecclesiam circa asserendum canonem sacrum merita in S. Codicem. rita, grata mente celebranda. Quanquam enim universum codicem, sacram, qua quidem sui parte tunc temporis conscriptus ac editus fuerat, in vastatione urbis ac templi igne absuntum prorsusque deperditum, ex suopre ingenio non restituerit, quam Pontificiorum, ex Patrum traditione haustam, fabulam supra jam cap II. §. 2. p. 24. profligavimus, & post Bellarminum l. II. de verbo Dei. 1. e recentissimis Pontificiis Doctoribus Natalis Alexander Hist. Eccl. V. T. ad VI. mundi etatem Differt. IV. T. II. p. 338. impugnat & confutat; neque etiam viuam in captivitate Babylonica Scripturam correxit ac emendarit, quod itidem Papisticum, commentum a Corn. a Lap. Proœm. Comment in b. l. p. 5. copiose distractum, Theologi nostrates suis locis passim redarguunt; v. Calov. System. Theol. T. I. p. 725. qui ipse quoque, quo sensu admitti possit restauratio librorum sacrorum, docet T. I. Bibl. Illustr. V. T. p. 862. b. neque demum lite-



literas, quibus modernus codex Hebreus exaratus conspicitur, novas invenerit, relictio Samaritanis charactere pristino, quam Buxtorffius data opera confutavit fabellam *Diff. IV. de literum Hebricarum genuina et antiquitate p. 169 sqq.* certum tamen est, quod dispersa, Judaicæ gentis clade & captivitate, exempla sacri codicis in unum collegerit, invicemque emacularit, & cum Pseudo-prophetarum multorum scripta pro genuinis & authenticis successu temporis irrepsissent, Mosaicorum Propheticorum aliorumque librorum, singulari Spiritus S. instinctu conscriptorum, canonem definierit, & quicquid heterogeneorum scriptorum obtrudebat, rejecerit; tum & ipsos authenticos & canonicos libros examinari, ne quid alienum pravumque ipsis adscriptum admisceretur, tandemque rationem ac modum eosdem dilucide legendi & exponendi ecclesiæ tradiderit. In quo præclaro perquam & sanctissimo instituto adjutores habuit symmistas divinos, Haggæum, Zachariam, Malachiam, Nehemiam, aliasque primores & antistites in Scripturis Sacris potentes & autoritate pollentes, numero CXX. **אֱנֹשׁ חֲבָנָסָתְהַ** viros synagogæ magna, cujus ipsum Præsidem ac directorem egisse ferunt. Conf. omnino Buxtorff, *Tiberiad. c. X. m XI. p. 24. in fol.* Prophetæ autem ^{an Prophe-} titulo & munere an conspicuus fuerit, vatic disceptatur ab eruditis; af- ta? firmantibus Judæis in *Seder Olam Sura* edit. Joh. Meyeri p. 108. ubi Haggæo & Zachariæ ceu Propheta accensetur: interprete Syro, qui librum ita inscribit: **לִבְרֵן אֶזְרָאֵל** Liber Ezre Prophetæ; Laetantio, qui L. IV. *Instit. Div. c. XI. p. 238.* Esdras etiam Prophetæ, inquit, qui fuit ejusdem Cyri temporibus, a quo Judei sunt restituti, sic loquitur &c. Beda in inscriptione, procemio & passim *allegor. exposit. in b.l. Calendario Romano ad diem 13. Julii*, in quo illius recolitur memoria, Cornel. a Lap. *Proœm. Comm. p. 4.* & e nostris b. Calovio Bibl. *Illustr. in b.l. Proœm. T. I. p. 862.* & Joh. Henr. Ursino *Parallel. Evangel. VIII. p. 38.*: negante autem Augustino, qui L. XXIX. *de C.D. c. 36. T. V. Opp. p. 1096.* Esdras, inquit, magis rerum gestarum scriptor est habitus, quam Prophetæ. Sed in promptu est conciliatio, & diverso Prophetici tituli significatu & usu resultans. Si Prophetam dicas virum doctriueor, cuius ministerio in exarando Canonis sacri parte aliqua usus est Deus, quique adeo Scriptura sua testatus de Christo est, quo sensu universa V. T. Scriptura λόγος προφητος 2. Pet. I, 19. Scriptoresque librorum V.T. πάντες οι προφῆται Act. X, 43. audiunt, nemo temere hanc dignitatem Esdræ denegaverit; quanquam nolim

Qq 3

nolim



nolim hæc eo trahi, ac si ideo saltem dicendus sit Prophetæ, quia Scriba vel Notarius Publicus fuerit, quo sensu R. Simon, cui Prophetæ & Scribæ publici paria faciunt, Esdram hoc titulo dignatur *Hist. Crit. L. I. c. 1. p. 4. b.* si vero eos demum Prophetas esse velis, qui futura prædicendi facultate instruti, de Christo & temporibus N. T. vaticinia ediderunt, tum vere or omnino, an Esdræ æque ac ceteris Prophetis id nominis competit. Non inepte hic Scipio Sgaribatus *lib. II. Archivor. Vet. Test. Tit. LXII. p. 395.* Non tamen ideo, inquit, quia Scriba cognomento & officio erat, ut minus sapienter argumentatur R. Isaac Abarbinel. Nam Prophetam eum fastentur Hebrei omnes, dum ordinem Theologicæ successionis recensentes, numerant Prophetas a Samuele ad Esdram: denique cum liber Esdra aequæ apud Hebreos, ac nos in canone sit, profecto utrig. coguntur, eum sateri Prophetam. Plura de his omnibus qui cupit, adeat die Lebensbeschreibung der Bischöflichen Sribenten P. VI. quæ personalia Esdræ exhibet, & ad autores, qui hæc singula data opera pertractarunt, innumeris fere citatis remittit.

III.

Libri autor.

Huic itaque tali ac tanto scriptori acceptum vulgo ferimus, quem præ manib[us] habemus, librum, quo sua ætatis res gestas memoriae prodidit, & restaurationem templi gentisque Judaicæ literis consignavit. Nec de veritate ejus rei dubitare nos sinunt testimonia libri, quibus de se in prima persona scriptor libri, idemque Esdras, loquitur. Cap. VII, 27. 28, postquam datas ad Esdram ab Arthesasta Rege literas retulisset, ita pergit: *benedictus Dominus Deus patrum nostrorum, qui dedit hoc in corde Regis, ut glorificaret dominum Domini, quæ est in Jerusalem, & in ME declinavit misericordiam suam coram Rege, & consiliatoribus ejus, & universis Principibus Regis potentibus.* Et EGO confortatus manu Domini Dei MEI, quæ erat in ME, congregavi de Israël principes, qui ascenderent mecum: & cap. IX, 5. cum de se dixisset: *curvavi genua mea & expandi manus meas ad Dominum Deum meum,* & orationem a se fusam adjecisset, tandem in persona tertia nominat orantem c. X, 1. *Sic ergo orante Esdra, et implorante eo, et flente etc.* Sic Esdræ gesta scriptor libri c. VIII, 15. sqq passim in prima persona recenset, manifestisque indiciis, se eundem cum Esdra esse prodit. Quæ cum ita sint, negare equidem non potuit Doctorissimus Huetius *Demon. Evang. Prop. IV. in b. l. p. 356. S. 1.* ultima quatuor capita libri ab Esdræ manu profecta esse; circa sex priora vero capp. in diversam sententiam discedit, eademque eundem cum libris Paralipomenon



menon scriptorem, ab Esdra tamen diversum agnoscere, ac Darii jam Esdræ àetate ipsoque, quo templum extruebatur, tempore, adhuc ante Esdræ Hierosolymas adventum, exarata fuisse pertendit. Cum enim c. V, 3. sq. ita res gestas exponat, se ut iis ipsis interfuisse scriptor declareret, liquidum constare, alium eum ab Esdra esse, qui tunc temporis nondum in Judæam reversus fuerit, sed Artaxerxis demum àetate redierit. Tum quoque ad initium capituli VII. provocat, quod ita habet: *Post hec autem verba, in regno Artaxerxis regis Persarum ipse Esdras ascendit de Babylone: unde ita colligit: cum Hierosolyma fuerit tempore Darii Scriptor priorum sex capitum, Esdras vero Hierosolymam venerit regnante Artaxerxe, sequitur alium esse sex priorum capitum scriptorem ac Esdram.* Iisdemque viri summi vestigiis recentissime inhæret Jac. Friedriç. Reimannus question. *Biblic. p. 222.* Utut vero parum referat, quamnam sententiam eligas, dummodo virum Θεοπνευστον agnoscas scriptorem; tanti tamen hæc argumenta ponderis non sunt, ut persuasum habet Huetius, ut priorem illam communique consensu receptam, de Esdra secundario totius libri auctore, sententiam penitus evertant. Ut enim, quicquid hic consignavit, ex divina & immediata hausit suggestione, quo citra erroris aut lapsus μηνυούσεται periculum exacte omnia proderentur: Sic etiam eundem cum ceteris Scriptoribus Θεοπνευστοι morem tenuit, quibus haud infrequens est, res dudum ante se gestas ita commemorare, ac si ipsi earum pars fuissent. Quo pertinent, quæ b. Glassius noster *Philol. S. Lib. I. Tract. 3. Sect. 4. p. 205. sqq.* de styli sacrarum literarum evidentia profert, moremque Historicorum Θεοπνευστων esse observat, πρὸ δὲ ὀμμάτων ποτεν̄ ac res quasi ante oculos spectandas proponere. Quin sæpe etiam apud prophanos Historicos idem observare licet. Hinc istud: *respondimus c. V, 4. non statim evincit, Scriptorem unum Respondentium, adeoque de Rectoribus provinciæ a Dario præfectis fuisse; quæ Huetii est collectio; sed Esdram hæc verba ex ore rectorum istorum aut Seniorum Israel, qui præsentes templi structuræ adfuerunt, retulisse docet.* Sic Lud. El. du-Pin *prolegom. Bibl. Lib. I. c. 3. §. 6. p. 84.* Huetium refutans, nomine gentis suæ loqui Esdram contendit, sæpiusque historicos in prima persona loquentes deprehendi observat, v. g. bellum indiximus, pacificatum venimus, urbem expugnavimus &c. quanquam, qui scribunt talia, præsentes neutiquam adfuerint. Alterum vero ex c. VII, 1. argumentum omni prorsus consequentia caret, neque valide colligitur, Hierosolymis fuisse tempore Darii scriptorem priorum sex capitum, quia post



post hæc verba, in regno Artaxerxis Esdras descendit de Babylone. Hoc est τὸ ἐν ἀρχῇ λαυθάνειν, & indoli historiæ sacræ plane repugnat, quæ gesta dudum ante scriptoris sui tempora repetere & copiose inculcare consuevit. Ut adeo hactenus causa sat evidens nulla appareat, cur a communi sententia discedere, & priora sex capp. Esdræ abjudicare debeamus. Talmudistis sane totius libri scriptor est, juxta allegata superius c. XVI. §. 3. p. 286. verba. Unde & Joann. Clericus Huetium deserit, vulgarem sibi magis placere testatus sententiam, ex qua statuitur Esdras Babylone primum in Iudeam rediisse, una cum Zorobabele & Jesua; deinde cum reversus esset in Babyloniam, iterum inde rediisse sub Dario Hyrcanide. In prioribus capitibus, pergit, semet ipse non nominat, quia non erat Dux et caput reditus, ut in secundo itinere; sed satis liquet, hominem fuisse inter ipsos reduces, qui tempore Cyri redierunt, ex Cap. VI, 14. 15. ubi se inter eos commemorat. Verum aut mendosum est allegatum, aut qui prior Esdræ profectio, de qua Scriptura alibi silet, ex citato loco demonstrari queat, prorsus non intelligo. Nullibi sane geminum Esdræ in Iudeam reditum leges: nisi alterum illum Esdram Levitam Neh. XII, 1. cum hoc nostro confundere velis. Unde corruunt etiam dubia, quæ circa geminum hunc e Babylonia ascensum Esdræ, ex ejus ætate sibi format. Clericus, de qua mox dispiciemus.

IV.

Spinozæ re-
felluntur
criminatio-
nes, 1) no-
bitatis:

Graviter autem contra hunc & sequentem Nehemiac librum insurgit Spinoza Tract. Theol. Polit. c. X. p. 132. longe post instauratum a Iuda Macchabæo templi cultum conflictos utrumque esse criminatus. Non dubito, inquit, quin hi libri, dudum postquam Judas Macchabeus templi cultum restauravit, scripti fuerint, id: quia tum temporis falsi Danielis, Ezra et Esteris libri edebantur a malevolis quibusdam, qui sine dubio sectæ Sadduceorum erant; nam Pharisei nuncquam illos libros, quod sciam, recuperunt. Verum ut gratis, & absque ullo antiquitatis testimonio, istud de obtrusis Pseudo-Danielis, Pseudo-Esdræ &c. libris, a Sadducais conflictis, pro temerarii hominis in fingendo licentia, asseritur; ita Synagoga magna per Masoram jam inde ab Esdræ temporibus studiose cavit, ne vel obtrudi tales possent, vel corruptelam etiam pati libri genuini. Altera, quam adfert, conjectura est: vel forte ea de causa tum temporis descripti atque editi sunt, ut populo ostenderent, Danielis prophetias adimpletas esse, atque cum hac ratione in religione confirmarent, ne de melioribus et futura salute in tantis calamitatibus desperaret. Ultut autem demus, ad comprobandum



dum prophetiarum Danielis complementum, & confirmandi in religione ac fiducia populi gratia, hos libros descriptos atque editos fuisse, quatenus consequentia elici hinc poterit, quod dudum post instauratum a Juda Macchabæo templi cultum compositi demum fuerint? Longe prius enim ea Danielis vaticinia impleta erant, quorum complementum his libris traditur. Unicum ergo tam temerariæ assertionis argumentum illud affert, quod Nehem. XII, ii. producitur genealogia Pontificis יְהוּ Jadduæ, qui Alexandro M. jam fere Persarum imperio subacto obviavit, teste Josepho lib. XI. Antiqq. 6. 8. & quod v. 22. capitulæ ejusdem mentione est Darii Persæ, Codomanni scilicet, ad quem usque, imo ultra cuius imperium Eliasib, Jojadah, Jochanan, & Jaddua vixisse Sacerdotes legantur. Hinc itaque concludit: *neminem existimare credo, quod Ezras aut Nehemias adeo longevi fuerint, ut quatuordecim Reges Persarum supervixerint: nam Cyrus omnium primus Judæis veniam largitus est, templum reædificandi, & ab eo tempore usq; ad Darium decimum quartum & ultimum Persarum Regem ultra 230. anni numerantur.* Sane si tam vere isthac proferret, quam speciose ac audacter, haud leviter oratione in solvendo hoc nodo laborandum esset. Sed nervose & solide admissos ab ipso errores complexus, Huetius c. l. §. 4. p. 358. *vix plures, inquit, potuissent errores tam paucis verbis colligere.* Nam primum putat, Nehemiam Cyri temporibus floruisse, qui Artaxerxi equalis fuit: *quatuordecim Persarum reges numerant, qui a Cyro ad Darium Codomanum, fuerunt omnino decem, aut si Patizithen & Smerdin Magos in iis numeres, ad summum duodecim.* A tempore, quo Judæis patriæ repetendæ potestatem fecit Cyrus ad postremum Darium annos effluxisse censet 230. qui ad hujus obitum non multo plus quam ducenti fuerunt. Quæ omnia ut ad oculum pateant, Regum Persarum calculum subjiciemus, qui ita habet:

A.O.C.

- 3468 Cyrus regno potitus (2. Chron. XXXII, 26. Esdr. I, 1.) anno imperii primo Judæis in patriam revertendi potestatem fecit.
- 3474 Cyrus septuagenarius vita fungitur, post initam Monarchiam annis septem cum mense uno aut altero.
- 3475 Cambyses succedit, qui Esdr. IV, 6. Ahasverus vocatur, & præfuit 7. annis cum 5. mensibus.
- 3482 Cambyses moritur.
- 3483 Smerdes Magus per 7. menses imperio præfuit, assumto cognomento Artachastæ, Esdr. IV, 7.

Rr

3484 Da-



- 3484 *Darius Hyphasis* præesse coepit, qui 36. annis regnavit.
3519 Darius obit, *Xerxe* filio rege declarato.
3539 defuncto Xerxi succedit *Artaxerxes Longimanus*, Μαντόχειρ.
3546 anno Artaxerxis septimo Esdra cum magna Judæorum copia
Babylone proficiscitur Esdr. VII, 6. sqq.
3559 Nehemias missus Hierosolymam, ad restaurandam Politiam.
Neh. II, 1. Artaxerxis anno regiminis 20.
3581 *Darius II.* vel *Nothus* succedit, qui annis 19. præfuit.
3600 *Artaxerxes Memor*, Μνήμων, rerum potitur, imperium 46. annis
tenens.
3646 *Ochus* succedit per annos 21.
3667 *Arses*, qui & *Arogus* dicitur, regno præficitur, in annum 3. illud
tenens.
3669 *Darius III.* vel *Codomanus* præesse coepit, qui
3672 anno imperii quarto victus ab *Alexandro*, Monarchiæ tertiae &
Græcæ locum dedit.

Sic Reges totius Monarchiæ Persicæ habes XI. annos 204. quos ta-
men omnes vivendo expleuisse nec Esdras dicendus necessario est, nec
Nehemias, cum ab illius in patriam reditu anni 123, ab hujus autem 110.
ad Darium Codomannum usque numerentur, sub quo Jadduah Pontifi-
catum adeptus est. Hos vero uti Jadduæ tempora vivendo attigisse,
nullibi legitur, dudumque ante Darium Codomannum diem suum obiisse,
salva sacri textus autoritate asserere possumus: ita, licet id dederimus,
μακροσέες adeo fuisse, ut ad sesquiculum fere ascenderent, longitudo
tamen ævi extra ordinem in hominibus, quorum opera Deus ad magna-
uti voluit, censente Christ. Schotano T. II. Biblioth. Hist. Sacr. V.T. p.1147.
miranda adeo non esset. Ut taceam, si ex Scaligerianorum mente, Esdræ
& Nehemiæ profectiones ad Artaxerxis Mnemonis annum septimum
& vigesimum referamus, minorem longe numerum prodire, de quo ta-
men calculo paulo post, ubi de Chronologia sermo erit, videbimus.
Quod porro Spinoza urgebat ex Neh. XII, 22. ubi Sacerdotes fuisse di-
cuntur רְרוּשׁ מֶלֶכְתָּה עַל illud לְעַל pro latitudine significationis &
usus hujus particulae, non ultim, sed usq; ad Regnum Darii significat.
Alias Jadduæ Pontificatus, qui cum Darii regno connexus erat, ultra Da-
rium extendi deberet. Et fieri potuit, ut hæc pericopa a recentiore
manu διατυπεύσω, ad integratam historiæ post Nehemiam, scriptumque

ab



ab ipso librum, adjecta fuerit, si tam grandem illi ætatem tribuere nolimus; quale quid in recentissimis illis, I. Chron. III, 21. sqq. genealogiis usū venisse, supra monuimus c. XVI. §. 3 p. 287. Ita quippe Dionys. Petavius doctrinæ temporum Lib. XII. c. 25. censet: *Id enim plerisque aliis in libris Scripturæ, inquiens, apparet esse factum, ut in fine Deuteronomii, que ad Mosis obitum spectant, ab alio utiq; sunt adjecta; quod idem & de libris Josue, Tobie & Jeremiea quidam existimant.* Quocirca in catalogo illo Levitarum & Sacerdotum, quem ad tempus suum perduxerat Nehemias, quidam appendicem illam attexuit. Ulterius adhuc progressus Lud. El. du Pin Proleg. Bibl. l. I. c. 3. §. 6. p. 84. universam illam Cap. XII. a v. 1—26. incl. pericopam a recentiore manu libro insertam, ex connexione textus conjicit, quod post commemoratam mœniura urbis reparationem, incolarumque recensionem, dedicatio mœnium naturali ordine recensenda fuerit, quæ demum v. 27. incipiat. Sed nimis grandis hæc nobis lacinia videtur. Præterea vero corruptionis notam his libris inurere Spinoza allaborat e. l. p. 133. pergens: *Verum enim quoamvis hi libri adeo re-^{2)corru-}centes & novi sint, multa tamen mende, ex festinatione, ni fallor, describen- piele.* rium in eosdem irrepserunt. Consentientem hic sibi Spinoza habet Cle-
ticum, tum in Dissertatione de Scriptoribus librор. Hist. V. T. §. 8. 9. tura in commentario passim, ut quando ad Neb I, 1. annotat: *Si quis existima-
ret, turbatum aliquid hic esse in annis, aut in nominibus, sibi adsentientem me
haberet, quoamvis quid si immutatum, dicere nequeam.* Et ad Esdr. VII, 3. *Nemo non videt, inquit, omissois hic sex viros, negligentiā librariorum, pro-
pter repetitionem τε ^{בָּנִים} & similitudinem terminationis vocum אַמְרִיָּה
& עֹזְרִיָּה.* *Si quis ejusmodi errata defendere sustinet, idem ille jungat vul-
pes & mulgeat hircos.* Bona verba, quæsto: *Si enim, quid sit immuta-
tum, dicere non potest Criticus, autoritati sacrarum literarum parcere,,
suamque potius in δυσνόητοις ejusmodi ignorantiam fateri debuisse,,
quam criminationibus impetrare, quas demonstrare non valebat.* Me-
diatam autem Genealogiam si necesse esset erratis librariorum acceptam
ferre, corruptus quoque pari negligentia fuerit Matthæus in genealogica
e. I. recensione. Sed videamus, quo commento fidem calumniæ suæ con-
ciliare nitatur Spinoza. In hisce enim, pergit p. 133. ut in reliquis, note
marginales, de quibus in præcedenti Cap. egimus, plures etiam reperiuntur, &
præterea etiam loca quedam, quæ nulla alia ratione excusari possunt, ut
jam ostendam: sed prius circa horum marginales lectiones notari volo, quod
si Phariseis concedendum, eas eque antiquas esse, ac ipsos horum librorum



316 INTRODUCTIO AD LIBROS BIBLICOS

De libro
Esdræ.

Scriptores, cum necessario dicendum erit Scriptores ipsos, si forte plures fuerint, eas ea de causa notavisse, quia ipsas Chronologias, unde eas descripserunt, non satis accurate scriptas invenerunt; & quamvis quedam menda clare essent, non tamen auso fuisse antiquorum & majorum scripta emendare. Ubi quidem per notas marginales τὸ κριτικὸν intelligit, de quo quid censendum, ex Buxtorffii Tiberiad. c. XIII. p. 31. maxime vero ex eruditissimo Matth. Hilleri de Arcano Keibb & Keri commentario cognosci potest, qui originem diversitatis lectionum p. 24. ita explicat: Ezra sacra volumina iterum atq[ue] iterum sua manu descripsit, vel ab aliis recensuit, ut ecclesia sacrorum librorum absq[ue] mendis scriptorum copia instrueretur. Ceterum, ut in illa multiplici descriptione aut recensione vir Γεωργίου non ubiq[ue] isdem verbis, literis aut apicibus instituit, sed in nonnullis codicibus (sensu tamen dictorum ubique integro & inviolato) literas aut verba permutavit vel transposuit; alia addidit, abolevit, nonnulla denique ex Chaldaismo aspergit. Unde factum est, ut in distinctis Esdræ apographis lectionum magna varietas appareret. Ne igitur, quod semel inspiratione & instinctu Numinis scriptum, qualcunque id fuerit, e sacro codice periret, ipsius Ezra estate, vel certe proxima, viri zelo & estate pleni, quos per me vel Masorethas, vel viros Synagoge magnæ dixeris, in eam curam totis viribus & stupenda diligentia incubuere, ut lectiones has discrepantes, quarum alia a prima, alia a secunda. Notarii manu veniere, uno quodam symbolo in textu positio comprehensas in apographis suis ad posteritatis memoriam transmitterent. Hinc ergo originem suam habere voces, quæ in Bibliis circello notatae scriptæ; hinc ad marginem exposita, quas γραπτα lectas nominant. Hinc lectæ, non scriptæ: scriptæ, non lectæ. Hinc literarum majuscularum & minuscularum fatus: hinc suspensa: hinc denique punctata prodierunt. Hinc idem porro stupenda omnino industria & mirabili prorsus ἀγριωλα, libro II. Arcani, in octingentis amplius Scripturæ locis, quos vel corruptos vel inexplicabiles Critici moderni causantur, integratati suæ restitutis demonstravit, lectionis varietatem ubique in eandem divini scriptoris mentem consentire; ut corruptionem Scripturæ hinc colligentibus, Spinozæ, Capello, Rich, Simonio &c. silentium omnino indicium sit. Sed ad Spinozam revertamur, & quas ex festinatione describentium Esdræ & Nehemiac libri mendas suscepimus, dispiciamus. Nescio quot (mendas) dicam irrepsisse, pergit, in c. II. Herzæ: nam v. 64. traditur summa totalis eorum omnium, qui distributive in toto capite numerantur, atque iidem dicuntur simul fuisse 42360: & tamen, si summas partiales addas, non plures invenies, quam

29818.



29818. Error igitur hic est vel in totali, vel in partialibus summis. At totius Esdræ credenda videtur recte tradi, quia sine dubio eam unusquisque memoriter retinuit, ut rem memorabilem: partiales autem non item. Adeo si error in totalem summam laboretur, statim unicuique pateret, et facile corrigetur. Atque hoc ex eo plane confirmatur, quod in Nhem. c. 7. ubi hoc caput Hezra (quod epistola genealogia vocatur) describitur, sicuti expresse v. 5. ejusdem Cap. Nhemie dicitur, summa totalis cum hac libri Hezra plane convenit, partiales autem non valde discrepant: quasdam enim maiores, quasdam porro minores, quam in Hezra repertis, easque omnes simul confidere 31089. Quare non dubium est, quin in solas summas partiales, tam libri Hezra quam Nhemiae, plures mendacis irreperserint. Doctissimum Huetius herbam hic porrigit adversario, frequentemque librariorum errorem, quibus in referendis arithmeticis notis & exprimendis nominibus labi promptissimum est, fatetur; sed praeter jus verique speciem. Nec enim largimur, quod presupponit Pseudo-Criticus, Nhemiam indicem suum ex Esdræ cap. II. descripsisse, dum se forte incidisse memorat v. 5. Nhemias in librum genealogie eorum, qui primum ascenderant: at Esdræ librum haud dubie cum reliquis voluminibus sacris, quibus junctus erat, quotidie volvebat, probeque cognitum habebat dudum atque perspectum. Ut taceam, ex Adversarii mente, librorum Esdræ, Nhemiae, ut & Danielis & Estheris, unum esse eundemque scriptorem. Jam qui poterit absque absurditate idem scriptor fingi invenisse librum suum, & ex eo genealogias ante pertoxtas, tanta tamen cum rectionis discrepantia, descripsisse? Tam belle, scilicet coherentius & argumenta. Nec facile creditu est, tot uno in capite sphalmata commissa fuisse, maxime quod in textu Hebraico, jam inde a Masoretharum tempore, & haud dubie a prima ejus configuratione & origine, numeri non notis aut literis numeralibus, sed vocibus integris expressi deprehendantur, in quibus tam crebris in exiguo contextus tractu occurribus corruptelis fere locus non datur; eoque magis, cum nulla in modernis exemplaribus, tam impressis, quam MSCtis, circa hos numeros lectio diversitas occurrat, ut omnes scribas toties iisdem in locis eodem modo errasse dicendum sit, quod fere impossibile. Hinc admodum probabilis eorum est conjectura, qui Nhemiae catalogum continere censem numerum eorum, qui actu in Iudeam redierunt; Ezra vero concurrentium in Babyloniam ad Regis edictum, quorum pars, animadversis difficultatibus maximis, referre pedem, pars in itinere mori potuerit, accedentibus interim aliunde alii, ita ut in patriam venientes mille,



circiter ducentos, quorum genus notum erat, amplius invenirent, quam
is erat, qui in Babylonia inibatur; utrobique autem adjectis illis, quo-
rum prosapia non erat manifesta, summa eadem 42460. exiret. Juvat
hic audire b. Calovium, qui Bibl. Illust. ad Esdr. I, 1. p. 864. Grotio idem
objectanti regerit: *Variatio recensionis inde est, quod bis facta sit recensio,*
semel in Babylonia, quam Esdras describit: Atq. iterum in Iudea, que de-
scribitur a Nehemia; quodq. inter illos etiam, qui jam nomina sua dederant
Catalogo transportandorum, remanserint nonnulli in Babylonia, nonnulli
etiam in via obierint, unde quandoque numerus est minor apud Nehemiam,
quam Esdram; ac vice versa quidam, qui initio nomina sua non dederant,
ad saniores mentem redeentes, amore patriæ dulci, deinceps nihilosecius pro-
fessionem suscepserint, ac Catalogum Nehemiam auctiorem fecerint, quam
fuit Esdræ recensio. Quæ piis mentibus sufficere credo: cum præter sa-
era ista, desint historiarum monumenta alia, quæ si ad manus essent, lu-
cem procul dubio affunderent iis, quæ in tanta historiæ canonicæ brevi-
tate, obscura nobis vel dubia in numeris & nominibus videntur; expe-
dita tamen & intellectu facilia fuere iis, qui scriptoribus Θεοτυεύσοις
εὐγένειοι vixerunt. Confer huc quoque Joh. Meyer. in Seder Olam Pro-
leg. p. 203. & Comment. p. 114.

V.

Esdras an
XII. libro-
rum V. T.
autor?

Hunc vero librum ut Esdræ derogat Theologo - Politicus, longe-
que ipso recentiorem statuit; sic ex adverso, ut omnia turbet, omniem-
que Scripturarum autoritatem ac fidem e medio tollat, æque malitiose
dicam, an absurde? duodecim illorum ad Paralipomena usque histori-
corum librorum V. T. conscriptionem ipsi assignat, sed satis negligentem
& incautam, qua quippe historias nondum examinatas & ordinatas, ve-
rum tumultuaria saltem opera collectas, posteris ordinandas reliquerit.
Prolixo hoc commentum persequitur cap. VIII. pestilentissimi tractatus,
dumque cap. IX. p. 115. ad ea pergere instituit, quæ communis superstitionis
vulgaris reprehendere non sinit, ut ipsius criminatio habet: *Horum præcipuum*
est, inquit, quod Hezras (eum pro scriptore predicatorum librorum habebo,
donec aliquis alium certiorem ostendat) narrationibus in hisce libris contentis
*ultimam manum non imposuit, nec aliud fecit, quam historias ex diversis scri-
ptoribus colligere, & quandoque non nisi simpliciter describere, atq. eas non-
dum examinatas neg, ordinatas posteris reliquit. Quæ autem cause impe-
diverint, (nisi forte intempestiva mors) quo minus hoc opus omnibus suis nu-
meris adimpleret, nequeo conjicere. Quas ipsius Φλυαρίς supra jam teti-*

gitaus



gimus e. III. §. 2. p. 39. & circa libros singulos, in verum cujusque scriptorem & consignationis tempus inquirentes, profana hominis adulatio scommata profligavimus, ut uberiore confutatione opus nunc non sit: mentem saltem Biblio-categorii colligere inde licet, & in sacras literas, quarum partem haud postremam, his libris comprehensam & veritatis dubia, & turbati per omnia ordinis, & suspectæ omnino autoritatis postulare aggreditur, in qua sine discrimine, mala bonis permista satis confusa, pro divinis obrudantur; & in Esdram, peritissimum legisperitum, cui perinde fuerit, quicquid fide dignum an indignum, divinum an humanum, ad posteritatem transmitteret. Quæ nemo non videt eo spectare, ut sublata Scripturæ autoritate, quam communem superstitionem vulgi appellat, πεπονια istud Υεδρων impietatisque suæ fundamentum adstruat, quod pauca illa, quæ de officiis hominis cognoscenda sunt, non tam ex verbo Dei, quam ex natura debeant cognosci; quodque Scripturæ intentum non fuerit, scientias docere, sed nihil præter obedientiam ab hominibus exigere, solamque contumaciam, non autem ignorantiam damnare. Sed mittamus hominem profanum.

VI.

Præter canonicum hunc, in quo versamur, quamplurimos alios An libro-
Esdræ vulgo tribuunt libros, profunda divinarum rerum sapientia plenos, ac universam Kabalæ doctrinam complexos. De quibus dum ex rum Kaba-
instituto agunt Sixtus Senensis. Biblioth. S. lib. II. voc. Esdras p. 77. & Hot-
tingerus Thesauri Philol. lib. I. cap. 3. Sect. 5. p. 438. provocat uterque ad
Joh. Picum Mirandula Comitem, qui Apologie sua quest. V. p. 82. universam eorum historiam verbis quidem satis prolixis tradit, quæ tamen hoc
adscribere non alienum censemus: Postquam Hebrei, inquit, a Babylonie
captivitate restituti per Cyrum, sub Zorobabel instaurato templo ad repa-
randam legem animum appulerunt, Esdras tunc ecclesia prefectus, post emen-
datum Moseos librum, cum plane agnoscere, per exilia, cades, fugas, capti-
vitatem gentis Israeliticae, institutum a majoribus morem tridenda per manus
doctrinæ servari non posse futurumq; ut sibi divinitus indulta doctrina cœlestis
arcana perirent, quorum, commentariis non intercedentibus, durare diu me-
moria non poterat, constituit, ut convocatis, qui tunc supererant, sapientibus,
afferret unusquisq; in medium, que de mysteriis legis memoriter tenebat, ad-
bibitisq; notariis, in sepiuaginta volumina, tot enim fere in Synedrio sapien-
tes, redigerentur. Quæ de re qui mihi non credunt, audiant Esdram ipsum
sic loquentem: exactis (4. Esd. XIV, 46.) 40. diebus, locutus est Altissi-
mus,



mus, dicens: priora quæ scripsisti, in palam pone, legant digni & indi-
gnii: novissimos autem septuaginta libros conservabis, ut tradas eos sa-
pientibus de populo tuo: in his enim est vena intellectus, & sapientiæ
fons, & scientiæ flumen: atque ita feci. *Hec Esdras ad verbum.* *H*
sunt libri scientiæ Cabalæ, in quibus merito Esdras venam intellectus, id est,
ineffabilem de supersubstantiali Deitate Theologiam, sapientiæ fontem, id est,
de intelligibilibus, Angelicisq; formis, ex actam Metaphysicam, & scientiæ flu-
men, id est, de rebus naturalibus firmissimam Philosophiam esse, claram in pri-
mis voce pronunciavit. Hi libri, Sixtus IV. Pontifex Max. qui hunc, sub
quo vivimus feliciter, Innocentium VIII. proxime antecessit, maxima cura stu-
diog; curavit, ut ius publicam fidei nostræ utilitatem Latinis literis mandaren-
tur, jamq; cum ille deceperit, tres ex illis pervenerant ad Latinos: hi libri apud
Hebreos, hac tempestate, tanta religione coluntur, ut neminem liceat, nisi an-
nos XL. natum, illos attingere. Hos ego libros non mediocri impensa mihi
cum comparasse, summa diligentia indefessis laboribus cum perlegisse, vidi
in illis (testis est Deus) religionem montam Mosaicam, quam Christianam;
ibi Trinitatis mysterium, ibi verbi incarnatio, ibi Mesiae divinitas, ibi de pe-
cato originali, de illius per Christum expiatione, de cœlesti Hierusalem, de ca-
su Demonum, de ordinibus Angelorum, de purgatoriis, de inferorum pœnis,
eadem legi, que apud Paulum & Dionysium, apud Hieronymum & Augu-
stinum quotidie legimus. Hos autem libros peritisimi quique Hebraicæ
literaturæ Christiani, præter unum Picum ignorant, falsoque libri Apo-
cryphi fundamento superstructos, jure merito in dubium vocamus.
Eodem autem testimonio 4. Esdr. XIV, 21. sqq. inductus Sextus Senens.
fabulam hanc ita interpolat, ut reversum de captivitate Babylonica
Esdram libros dictasse ferat CCIV. quos ab ore ejus quinque velocissimi
scribæ, per continuos 40. dies excipientes, in tabellis buxeis descripse-
rint: ex his vero Esdram CXXVI. passim evulgasse, reliquos vero, se-
cretiore sapientia elaboratos solis sapientibus, ac doctoribus legis peritis,
majori cura & solertiori studio occulte legendos reservasse; quos ipsos
esse perhibet Pico visos ac memoratos. Verum Sixti fidem hic admo-
dum vacillare, castigans ipsum agnoscit Rich. Simon, ejusdem licet &
religionis & Ordinis Socius Hist. Crit. V. T. Lib. III. Cap. XVII. p. 458.
ibidemque Pico imposuisse fatetur Judæos, a quibus in errorem inductus
ipse quamplurimis aliis se ducem erroris ac autorem præbuerit. Inter-
rim Picum Mirandulam primum fuisse, qui Cabalæ & Cabalistarum men-
tionem apud Latinos explicatam fecerit, cum ante ipsum nomen eorum,

Româ-

An CCIV.
librogum?

Romanæ linguae incognitum esset, & ipse afferit c. I. & Joann. Reuchli- Esdræ. nus testatur de *Arte Cabalistica lib. I.* edit. in fol. Francosurt. A. 1672. qua Galatino de A. C. V. subjungitur, p. 636. E. ubi simul Cabalistarum integrum ab Esdra seriem invenies, quod obiter notamus. Conf. de his Esdræ libris Jo. Selden. de *Synedriis Vet. Hebr. L. II. c. 16.* §. 7. p. 413. sqq. edit.

Amstelod. Ejusdem porro commatis cum superioribus est Esdræ somni- An somnit um & vaticinum de fatis Monarchie Romanæ, de quo Sextus Sen. c. I. p. 78. de Monar- Et liber ab hæreticis nostrorum temporum confititus, quem Sacro Sanctæ Ro- chia Rom. mane Inquisitionis Senatus, nominatim inter damnatas Scripturas haberi vo- luit. Hinc etiam in *Indice librorum prohibitorum Innocentii XI.* jussu Roma A. 1682. edito p. 92. 261. & 283 eundem videmus proscriptum.

Ad spurious quoque & Esdræ nomen in fronte mentientes refertur merito libros, Codex MSCtus Vindobonensi Bibliothecæ ab Augerio Busbe- An Codicis quio ex Oriente illatus, cuius ap. Lambecium in *Bibl. Cæf. Vindob. L. VI.* dob. p. 118. inscriptio ita habet: 'Εσδρας τε προφήτε περὶ τῶν ἐπιλεγέων ἡ- μερῶν τῶν διδόνει μηνῶν, Esdræ Prophetæ recensio dierum infaustorum per singulos 12. menses. Potiorem apud multos fidem invenerunt III. & IV. An III. & liber Esdræ, ad calcem Latinorum ac Germanicorum Scripturæ codi- IV. sub Es- cum obvii, de quibus multi multa tradiderunt, qua quem juvant, adire. dræ nomine poterit e Pontificiis Sextum Senensi lib. I. Bibl. S. p. 34. & Jac. Bonfre- in S. Codice obiorum?

Ss

Chri-



Christianæ deſtituantur, (quæ enim ex Canone Concilii Carthaginensis III. vel VI. aut VII. pro his libris nonnulli adferunt, ſolide profligavit. Andr. Rivetus *Isagog. ad Scriptur. S. Cap. VII. §. 27. sqq. T. II. Opp. p. 883. sqq.*) merito eos ecclefia noſtræ Doctores ſuppositios cefent, & in Apocryphorum ordinem redigunt. Quid, quod nec iſis Pontificiis, qui Apocryphorum alias patrocinium in ſe luſcepereunt, ſeſe probare potuerint? unde in Tridentino *Seffonis IV. catalogo Canonicarum scripturarum* eos omissos, a Sixto vero & Bonfrerio impugnatatos omnino videas & rejectos; nec immerito Bellarminus *lib. I. de verbo Dei cap. 20. Genebrardum* eo nomine reprehendit, quod is *lib. II. Chronolog. A. M. 3638. quartum Esdræ* in posteriorum Hebræorum canonem, aſc confictum, collocat. Unde appetet, qua fronte & quo jure Apoſtata Pistorius in *Motivis Marchion. Badenis mot. I. p. 34. in b. Lutherum* invehatur, quod nulla apud iſum librorum horum autoritas fuerit, quod e Biblii eos evulſerit, nec ſua dignatus fit versione. Et Lutheri quidem ſententia in prefat. *German. super Baruch* clara fatis est, & ita habet: Dieselbigen zwey Bücher Esra haben wir ſchlechts nicht wollen verdeutſchen weil ſo gar nichts drinnen iſt daß man nicht beſſer in Aſopo, oder noch ge ringern Büchern kan finden. Ohne daß im 4. Buch zwar eitel Dräume ſind wie Hieronymus ſelbst ſagt und Lyra nicht hat wollen auslegen dazu im Griechiſchen nicht funden werden (Lutheri certe atate; hodie enim in Polyglottis Parisiensibus ac Londoniensiſbus Græce, Syriace ac Latine leguntur.) Es ſoll und mag ſie ſonſt verdöllmetſchen wer da will doch in dieser Bücher Zahl nicht mengen. Diu vero poſt, cum fanatici nonnulli ideo Germanis horum lectionem invidere Theologos criminarentur, quod liber IV. nescio quæ mysteria contineret, b. D. Dan. Cramerus hanc operam in ſe luſcepit, eorumque Germanicam ex Latino versionem adornavit; in cuius præfatione, de autoritate ad probanda dogmata prorsus inidonea, monuit lectorem. Cum vero IV. cum primis librum Anabaptistæ, Weigeliani, Schwenckfeldiani, Roseæ crucis fratres & hujus furfuris fanatici alii, pro Prophetico, & ad confirmandia fidei principia idoneo habeant monumento, rediſcav ejus, fabulas ac errores de industria excuſſit b. Joh. Müllerus *Anabaptismi cap. III. p. 30. sqq.* Præterea obſervarunt Theologi noſtrates, multa librum IV. continere perquam affinia iis, quæ in Johannis Apocalypſi leguntur, & illinc mutuo transumta videri poſſunt; ut quando c. II, 42. 43. 46. cum Apoc. VII, 9; c. VI, 17. cum Apoc. I, 16: c. X, 27. cum Apoc. XXI, 10: c. XI,



c. XI, 37. cum Ap. V, 5: c. XV, 8. 9. cum Apoc. VI, 10: c. XV, 15. cum Esdræ.
 Ap. XVIII, 5: c. XV, 44. cum Ap. XXII, 18. &c. conferantur. Unde cogitare proclive est, autorem libri phraseologiam Johannis Apocalypticam studiose imitatum, Johanne omnino posteriorem fuisse, hominem secundi forte a nato Christo seculi, quod alias admodum ferax suppositiorum fœtuum juxta, ac perverfarum erat opinionum. Quod ^{AnAnath-}
^{demum ad *Anathema contra Samaritanos* attinet, ab Esdra promulgatum, matis con-}
^{ejus historiam, vel potius fabulam videre licet in *Jalkut in Reges num 234.* tra *Samaritanos.*}
 & ap. Scipion. Sgambatum lib. II. Archivor. Vet. Test. Tit. LXII. p. 404.

Ringentibus quippe Samaritanis, extruendi templi ac redeundi Judæis potestatem factam fuisse, Esdram ferunt Pontificis permisso, coacto populo, æternum in eos anathema pronunciasse, ut qui bucellam suam cum Samaritano comederet, perinde esset, ac si suillam gustasset; utque nemo audeat Samaritano communicare, nec pars illis esset in resurrectione mortuorum, nec hæreditas nec memoria in Israel. Id quod tamen vereor, ut ad scripta ejus *ὑποστολημάτων* referendum sit, cum scriptum hodie amplius non extet. Quæ de Esdræ decem constitutionibus fabulantur Judæi, videri possunt ap. D. Fabricium Cod. Pseudopig. V. T. n. 229. p. 1145. sqq.

VII.

Jam ut, rejectis spuriis, ad genuinum & canonicum Esdræ librum revertamur, pertexit ille historiam liberationis e captivitate populi Israëlitici, in cuius mentione posterior substiterat liber Chronicorum. Genuinam nempe populi ex captivitate Babylonica in patriam reductionem memorat, quarum prior sub Cyro Persarum Monarcha, per Zorobabelm aliosque principes, & Josuam Pontificem peracta, templum exustum post superatas difficultates gravissimas, multosque jam in patria exactos annos, sub imperio demum Darii, divino huic instituto mire faventis, feliciter tandem restauravit, Deique cultum secundum legis divinæ præscriptum renovavit; posterior, rebus iterum in deterius labentibus, sub Artaxerxe Rege, magnam Judæorum copiam Esdra duce patrio solo restituit, invalecentia populi & Procerum in primis peccata correxit, inauspicata cum alienigenis connubia diremit, & in sacra pariter atque civili republica ordinem legesque introduxit. Quæ omnia eum in finem Canoni inserta credimus, ut constet, quo pacto & ecclesia, in qua nascendus erat Messias, in integrum ex ruinis suis restituta, & impermixta familiarum ac tribuum series ac distinctio, ad exacte dignoscendum Messiam,

Argumentum libri:

Scopus:



De libro
Esdæ.

Utilitas.

ex Davidis prosapia oriundum, servata fuerit mediis in captivitatibus afflictionibus ac turbis: tum etiam, ut vaticinia de reducendo e Babylonia populo, & restaurando templo, a Mose & Prophetis toties inculcata & repetita, eventu ipso comprobata hoc libro demonstrantur. Ipsa satis hoc comprobat temporum ratio. Cum enim hic liber in termino 70. annorum captivitatis incipiat, & in initio 70. hebdomadum Danielis definat, scopus ejus, in demonstranda oraculorum Propheticorum veritate, obscurus esse non potest. Usum porro libri b. Brentius in praemissa commentario suo præfatiuncula T. II. Opp. p. 1097. ostensurus: *Præcipue, inquit, in hoc libro cognoscitur, quantis infidiliis, quanto astu Satanæ impedit conetur opus Dei, edificationem templi & urbis Hierusalem. In quo exemplum exhibitum est, quantis dolis machinetur adversus Evangelii predicationem. Nam Evangelio edificatur ecclesia, que est verum Dei templum, & urbs sancta Jerusalem, Ap. 21.* Deinde, quantis dolis unumquodvis privatum opus divinum impugnet Satan, in hoc libro docemur. Exhibuit enim specimen in Judeis, ut cognoscamus cogitationes ejus adversus quodvis opus, quod edificium Dei appellare possumus. Quibus bene se habentibus adhuc addo, usum hujus libri lectionem præstare 1) Didacticum, in historiæ sacræ continuatione, quæ absque hoc complemento manca futura fuerat & hilica, ad intelligendam autem Dei in ecclesia sua œconomiam perutilis & necessaria est; in confirmingando quoque dogmate non uno, v. g. de veritate promissionum divinarum, quæ rebus licet deploratis intemerata perstat Hab. II, 3. 4. de gentibus in V. T. a salute & ecclesia non penitus seclusis, quod ex gentilium, in quibus dispersi & captivi degebant Judæi, cum fidelibus consuetudine, ex Codicis sacri ad ethnicos delatione, Regumque Persiæ, Cyri, Darii, Artaxerxis, ad agnoscendum Deum Israelis conversione, hujus libri beneficio intelligitur, &c. in agnoscenda porro Dei providentia & cura, qua ecclesiæ suæ cum primis sovet, mediisque ex ærumnis potenter eripit, & si quam ejus reformationem instituere aggreditur, tum Reges ac Principes ad juvandam tuendamque rem sacram excitat, tum verbi Ministros aliquosque, quorum opera præ ceteris in reformatione se usurum decrevit, heroico Spiritu & donis supra vulgarem modum instruit, ut conjunctis viribus atque consiliis in ecclesiæ commoda graviter incumbant: 2) epanorthoticum, in peccatorum publice grassantium tum deploratione solenni, tum seria eliminatione: 3) consolatorium, ut ecclesia Dei ab hostibus preßa hac historia reficiatur, firmiterque speret, quod Deus modum



modum finemque calamitatibus positurus, fugas & exilia suorum tandem finitus, ac promissis suis fidem præstiturus sit. Allegoricum ac mysticum usum insinuat Hieronymus, cum Epist. ad Paulin. T. IV. Opp. f. 3. b. de Esdra ac Nehemia in hanc sententiam pronunciat: *omnis illa turba populi redeunis in patriam, & descriptio Sacerdotum, Levitarum, Israe, Proselytorum ac per singulas familias murorum ac turrium opera divisæ, aliud in cortice preferunt, aliud retinent in medulla.* Qui specialiores ex singulis capitibus redundant usus, studiose elicuit Franc. Burmannus suo in h. l. commentario.

VIII.

Hunc porro librum, sufficientissimis canonicae autoritatis κριτηρίοις Autoritas instructum, non dubitavit ecclesia, e ruinis & exilio restituta, Judaica divina afferari cum ceteris divinis religione prosequi, eademque cum illis veneratione ad Novi Testamenti ecclesiam transmittere; unde in vetustissimis canonicae Scripturæ recensionibus & catalogis, Judaicis pariter ac Christianis, Esdram suo loco videoas insertum. Nec dubium; cum nexu tam arcto cum propheticis Haggæi & Zachariæ monumentis cohæreat, iisque ex alse respondeat historia nostra, ut absque illa esset, obscura perquam & dubia futura prophetarum oracula fuerint. Nam & temporum seriem faciemque rerum sistit, qua sua illi vaticinia ediderunt; & personas, Zorobabelem v. g. Josuam Pontificem aliosque, quorum mentionem faciunt prophetæ, paulo curatius delineat; & rebus ipsis, quas illi innuunt, lucem affundit. Quem enim templi reparandi neglectum acriter in populo taxat Haggæus c. I. resummatque ejus structuram memorat v. 12. sqq. plenius intelligitur ex Esdræ V. capite: & Zachariæ c. III. & IV. mirifice ex hoc nostro libro illustrantur. Graviter b. Ægid. Hunnius Exam. controversie prime generalis Rob. Bellarm. L. I. c. 4. T. II. p. 54. A. Librum Esræ, inquit, per se quidem Canonicam, amplius confirmat Zacharie Prophetæ liber, exinde cum historia hujus libelli congruens. Unde & haereticorum nunc nemo succurririt, præter supra memoratum Spinozam, qui hunc e Canone expunctum cupiat librum. Quod enim Huetius c. I. §. 4. p. 358. de hoc & Nehemia differens pronunciat: *quamvis horum librorum certa sit fides, eos tamen Anabaptistæ penitus repudiant:* in eo vereor, ne magnus vir memoria lapsus humani quid fuerit passus, vel Sanctum cœcum fecutus sit ductorem, qui Prolegom. in lib. I. Esdr. n. VI. p. 33. D. paria insinuat: *duo priores, inquiens, libri, quibus Esdræ præfixum est nomen, quicquid sit de Anabaptistarum sensu, Cap-*

Ss 3

nonici

& in dubi-
um ab A-
nabaptistis
vocari ne-
gatur.



De libro
Esdræ.

*nonici sunt. Utriusque vestigiis temere insitit Natalis Alexander T. II. Hist. Eccl. V. T. ad 6. mundi etatem Dissert. VII. Art. 3. p. 371. ubi: soli Anabaptistæ, inquit, penitus eos repudiant. Quanquam autem universi Veteris præ Novo Testamenti autoritatem & usum admodum extenuant, quorum argumenta confutata videoas ap. b. Wigandum de Anabaptismo p. 21. sqq. hos tamen sigillatim libros in confessionibus eorum publicis nullibi rejectos video, quin potius in recentissimis ipsorum Catechesibus illi absque controversia inter Canonicos censentur. Et cum in Belgio agentes Anabaptistæ in duas hodie abeant velut familias, quæ a primariis doctoribus suis altera Apostolica, altera Galenica, vulgo audiunt, de quo ipsorum schismate vid. Benthem. Holländ. Kirch- und Schul-Staat P. I. cap. XIX §. 10. sqq. utriusque Catechesis, publica cum approbatione & censura conscripta ac edita, contrarium testatur. Apostolica illa, cuius titulus ita habet: Kort underwys des Christelijke Geloofs voor de Jeugd geschikt na de Belydenissen der Doopsgegenden, en uigegeven volgens last van Zekere Kerkvergadering, gehouden binnen Amsterdam den 12. Juny 1697. eundem plane librorum Canonorum, quem & nos tuemur, catalogum, & in hoc Esram & Nehemiam suo loco insertum tradic cap. II. de Script. S. quæst. 2. p. 5. nec secus Galenica, cuius inscriptio est: Korte Grondstellingen van de Doopsgeinde Gelove en Leere, door Galenus Abrahamsz, met kennis en toestemming van andere syner Mede-Leenaren t' Amsteldam A. 1699. quam videoas §. 2. p. 2. Sed nec ab iis, qui vel dogmata eorum summatim recensuerunt, v. g. Hoornbeckio in *summa Controversiar. religionis lib. V.* & Spanhemio in *elencho selectiorum de religione controversiar. aut Joh. Henr. Ottio quoque in annalibus Anabaptisticis*; vel, qui data opera eorum excusserunt errores, b. Wigando l. c. aut b. Joh. Müllero in *Anabaptismo*, hunc in ipsis notatum unquam reperio errorum. Ut nesciam omnino, quos Anabaptistas indigit cum Sanctio Huetius, quibus jure merito hanc sententiam impingat. Que paulo prolixius demonstrare lubuit, ne cui Huetii nomen & autoritas imponat, quod accidisse videtur Autori der Lebensbeschreibung der Biblischen Scribenten/ qui P. IV. p. 115. eadem Huetii verba exscribit & laudat.*

IX.

Chronolo-
gia

Temporis istud complectitur liber intervallum, quod a facta Ju-
dæis per Cyrum in patriam revertendi facultate, usque ad Esdræ fluxit
in Judæam adventum, qui Artachlastæ in annum 7. cadit. Sed ante
Omnia constare prius debet, quinam ille Darius fuerit, quo favente tem-
pli



pli structura, sufflaminata haec tenus & impedita per multos annos, tandem feliciter ad umbilicum perducta fuit Esdræ, IV, 24. VI, 15. qui rurus Artachasastæ, quo rerum potente, Esdras & Nehemias, in patriam reduces facti, cultum & politiam restaurarunt? Plures enim in Persarum imperio eodem nomine inclitos gubernacula tenuisse, sacra pariter ac prophana historia testatur, haud aliter facile quam cognominibus discernendos, quæ tamen in Scriptura videoas omissa. Et Scaliger quidem, ^{Darii, sub-} cum sequacium haud levi aut exigua turba, Darium illum rei sacrae apud ^{quo tem-} Judæos fautorem, secundum fuisse existimat, quem Nothum in historia ^{plum ex-} appellant, eo cum primis argumento nixus, quod medius ille inter duos Artachasastas (Esdræ, IV, 24. coll. cum v. 5. ejusd. cap. & c. VI, 14. VII, 1. sq.) ponitur, quorum alterum Artaxerxem Longimannum facit, qui templi fabricam impedierit, alterum Artaxerxem Memorem, qui cultus divini restorationem provexerit. Sed hoc ipsum est τὸ ἐν ἀρχῇ λαυδεῖν, cum alios longe Artachasastas ipse contextus evincat. Esdras enim distincte & ordine Regum sibi invicem succendentium imperia recensens, post Cyrus c. IV, 5. Ahasererum nominat v. 6. quem prophana historia Cambyses dicit; hinc Artachasastam v. 7. qui Smerdes Magus fuerit necesse est: tum Darium, quem Hystrida vocant v. 24. ac postmodum, interveniente Xerxe, (quem hic licet omnissum, Daniel tamen commemorat, cum post Darium Medium tres adhuc fore in Persia Monarchs prædictum, & quartum ditatum nimis super omnes c. XI, 2. quem Xerxem omnium ditissimum, Smerde suppositio in censem non relato, ordo & numerus docent fuisse) Artachasastam Esdræ, VI, 14. VII, 1. 8. qui Artaxerxes est ὁ μανδάρης. Smerden vero Artachasastæ sibi nomen summissile nemini adeo mirum videri poterit, qui recognitet, Reges Persarum, ubi ad imperium adspirarunt, viliora sua cum magnificis & fastuosis permutare nomina consuevisse. Ipse ergo ordo ac series Regum Persicorum, quos Esdras introducit, liquido evincit, Darium illum, sub quo templi structura ex voto successit, quartum a Cyro, adeoque Hystrida fuisse, Xerxis & Artaxerxes Longimani antecessorem. Sic universa temporum ratio optimæ sibi constat. Congruit nimirum calculus Zachariae Prophetæ c. I, 12. ubi anno secundo Darii septuagesimum fluxisse annum ab excidio urbis testatur, quod exacte in Darii Hystridis, nullo vero modo in Darii Nothi imperium quadrat, ad quem ab excidio anni 164. numerantur: nec Judæos redit per annos 112. & amplius, templo & sacris caruisse, & spe miserrime languisse, contra luculentas apud Jesaianam, Jeremiaham



miam & Ezechielem promissiones propheticas dicendum est; quod ramen effugere absurdum neutquam possunt, qui templi reparationem ad Darium Nothum demum referunt. Adde, quod cum primis D. Cluverus urget, fuisse aliquos secundo anno Darii illius, qui templi structuram promovit, superstites, qui domum Domini in gloria sua priori viderint. Si fuerunt isti anno secundo Darii Nothi, vixerant jam tum ad centum nonaginta sex annos. Fuerint tantum decem annorum, quum abriperentur in servitutem, vixerint in servitute annos 70. usque ad annum secundum Darii Hystaspis: addantur 35. anni Darii Hystaspis, 20. Xerxis, 40. Artaxerxis Longimani, & unus Darii Nothi, & habebis eorum aetatis 196. annos: quod quam absurdum sit statuere, ad oculum patet. Hinc pro Hystaspide maxima pars Patrum pariter ac gravissimorum Chronologorum ac Theologorum pronunciat, quorum suffragia magno numero collegit & rem omnem ad pulvisculum discussit magnus noster Calovius in *Εξετάσει Theologica, de LXX. septimanis Danielis*, quæ inserta legitur Bibliis Illustratis T. II. p. 632. sqq. cuius vid. cap. XII. §. 141. p. 668. Qui vero Scaligeri contra nostram sententiam arguenda cognoscere volet, conferat b. Strauchi *Breviar. Chronol. lib. IV. c. 29. qu. 9. p. 861* sqq. Ex quo porro consequens est, Artachasiam illum, Artachasiam cuius beneficio ac favore Esdras, anno ejus septimo Esdr. VII. 8. & Nehemias, anno ejus vigesimo Neh. II. 1. in patriam reversi leguntur, Artaxerxem esse Longimanum, proximum scilicet ab eo Dario, qui templum extruendum promovit; non Xerxem, quod vult cum paucis Josephus, quod is triginta duos in imperio annos non exegit, qui huic tamen tribuuntur Neh. V. 14; nec Artaxerxem τὸν Μυγίαν, quod Sulpicii Severi autoritate assertit Scaliger & qui ejus vestigia premunt, ex falsa illa, quam modo refutavimus, de Dario Notho ὑποθέσει, quæ ubi subruta est, hæc ipsa quoque corruit assertio. Ad istud vero dubium, quod sententiae nostræ, ex aetate Esdræ & Nehemias nimium quantum producenda, opponunt adversarii, supra jam respondimus §. 4. nec est, ut modo dicta, hic repetamus. Superest ut in tabulam redigamus, & cum annis O. C. conferamus, quæ per hæc tempora gesta sunt, inde pergentes, ubi supra. c. XIV. §. 5. p. 265. substitutus:

*libri Esdræ A:Q.C An.Ca-
totius. privit.*

3465	68	Babylon obsecra a Cyro, fusis prius prælio Chaldaeis, & in Urbem se recipientibus. Jer. LI, 27. sqq. coll. cum Herodot. lib. I. cap. 190.
------	----	--

Belsa-



- A.O.C. A. Ca-
ptivit.
- 3466 — Belsazer Rex Chaldæorum in splendidissimis epulis, vasis do-
mus Dei in contumeliam Jehoyæ abusus, manum DEI
in pariete conspicit, eademque nocte a militibus inter-
fectus occubuit Dan. V, 30. Atque ita *Babylonicum*
imperium est destrutum, & ad viatores Medos & Per-
sas translatum, ut prædictum fuerat a Jes. XIII. XIV.
XXI. XLIII. XLVI. XLVII. Habac. II. Jer. XXV. L. LI.
- 69 Darius Medus, Astyagis filius Chaldæorum imperium a
victore Cyro, genero suo, sibi traditum accepit Dan.
V, 31. IX, 1. Imperavit duobus annis.
- 3468 70 Cyrus, Cambyses patre in Persia & Cyaxare socero (qui Da-
nieli Darius Medus est) in Media vita functis, Ori-
entis Monarchia potitur: quem primum illius annum,
ex ipsis Medorum & Persarum archivis sacra dicit
Scriptura.
- Cyrus promulgato edicto illo celebri, quo revertendi in-
patriam Judæis potestatem fecit, *Babyloniam captivi-*
tatem solvit, exactis jam LXX. annis servitutis, a Jere-
mia prædictis. 2. Chron. XXXVI, 22sq. Esdr. I, 1. sqq:
V, 13. VI, 2—5.
- Epocha mundi quinta, exactis 476. annis, finit.
- A. Im-
periī
Persici,
- 3469 1 mensis septimi die I. festo tubarum Israelitæ ex civitatibus
suis Hierosolymam unanimiter venientes, extructo
altari sacrificia ordinaria Deo offerunt: die 15. au-
tem mens. ej. festum Tabernaculorum celebrarunt,
materiam quoque & opifices ad templum extruen-
dum pararunt Esdr. III, 1—7.
- 2 anno ab adventu eorum secundo, mense secundo, templi se-
cundi fundamenta, cum seniorum, qui prius illud
(ante annos 53.) viderant planctu, & juniorum læti-
tia, posuerunt Esd. III, 8—13.
- 3474 7 Cyrus septuagenarius obit, postquam Persici & Medici ex-
ercitus Imperator declaratus est annis 30. post captam

T t Baby-



- Babylonem 9, post initam Monarchiam 7. cum men-
se uno aut altero.
- 3475 8 *Cambyses filiorum Cyri* natu maximus, quem *Ahasverum*
Scriptura appellat, Patri in Monarchia Persica suc-
cedit.
Anno ejus primo Samaritani, qui vivente Cyro cuniculis
haec tenus egerant, accusatione scripta contra habita-
tores Judæ & Hierosolymorum delata, cœptam tem-
pli structuram impediunt Esdr. IV, 6.
- 3482 14 *Cambyses ex vulnere in fœmore accepto interiit*, cum re-
gnasset septem omnino annos & menses quinque.
- 3483 — *Smerdis Magus*, rerum potitus Artachſaltæ nomen sibi su-
mit, qui Samaritanorum literis motus, Hierosoly-
mam ædificari rescripto vetat, unde non ab urbis mo-
do, sed etiam a templi ædificatione cessarunt Judæi
Esdr. IV, 7—24. Imperium septem saltem mensibus
tenuit.
- 3484 15 *Darius Hyrcanus* præficitur, equo ejus hinnitum primo
edente.
- 3485 17 anno secundo Darii, mense sexto, die 1. Haggæus negligen-
tiam Judæorum in extruendo templo reprehendit:
unde excitati Zorobabel & Josua cum populo inter-
missum opus repetunt die 24. Hagg. I, 15. Mense 7.
die 21. a Deo confirmantur in opere Hagg. II, 19. Men-
sis 9. die 24. tempore inter sementem & messem qua-
si medio, a Zorobabele & Josua templum super jactis
pridem fundamentis extrui cœptum est Esdr. V, 1. sqq.
Hagg. II, 10. sqq.
- 3489 20 anno Darii sexto desinente, mensis XII. Adar, die tertio
structura templi finita est. Cujus dedicationem Israe-
litæ reduces cum gaudio & amplissima sacrificiorum
oblatione celebrarunt: sacerdotibus & Levitis in-
ministerio Templi secundum ordines suos constitutis
Esdr. VI, 15. sqq.
- die 14. mensis primi Pascha primum in secundo templo ce-
lebra-



A.O.C.A. Mo-
narch.
Persicæ

- lebrarunt: festum deinde Azymorum septem diebus cum lœtitia peragentes Esdr. VI, 19. sqq.
- 3519 51 Darius, quum conaretur rebus apparatis in expeditionem adversus Ægyptios & Athenienses suscipiendam exire, & ex instituto Persarum prius regni successorem declarasset Xerxem, ex Atossa filia Cyri filium suum, supremum obiit diem, 36. annis regni expletis. Herodot. lib. VII, c. 2. 3. 4.
- — Xerxes, post Cyrus quartus rex Persidis (si Smerden non connumeres) ditissimusque omnium Dan. XI, 2. defuncto Patri succedit.
- 3539 71 Xerxes anno imperii 21. decedit.
- — Artaxerxes Μαρπόχειρ rerum potitur, Xerxi succedens.
- 3546 78 anno Artaxerxis septimo mensis 1. die 1. Esdras, regio diplomatice instructus, cum magna Judæorum copia e Babylonia in patriam tendens profectus est, Esdr. VII, 6. sqq. VIII, 1. sqq.
- 3547 79 Esdras de affinitate Israëlitarum cum exteris certior factus jejunat, luget, & Dei iram publice deprecatur c. IX. Tum populus voto se obstringit Deo, ad alienigenas uxores una cum ipsatum liberis dimittendas c. X, 1. sqq. Post convocationis Hierosolymam omnibus reducibus, convenientibusque in templi atrio mensis 9. die 20. ex sacerdotum ordine duo cognitioni rei præfecti sunt, Levitis, qui eos adjuvarent, duobus etiam adjunctis c. X, 7—15. ubi quæstio hujus rei a mensis decimi die 1. usque ad diem 1. mensis primi est habita, atque ita trimestri spacio totum circa uxores alienigenas ejiciendas negotium est absolutum c. X, 16. 17.
- Finis libri Esdræ.*
- 3559 91 anno Artaxerxis 20. mense nono Nehemias jejunat & orat, libri Nehemias I. mense Nisan ædificandæ Hierosolymæ potestate, statem, una cum præfectura Judææ, a Rege obtinet c. II, 1—6. literisque & comitatu a Rege instructus,

Tt 2

Hiero-



- 3560 92 Hierosolymam pervenit, opus aggreditur, & strenue
urget c. II. III.
in festo Tubarum, mensis 7. die 1. universo populo Hiero-
solymis congregato, lex Dei ab Esdra legitur & expo-
nit Neh. VIII, 1. seq.
die 15. sqq. hujus mensis festum Tabernaculorum summo
studio & religione celebratur: die 24. Israelitæ redu-
ces separantes se ab omnibus alienigenis c. IX. foede-
reque cum Deo renovato, ad legis & cultus ipsius ob-
servationem se obstringunt c. X. Tum principes po-
puli considerunt Hierosolymis, plebs vero reliqua-
fortes conjecit, ut decima pars urbem sanctam inco-
leret &c. Neh. XI.
- 3571 103 Nehemias, cum duodecim annis Judææ præfuisset, ab anno
20. usque ad 32. Artaxerxis, rediit ad Regem Persicæ
Neh. V, 14. XIII, 6.
Nehemias varias corruptelas, quæ per absentiam ejus irre-
férant, emendaturus cum nova potestate Hierosoly-
mam revertitur, gravissimosque abusus severè corri-
git c. XIII, 7. sqq.

Finis libri Nehemias.

X.

Partitio.

Capita liber exhibit X. versus 280. & in tres vulgo partes dispesci-
tur, modo tamen haud omnibus eodem. Hottingerus quidem *Lib. II.*
Theſaur. Phil. cap. I. Sect. III. p. 507. partem primam narrare contendit,
ipsam liberationem populi ex captivitate Babylonica capp. IV. secundam
templi ex ruderibus restaurationem a c. V—IX. tertiam mulierum alie-
nigenarum separationem, autoritate divina factam c. IX. & X. Eidem
partitioni Franc. Burmannus inhæret *Comm. in b. l. p. 299.* Nostrates ve-
ro, b. Calovius *Bibl. Illuſtr. b. l. T. I. p. 862.* & b. Waltherus *Offic. §. 868.*
Parte I statuunt, libertatem Israëlitis a Cyro Monarcha concessam &
usurpatam describi capp. I. II. III. P. II. impedimenta cœpte templi stru-
cturæ injecta c. IV. P. III. successum operis, impedimentis superatis c.
V—X.



V—X. Nobis vero διχοτομία placet, quam ipsa libri series suppeditat & Esdræ. argumentum. Populi enim ex captivitate liberatio nem & in patriam redditum exponit, qui geminus fuit, diverso quidem tempore factus. Sic ergo P. I. tradit ascensum Judæorum e Babylonia priorem, duce Zorobabele & Josua, ad templum instaurandum c. I—VI. P. II. ascensum eorum posteriorem, duce Esdra ad ecclesiam reformatam suscepsum c. VII—fin. Quæ eadem divisio Heideggero quoque in Enchir. b. l. §. 4. p. 120. se probavit.

XI.

Exponit itaque liber Esdræ, populi Judaici ex captivitate Babylonica. Tabula Synoptica.

I. ascensum priorem, ad templi restorationem; ubi

α) Cyri edictum, & revertendi facta potestas c. I.

β) ascendentium Catalogus c. II.

γ) templi restauratio

1. suscepta, iactis fundamentis c. III.

2. impedita, fraude, calumniis ac vi Samaritanorum c. IV.

3. promota, Haggæi admonitione, adversariis apud Darium querentibus c. V.

4. consummata, Darii indulgentia, dedicatione & Paschatis celebratione c. VI.

II. ascensum posteriorem, ad ecclesiæ reformationem; ubi

α) Esdræ cum magno comitatu ascensio c. VII.

β) comitum ejus recensio, regiique decreti executio c. VIII.

γ) populi reformatio

1. cœpta per Esdræ pœnitentiam c. IX.

2. peracta per pœnitentiam publicam, & connubiorum auspicatorum dissolutionem c. X.

XII.

Ex Patribus non habeo, quem huc referam interpretem, præter Venerabilem B E D A M , qui allegorica expositionis in Ezram libros duos sat amplos post se reliquit T. IV. Opp. p. 462. quibus, ut ipsius verba habent, spirituali sensu eum exposuit, quo manifestius patefaciat, qualiter his, qui per negligentiam vel errorem perierant, sit ad pœnitentiam redeundum: quanto De gratia, quanto ipsorum conatus sit admissorum poscenda vel impegnanda venia: quomodo item pœnitentes, una cum eis, qui nuper ad fidem

T t 3

venerabili



De libro
Esdræ.

venerant, unam eandemq; Christi domum edificant, ac pariter in futuro de-
dicationis illius solennia expectent.

Lutheranorum:

Lutheranorum interpretum veterum princeps hoc spectat JOH. BRENTIVS, cuius in Esdram Commentarius T. II. Opp. p. 1097. legitur. Quibus addendus forte CYRIACVS SPANGENBERG in Tabb. editis in fol. Basileæ A. 1563. & e recentioribus JOH. WANDALINVS in Vestibulo Philolog. de variis questionibus ad literaturam sanctam spectantibus Hassniæ in 4. A. 1654. Tandem & autor der Lebensbeschreibung der Biblischen Scribenten P. IV. Person. Esdræ statim ab initio, annotationes in singula libri hujus capp. exhibet, quas tamen dubito, an huc sint referenda, cum de verbo ad verbum ex Burmanno descriptæ, ad Reformatorum potius pertineant censem.

Pontificiorum:

E Pontificiis suam in hunc librum explicandum operam contulerunt PETRVS BERCHORIVS, Pictaviensis, Benedictinus & Prior Monasterii S. Eligii Parisiensis Lib. XIV. Moritatum Colon. in fol. A. 1631: THOMAS de VIQ CAIETANVS, Romæ in 8. A. 1533. ADRIANVS CROMMIVS, Lovaniæ A. 1632. & 1652. in 4: DIONYS. CARTHUSIANVS, Opp. p. 167. sqq. Coloniæ in fol. A. 1534: NIC. LOMBARDVS, S. I. in Nehemia & Esdra commentario literali, morali, & allegorico illustratis, Parisis in fol. A. 1643: THOMAS de MALVENDA, T. III. Opp. Lugduni A. 1650: JOH. PAVL. OLIVA, S. J. in commentariis Ethicis in Esdram, A. 1679. Lugduni in fol: FABRITIVS PAVLVTIVS, Comment. in libros historicos V. T. Romæ in fol. A. 1625: CASPAR. SANCTIVS, Comment. in Ruth, Ezram, Nehemiam, Tobiam &c. Lugduni in fol. A. 1627: JOH. FERVS, cuius in nonnulla capp. Esdræ Commentarius Latine prodit, tum etiam in Germanicum idioma translatus, lucem adspexit Moguntiæ in 4. A. 1551.

Reformato-
rum:

Inter Reformatos hic locum habent STEPHANVS FABRITIVS, ecclesiæ Bernensis Minister, qui A. 1622. in fol. conciones sacras in Prophetas XII. minores edidit, quibus explicationem IV. priorum Capp. Esdræ, homiliis 25. traditam, inferuit: LVDOVIC. LAVATERVS, homiliis 38. in h. l. Tiguri in fol. A. 1586: CONRAD. PELLICANVS, Tiguri in fol. A. 1582: GVILIELMVS PEMBELIVS, in explicatione obscurorum locorum Ezrae, Nehemias, Danielis, quæ extat in Opp. Anglic. Londini in fol. A. 1635. 1658: ARTHVRVS JACKSON A. 1658. Londini in 4: VICTORIN.



CTORIN. STRIGELIVS, Lipsia in 8. A. 1571: JOH. WOL-
FIVS, Tiguri in fol. A. 1570. 1584: FRANCISC. BVRMAN-
NVS, cuius in h. l. labores, commentario in libb. Regum & Chronicorum
subjuncti, Amstelodami Belgice prodierunt A. 1694. in 4. & germane
versi Francofurti in 4. A. 1695: CHRISTIANVS SCHO-
TANVS, de rebus Judaicis sub Monarchia Persarum, T. II. *Bibliotheca*
Hist. Sac. V. T. p. 1146. sqq. JOSEPH HALL, P. II. der *Biblischen*
Geschichte c. XXI. p. 1213. sqq.

Ex Remonstrantibus JOH. CLERICI Commentarius in iis ^{Remon-}
legitur, quos T. II. *Comm.* in libros V. T. historicos struxit. Tandem
& inter Fanaticos CASPAR SCHWENCKFELD, in seinen ^{strantium:} *Fanatico-*
Missiven (edit. A. 1566. in fol.) p. 455. sqq. brevem librorum Esdræ ex-
plicationem inseruit, qua genio & fanaticismo suo satis pre more in-
dulxit.

CAP. XIX.

De libro Nehemiæ.

Libri inscriptio. Cur secundus Esdræ dicatur? Nonnunquam & primi ^{Summari-}
libri Esdræ nomine continetur. Hujus inter libros Biblicos sedes ac ^{um capit. 1.}
ordo §. 1. Nehemia nomen: an idem & Hattirsatha? idq; quid no-
tet? ejusdem cum Zorobabele confusio: Parens: an ex tribu Levi,
an de tribu Iuda oriundus? munia, que hinc in Persia obiit, hinc in
Judea: etas ipsi an tam proiecta, ut & Zorobabel, & rursus Jaddua
Pontifici σύγχρονος fuerit? an vero duo & distincti sunt Nehem-
mia? elegia: typica ad Christum relatio: mors ac sepultura §. 2.
Idem & libri hujus scriptor: non tamen aequa τῶν ἀνευρεθέων &
ὑπερανημέτοισμῶν 2. Macc. II, 13. memoratorum §. 3. Argumentum:
Scopus: & varia libri utilitas §. 4. Autoritas Canonica asserta, solu-
tis quæ ex M. litonis Catalogo & testimonio Isidori oriri potent, du-
bius §. 5. Chronologia. An Jadduam Pontificem vivendo attigerit?
Geminus Jaddua, alius prior Levita; alius posterior Pontifex §. 6.
Partitio §. 7. Tabula Synoptica §. 8. Commentarii Patrum, Rabbi-
norum, Luterenorum, Pontificiorum, Reformatorum, Remonstran-
tium §. 9.

§. I. Librum



De libro
Nehemie.

Inscriptio.

Sedes ac
ordo.Nehemie
nomen:

Ibrum Hebræi Codices **ספר נחמיה** inscribunt, non nunquam etiam, æque ac Græca & Syriaca versio, Nehemiam simpliciter & sine adjecto in fronte ponunt; vel quod a Nehemias exaratus est, ut mox videbimus, vel quod ejus gesta exponit. Alia vero libri inscriptio ex iis apparet, quæ cap. præc. §. 1 p. 305. monuimus. Vulgata enim titulum dedit: *Liber Nehemie, qui & Esdræ secundus dicitur.* Consentit Arabs, qui ita habet: *Liber secundus Ezrae sacerdotis.* Paria *Synopsis illa Athanasiæ* tradit, quæ hunc cum præcedente librum uno capite recenset, & Esdræ I. ac II. inscribens, addit: ταῦτα τὰ δύο βιβλία παρ' ἀυτῷ ἐνθεω συνεγράφησαν, ἐκ τοῦ ἐπιγραφὴν επιφέρονται. ΣΤΟ. γὰρ Ἐσδρας, ἵερος ὁν καὶ ἀναγνώσης ο. τ. λ. Hi duo libri ab eo conscripti sunt, cuius & inscriptionem preferunt. Esdras enim ille Sacerdos & Lector &c. Quanquam vero Esdræ librum hic noster & illustret mirifice, & per aliquot annorum lustra continuet, ab illo tamen & autore, & rerum narratarum serie diversus, ad Nehemiam in titulo rectius, quam Esdram refertur. Notandum porro, quod apud veteres sub uno tantum Esdræ volumine comprehensus fuerit, unde cum secundus liber Esdræ inter Apocryphos rejicitur a nonnullis, non hic noster, intelligendus est, sed quem tertium alias Esdræ vulgo dicimus. Hoc Isidorus nos docet, quando *Lib. VI. Origin. c. 2 p. 45. F. Esdræ*, inquit, *liber autoris sui titulo prenotatur, in cuius textu Esdræ Neemieg, sermones pariter continentur.* Nec quenquam moveat, quod unus Esdræ dicitur liber: quia secundus, tertius, quartus non habentur apud Hebreos, sed inter Apocryphos deputantur. Inde vero ordinis, & qua locatur, sedis ratio apparet. Nec enim potuit, qui Esdræ historiam pari filo continuat, & cum illo in unum volumen compactus olim ab Hebreis & Græcis fuit, non proximum ab illo locum tenere: licet forte ultimo omnium, quod ex Chronologia & Jadduæ Pontificis mentione haud difficulter colligitur, inter V. T. libros hic noster compositus sit & exaratus.

II.

מן חם יְהִי נַחֲמִיה solatii plenissimum, idem velle ac consolatur Dominus, b. Hillerus tradit *Onomast. Sac. via XI. p. 407. & 894.* nec inscite ultraque Glossa, Hieronymum & Isidorum secuta, *Consolatorem Domini*, vel *consolatorem a Domino* scil. missum, interpretatur; quæ procul dubio derivatio longe anteponenda est alteri illi etymologie, qua pœni-



pénitentem Dominum, vel directionem Domini reddiderunt nonnulli. Quo istud Isidori spectat, quando lib. VII. Origin. cap. 8. p. 61. Esdras inquit, adjutor, Neemias consolator a Domino. Quodam enim præsagio futurorum nomina ista fortissimi sunt. Fuerunt enim in adjutoriis & consolationem omni illi populo redeundi ad patriam. Nam & templum Domini iidem reædificaverunt, & murorum & turrium opus ipsi restauraverunt. Eodem vero **התרשתה** Hattirsathæ vel Attersathæ nomen fuisse, ex Nch. VIII, 9. certum quidem est, incertum vero, idem quid proprie notet. Et alienas quidem prorsus atque contortas vocabuli hujus explicationes, ex M. de Calasio a b. D. Pfeiffero Dub. Vex. Cent. III. Loc. 23. p. 477. alatas, consulto præterimus. b. Hillerus Onom. S. via XV. p. 669. ab ingenio & moribus id nominis hæsisse vult Nehemias, & austernum interpretatur, Syrumque non modo & Arabem significationi huic favere, sed & rem ipsam putat: *bujus*, inquit, *in judicando severitatem ex eo colligas*, *quod Judeos propter liberos, quos e gentilibus fæminis sustulerunt, hebraicæ lingue ignaros, pugnis obtusos glabnavit*. Quæ quidem vereor, ut ratio sufficiat, cum longe extantiora Zeli divini exempla Elias aliique sancti viri ediderint, quos tamen eodem nomine, vel Hebraico quodam, paria cum illo faciente, insignitos non deprehendes. Hinc rectius alii officii nomen existimant, quod vel Legatum aut Commissarium Regis Persica lingua sonet, ut vult b. Calovius ad Esdr. II. 1. p. 864. & Burmannus ad eund. loc. vel pincernam designet, **התרה** & compositum ex **התריר** permisit. **לפי** **התרתו לו** **הכמים לשאות יין של גוים** / **לפי** **התרה** **משקה למלך** quam nominis rationem Rabbini reddunt in Juchasin quod sapientes illi permiserint bibere vinum gentilium, (quo ceteris Judæis uti nefas erat, quia gentes plerumque Diis inter bibendum libare consuecant, unde Daniel cum sociis a vino ciboque regio abstinuit) propter ea quod erat pincerna Regis; vel ex R. Aben Esra sententia honoris titulum in lingua Chaldaica insinuet, & Principem aut Ducem significet. Quæ quidem postrema interpretatio locum habere poterit, si cum Franc. Junio, b. Calovio & Burmanno, non soli Nehemias nomen hoc fuisse proprium, sed ipsi cum aliis Regis Ducibus, v. g. Esdr. II, 63. cum Scheschbazaro, cap. I, 8. Esd. designato, commune existimemus. Quod tamen eo valere non debet, ut cum Zorobabele vel alio populi Duce cum confundamus, qui Judæorum error est, de quo Scipion. Sgambafusio: tum audiamus, qui Archivor. Vet. Test. Lib. II. Tit. 63 p. 406. ita habet: *Hebrai quidem in Midras, & in Sanhedrin. C. Dine Memnonoth dicunt,*

ll u

cundem

cum Zoro
babele con
fusio:

De libro
Nehemias.

*genuis ac
tribus:*

eundem esse Nehemiam, & Zorobabelem Filium Salathiel, inde conjectura ducta, quod Nehemias nulla prodatur series parentum, quod in tam insigni & tam bene de gente sua merito viro minime factum esset, nisi idem esset, qui Zorobabel, convenientibus alioqui utriusq; rebus gestis; sed ut mittam nominum, & parentum, & rerum gestarum (addo & officiorum, temporisque ac reliquarum circumstantiarum) plura discrimina, Ecclesiasticus c. XLIX. (æque ac Esdras c. II, 2. & ipse Nehemias c. VII, 17.) Nehemiam a Zorobabele distinguit. Hunc nostrum porro parente satum fuisse Hachaliah, ex libri initio manifestum est; quem unius literæ quidem transpositio ne Helchiam appellat Vulgata, sed non succurrit, ex quo fonte Laur. Fabric. Part. Cod. Heb. in Crenii Thes. Phil. I. p. 354. Chadiam vocet. E qua autem tribu ortum ducat, ambigue disceptatur inter eruditos. Ad tribum Levi referunt e nostris D. Friedlieb. observ. Biblic. in b. I. Claff. 6. p. 451. e Pontificis vero plurimi, cum primis Corn. a Lapide, sacerdotem egisse contendens Proleg. in Lib. Nehem. Comm. p. 31. autoritate testimoniū 2. Macc. I, 21. nixus, seu vulgatae potius vitio deceptus, quæ Græca illa: ἐκέλευτο τὸς ἱερεῖς Νεχεμίας ἐπιφέρεντος τῷ ὕδατι, mala fide reddit: jussit Sacerdos Nehemias aspergi ipsa aqua. Majoris videtur ponderis argumentum ex Neh. X, 1. 8. ubi in Sacerdotum recensione primum locuna Nehemias filius Hachaliæ tenet. Qui locus adeo torsit Joseph Scaligerum, ut animadversion. in Chronologica Ensebii ad A. 1584. p. 105. geminiū communi insiceretur Nehemiam, alterum Athersathem, qui in Sacerdotibus fuerit, alterum Ducem populi, de quo præsens liber agit; utrumque tamen, quod mireris, patre cognomine prognatum. Nec satisfacit Huetius, qui Dem. Evang. Prop. IV. de libris Esdræ §. 3. p. 358. nullaratione addita, istam Sacerdotum notationem ad reliqua, non item ad Nehemias nomen, pertinere tradit. Sed omne dubium tollit versus præced. Neh. IX, ult. ubi fœdus illud obsignasse leguntur Principes, Levitæ, ac Sacerdotes. Jam inter principes primas tenebat Nehemias, qui primus quoque & ante omnes nomen dabat, quem deinceps, ordine quisque suo, Sacerdotes v. 2. sqq. Levitæ v. 9. sqq. & capita vel proceres populi v. 14. sqq. sequebantur. Primo quidem loco ponitur Nehemias: inquit. ad h. l. Lavaterus homil. 43. p. 76. b. unde quidam colligunt, sacerdotem fuisse, quia cum aliis Sacerdotibus in textu exprimatur. At ideo primo loco ponitur, quod regis Persici nomine toti populo presul. E nostris in eandem confer sententiam b. Glassium Philol. S. Lib. IV. Tr. 3. Observ. n. p. marg. 805. Scipio Sgambatus loc. cit. p. 407. utrinque constrictus, hinc Rabino-



binorum autoritate, qui e tribu Juda & ex familia David Nehemiam esse, pro certo habent, hinc testimonii Macchabaici religione, utramque conciliare sententiam & ita elabi nititur, eum ut paterna stirpe ex Aarone genitum dicat, materna vero e Davide. Sed vero rectius haud dubie pronunciant, qui e tribu Juda tantum oriundum Nehemiam eensent; εν Φυλαις Ιεδαιοις bene inquit Eusebius in Can. Chron. ad an 1584. quem absque causa hic carpit Sgambatus: & erudite omnino ad istum Eusebii locum Scaliger idem probat, quia omnes Duces Iudaicis & Aechmalotarchae sunt a stirpe Davidis. Recte igitur apud Cedrenum ex quodam optimo Chronologo 114, 60. Neemias Ιεδαιοις, εν τη σπέγματι Δαειδος. Omnino Aechmalotarchae Iudeorum ex stirpe Juda omnes fuerunt, bodiegg sunt, neg, ex alia progenie assumuntur. Quae bene habent, atque Huetio, reliquisque idem tenetibus faciem prætulerunt; quanquam regeri adhuc posset, τας αιχμαλωτηριας ipsi dictos (de quibus b. Carpzov. vide ad Schickardi p. 158. sqq. ipsumque Schickardum p. 80. & Jac. Rhenferdium de decem otiosis Synagogae dissert. II. cap. 4. §. 10. sq. p. 195.) suo tantum populo præfuisse Babylone, aut in captivitate, non autem in terra sancta, ubi nullus Aechmalotarchis locus fuerit; forte tamen ideo rerum potitus est in patria Neemias, quod jam principatum tenuisset. Babylone inter suos, tanta quippe Regis gratia suffultus. Quod vero in eandem sententiam C. a Lapide Sulpitium Severum citat & Sextum Senensem, in eo frustra est, cum gente Judæorum saltem isti definiant Nehemiam, nulla tribus avitæ mentione adjecta. Singulari autem Dei providentia factum est, ut pincerne in aula Persica munere fungens, intimiori ad Regem accessu gauderet, cuius deinceps autoritate tanta in populum suum merita contulit. Ipse nimirum מָשִׁיחַ לְמִלְחָמָה c. I, ult. se dicit, quem αρχιονοχοόν τη βασιλεώς Epitomator temporum in Scaligeri thesauro temp. p. 248. & Clemens Alexandr. lib. I. Stromat. p. 329. reddit. Idem vero in patriam Babylone redux, Synedrii magni assessor, & Esdræ, Haggæi, Zachariæ, Malachia & reliquorum Synagogæ magnæ virorum Collega Judæis passim creditur, ut videre est ap. Selenum de Synedriis Vet. Heb. Lib. II. c. 16. §. 6. p. 411. sqq. & Buxtorffium Tiberiad. cap. X. & XI. Unde Hieronymus in Jesaiæ c. I. T. V. Opp f. 5. F. in illud Prophetæ: restituan Judices tuos, ut fuerunt prius: restituet ergo Judicum similitudinem post captivitatem Babyloniam, ut Judæi volunt, Zorobabel, Esdras & Neemias, & ceteros principes, qui usq; ad Hyrcanum populo præsuerunt. Et sane Prædictum inter Judæos egisse, regia forte, quod Lavaterus opinatur,

Uu 2

tur,



tur, autoritate constitutum, & cum imperio in Republica versatum Nehemiam fuisse, ex cap. V, 14. 15. totoque fere libro ad oculum patet: idem vero num Zorobabeli & Josua^e ζωροβαθείον, ipsorumque in primo ex captivitate ascensu comes fuerit, nondum satis clare est evictum. Affirmatur quidem Esdras c. II, 2. & ipse Nehem. c. VII, 7. unde Hieronymus, paulo ante mox allegata in Jes. verba: *post Babyloniam, inquit, captivitatem sub Zorobabel, & Esdra & Neemia Israel reversus est in Iudeam, & antiquum recepit statum.* Quod si vero ille sub Cyro cum Zorobabele Hierosolymam venit, posito, quod 25. annorum tum tantum fuerit (matu^ra enim ætatis fuisse, jam inter Duces itineris relatum, necesse est) cum anno 32. Artaxerxis Longimani adhuc floruerit c. XIII, 6. imo tempora Darii Nothi, & Jaddu^a Pontificis ætatem, ut Neh. XII, 22. innuitur, attigerit, eum ultra centum & quadraginta annos vixisse oportet, etiamsi statuatur, primis Darii annis Jadduam Pontificem vidisse, & paulo post satis concessisse. Hinc sunt, qui istud ætatis svctum naturæ ordinem longe transcendere rati, diversum faciunt Nehemiam primo ascendentem cum Zorobabele Esd. II, 2. ab hoc nostro, qui Artaxerxis pincernam egit. Prolixus in hac disputatione est C. a Lapide, utriusque sententiæ argumenta expendens; & ingenti molimine geminum adstrulit Nehemiam b. Barth. Mayer Phiol. S. P. II. p. no. nam quamvis, inquit, Nehemias cuiusdam mentio fiat Esdr. II. inde tamen inferre non licet, illum fuisse Nehemiam Hacalie filium, ducem populi Judaici. Inde enim sequeretur, Nehemiam illum vixisse inde ab initio Monarchia Persica usq; ad ejus finem, b. e. ultra ducentos annos, quod absursum. Nehemias enim ille, cuius libellus extat, ultima tempora Monarchia Persica attigit. Ex nominis ergo parilitate nihil colligitur, cum nihil sit frequentius in historiis omnium gentium, quam ut iisdem nominibus nuncupentur plurimi. Paria tradit Laur. Fabric. cit. loc. p. 354. qui historiæ adhuc circumstantias urget, quod cum posterior ille & noster audiret, templum quidem in Iudea perfectum, sed muros urbis adhuc disjectos jacere, impetrata a Rege venia, tum quidem prima vice, anno post solutam a Cyro captivitatem CLXXIV. in Iudeam iterfusceperit, & ut muro urbs circumdaretur, mandavit. Geminum quoque Nehemiam, sed dispari longe modo, satis evidenter demonstrat b. Glassius loc. cit. alium filium Asbuk, principem dimidiæ partis vici Bethsur, qui muros struendo pergebat usque ad regionem sepulchri Davidis, & usque ad piscinam, & usque ad domum heroum Neh. III, 16. alium nostrum filium Hachaliam. Verum num ille prior, revera quidem a nostro



stro distinctus, idem tamen sit cum eo, qui una cum Zorobabele e capti- Nehemias.
vitate primum ascendit Esd. II, 2. quod quidem Joh. Janus in *Apogeo cœ-
listellati Bibl. p. 217.* contendit, Glassius non definit, nec certo quis alius
poterit. Hinc pro uno eodemque Nehemias, qui & sub Cyro & denuo sub
Artaxerxe ascenderit in Judæam, sententiam ferunt cum Isidoro lib. de
vita & obitu Sanct. c. 61. alii, quos inter cump̄mis Sanctius est *Comment.*
in I. Esdr. nu. 9. p. 42. sqq. & *prolegom.* in II. Esdr. II. p. 81. & recentissime
Natalis Alexander *Hist. Eccl. V. T. T. II. in 6. mundi ætat. Art. II. p. 235.*
haud impossibile existimantes, Nehemiam Dei beneficio sesquiculum
vivendo explore, & ad extremam usque senectam viribus valere potuisse,
cum vel hodie, quamquam rarius, talia protstant exempla hominum,
ultra seculum ætatem producentium. Certe paulo ante captivitatem
Jojadam Sacerdotem ad 130. annum ætatem produxisse, 2. Chron. XXIV,
15. legimus: longe autem post Nehemias tempora, Johannem Aposto-
lum ætate sua seculum transcendisse, imo centesimum vigesimum atti-
gisse annum Chrysostomus *Serm. de S. Job. Apost. T. VI. p. 505.* aliique
perhibent Scriptores. Ut vero ad ducentos annos Nehemias cum b.
Mayero ascendamus, necesse non est, ut supra observavimus contra Spi-
nolam cap. præc. §. 4. p. 313. sq. Nec est absimile vero, tantæ inter suos auto-
ritatis virum & patriam subinde repetuisse, ut, quæ e re gentis suæ essent,
disponeret, & redisse Babylonem, ut pro sua, qua apud Regem pollebat,
gratia, varia genti ac patriæ suæ bona impetraret. Cum vero utriusque
sententiae argumenta ita sint comparata, ut exceptiones patientur sat gra-
ves, certi quid in tanta rerum caligine definire nolumus; quamquam
in geminum nos propendere Nehemiam non diffiteamur: alium enim
& a se diversum haud obscure Neh. VII, 7. innuere videtur. Sed hæc
forte prolixius, quam e re fuerat. Ceterum ob insignia in gentem suam *elogium:*
merita, hoc a Josepho lib. XI. Antiqu. cap. V. sub fin. elogio ornatur:
ἀνὴρ δὲ ἐγένετο χρηστὸς τὴν Φύσιν καὶ δίκαιος, καὶ περὶ τὰς ὁμοθνεῖς Φί-
λοι μότατος, μηνεῖον αἰώνιον ἀντὸν παταλίποιν τὰ τῶν ιεροσολύμων τείχει,
Vir ad virtutem & justitiam natus, & in populares suos beneficentissimus, re-
licto sempiterno sui monumento in Hierosolymorum mænibus. Theodoreto
lib. I. Hist. Eccl. μανδεῖος Φερεντινοῦ ἀνὴρ, καὶ παντοδεποῖς οὐεμένος.
αὐτοῖς, beatus vir nominis sui audit, variisq; exornatus donis. Quibus
gemella fere sunt, quæ in viri laudem concinit Syracides c. XLIX, 15.
Paucis multa complexus Wilh. Momma Oeconom. temp. lib. II. c. 19. §. 84.
p. 390. Fuit hic Nehemias, inquit, vir plenus zelo glorie DEI, alienus ab



De libro
Nehemias.

omni idolatria, & superstitione, discipulus Mosis, restaurator cultus, banum servans conscientiam: hinc toties dicit: Memento mihi Domine in bonum omne quod feci, & parce mihi secundum multam gratiam tuam. Alia variorum, quibus Nehemiam mactarunt, encomia collecta lege in der Lebensbeschreibung der Bibl. Sribenten P. V. c. 9. p. 151. sqq.

typicar. etio: Cumprimis vero hoc spectat, quod typum Christi præbuuisse nonnullis videtur. Ita sane Beda allegorica Expositionis in Eiram lib. III. c. 15. T. IV. Opp. p. 145. Nehemias interpretatur Latine consolator Dominus, vel consolator a Domino: qui cum renovaverit muros Hierusalem, & populum Dei ab hostium insultatione liberatum, in divina legis observantia sublimaverit: prof. dho constat, quia & vocabulo, & opere, & persona sua non inconvenienter Mediatorem Dei & hominum, hominem Christum Jesum designet, qui se ad consolationem pauperum spiritum missum insinuat, cum ascensurus in calum discipulis ait: ego regabo Patrem, & alium Panacletum b. e. consolatorem dabit vobis. (Joh. 14.) A quo ædificandam civitatem Dei, sanctam videlicet ecclesiam, simul & consolando esse mereentes, ostendit Psalmista, cum (Ps. 146.) dicebat: Ædificans Hierusalem Dominus, & dispersiones Israelis congregans, qui sanat contritos corde &c. Quæ concilius & paulo obscurius exscribit Glossa Ordin. sub libri init. Eadem vero uberior declarans C. a Lapide p. 32. optimum Salvatorem adumbrasse dicit Nehemiam 1) nomine solatifluo Jes. LXI, 2. 2) genere, vita sanctimonia & dotibus, 3) Hierosolymorum restauratione, reipublicæ per saluberrimas leges ac severam disciplinam confirmatione, & animosa pro ejus incolumitate adversus Samaritanos hostes decertatione. Propius vero ad homileticum usum Nehemias typum accommodat citatus modo autor vitæ ejus l. c. cap. 10. p. 157. Quæ tandem Lavaterus hom. 1. in Neh. p. 1. b. de obitu & sepultura Nehemias addit, incerta nituntur fide. Hierosolymis enim vitam in senectute veneranda finivisse, ibidemque fuisse sepultum, & ad moenia quidem urbis, a se exstructa, ut Fasculus temporum cap. 32. tradit, nullus testatur Josephus, ad quem quidem provocat Lavaterus, sed simpliciter Nehemiam proiecta jam ætate decepsisse memorat, nulla loci vel sepulturæ adjecta mentione. Sed hæc de Prosopographia viri sufficient.

III.

*Idem & li-
briscriptor:* Scriptorem libri Athanasius in Synopsi, Chrysostomus & Beda, Esdram dicunt, ea cumprimis de causa, quod unus hic cum Esdræ librum quondam componeret, ipsiusque nomine veniret. Sed satis con- venit



venit inter interpres, haud alia eum, quam ab ipsius Nehemiac manu Nehemiac profectum esse, quod res a se gestas ἀντροσώπως describit, & ad se referit, quæ Nehemiac Præsidi alibi tribuuntur. Levia sunt, & cap. præcedente jam discussa, quæ a temporum ac ætatis ratione in contrarium urget Spinoza, cuius vestigia, omnia alia quidem videri cupientes, studiose legunt Theologi Batavi in *Judiciis de Rich. Simonis Hist. Crit. V. T.* qui ad hunc librum devoluti, omnem ejus consignationem in solidum quidem Nehemiac denegare non audent, neque tamen tribuendam ei censem universam, cum quæ c. XII, 22. de Jaddua Pontifice leguntur, Nehemiac per ætatem accepta ferri nequeant. Sed ad hanc pericopam, ut & de ætate nostri, prolixe satis mentem nostram exposuimus supra p. 34. & 340. quæ hoc repetere non vacat. Præter hunc vero, alia quoque ad Nehemiam autorem scripta referuntur, cum primis ἀναγραφαῖς sive descriptiones ac annales, & ὑπομνηματισμοῖς, sive Commentarii diurnorum, 2. Maccab. II, 13. commendati, in quibus Sexto Senense teste Bibliotb. S. lib. II. p. 110. diligentissime ea omnia complexus est, que Iudeis ex captivitate Chaldaica redeuntibus contigere, præcipue vero inventionem ignis sacri, quem sacerdotes excisa urbe sancta, in profundissimum puteum defoderant, & Bibliothecæ a se extructæ apparatum, ac librorum omnium, tam sacrorum, quam profanorum occupatissimam copiam in ea congregatam. Sextum ad verbum fere descripsit Sanctius Proleg. III. in b. l. p. 82. Verum ut librorum Maccabaicorum sublesta perquam fides est, ut Joh. Rainoldus in eximio de libris Apocryphis opere abunde demonstravit; sic illa quoque de abscondito olim, & reperto rursus a sacerdotibus igne sacro, narratio suspecta multis nominibus ac supposititia Johanni Buxtorffio fil. videtur, qui in *historia ignis sacri cap. 3. Exercitationum p. 246.* ex instituto illam sub incudem vocavit. Unde facilis conjectura, ad hos five annales five commentarios Nehemiac, qui num ulli lucem viderint, dubitari merito potest, ideo saltem ab autore Maccab. provocari, ut commento fidem conciliet, & sub tantæ antiquitatis testimonii umbra eo felicius fucum faciat incautis.

I V.

Ceterum hic liber, coptam ab Esdra, restauratae urbis & reipublicæ Judaicæ historiam persequitur, & tum murorum urbis, ex ruinis per tot impedimenta lente surgentium reparationem, tum reducis populi, nimium sibi indulgentis correctionem, cum primis etiam collapsi cultus divini reformationem, Nehemiac prudentia, autoritate & Zelo alat.

criticæ



De libro
Nehemias.

criter suscepitam, feliciterque peractam commemorat. Postquam enim gens Judaica in libertatem rursus emersisset, & templum reædificatum, cultus restitutus, leges stabilitæ, politia ordinata, & judicia essent confirmata, parum firmo tamen omnis isthæc felicitas niti videbatur talo, quoad urbs munimentis orbata, hostium insidiis atque injuriæ pateret. Hæc Nehemiam cura torquebat, qui venia juxta & adminiculis a Rege impetratis, tantæ molis opus strenue aggressus, ringentibus frustra adversariis, pertinaciter ursit, donec ex omnium voto feliciter ad umbilicum perduceret c. VI, 1. 15. XII, 27. sqq. Atque tum demum restitu plenarie cœpisse dixeris rempublicam, & ad filiam redactam fuisse formam, quam proximis circa Messiæ adventum temporibus, juxta Prophetarum oracula, referre debebat. Executiebat nimirum pulverem captiva olim Zion Jes. LII, 2. & considentibus ad jus dicendum principibus populi in Ierusalæm Neh. XI, 1. reddiderat ipsi Jehova judices ut primo, & consiliarios, ut ab initio Jes. I, 16. istos quippe **לִפְרָנִים** *Legislatores*, viros Synagogæ magnæ, penes quos summa erat in republica potestas, quosque rerum potiri oportebat, donec Schiloh veniret Gen. XLIX, 10. Unde palmarius patet scopus libri, non eum duntaxat in finem conscripti & canoni inserti, ut historiæ V. T. qua sacrae, qua civili, sua constaret integritas, sed ut eam quoque reipublicæ & ecclesiæ Judaicæ faciem delinearet, quam a plenaria ex captivitatis miseriis eluctatione & deinceps, donec nasceretur Messias, habituram prædixerant Prophetæ. Ex hoc enim libro colligere debebant fideles, ultimam hanc esse periodum ante Messiæ adventum, & cum hinc implera esse omnia perspicerent, quæ de reparanda urbe, & confirmanda penitus republica prænunciata fuerant, nihil amplius reliquum esse, quam ut παραληπτιν τε Ἰερουλα, ipsamque tot votis expeditam λύτρωσιν proxime expectarent; quod a piis quoque factum, ex Luc. II, 25. 38. constat. Ut adeo ad dignoscendum & investigandum Messiam præsens liber luculentis perquam indicii faciat; quo & typica illa, quam §. 2. præc. attigimus, adumbratio pertinet, qua Christum repræsentans Nehemias, paternum ipsius pro tuenda, præsidio suo munienda, in ordinem redigenda, & ornanda urbe sancta, quæ ecclesia est, curam typice delineat & ob oculos ponit. Atque hinc amplissima libri utilitas in omnium temporum fideles, per saluberrima monita & doctrinarum momenta promanat. Cum enim ecclesiæ typum restaurata exhibeat Hierosolyma, i. docemur singuli, pro suo quisque munere ac ordine, civitatem Dei spiritualem ædificare, concionatores verbi

prædi-

Scopus.

Utilitas.



prædicatione, proceres Republicæ gubernatione, patres familiæ religiosa Nehemias.
liberorum educatione &c. 2. Satanæ videmus infidias ac artes miras
energia depictas, quibus per Anti-Christum eiusque satellites omnem mo-
vet lapidem, ut remoram ædificationi ecclesiæ injiciat, ne opus proce-
dat; 3. quanta porro opus sit cautione, cōsilio, virtute, ut idoneis
remediis, hostibus ecclesiæ obſistatur, occurratur proditionibus, urgea-
tur opus, donec felicem sortiatur eventum; 4. quam inconcuſſo me-
diis in tribulationibus pede ſtar ecclesia, quamque optatos, si fortes simus
& constantes exemplo Nehemias, ſuccellus largiatur Deus gloriā ipsius
& ecclesiæ emolumētum procurantibus. Invitis enim hostibus urbs
clauſa & munita fuit; 5. quam necessarium sit ac utile, cum Deus ec-
clesiam suam restauraverit, de emendanda quoque & munienda republi-
ca cogitare, quæ ecclesiæ dominicum præbeat; 6. de uſu feriotorum
dierum, ut tractationi ſcripturarum & exercitiis pietatis impendantur;
7. præclaræ præ cæteris exempla hic nobis ſuntur, pietatis in Deum,
quæ ex precibus ardentissime hoc libro conceptis ac fusis eluet: pietati
in patriam, cujus Nehemias memor, ipſe licet in re lauta constitutus
eſſet, quiescere tamē non potuit, donec urbs munita eſſet: obedientiæ
erga magistratum, quam subditū præſtant, nullis vel periculis vel labori-
bus inter ædificandum parcentes: principatus laudabiliter geſti, dum
Nehemias religio curæ, omnis autem avaritia, omnis fastus odio eſt. Vid.
Lavater. homil. I. p. 1. ſqq.

V.

Canonicam libri autoritatem fidelis Judaicæ ecclesiæ custodia & Autoritas
pia veneratio testatur, qua æquali cum ceteris divinis & ἐπιθετικοῖς libris
Nehemiam profecta uisque fuit, & Novi Testamenti ecclesiæ per manus
velut tradidit, quæ absque illa hæſitatione in canonis censu hunc cum
reliquis librum recepit, & huc usque habuit. Scrupulum moveare qui-
dem posset, quod Melito Sardensis, qui M. Aurelii Imperatoris tempore
floruit, in ſuo Scripturarum Canonicarum ſumma cum eura in Oriente
conquistarum Catalogo, quem Eusebius Hift. Eccl. lib. IV. c. 26. integrum
nobis servavit, nullam hujus libri mentionem faciat, unde colligi posset,,
ipſius tempore Nehemiam in Canone Judaico juxta, ac ecclesiæ Christia-
næ Orientali, locum habuisse nullum. Sed salvares eſt, dum ultimo loco
Esdram nominat, cujus appellatione utrumque ejus librum, plirasi
olim uifatissima, complectitur; pari modo ac Threnos, quos ſeorsim
enuntiatis, ſed in



in Catalogo nullibi recentet, sub Jeremia comprehendit. Habet & hic noster omnia Canonicis propria requisita; tempus consignationis illud, quo Prophetarum ultimi, aut viri certe Prophetici adhuc florebant; Hebraicum idioma; relationem ad Messiam monstrandum & dignoscendum; concentum exactissimum cum cetero canone; scriptorem, si non officio, tamen dono Prophetam; nihil a seipso, nihil a reliquis divinis dissonum & abhorrens; maxime vero testimonium utriusque ecclesiae priscae, quae si spurius esset liber, vel humano saltem studio compotus, in canone eum ab initio non receperisset, vel de fraude postea certior facta, rursus ejecisset. Et luculentum sane vestigium libri in N. T. deprehendimus, dum illam delege doctrinam, quod qui fecerit eam, vitam sit in ea habiturus, Rom. X, 5. Gal. III, 12. Apostolus aequali autoritate a fide ex Lev. XVIII, 5. pariter ac Neh. IX, 29. demonstrat ac probat. Ut taceam, illam urbis portatrumque descriptionem, c. II. & III. traditam, multis utriusque foederis locis, in topographia Hierosolymitana, lucem affundare; quin & hanc reparatæ urbis ac reipublicæ historiam, omnia illa eventu comprobare Prophetarum oracula, quibus prophætæ restitutio filiæ Zion cecinerunt. Facit huc observatio b. Egid. Hunnii, qui in *Exam. controversia I. General. R. Bellarmini L. I. c. 4. T. II Opp. p. 54 A.* Nehemias historiam, inquit, in hominum animis fancit collatio ejus cum vaticinio Danielis 9. Quod enim illic de plateis & muris Hierosolymæ in angustia temporum reædificandis prædictis Angelus Gabriel, id eventu solidò & exactissime congruente cum Prophetia impletum esse ostendit Nehemias liber. Fit quoque libri hujus mentio implicitè Joann. II. & X. ubi adificati templi & encaniorum Evangelista meminit. Quod tandem Isidorus, verbis supra §. 1. allegatis, de secundo Esdræ libro afferit, quod apud Hebreos non habeatur, sed inter Apocryphos deputetur, satis perspicue ipse explicat, non ad hunc nostrum, qui codem cum Esdræ volumine contineatur, sed ad eum spectare, quem tertium vulgo Esdræ dicimus, & quem Apocryphum esse ultra largimur. Conf. Huetium, c. l. §. 6. p. 360.

VI.
Chronogiam supra dedimus p. 331. sq. quod ab Esdræ historia ac temporum serie Nehemias gesta commode divelli nequeant. Clarissimis autem indicis c. I, 1. II, 1. V, 14. XIII, 6. tempora signat, & duodecim annorum ambitu, ab Artaxerxis imperii XX. ad XXXII. historiam suam hic liber circumscribit. Sed post Artaxerxem Longimanum exaratum demum



demum fuisse, illa recentioris ætatis vestigia evincunt, quæ c. XII, 22. de-
prehenduntur, ubi Jaddua Pontificis & Darii Persarum regis, illius Co-
domanni & Monarchiæ Persicæ ultimi, ut multis putatur, sit mentio.
Sed prior etiam ille Darius, cognomine Nothus, intelligi potest, nec adeo
necessæ est, Alexandri M. exceptionem a Jaddua Pontifice factam, viven-
do attigit Nehemiam. Potuit enim Jaddua in sacerdotio vidisse sub
Dario Notho, temporibus ejus postremis, a cuius regno usque ad devi-
ctum Darium Codomannum & Alexandrum M. anni fluxere 46. Artaxerxis Mnemonis, 21. Ochi, 2. Arogi, 4. Codomanni. Summa est 73.
annorum. Unde si decerente Nehemias Jaddua statuatur vidisse anno-
rum 31. obviare Alexandro potuit 1b 4. annos natus, Nehemias vero de-
cessisse jam sub Darii Nothi extrema tempora, ut calculum ponit b. Ca-
lov. Bibl. Ill. T. I. p. 170. Quanquam dubitari adhuc posset, an idem sit
Jaddua, Nehemias memoratus, cum illo Pontifice Jaddua, cuius occur-
sum Alexandro M. factum memorat Josephus. Conferenti enim v. 8.
cum 11. cap. XII. Neh. ad oculum patet, a Sacerdotum ordine, qui v. 7.
in Jedaja, & rursus v. 21. in Jedajæ filio Nathaneele desinit, Jadduam di-
stingui, & utrobique v. 8. & 22. in Levitarum solum redigi classem. Et
cum inter capita populi Jaddua quoque aliquis c. X, 21. recenseatur, a
Sacerdotum ordine distinctus; quid prohibet, quo minus diversis tem-
poribus alius in Levitis florere potuerit Jaddua, alias dein Pontificatu
fungi? Jesu sane, a quo recto ordine generationis descendit noster Jad-
dua, c. X, 9. distinctus a sacerdotibus, primum inter Levitas locum tenet.
Nec est, ut obvertatur, proavum Jadduae nostri, Eliasibum, (c. XII, 10. 11.)
diserte Sacerdotem vocari c. XIII, 4. Nam & hic alias & distinctus ab
Eliasibo Levita esse potuit. Nec insolens id adeo, ut cognomines repe-
riantur Hebræi, cum vel tres distinctos Josuas legamus his ipsis capitib;
alium nempe, filium Asanie c. X, 9. alium filium Kadniel c. XII,
24. alium denique filium Jozadak c. XII, 26. omnes tamen ex ordine
Levitarum. Quo observato, omnes circa longævitatem vel Nehemias
vel Jaddua, facilime expediuntur tricæ, ut mirum sit, viros doctissimos
qui in isthoc solvendo adeo desudarunt nodo, tam evidentem Scripturæ
responsionem fugisse. Quam ut nemini obtrudo, ita si quis posthabere
velit consuetæ aliorum temporum putationi, illam ex præcedentibus, &
c. prec. §. 4. petendam relinquimus.

VII.

Capita liber numerat XII. versus 406. quanquam Masorethæ hujus & Partitio.

Xx 2

præce-



De libro
Nehemias.

præcedentis libri versiculos in unam redigentes summam, 688. dicant, quorum medius Neh. III, 32. Partibus alii tribus constare, cum b. Walthero asserunt *Offic.* S. 876. ita ut P. I. habeatur oratio Nehemias pro Judæis ad Deum fusa c. I. P. II. dimissio ejus in Judæam c. II. P. III. facta illius in Judæa a c. II, 11. ad libri finem. Alii duabus partibus comprehendunt, sed diversimode. Qui ad rerum gestarum diversitatem respiciunt, cum Heideggero *Enchir.* b. l. p. 125. primo ascensionis Nehemias Hierosolymas ad instaurationem urbis cap. I—VII. secundo cultus divini reformationis narratione c. VIII—fin. absolvit tradunt historiam; quod ita eloquitur Reimmannus *quest. Biblic.* in b. l. p. 232. partem primam civilia tradere, de urbis restauratione, secundam ecclesiastica; ubi tamen capitum ordinem turbat, & ex c. III, 1—12. legis prælectionem publicam capiti septimo postponit. Qui vero ad loci ac temporis discrimina cum b. Calovio attendunt, ut in historia partienda fieri par est, P. I. de iis agete obseruant, quæ in Persia obtinuit Judæorum bono. Nehemias c. I. II. P. II. de his, quæ in Judæa per ipsum sunt gesta c. III—fin. quæ in iis

VIII.

Tabula Syn-
optica.

Tradit ergo liber historiam gestorum Nehemias

I. exulis in Persia, in venia restaurandæ patriæ impetrata

a) seriis precibus a Deo c. I.

b) circumspecta intercessione a Rege c. II, 1—10.

II. reducis in patria, ubi acta ejus

a) civilia,

qua urbis structuram, cuius

1. præparatio c. II, 1—20.

2. felicissimus progressus c. III.

3. triplex obstaculum a Nehemias superatum, scilicet

N. Sanballathi conspiratio c. IV.

D. sumptuum defectus, ob famem & usuras populi c. V.

3. novæ Sanballathi falsorumque fratrum insidiae c. VI.

qua Politix restitutionem, & recensionem habitatorum urbis c. VII.

b) ecclesiastica, ubi

I. Reformatio prior, ad quam spectant

N. instituta legis prælectio c. VIII.

D. publica populi poenitentia & confessio c. IX.

3. foede-



1. fœderis cum Deo initi confirmatio c. X.
 2. ejusdem consequentia, ut sunt
 p. habitationum pro populo in urbe & agro distin-
 ctio c. XI.
 p. Sacerdotum recensio, murorum dedicatio, & fun-
 ctionum in templo confirmatio c. XII.
 2. Reformatio posterior abusuum post secundum ascensum Ne-
 hemias c. XIII.

IX.

Inter Patres rursus nemo est, qui data opera Nehemiam explicarit, Commentarii BEDA, qui allegorice expositionis in Ezram, libro tertio (non tribus tatores libris, ut mendose tradit autor Personalium Nehemias c. 7. p. 35.) a cap. XV—XXXVII. T. IV. Opp. p. 543. eodem, ac Esdram, modo hunc nostrum enarrayit.

E Judæis, præter communes illos totius fere Scripturæ interpretes, Rabbini: R. Salom. Jarchium & Aben Esram, in Buxtorffianis Bibliis obvios, Bartoloccii P. IV. Biblioth. Rabb. p. 412. laudat ר שבען בן יהויקים R. SIMEON EM ben Joachim vel Jehojakim, cuius in Esram, Nehemiam & Paralipomena commentarium Venetiis dicit excusum apud Bombergum. Huc quoque Don JOSEPHI filii Don David Abben Jechija sive Commentarius in V. Megilloth & Hagiographa: nec non R. ISAACI bar R. Salomo Jabez תורת וסדר Lex Misericordias expositio super Hagiographa & Megilloth pertinet, cuius utriusque jam superius suo loco facta est mentio.

E nostris JOH. BRENTIVS T. II. Opp. p. 111. tria priora Latherani: capp. Nehemias perquam utilibus illustravit annotationibus, nec tamen ulterius perrexit: ERASMVS SARCIERIVS, ut quamplurimos alios, ita & hunc librum Scholjis suis declaravit: neceum in Tabulis suis præteriit CYRIACVS SPANGENBERG, ad præced. Esdræ librum jam allegatus.

Amplior longe Pontificiorum in h. l. commentatorum numerus Pontificiis est, in quibus THOMAS de VIO CAIETANVS est: ADRIANVS CROMMIVS: DIONYS. CARTHVSIANVS: JOH. FERVS: THOMAS MALVENDA: JOH. PAVL, OLIVA: NICOL. LOMBARDVS: quorum omnium creberimam in præced. mentionem fecimus: cumprimis vero CASPAR SAN-



De libro Nehemias. SANCTIVS laudem meretur, cui sin Nehem. eommentarius illis in Ruth, Ezram, Tobiam &c. junctus prodiit Lugduni in fol. A. 1627.

Reformati: Ex Reformatis nominari hic cumprimis merentur LVDOV. LAVATERVS, cuius LVIII. in Nehemiam homilia plenum commentarium exhibent, paulo post autoris obitum a Joh. Gvil. Stuckio Theolog & Professore Tigurino A. 1586. in 4. edita, pramissa autoris vita: FRANC. BVRMANNVS, cuius Sermone Belgico conscriptus in h. I. Commentarius Regum, Chronicorum & Esdræ libris junctus Amstelodami prodiit A. 1694. in 4. germanice versus Francofurti A. 1695. VICTORIN. STRIGELIVS, scholiis in Lib. Nehem. Lipsiæ in 8. A. 1575: JOH. WOLFFIVS, cuius Nehemias de instaurata Hierosolyma, seu commentarius in Librum Nehemias Tiguri in fol. A. 1570. lucem. vidit: CHRISTIANVS SCHOTANVS, qui T. II. Bibliothecæ Hist. Sac. V. T p. 1153. sqq. ubi de rebus Judaicis sub Monarchia Persarum agit, Nehemias gesta librumque ordine exponit, vel saltem παραφεύει: & inter Anglos GVLIELM. PEMBELIVS, cuius explicatio locorum obscurorum ut ex Ezræ, Daniele & prioribus decem capp. Zachariae, sic & ex libro Nehemias, in Operibus ejus Anglic. legitur Londini in fol. A. 1658. JACOBVS PILKINGTON, Episcopus Dunelmensis, qui anglico idiomate commentatus est in Nehemiam A. 1562. in 8.: & JOSEPH. HALL der Biblischen Geschichte P. II. p. 1250—1290.

Remonstrantes. De JOH. CLERICI Remonstrantium Professoris Amstelædamensis in omnes libros Historicos, & in his quoque in Nehemiam Commentario jam supra dictum est.

CAP. XX.

De libro Estheræ.

Summarium capitum.

Libri inscriptio סגנְרָה נָאֵלֶּהָ vocatur. *Sedes ac ordo, in codicibus Hebraicis iuxta ac Græcis & Latinis §. 1. Estheræ prosapia; nomen Hadasse, ad quod Zach. I, 8. non respicitur, & Estheræ: educatio apud Mardochæum: formæ præstantia: typica præfiguratio. Estheræ Polonica, Iudeorum Patrona §. 2. Estheræ maritus Abasverus certis characteribus dignoscendus; isg. non Astyages: non Darius Medus: non*



non Cambyses: non Artaxerxes Longimanus: non Mnemon: non Esther. Ochus, sub quo nimium provelta etas Mardochæo esset tribuenda, in captivitatem ex Judea primo translato: non Darius Hyphasis: sed Xerxes: de quo Iudeorum fabula & Christianorum Doctorum allegoria §. 3. Scriptor libri, alius Esdras, alius Joakimus, alius Synagoga magna, alius Mardochæus. Certe non Scriba principum Iudaicorum: non Hellenista Judæi: non ipsa Esther §. 4. Argumentum libri, veram historiam non fabulam tradens, quod per columnam b. Lutheri imputatur. Scopus. Utilitas Canonica, agnita Hebreis & Patribus Ecclesiæ primitive, asserta, & a quatuor objectionibus vindicata; a b. Lutheri quoq; in dubium nunquam vocata §. 6. Quatamen non gaudent apocrypha illa supplementa, vel Partes in Esther §. 7. Chronologia §. 8. Partitio §. 9. Tabula Synoptica §. 10. Commentarii Patrum, Rabbinorum, Lutheranorum, Pontificiorum, Reformatorum, Remonstrantium §. 11.

§. I.

Librum Hebræi אֶסְתֵּר *volumen Esther*, Græci & Latini inscriptio. Simpliciter ἑστήρ, vēl ap. Clem. Alexand. l. I. Stromat. ἑστήρ, Esther inscribunt, quod præcipue in universa hac historia Estheris sunt partes, quæ in tori regnique consortium ab Ahasvero adscita, universam gentem suam, Hamanis malitia ac technis certo perituram, divino beneficio servavit. Idem ergo hic, quod in libello Ruth jam observavimus, usū venire videmus, ut ab argumento & principe ejus persona, nomen libro imponatur. Reete autor *Synopseos*. T. II. Opp. Athanasii p. 101. ΕΣΘΗΡ. ἔτω καλεῖται τὸ βιβλίον, ἐπειδὴ καὶ τὴν περὶ τῆς Ἑσθήρ ἴστοριν περιέχει, πῶς ὁ Θεὸς διὰ ἀντῆς, μέλλοντας ἀπόλλυσθαι παγγεῖη τῆς Ἱεράρχου, ἀντὶς μὲν διέσωσε, τὸν δὲ Αμάν, τὸν θελήσαντα ἐπιθέλευσαι ἐπαλάξε. Sic vocatur bic liber, quod historiam de Esther complectitur, quo modo per illam Deus universam Iudeorum gentem jam jam perituram servaverit, & Aman, qui excidium illius infidelse machinabatur, percusserit. Ut adeo mirum non sit, ut visum fuit Oliver, Bonartio, Hieronymi inhærenti vestigiis, hunc æque ac Ruthæ & Judithæ librum, a feminâ in fronte nomen fuisse sortitum. Quanquam vero in V. Megilloth censu, hic noster Judæis ultimo loco veniat, de quibus supra c. XI. §. 1. p. 196. diximus: præ ceteris tamē & καὶ ἑξοχὴν si ἡ גַּנְזִיר volume, abs-



De libro
Estheræ.

absque addito appellant recutiti, haud alium quam nostrum intelligunt librum, quod a primis inde temporibus seorsim ille, & peculiari volume, in Synagogæ & festi Purim usum, & quidem sine ulla distinctione notis, consignari consueverit, quali antiquissimo exemplari se gavism. Buxtorffius memorat de orig. Punct. p. 49. & nitidissime in membrana picto & circumvoluto Wagenseilianam instructam me vidisse Bibliothecam probe recordor. Eundem porro Hebreis sape libellum אָוֹשְׁוֹרֶת vocari Scipio Sgambatus tradit Archiv. V. T. lib. II. Tit. LXI. p. 392. Ceterum pro codicium diversitate, diversam quoque in ordine librorum Biblicorum sedem nactus est ille. Hebreorum alii, V. Megilloth Pentatecho statim subnectentes, post Coheleth Josuæ eum præmittunt, ut in Bombergii editionibus Venetis A. 1521. 1528. in Nisseliana Lugdunensi A. 1663. aliisque factum: alii suo loco inter כְּהֻכּוֹם sive Hagiographa referentes, inter Coheleth & Danielem medium faciunt, ut in Buxtorffianis Bibliis Basileensibus, & recentioribus Leusdenianis & Francofurtensibus videmus. A Græcis quibusdam, velut Athanasio in *Synopsi* post Prophetas omnes in proximum ante Juditham & reliquos Apocryphos locum rejicitur. In Vulgata Latina post IV. Esdræ libros Tobiam & Juditham sequitur, Jobum autem cum reliquis Poëticis libris proxime antecedit; quem quid in ordinem in Concil. Trid. Sess. 4. quoque servatum Bonartius *Præloqu. III. Comm. in b. l. p. 7.* ex eo capite taretur, quod valde probabile sit, hoc pacto ordinem temporum teneri, quo historia Estheræ contigit; siquidem multorum doctorum viorum judicio res gestæ ab Estheræ posteriores sint tempore Judithæ, & de Holoferne victoria, unde etiam merito liber Esther volumen Judith subsequatur. Verum hoc pacto Canonici cum Apocryphis temere permiscentur, & Judithæ liber, nec Propheticus, neque Canonicus, nostro divinam in Canone autoritatem obtinenti, anteponitur. Quare rectius b. Lutherus in Germanica versione Nehemia statim subjunxit, loco per quam conveniente, quod ad eandem aut proximam tamèn temporum periodum hæc historia pertinet, ut adeo ultimam in libris historicis V. T. locum teneat, licet Nehemia liber se longe protendat ulterius, quia tamen ab Esdræ historia, quæ inde a Cyri orditur imperio & ad Artaxerxem pergit, divelli commode non poterat.

Estheræ
prosa pia:

Ma vero Esther quæ fuerit, & cujas, dispiciendum nunc paulo est curatius. De cuius quidem genere & ortu dubitare nos non finit Scriptura,



ptura, quæ Esth. II, 15. coll. cum v. 4. בְּתַּרְאֵל filiam Abichailis Estheræ, dicit, qui de tribu Benjamin oriundus, רֹאשׁ patrius erat Mardochæi, qui utroque parente orbam in curam suam tut. Iamque accepit pueram, & liberaliter habuit. Nomen ipsi erat geminum; alterum a Parentibus haud dubie inditum, חֲדָסָה Hadassa, in Vulgata Edissa, Drusio & aliis, *nomen Hassæ*, sed perperam Atoffa; quod Targum secundum Esth. II, 7. interpretatur: *dassæ*, NON *כִּמְחָרֶת* quasi dicas: myrtus, & sic appellari tradit ideo, quod esset justa: justos enim in scriptura cum myrto conferri; & addit: Pro urtica ascendet myrtus (Jes. LV, 13.) sic pro regina Vashti regnabat Esther: & mox: nam sicut myrtus non arescit aestate vel hyeme, sic justis est pars in seculo hoc & in seculo futuro. In Medrasch Megilla Esth. II, 5. alia adhuc nominis ratio redditur, ita quippe vocari Estheram, quod odor myrti dulcis sit, sed gustus amarus: sic Estheram suavem fuisse Mardochæo, at amaram Hamani. Confer Buxtorffii Lex. Talm. p. 154. & 597. Ut nesciam, quid sibi cum Rabano velit Glossa Ordin. cui Edissa idem est ac misericordiam consecuta, & ecclesiam gentilium, collato Os. I, 10. præfigurat. Neque tamen evictum hinc satis est, quod Zach. I, 8. per myrteta, inter quæ vir super equo rufo Prophetæ apparebat, Hadassæ nostræ nomen, mores, familia & familiares designentur, ipsaque sub idem vixerit tempus, quo Zacharias istud oraculum percepit; ut est ap. Corn. a Lapide, Jacob. Tirinum, aliosque Pontificios in cit. loc. Zach. interpretes. Ex quorum mente inter myrteta, id est, inter Estheræ familiares & asseclas, Mardochæum, Esdram, Nehemiam, Zorobabelem, Jesum filium Josèdec, stabat cum suis comitibus ecclesiæ præses & princeps Michael, novum de cœlo illis beneficium significans, & per hanc familiam toti genti Judæorum, connubium scilicet cum Ahasvero, & liberationem populi sui a tyrannie & calumniis Hamanis. Licet autem per myrteta humilem pressamque ecclesiam, & per myrtos fideles symbolice significari, interpretes nostri b. Jo. Tarnov. Comm. in Propb. Min. p. 1337. 1345. b. Jo. Schmidius in Propb. Min. p. 1383. b. Calov. Bibl. Ill. T. II p. 924. sq. largiantur, fusiusque per tertia comparationis declaraverint; tamen nec angelum creatum ecclesiæ præsidem, sed Christum intercessorem apud Patrem Prophetæ colloquutum esse, solide demonstrant; nec tam beneficium in Chaldaea vel Perside, quam in terra sancta Judæis exhibendum promitti, ex ipso contextu declarant. Unde Ribera Pontificius, quanquam pro Michaele creato ex hypothesi ecclesiæ sua sententiam ferat, per myrteta tamen viros justos, qui erant in Judea, & qui relicti erant Babylone, intelligere mavult, utrumque enim curam

Yy

curam



De libro
Estheræ.
Estheræ:

curam gerebat hic angelus. Comm. in Proph. Min. p. 640. Sed haec ἦν ταργόδιον. Alterum nostræ nomen cum nova dignitate impositum a Persis, quibus nominum mutatio, ut ex Danielis exemplo appareret, solennis erat & frequens אֶسְתֵּר stellam notat, & in secundo Targum c. II. Esth. 7. per stellam Veneris explicatur, quæ יְוִנִּית אַסְתִּירָא: Grece dicitur Ἀστίρ. Huc spectat, quod Scip. Sgambatus Lib. II. Archivor. V. T. Tit. LX. p. 389. observat: quidam hoc nomen Esther idem esse dicunt, quod apud Gracos Ἀστήρ, & volunt ab Ethniciis Estherum in Deos relatum, ipsamque esse Astræam, qua gladium vindicem vibravit, opportunitate captata e Gracis verbis (c. IX. 31.) καὶ Εσθὴρ λόγῳ ἐξησεν εἰς τὸν αἰῶνα, καὶ ἐγένετο εἰς μυημότυνον. Et Esther sermone stetit in eternum, & scripta est in memoriam. Ac si sermonibus scriptisq. in calum relata, & sideribus addita, eternitatem gloriae consecuta sit. Stellam autem vocari tradunt interpres a pulchritudine corporis, & animi elegantia, quam cum stellis Orientales contendunt, v. g. Cant. VI, 9. Bellissime nomen astri regina nostræ adscribitur, inquit Bonartius Comm. in Esth. II. num. marg. 41. p. 84. quæ in densissimis nebulis gentilitatis & fædissimis Judæo & calamitatis tenebris, tanquam fulgentissimum fidus apparuit. In Medraisch Falkut in hanc historiam fol. 171 col. 1. paria traduntur: sed & alia vocis originatio a סָתָר quod est occultare, affertur, שְׁמֹסְתָּרָה quia occultabat verba sua, ut dicit Scriptura (Esth. II. 20.) Esther autem non indicaverat cognationem suam. Quæ licet Juda ea potius sit allusio, in Glossam tamen fuit adscita, quæ: Hester, inquit, dicitur absconsa: nee improbat hanc derivationem Joh. Henr. Ursinus de Zoroastre Sect. 4. p. 23. & cum præcedente stellæ notatione combinat, cum & stellæ sua habeant latibula, & interdiu abscondant se omnes. Posset hoc illustrari, quod ab abscondendo Hebræis virgo עלמה dicatur, quasi abscondita, quod magna diligentia veteribus virginis absconderentur, & ab omni fere virorum accessu prohiberentur, ut solide ac eruditæ demonstravit Huëtius Dem. Ev. Propos. IX. cap. IX. §. 2. p. 763. sq. & ex Basili tract. περὶ τῆς ἐν παρθενίᾳ ἀληθεῖς ἀφθονίᾳ T. I Opp. p. 609. constat, virginibus prodire in publicum, priusquam desponsæ maritis essent, non licuisse. Huc itaque faceret, si verum esset, quod ex Falkut in Esther. nn. 1053. refert Scip. Sgambatus e. l. p. 386. quod abdiderit se Esther, ita ut nulle hominum conficiendam se daret annis XXIV. Quo haud dubie Victoria Strigelius respexit, cum Schol. in Esth. p. 121. inquit: fortassis abscondita nominata est, quia non prodiit in publicum, ne formæ struerentur infidie. Sed si dicendum quod res est, Persica omnino non

Hebræa



Hebræa est vocis origo. Hinc alii dēmum a felicitate vel fortuna ita di-
ctam cupiunt, quam Persas vocabulo *stareb* designare Castellus notavit.
Lex. Heptagl. col. 329. Ceterum Judæorum nāniæ sunt, quas præter *educatio*:
 Scripturæ fidem in *Bereschith Rabba Sect. XXX.* (quam Jalkut in *secciónem*
Noe refert) Rabbini blaterant, quod Mardochæus Estheræ posthumæ, &
 matris etiam obitu in lucem editæ, postquam nutricem diu frustra quæ-
 sisset, divino præter suetum naturæ ordinem munere dotatus, virile pe-
 tūs præbuerit, suoque illam lacte nutriverit. Eodem censu veniunt
 ipsorum nugæ, quando Mardochæum illam uxorem duxisse fabulantur,
 insigni fontium corruptione, qua Esth. II, 7. pro: *acceptit eam לְבָתִים in*
filiam, substituunt *לְבָתֵּה* *domum duxit*, in quo confuando figmento
 prolixus est Jul. Bartoloccius *P. III. Biblioth. Rabb. p. 455.* neruosior vero
 & concisior Drusius *annotat. in lib. Esth. p. 78.* Firmiori nituntur talo, *formæ*:
 quæ de præstanti puellæ forma Sacra pagina differit, וְהַנֶּרֶת מִרְאָה יְפִתְחָה-הָאָרֶת *quod puella formosa specie & pulchra aspectu*
 fuerit, ubi rursus supra quod scriptum est sapiunt Rabbini, ita eam in
Jalkut num. supra cit. ex antiqua traditione describentes: הַוְתָה בִּנְיָתָה
לא אֲרוֹכָה וְלֹא קַצָּרָה וְרַקְמָת הַוְתָה/ וְחוֹטָם שֶׁל חָסֶר מִשְׁבָּד
עליה Mediocris erat stature, nec procera, nec brevis, pallidula (subviridem, subfulvum alias colorem vocabulum notat ap. Buxtorff. Lex. Hebr. Min. Rad. רַקְמָת) & filum gratia extensum super ipsam. Reliqua ipsorum
 commenta scientes prætermittimus: Patrum vero & Christianorum Do-
 CTORUM encomia, quibus Estheræ formam pariter ac virtutes ornarunt,
 collecta vide ap. Bonart. *sub finem præloquiorum Comm. in b. l. p. 13* *sqq.* &
 recentissime ab Autore Personal. *Mardochai & Esther cap. XI. p. 97. &*
cap. XII. p. 107. Mirum autem non est, illam formæ pulchritudine re-
 liqua sui sexus decora longe antecellentem, inter alias virgines in Gyne-
 cæum acceritam, Regique præ ceteris tori sociam fuisse lectam; quan-
 quam fidem denuo exedit, quod Judæi in *Bereschith Rabba* fabulantur,
 jam quadragenariam aut eo majorem fuisse, cum ad Ahasverum ducere-
 tur. Sed de ipsius matrimonio mox ex instituto dicemus. Istud cum *typicapref-*
primis laudi ipsi est, quod typum & figuram præbeat, non quidem Ma-
guratio ec-
clesie: *Corn. a Lapide Comm. in Esth. p. 142. sqq.* Oliver. Bonartius *Comm. in c. XV. num. marg. 81. p. 424.* San-
ctius Comment. in b. l. p. 357. Nierembergius *Strom. XIV. Lib. 3. cap. 12.*
sqq. & alii passim pertendunt: sed ecclesiæ cum primis, quam ratione
 orbitatis, pietatis, castitatis, venustatis, protectionis porro, exornatio-



De libro
Estheræ.

cognomi-
nis in Polo-
nia Estheræ.

nis, & in thronum regium elevationis, præfigurasse D. Christian Matthiæ *Theatr. Hist.* p. 307. & ex S. Prospero Nieremberg. *cit. loc. c. 14.* p. 417. demonstrat: quodque alia suppedite Christianismi nostri symbola, quæ Autor *Personal.* ejus colligit c. XIV. p. 146. sqq. Istud obiter adhuc observo, tactum quoque levitera Grotio *in preloq. in h. l.* Regis Poloniæ Casimiri III. Magni concubinam Judaicam, nomine Estheram, seculo XIV. multum contulisse, ut tam præclara Judæis in Polonia privilegia indulgerentur, teste Hübnero *quest. Histor. P. IV.* p. 508.

III.

Estheræ
maritus A-
hasverus.

Maximi vero momenti quæstio est de Ahasvero, Estheræ marito, quæ solide discussa universæ libri Chronologiae, tum & reliquis historiæ circumstantiis lucem affundit: sed adeo perplexa illa, & variis interpretum sententiis implicata est, ut perfectis omnibus propemodum, ex b. D. Pfeifferi judicio, usurpare queas Terentianum illud: *Fecisti probe: incertior sum multo, quam dudum.* Qui enim אַחֲשָׁוֶרֶךְ nostro autori salutatur, distinctum quidem ab Ahasvero, inter Cyrum & Darium intermedio, & acerrimo Judæorum hoste Esdr. IV, 5. 6. tum quoque in Persia rerunt potum fuisse, ex Esth. I, 14. 18. 19. satis manifestum est: quem vero in ordine Regum Persarum teneat locum, & quo in profana historia nomine veniat, vix Oedipus quis dixerit. Nos ut in compendium mittamus, quæ alii prolixè disputant, certos observabimus characteres, & notas veluti diacriticas, quibus conspicuus Ahasverus noster, eum demum e Regibus Persarum respondere sibi evincet, in quem eadem quadrare constabit requisita. Sunt autem, α) latissimum ejus imperium, ab India ad Æthiopam patens, Esth. I, 1. β) favor in Judæos plane singularis, anno regni demum duodecimo incipiens Esth. III, 7. γ) ætas Mardochæi congrua, translati adhuc e patria in captivitatem sub Jechoniam Esth. II, 6. δ) Senatus summus septem Persiae principum Esth. I, 14. ε) Regina Judæa: ζ) parallelismi ex Ctesia, Herodoto, aliisque profanis scriptoribus cum Σεοπνεύσω nostro collati, quos Scaliger cum primis & Dion. Petavius studiose observarunt. Hinc itaque non *Affyagem* appetet, frustra esse, qui I. cum Gerli. Mercatore in *Chronol. Temporario lib. III. Demonstr. Chron.* p. 185. Rud. Gualthero *homil. I. in h. l. p. 2.* & Melch. Cano *L. II. LL. c. 6.* Cyri Socerum *Affyagem* hunc nostrum esse, cupiunt Ahasverum, cuius tamen tam late nunquam patuit imperium: non *Darius* frustra quoque, qui II. vel *Darium Medium*, vel *Cambyses* Estheræ faciunt maritum, & posteriorē cum primis, Esd. IV, 6. Ahasverum appellatum,



latum, cum nostro confundunt, quod Judæi tradunt in *Seder Olam Rabba* Estheræ. c. 29. edit. Jo. Meyeri p. 86. & in *Seder Olam Suta* edit. ejusdem p. 108. in eandem descenditibus sententiam Lyrano, Vatablo, Genebrardo; cum tamen prior ille post subjectam sibi Babylonem, dilatatosq; imperii fines, vix duobus annis adhuc rebus interesset humanis, posterior vero in universum saltem septem annis imperium tenuerit: frustra, qui III. ad Artaxerxem ali. quein, vel *Longimanum*, cum Josepho Lib. XI. *Antiq. c. 5.* Sulpicio *Severo Lib. II. Hist. Sac. c. 14.* (ubi Artaxerxem secundum appellat, sub quo Hierosolymanus; ma est restituta, primum enim Cambyses dixerat) Petavio Lib. XV. de Doctr. Temporum c. 27. Joh. Menochio annot. ad h. l. Saliano T. V. Annal. A. M. 3590. a num. 2. & deinceps, Joh. Lightfooto Chron. Tempor. V. T. T. I. Opp. p. 137. sqq. & Joh. Clerico Comm. in Esth. I. 1. & Tab. III. Chron. ad A. M. 3476. vel Mnemonem cum Hieronymo in Ezech. IV. Eusebio, non Mne- mon: Beda de 6. mundi atat. ad A. M. 3588. vel Ochum denique cum Serario, non Ochus: Gordono Huntlæo, & Lud. Capello Chronol. S. Tab. XI. ad A. M. 3743. Estheræ matrimonium referunt; cum tamen & nomen Artaxerxis semper in Scriptura S. Arthasasta, nuspian vero Ahasverus seddatur, (Ahasveri enim & Arthasastæ nomina ejusdem viri, & Hebraice idem esse, usq; καὶ τῆς αὐτῆς existimo Scip. Sgambati l. c. Tit. 61. p. 392. & autoritate Græcæ versionis nondum satis evictum;) & gravissima hanc sententiam circa Mardochæi ætatem difficultas premat, quem si quinquenniem saltem, fuisse dixeris, cum deportaretur Babylonem, sub Lougimano minimum 150. sub Mnemone 200. sub Ocho 250. habuisse annos, necesse erit. Cujus quidem vim argumenti ut eludant sententiaæ Patroni, non de Mardochæo translationem, sed de proavo ejus Kis intellectam volunt, quem relativum qui Esth. II. 5. 6. proxime respiciat, ut Cajetanus, Nicol. Serarius, & Joh. Clericus Comm. ad h. l. vel Mardochæum non in propria persona, sed in suis parentibus abductum existimant, ad eum modum, quo Gen. XLV, 27. Deut. X, 22. in illis 70. animabus, quæ cum Jacobo in Ægyptum descendisse leguntur, etiam duo filii Joseph in Ægypto nati comprehenduntur, ut Salianus, Sa, Steph. Menochius, Torniellus Annal. ad A. M. 3456 & 3590. & Perierius lib. X. & XIII. in Daniel. Verum nimis luculenta verba textus sunt, quam ut vel de parentibus, vel ipso, sed in Parentum lumbis, intelligas: si enim in captivitate natus, cum Jecho-nia sane deportatus ducum in captivitatem dici nequit, & cum temporis articulum aliquem, hac observatione addita, indicare Spiritus S. voluerit, nihil egisse videbitur, si avum aut proavum ejus translatum dixisset,

Yy 3

de



de quo alias per se constabat, si noster in Persia lucem demum a pexisset.
 Unde literæ claritate conuicti Sanctius & Bonartius, in propria persona
 deportatum fuisse Mardochæum fatentur. Superest itaque, vt vel Xerxi,
 non Darius vel Dario Hystaspidi Estheræ conjux ad latus jungatur. Et pro Dario
Hystaspis: quidem sententiam ferunt Suidas in dictione Αὐράν, quem πορεύων νο-
 cat ἦγεθασπίδην πρεξηγουάτων Δαρεῖον, Jac. Tiritinus annot. ad h. l. Nierember-
 gius Strom. Sacr. XIV. Lib. I. cap. 20. sq. p. 360. & Lib. II. cap. 34. p. 403. Lud.
 El. du Pin Dissertat. Prelim. in Biblioth. Autor. eccl. b. l. p. 89. Jac. Ulse-
 riuss Annal. V. T. ad A. M. 3485. T. 1. p. 160. sqq. Frider. Spanhemius T. I.
 Opp. p. 401. cum primis vero b. Lutherus noster, b. Calovius in Chronico
 Bibl. T. I. Bibl. Ill. p. 116. & T. II. p. 669. b. Brentius Comm. in b. l. T. II.
 Opp. p. 115. & Funccius in Geronol. ad A. M. 3445. Estheram nostram
 eandem esse dicentes cum Avossa Darii conjugæ, quod in ejus tempora
 ætas Mardochæi optime congruit, idemque hujus Regis benignitas in Ju-
 dæos, alibi quoque decantata, commoratio in Susis, diuturnitas imperii,
 uxorumque pluralitas svalet; nec diffiteor, minimis hanc sententiam,
 chronologiæ ac temporum respectu, incommodis premi, ut eidem sub-
 scribere nullus dubitarem, nisi nomen obstaret. Nullum enim Darium
 in Scriptura legas Ahæverum nuncupari, cum creberima tamen nominis
 דָרְיוֹן Darii mentio fiat, Esdr. IV, 5. 24. V, 5. 6. 7. VI, 1. 12. 13. 14. 15.
 Nen. XII, 22. Dan. V, 31. VI, 1. sqq. IX, 1. XI, 1. Hagg. I, 1. II, 1. 11.
 Zach. I, 17. VII, 1. Ahæveri autem commune apud Persas omnibus Regi-
 bus nomen fuisse, ut Pharaonis apud Ægyptios, nondum evictum satis est.
 Duos enim in Scriptura Ahæveros tantum legimus, Cambyses & hunc
 nostrum, reliqui Persarum Reges suis quisque nominibus propriis insi-
 gniuntur; quod secus sit circa reges Ægypti, qui omnes in Scriptura
 Pharaones dicuntur. Et qui factum demum fuerit, aut quæ ratio, vt
 cum Darii, nomine suo proprio ubivis in Scriptura, a diversis licet scri-
 ptoribus, designentur, in libro Estheræ tamen id nec fiat ullibi, nec indi-
 cito ullo prodatur, Ahæverum eundem cum Dario esse? Quæ vero de-
 Avossa afferebantur, historiæ profanæ reclamant, quæ illam Cyri dieunt
 filiam: cetera de sede regali Susis constituta, favore in Judæos, diuturni-
 tate imperii, uxorum pluralitate, in alios nonnullos Persarum reges non
 minus, quam in Darium quadrant. Quare salva tantorum nominum
 autoritate, Xerxem tandem Estheram in tori regnique consortium adsci-
 ville statuimus, sententiam fecuti Joh. Scaligeri Lib. VI. Emend. Temporum,
 & in animadversionibus Eusebianis p. 101. 103. Drusii in annotat. in Esther. & ad
 loc.



loc. Sulpic. Severi supra cit. Christ. Schotani Biblioth. Hist. Sac. V. T. T. II. p. 1178. Burmanni Comm. in b. I. Jac. Bonfrerii in Append. ad Cap. VII. Praeol. in Script. S p. 1071. & e nosratibus b. Gerhardi Exeg. Loc. I. §. 132. b. Waltheri Offic. Bibl. §. 887. b. Strauchi Breviar. Chronol. Lib. IV. c. 27. qu. 4. p. 814. b. Pfeifferi Dub. Vex. ad Esth. I, 1. qu. 2 p. 482. b. Danhaweri Idea Boni Interpr. p. 157. aliorumque, diversa licet in subsidium adhibentes argumenta. Quod enim nonnulli cum Scaligero nominum Ahasveri & Xerxis identitatem urgent, ridiculum sane videtur: nec minus certum, imo manifesto fallum, Estheram eandem esse, nomine & persona, cum uxore Xerxis, quam Amestrem Herodotus appellat, cum ilia Judicam, Amestris gentilem agnoscat originem, illa pietate & legis observantia celebris, hæc crudelissima, ex edito plusquam tyrannico in Masytæ uxorem facinore, feratur. Sit itaque licet Ahasveri nomen, sit quoque cum Estheram conjugium, Herodoto & profanis scriptoribus ceteris, in vita Xerxis incognitum vel silentio prætermissum, ut pleraque reliquorum Medorum Persarumque Regum nomina & facta in sacris literis celebrata: congruunt tamen characteres, supra a nobis observati. Congruit nimirum α) regni amplitudo, quæ tanta Regum nulli quam Xerxi obtigit, iisdem pene verbis ab Herodoto Lib. VII. c. 9. descripta: Σάνας μὲν καὶ Ἰνδὲς, καὶ Αἰθιοπας καὶ Ασυρίας, ἀλλατε ἔβνα καὶ μεγάλα, δύναμιν προστάθαι βελέμεναι, κατεργεσφάμεναι δέλες ἔχουσεν. β) temporis ratio, annus regni tertius Esth. I, 3. Secundo namque anno a Darii morte Ægyptus subjugata est, qua Xerxes potitus, consilium principum Persicorum, ut de bello Græciæ inferendo deliberarent, convocavit ap. Herodot. lib. VII. c. 7. & 8. & convivium, ob diurnam deliberationem longe protractum, in quo Vasthi Regina repudiata est, celebravit Esth. I. Herodot. lib. IX. c. 109. Hac deliberatione peracta, Xerxes expeditiōnem in Græciā suscepit, indeque reversus, anno regni septimo, Estheram duxit: γ) ætas Mardochæi proœcta jam quidem satis, neque tamen fidem omnem excedens: δ) Senatus septem Principum Medo-Persicorum, a Magophonis institutus, ut Regi semper in consiliis adsint. Esth. IV, 14. Herodot. lib. III. c. 84: ε) Lex de non adeundo rege, nisi quis ab eodem fuerit vocatus Esth. IV. Herodot. lib. III. Reliqua argumenta ap. Scaligerum ejusque sequaces vide. Nec habent secus sentientes, quod in medium prolatis jure opponant, nisi tum incommodam nominum conciliationem, quam ipsi supra repudiavimus, tum quod annō septimo & sequenti, gravissimo in Græcia & Jonia bello implicatus

Xer-



De libro
Estheræ.

Xerxes, Estheram alta pace Susis duxisse, aut amoribus induluisse dici nequeat. Sed cur non? Sexto enim anno (quadriennium nempe in apparatu belli insumum, & quinto demum anno bellum illatum Græciæ fuit) bello ipse interfuit, sed exiguo tempore. Cum enim res ex voto non succederent, relicto in Græcia Mardonio, regressus Xerxes Sardibus hymnauit, verno autem tempore Susas versus Estheram duxit, anno 7. regni, mense Thebet, qui decimus est Esth. II. Sed hæc sufficient. Quæ de cetero a Judæis Ahasvero nostro affinguntur, obtinuisse imperium diuidium in orbem; optasse vehementer, regiam sibi sedem fieri similem ei, qua Salomon jura dans sedebat, nec id ullo tamen cujusquam artificio consequi potuisse; cum Esther, antequam Judæam esse cognosceret, interprete adhibito semper locutum, velut affatum ac sermonem exteræ dignaretur, at postquam id resciverit, sine interprete cum ea sermonem contulisse, quod Hebræus sermo magno apud omnes esset in precio; &

Judæorum
de ipso fa-
buke.

Christiano. id genus commenta alia fabulosum gentis superbæ genium spirant. Idem rum allego- vero cum a nostratis, mox Deum Patrem typice referre, mox sceptrum rixæ ejus aureum Evangelium adumbrare dicitur, ut est ap. D. Christ. Matthiæ Theatr. Histor. p. 306. 309. & cum primis apud Nierembergum Strom. XIV lib. III. passim, id forte longius petutum, & summa cum cautione adhibendum est, ne plus justo allegoriis indulgentes, veritatem cœlestem ludibrio exponamus.

IV.

Scriptor
libri,

vel Esdras:

vel Jojaki-
mus:

Æque autem incerta, sed minus ponderosa, de scriptore libri quæstio agitatur inter eruditos, qui pro sententiarium, quod faciunt, divortio in quatuor veluti familias abeunt ac sectas. Esdræ enim acceptum, referunt Augustinus Lib. XVIII. de Civ. Dei c. 36. & Isidorus, qui L. VI. Origin. c. 2. p. 45 F. Hester librum, inquit, Esdras creditur conscripsisse. Eusebius vero in Chronicis A. M. 4734. quem huc citari quoque video, libri hujus autorem Esdra fuisse posteriorem arbitratur, quod hanc historiam, ad Artaxerxis Memoris tempora a se relatam, post Esdræ demum fata contigisse credit, nec vero censem simile, tam celebrem historiam prætermissurum fuisse Esdram, suis illa temporibus si evenisset. B. Gerhardus tamen Lib. II. Conf. Cathol. Art. I. c. I. Secl. poster. p. 39. illam de Esdræ sententiam comprobat, quod Esdram V. T. canonem constituisse, i. o. canonicos libros in unum volumen collegisse, consentiens est Hebreorum & Christianorum sententia. Contra vero ea, Jojachimum Pontificem Hebreorum Jesu, sacerdotis magni filium, adhortante eum per literas Mardonio,

chæo,



chæo, librum scripsisse perhibet non Pseudo-Philo tantum in Estheræ. **אָמַרְתִּי בְּנָה** cap. 2. vel Iojaki. **וְאֵנוֹ וּוְיקִים בֶּן** שֶׁב שְׁנָוִת **שְׁתִים**: **לְכָהִנְתּוּ הַגּוֹלָה** מִשְׁךְ אַרְבָּעָם וְשְׁכָנָה שְׁנָם עַד שָׁנָת שְׁתִים: **עֲשֵׂרָה לְאַחֲשֻׁרֹשׁ אַרְתָּחַשְׁתָּא הַגּוֹלָה** זה כְּתָב מְגָלָה אַסְתָּרָה: *Tunc Iojakim filius ejus. (Iesu) rep:itiit summum suum sacerdotium spacio quadraginta & octo annorum usque ad annum duodecimum Abasferi Artaxerxis magni. Et hic conscripsit librum Esther. Rursus alii Synagogæ vel Synago- magna libri scriptionem tribuunt, qui ex du-Pin judicio, indega magna: conjecturam capiunt, quod Festi Purim origo & ceremonia: hoc libro traduntur, eumque in finem scriptus esse videatur: Dif- f. pralim. in Autor. Eccles. p. 23. Est autem hæc sententia Talmudi- starum, qui tr. Bava Bathm cap. 1. ita sanciunt: אנשי כנסת הַגּוֹלָה כְּתָבָו וּוְזָקָל וּשְׁנָם עַשְׂרָה דָנָאָל וּמְגָלָה אַסְתָּרָה: Viri Synagogæ magna scripsierunt Ezechielem, & duodecim minores Prophetas, Danielē, & volumen Esther. In quam præter alios, Iudæos cum primis, peditibus ivit Huetius Demonstr. Evang. Prop. IV. de libro Esther §. 2. p. 371. ubi hanc sententiam reliquarum omnium compendium censet: *Hac senten- tia superiores omnes fere continentur sententia, tum eorum, qui Esdram, qui- que Mardochæum autorem agnoscunt; tum & eorum, qui Ioachimum, quippe qui Synagogæ interesse potuit, utpote Iosue Pontificis filius.* R. Isaac ben Aramah in prefat. Comment. sui in Esther eandem ita declarat, quod viri Synagogæ magna rogatu Estheræ, e fastis Persicis historiam hanc in canonem transtulerint, Spiritu Sancto ipsos verum a falso discriminare docente. Verum si Synagoga scripsit, certe non universa, sed per virum aliquem, harum rerum peritum, ex ordine suo exarasse dicenda est: quo pacto iterum ad unum aliquem deveniendum erit scriptorem; nisi forte ideo ad Synagogam referant, quod ejus & iussu & censura ac approbatione liber concinnatus sit, ubi tamen cavendum, ne qua τῇ θεωρευσίᾳ libri injuria inferatur. Longe ergo plurima pars & Hebræorum, ut Aben Esra, & Christianorum Doctorum, Mardochæum scripsisse statuit, qui *chaus*: *haud exigua libri pars est, & testis αὐτόπληξ rerum gestatum; maxime cum haud obscure id ipsum innui videatur Esth. IX. 20. 23. 26. scriptū itaq; Mardochæus omnia hac, & literis comprehensa misit ad Iudeos: suscep- runtq; Iudei in solennem ritum cuncta, que eo tempore facere cuperant, & que Mardochæus literis facienda mandaverat. Et cuncta quæ gesta sunt, epistolæ vo- lumine continentur.* Ubi quidem Mardochæi scriptio non tam de uni-*



De libro
Estheræ.

verso libro, quam de literis, rerum gestarum nunciis, & agendarum porro institutis intelligi potest, maxime cum, qui v. 20. סִפְרֵיּוֹת libelli dicuntur, v. 26. per אֶפְתָּחָה epistolam explicitur. Interim sententiae huic pressæ inhærent Clemens Alexandr. lib. I. Stromat. p. 329. ubi, cum de Mardochæo sermo fuisset, statim subjungit: Ἡ Φέρεται Βιβλίον, ως καὶ τὸ τῶν Μακκαβαῖνων, cuius habetur liber, sicut etiam Maccabœorum: b. Dannhauer. Hodosoph. Phenom. I. p. 49. Libri Esther, inquiens, scriptorem esse Mardochæi patet ex Esther. IX. 20. 27. Sanctius Comm. in I. Esdræ p. 31. D. Bonfrerius Append. ad Cap. VII. Praeolu. in Scr. Sac. p. 1070. b. aliique complures. Nobis eorum placet modestia, qui cum b. Brentio, b. Calovio, aliisque in tanta conjectandi licentia nihil certi quidem, qua personam, definiunt, respectu temporis tamen ante collectum ab Esdra canonem exarauum librum censem, nec respectu originis supremæ, θεοπνευστού ullo reliquorum librorum Canonis esse inferiorem, ut sarta testa ejus constet autoritas: quæ salva ac integra manebit, quamcunque ex præcedentibus eligas sententiā; e quibus tamen illa, quæ Mardochæum constituit autorem, reliquis palmam præripere videtur. Periculosa autem & veritati ad-

non scribere versæ sunt opinione recens confictæ, tum a Spinosa cap. X. Tract. Theol. principum Pol. p. 131. sq. quod hic æque ac Esdræ, Nehemiæ & Danielis, liber post reparatum demum a Iuda Macchabæo templi cultum e chronologia sive annalibus sit excerptus, quos Scribæ siue historiographi principum Iudæorum in secundo templo successive concinnarunt, quique injuria temporum perierit. Et sine dubio hic est liber, (vide Estb. IX. 31.) de quo modo locuti sumus, ubi editum Esteris & illa Mardochæi scripta erant, quemque cum Aben Ezra periisse diximus. Ex hoc igitur libro omnia, que in hisce (quatuor supra dictis) continentur, desunta vel descripta videntur; nullus enim aliis ab eorum Scriptore citatur, neque ullum alium publicæ autoritatis novimus. Quæ ut eo faciunt, ut omnis hujus libri θεοπνευστού eludatur, nec fides ei humana & historica, utpote apographo, satis constet, sic meritis nituntur conjecturis, eadem, qua adstruuntur, facilitate respendis. Tum & conficta ab Autore Bibliotheca Universa- non Helle- nista Judei: lis (quem Joh. Clericum & Acta Erud. Lips. A. 1687. p. 33. & publici omnium rumores ferunt) Tom. III. A. 1686. p. 47. quod per Hellenistas Judæos collecta fragmenta complectatur hic liber, quo pacto rursus & veritas ejus & θεοπνευστού periclitabitur. Quanquam deinceps in Dissertatione de Scriptor. Libror. Historic. V. T. Commentatio præmissa §. 10. nihil definit Clericus, sed Libri Estheræ auctorem indicare velle perinde esse pro-



pronunciet ac huiusmodi se profiteri: certum tamen, flante imperio Persico conscriptum esse, semperque ab Hebreis inter libros sacros habitum & admisum. Conficta demum ex versionis Græcæ vitio, quæ quoniam c. IX, 19. non Estheræ i[n]tra legit: καὶ ἐγράφεν ἑω[ρ]η η̄ θαύμασα, Θυγατὴρ Αὐτοῦ οὐδὲ Μαρδοχαῖρος, ὁ Ἰεροῦ, ἀπότολταν, inde Nicol. Serarius & Oliver. Bonatius Comm. in b. I. proloq. 4. p. 8. perperam colligunt, Mardochæum, & Esther operas suas simul ad libelli hujus scriptiōnem contulisse, & fuisse inscribendo Estheræ quoque partes, quam tamen fontes subscriptione forte nominis, **אֶתְהַבֵּל-** omnem corroborationem literis, quibus Purim feriatio instituebatur, addidisse perhibent tantum, universo autem libello huic operam suam impendisse, vel omnia gesta sua descripsisse, omnino tacent. Conf. præter allegatos, de libri scriptore Vinc. Placcium Theatr. Anonym. cap. I. n. V. p. 5. sq.

V.

Argumentum libri Hieronymus Epist. ad Paulinum T. IV. Opp. p. Argumento, & interfecto Aman, qui interpretatur iniquitas, partes convivii & diem celebrem mittit in posteros. Historiam enim liber, Ahasvero, quem Xerxem diximus, rerum potiente gestam tradit, liberati a præsentissimo internectionis periculo populi Dei, ejus quidem, qui redditum in patriam aspernatus, in Persarum ditione ac imperio persistiterat; cui exitium mortuus Hainan, Estheræ reginae & Mardochæi consiliis atque prudentia, ignominiosa morte multatur, versaque rerum facie Judæis hostes invadendi tollendique e medio potestas datur, condito in rei memoriam ac ad persolvendas Deo grates, festo anniversario Purim. Merito ergo Pet. Dan. Huetio vapularent Anabaptistæ ac b. Lütherus noster, si quod de origine fabularum Romanensium p. 25. edit. Lips. ipsis impingit crimen, quasi de Estheræ historia eandem, quam de libro Jobi, animo sententiam imbibent, meram esse parabolam ab Hebreis excogitata[m], ex fide dignis ipsorum monumentis demonstratum ivisset. Idem ἔγινε non sine stomacho repetit in Demonst. Evangel. Propos. IV. de libro Esther §. 2. p. 371. sqq. ubi: Mirari ergo subit, unde tanta Anabaptistas ac Lutheranos nonnullos passania incesserit, ut commentarium historiam hanc ac confitam esse arbitrarentur. Sed prodidisset vellem loca, ex quibus tantæ criminationis huius sibi videtur fundamenta. Et Anabaptistæ quidem ipsi viderint, quorum ego causam hic non peroro, quanquam nec in ipsorum, neque qui horum recensent & discutiunt errores, antagonistarum libellis simile

Zz 2

quid



De libro
Estheræ.

quid me legisse unquam meminerim: b. Luthero vero, quem invidiose perquam illis ad latus jungit, manifeste injuriam facit Abrincensis. Quoties enim cunque ad res hoc libro narratas data occasione provocat Megalander, v. g. T. I. Altenb. f. 104. a. de porrecto Estheræ sceptro aureo, & f. 437. a. de annalibus regum Persarum: T. VI. f. 929. b. & 946. a. de indictio Estheræ autoritate jejunio publico: T. IX. f. 327. a. de certo statoque tempore, cuius tractu ornabantur virgines, ad torum regium deducendæ, & f. 1240. a. de vestibus albis, Satrapis & Regum amicis olim usitatis & solennibus, &c. historiæ veritatem semper agnoscit nec obscure fatetur, nullibi vero suspicioni quidem, de sinistra circa libri argumentum sententia, locum relinquit. Haud dubie itaque eadem Lutheri circa hanc historiam mens erat cum b. Brentio, qui præfat. in Comm. h. I.T.II. Opp. p. 114. diserte fatetur: certe majores nostri, quia commendarunt nobis hoc scriptum sua autoritate, testimonium etiam ferunt, quod que in eo continentur, non sint fabula Comicæ aut Tragica, qualis fortassis videntur esse Tobias & Judith, sed res vere gesta. Sed vero calumniæ inde videatur esse nata occasio, quod supposititia libri supplementa repudiaverit Lutherus, & in germanica Bibliorum versione e Canone excluderit, quod ad universum Estheræ libellum perperam traxit & applicavit Huetius, frequenti omnino Pontificiis in nostrates criminazione, de qua §. seq. ex instituto dispiciemus. Eo autem magis mirari subit, qua fide vel dexteritate Autor der Lebensbeschreibung der Bibl. Scribenten P. IV. cap. 17. p. 310. Huetium jure merito absurdam hanc notasse & profligasse sententiam laudet. Scopus libri non tantum in demonstranda Dei erga ecclesiam suam providentia prorsus singulari versatur, qua interire illam, rebus licet jam conclamat, non sinit; sed memorabili quoque historia denuo signat & illustrat populum, e quo oriundus olim erat Messias, ut cognitione ac fide ejus, quem multo jam ante tot vaticiniis in Perside cœinerat Daniel, imbuerentur quoque gentiles, quos inter haec gerebantur; tum & animos addit reversis in patriam Judæis, ut promissionibus de nascituro e gente sua Messia nixi, eo confidentius in reipublicæ æque ac ecclesiæ pergerent restauratione. Sed ulterius longe libri patet utilitas, quam scite paucis complectitur I. c. Brentius noster: continet illustre exemplum ecclesiæ Dei, in summo ac difficillimo tempore conservata: & commemorat, quanta severitate Deus ecclesiam suam ab hostibus & adversariis suis vindicet. Docet præterea, Deum clementer erigere abjectos & afflictos, potenter autem dejicere arrogantes & insolentes. Quare hic libellus utilis est

ad

Utilitas.

I.

2.



ad docendam fidem & timorem Dei, ut pii non frangantur adversis, sed invocantes nomen Domini ex fide, concipient certam spem salutis, impii autem alieno suppicio terreatur, & ad pietatem convertantur. Quod enim Deo plena cecinit Maria Luc. I, 52. depositus potentes de sede, & exaltavit humiles, id illustri hæc historia documento comprobatur, in qua, ut commode monet b. Calovius T. I. Bibl. Ill. p. 876. emineat humiliatio superborum, Vasthi scil. & Haman: & exaltatio humilium, utpote Estheris & Mardochæi. Docemur insuper, quanta Dei in pœnitentes ac deprecantes existimatum sit indulgentia, & quod spes confusa Deo nunquam confusa recedat, testibus Judæis, cladem cervicibus suis jam imminentem, jejunio ac pœnitentia solenni avertentibus: tum & quam impotens fui, quam sevum ambitio malum sit, quæ animos, quibus paulo altius infudit, in cædes ac sanguinem, in technas atque rapinam, inque propriam tandem perniciem præcipites agit: quam lubrica & anceps sit aulæ fortuna, qua incauti tolluntur in altum, ut casu graviore ruant, & abjecti rursus atque humiles ad summum drepente honoris fastigium emergunt, manifesto vanitatis mortalium documento: tandem quæ Festorum instituendorum & religiose colendorum ratio sit, quis modus. Speciatim & Reges omnesque qui in imperio versantur, habent in Ahasvero, quam imitantur in fidis famulis remunerandis justitiam, quamque fugiant credulitatem nimiam ac levitatem: & foeminæ principes in Vasthi, a qua sibi caveant, arrogantium, & in Estheram rursus, quam sectentur prudentiam, humilitatem, religionem, in vestitu modestiam, pro populi salute curam & zelum, ac in sublevandis oppressorum ærumnis, studium: & purpurati denique atque aulici, quid ex Hamanis exemplo vitandum, quid amplectendum ex Mardochæi institutis ac vita discant. Plura interpres dabunt, Bonartius, Wolphius, Burmannus, alii.

VI.

Canonicam divinamque libri dignitatem asserere atque tueri nulli dubitamus, cum ecclesia Iudaica, cuius fideli custodiæ concredita erant τὰ λόγια Σ. Γεωργίου, pariter ac prima illa Christiana in canone eum venerata usque fuerit, parique cum reliquis canoniciis scriptis censu habuerit & loco. Quod enim Rich. Baxterus de aetern. Sanct. quiet. agnita Hebreis, Part. IV. p. 369. refert, adeo indigne Judæis Estheræ volumen habitum olim fuisse, ut in terram illud ante projicere in more habuerint, quam id legerent; nescio id unde hauserit & an fide dignis evincere testimoniis queat. Quanquam enim בְּרוֹת וְקָרְבָּן per Spiritum Sanctum duntaxat



De libro
Estheræ.

*& Patribus
Eccles.*

asserta,

scriptum apud Maimonidem *More Nev.* lib. II. c. 45. p. 317. afferant, &c inter Hagiographa referant Hebræorum magistri; tanta tamen illud, ab antiquissimis inde temporibus, veneratione prosequuntur, ut Prophetarum anteponentes scriptis, pari cum lege Mosaica religione istud venerentur. Hinc tanta in hunc librum encomia congerunt, quæ insig-
nem ejus præ reliquis prærogativam docent. Testis rursus Maimo-
nides, qui e gentis suæ Doctorum sententia in *Jad Chas.* Hilch. *Megilla*
cap. 2. secl. 18. omnes libri, inquit, *Prophetici & Hagiographi* abolebuntur
diebus Messie, excepto libro *Esther*, qui aequa stabilis est atque *Pentateuchus*,
& *Lex oralis*, quæ nunquam cessabunt. Licet itaque scrupulosissimi semper
essent Hebræi, ne præceptis Mosis 365. negativis, & 248. affirmativis
quicquam adderent, lectionem tamen *Megillæ*, ob dignitatem libri, ad-
jiciendam non dubitarunt. Sic in *Megillat Taanith cap. 12.* R. *Josua*
filius Korcha inquit, *a tempore quo mortuus est Moses, non surrexit Proph-
et in qui innovaverit præceptum Israeli, præter præceptum Purim.* Et Raf
Alfes apud Schickardum de *Festo Purim in not. S. 3.* (Tom. VI. Bibl. Cri-
tic. edit. Francfurt. p. 490.) Tradunt Magistri nostri, 48 Prophetæ ac 7 Pro-
phetissa vaticinati sunt Israeli; nec minuerunt quicquam aut addiderunt,
ad id quod scriptum est in lege, ne unicam quidem literulam, præter lectionem
hujus *Megillæ*. Quæ utut putidam gentis arrogantiam & super-
stitionem quodammodo sapient, summam tamen, qua *Estheræ* librum
prosequuntur, religionem demonstrant ac docent; quam ex instituto &
erudite pluribus docet b. D. Pfeifferus peculiari Programmate, quod ap-
pendicis loco *Thesauro suo Hermenevico* subjecit p. 597. sqq. Æque au-
tem primitivæ ecclesiæ Doctores canonicanam hujus libri agnoscent & fa-
tentur autoritatem, Concilium Laodicenum *can. 59.* Origenes in *Ps. I.*
ubi referens Vet. Testamenti libros, vigesimum numerat *Iob*, vigesimum
primum *Hester*; Cyrilus Hierosolymitanus *Catechesi IV. de libris V.T.*
ubi duodecimum dicit *Hester*; Epiphanius *lib. de ponderibus & mensur.*
Damascenus *lib. IV. de orthodox.* fid. c. 18. Hilarius *prefat. in Ps. I.* Hie-
ronymus *epist. ad Paulin.* Ruffinus in *Symb. Apost.* Augustinus *lib. 2. de
Doctrin. Christ.* cap. 8. multique alii, quorum prolixam texunt seriem Io-
doc. Coccius *Thef. Cathol. Controv.* T. I. lib. 6. art. 10 p. 640. sqq. & Com-
mentatores, paulo curatius hanc controversiam expendentes. Nec de-
prehenditur in eo quicquam vel sibi ipsi, vel libris ad Canonem perti-
nentibus, adversum aut ita comparatum, ut ideo a divinæ dignitatis fa-
stigio deturbari mereatur. Sane apocryphi humanam fallacemque
origi-



originem suam haud obscuris indicis facile produnt, uberrimamque Estheræ, momentorum farraginem, cur a Canone excludendi merito sint, suppeditant, de singulis copiose collectam a b. Gerhardo *Exegef. Loc. I. de Script. S. cap. 8. S. 174. sqq.* b. Schrödero *de principio Theolog. p. 122. sqq.* b. Frereisenio in *Scrutinio Panopl. Bellarmin. Vol. I. Disp. II. p. 12. sqq.* reliisque, qui in hoc argumento data opera versantur, Theologis nostris. At nihil tale, quod vel mendosum, vel non divinum satis, vel veritati aut morum honestati adversum sit, in hoc libro animadvertes: plena omnia, scriptis Propheticis consona, divinæque majestatis plena, ut dicam ei nemo sanus scribere unquam potuerit. Accedunt reliqua, quæ scripti canonici & divini sunt, *κειμένα* externa, quod & lingua Prophetica, & a viro Prophetico exaratus, &c in Hebraico Iudeorum Canone comprehensus, primæque antiquitatis calculo comprobatus sit; & ad fidei tandem, speique confirmationem, ad emendationem morum, ad afflictorum consolationem egregie faciat, & Locum, de Dei pro ecclesia sua providentia & cura, mirifice illustrer. Quæ cum ita sint, ^{ab objectio-} miramur tamen, in dubium aliquando vocari potuisse libri divinitatem. ^{nibus bindi-} Et Patrum certe aliqui, Melito Sardensis in epistola ad Onesimum fratre, quam Eusebius servavit lib. IV. *bijl. Eccles. cap. 26.* Junilius, Episcopus Africanus Sec. VI. *de parib[us] divina legis cap. 3.* Gregorius Nazianzenus in carmine de genuinis Scripturis T. II. Opp. p. 98. in recensione librorum Canonicorum Estheræ historiam silentio prætermittunt, eoque e Canonis censu excludunt. Athanasius vero in *epist. XXXIX. Festali*, cuius fragmentum, recensionem Catonico-um & Apocryphorum librorum tradens T. II. Opp. p. 44. sqq. legitur, Estheram una cum libro Sapientiæ, Syracide, Tobia &c. refert ad βίβλον, εἰς κανονιζόμενα μὲν, τελυπομένα δὲ παρὰ τῶν πατέρων ἀναγνώσθει τοῖς ἄρτι προσερχομένοις, καὶ βελομένοις μετηκένθατ τὸν τῆς ἐνσεῖνς λόγου, libros qui non quidem Canonem constituant, sed propositi sunt a Patribus legendi eis, qui primum accedunt, & simpliciter edoceri volunt sermonem pietatis, id est, ad Apocryphos. Paria in *Synopsi* tradit p. 63. & 133. quanquam p. 63. non disimulet, Estheram κανονιζέονται παρ' ἑλλήσιοις, apud Hebreos in canone habebi, & alteri cuidam libro, velut Ruth libro Judicum, connumerari, ut numerus XXII. librorum Vet. Test. illibatus permaneat. Hoc ipso autem non improbabilem nobis subministrat conjecturam, a Melitone, Junilio & Nazianzeno ideo diserte eum non nominari, quod sub alio aliquo ex iis, quos recensent, hunc librum comprehendant. Bene Rivetus *Ca-*
thol.



thol. Orthod. qv. 13, §. 14. T. III. Opp. p. 92. Melitonem sub Esdræ nomine intellexisse censet Nehemiam & Estheram per Synecdochem, quos Hieronymus jungit in petitione Domniani & Rogatiani, qui ab eo interpretationem eorum poscebant. Tertius, inquit, annus est, quod semper scribitis & rescribitis, ut Esdræ librum & Esther, vobis ex Hebræo transferam. Nonnullis accipientibus librum Esther & pro appendice Esdræ & Nehemia; quia teste Isidoro, Estheris librum Esdras creditur conscripsisse. Nec adeo absurdâ illa est aut improbanda hariolatio, quia Canonem Hebræorum dicti Patres receperunt, in quo locum ille habet. Quanquam etiam affinitas nominum Esdræ & Esther facere potuit, ut librarius, qui Melitonis catalogum descripsit, dum prius posuisset, omiserit posterius; sive quod festinaret, sive quod utrumque pro eodem haberet, & alterutrum rēdundare existimaret: qualia παροπλυτη nonnunquam in priscos libros a primis aut proximis exscriptoribus inventa, posterioribus multis imposuisse negari non potest. Quod si autem Melitonis textus vitio descriptoris fuit corruptus, facile item fieri potuit, ut etiam Nazianzenus, antiquum ejusmodi Melitonis exemplar præ oculis habens, Estheræ librum omitteret, quæ b. Kortholti de *Canone Scripturæ S. C. 7. S. 2 pag. 67. sqq.* conjectura est. Quod si quis tamen pertinacius pertendat, silentium dictorum Patrum in Apocryphorum numerum Estheram omnino rejicere, nihil tandem inde aduersus tantam reliquorum Patrum securus statuentium nubem confidere poterit amplius, quam Meltonem & qui cum ipso faciunt, humani quid in hac sententia fuisse passum, sua vero Estheræ libro sarta testa adhuc constabit autoritas. Nil moramur, conimode inquit b. Ægid. Hunnius *Exam. controversie prime generalis Bellarmini L. I. cap. 7. T. II. Opp. p. 61. a.* quid unus atque alter ex Patribus contra senserit. Nam quia liber Esther in Hebræo Canone comprehenditur, non habuit vel Athanasius, vel Melito, vel Nazianzenus causam ex Canone illum secludendi. Sed & istud præterea contra libri autoritatem urgetur, quod in universo illo Dei nomen nullibi compareat, quale quid in alio Scripturæ libro haud facile animadvertes. Quanquam enim nomen essentiale יהוה nec in Coheleth, nec in Cantico occurrat, in illo tamen יהוה/ אללה in hoc nomine utrumque divinum legitur. Verum ut exerta formalisque Dei appellatio librum nullum reddit Canonicum aut etiam divinum, ita nec appellationis hujus defectus divinitati Biblici alicuius libri derogat quicquam. Sileatur nomen, dummodo Dei in illo opera, miracula, beneficia celebrentur, agnoscit sane inde



inde Deus poterit; maxime cum hic noster Canonem solus non absolutum, sed partem saltem ejus constituat integrantem, & ex reliquis sibi libris lucem mutuetur, si qua in re tam evidentem ipse non habeat. Vbi ergo cetera divinæ originis & canonicae autoritatis indicia Estheræ libro adsunt, de diserta Dei appellatione, in illo desiderata non multum laborabimus. Conf. Guil. Saldenum *Otior. Theol. Lib. III. Exercit. V.* quæ est de libri Estheræ divinitate, p. 487. sqq. vbi in hoc solvendo modo cumprimis laborat. Id autem inde esse censet Hottinger. *Thef. Philol. Lib. II. Cap. I. Sect. 3.* p. 488. quia hæc historia in usum populi magnam partem translata est ex Chronicis Regum Persicis. Intererat autem fidelitatis narrationis, ne quid temere immutaretur. Si cui tamen hæc in θεοπνευσίᾳ libri paulo videantur iniquius dicta, causam aliam allegat b. Waltherus *Offic. S. 886.* Persarum quippe ιδιαὶ ἀποθέωση, forte etiam, quia in eo describuntur res mere aulicæ. In aulis autem gentilium veri Dei, quem illi penitus ignorant, nulla habetur ratio. R. Aben Esra, cuius vestigia legit R. Isaac Arama in *pref. comm. in b. l. studio id factum a Mardochæo existimat*, ne nomen Dei apud Persas idololatrias profanaretur, & cum alio quodam Deastrorum suorum nomine commutaretur. Græci tamen interpres, nec non utrumque Targum, Dei nomen interposuerunt, ubi argumentum videbatur postulare, ut neglectores offenderentur, si Deum ne nominari quidem animadverterent, in historia rerum divino consilio gestarum. Addit b. Pfeiffer. *loc. cit. p. 3.*

614. novum, quodque majorem forte, quam præmissa, veri speciem præse fert, dubium, quod liber Estheræ ex omnibus Scripturæ libris solus careat approbatione Christi & Apostolorum in N. Test, qui tamen allegatione librorum V. T. eos ceu canonicos ecclesiæ commendare solent. Sane in rationibus, ob quas a Canone rejiciuntur Apocryphi, cumprimis illam allegant Theologi, quia libri isti a Christo & Apostolis ejus in N. T. nuspici in Canonem sunt asserti, ut videre licet ap. Schröeder. *de Princip. Theol. c. I. p. 138.* Sed solide respondet Pfeifferus primo cum b. Hunnio, recte quidem illud argumentum in notandis scriptis Apocryphis, quæ jam aliunde constat, in canonem nunquam cooptata esse, ad reliqua in cumulum adjungi, seorsim vero contra librum, de tujus canonica autoritate ex aliis κερτηγοῖς abunde constet, non esse adhibendum; & uti sola allegatio libri in N. T. eum canonicum non protinus faciat, ita solum Novi Test. silentium apocryphum librum non reddere. Deinde Estheræ quoque librum in N. T. plane taceri negat, cum relatio de transportato Babylonem Jechonia c. II, 6. verbis ferè iisdem apud

Δaa

Mat-

1



Matthæum c. I, 11. repetatur; & Paulus, quando Ebr. XI, 34. sanctos per fidem effugisse acies gladii & corroboratos esse ex infirmitate commemorat, digitum haud dubie ad Estheram, Mardochæum, gentemque Hebræorum universam intendat, Dei fiducia ex præsentissimo gladii & internecionis periculo erexit m, quin & hostibus mox superiorum factam. Demum, nullum ut reliquum faciamus scrupulum, istud cum primis contra canonicam Estheræ autoritatem urgeri meminimus, quod nullum de exhibendo Messia oraculum, imo ne vestigium quidem prodat, cuius defectus Apocryphorum a Theologis constituitur character. Certe b. Schröederus cit. loc. p. 131. sq. hanc regulam fundamenti loco substantiat: *Quicunque liber Veteris Test. Spiritu Prophetico conscriptus, ideoque propriè canonicus est, idem Prophetico testimonio Christum, in Novo Test. in carne exhibendum, docet & præsignificat: juxta Luc. XXIV, 27. Act. III, 21. 24. X, 43.* Sed iterum hic valet, quod ex b. Hunnio antea observabatur, characteres istos divinitatis librorum sacrorum conjunctim sumendos, nec ex unius defectu contra reliquos, qui adsunt, argumentandum esse. Porro quoque necesse non est, ut clara & diserta de Messia oracula liber contineat, qui canonicis annumeratur; quid enim fieret de Ruthæ libro, in quo nihil de Messia prædictum legis: sed sufficere censemur, si scopo suo ad Messiam tendat, quod sane circa hunc quoque librum locum habet κριτικόν, ut supra §. 5. p. 354. ex scopo ejus constituit. Vnde b. Calovius cum T. i. Loc. Theol. p. 493. docere vellet, omnes V. T. libros ad Messiam respicere, probé observat: ne excepto quidem libro Ruth & Esther, quorum ille ob genealogiam Christi, hic ob conseruationem populi, e quo Messias oriri debuit, mirabilem, uterque ob promissionum de Christo veritatem statuminandam, necessarius fuit. Hinc si non de Christo, sane propter Christum scriptus hic liber, ex Augustini observatione, qui lib. XII. contra Faustum c. 17. accurate: *omnia, inquit, que Prophetarum libris continentur, vel de Christo, vel propter Christum dicta sunt.*

a b. Lutheri sunt. Quod superest, non absque insigni injuria b. Lutherum in impuro in dubi- gnantium libri Estheræ autoritatem trahere partes satagunt Pontificii, um non bo- Jod. Coccius loc. supra cit. Serarius Comment. in Estb. predic. 4. p. 284. & eata:

ex his Bonartius præloq. 2. p. 1. Comm. in b. Laliique passim, & ut convicio veritatis speciem conciliens, ad verba Lutheri de servo arbitrio (edit. Sebast. Schmidii Argentor. A. 1664. in 8.) p. 118. provocant, quæ ita habent: *Liber Esther, quamvis hunc habeant in Canone, dignior omnibus, me judice, qui extra Canonem haberetur. Sed recte ibi observat b. Schmidius, compante, non absolute beatum Virum loquutum fuisse, & libri Salomonis non*



non plane ex qua undum censuisse; tum quoque ad Estheræ librum respe-
xisse addo, non prout in Hebræorum canone legitur, sed qualis a Pontifi-
cis una cum peregrinis istis e Græca versione laciniis canonici intruditur,
& bona malis, genuina spuriis mixta exhibet in Vulgata; quo sane sensu
nullam libro Canonico Estheræ injuriam intulit Lutherus, sed spuria fal-
tem ista libri additamenta rejicit. Quæ alterum quoque nodum solvit
responsio, cum ex Colloqu. Conviv. Lutheri c. i. fol. 20. b. ea cum primis
verba urgent, quibus huius & posteriori Maccabæorum libro adeo infen-
sum se proficietur, ut optaret, neutrum eorum extare, cum
nimium judaizent, & multa habeant, quæ gentilium sapient supersticio-
nen. Quanquam enim simpliciter repudiare possemus hoc argumen-
tum e libro petitum, multo post obitum Lutheri edito, & de quo incer-
tum, an vera semper prodat, & ad eum modum fideliter verba recitet,
quo protulit ea Lutherus: ad oculum tamen præterea patet, ipsi de frag-
mentis Estheræ spuriis tantum sermonem esse, quæ & in his verbis, & in
Biblia Germanicis inter Apocrypha, quibus corrigendis operam tunc
dabat, conjunxit, unius quippe ponderis, Spiritus & autoritatis, vid. b.
Joh. Müller, defension. defensio Lutheri p. 631. sqq.

VII.

Quæ enim hactenus de autoritate libri Esther prolixè disputavi-
 mus, ad ea tantum pertinent X. libri capita, quæ in Hebræo codice ex-
 tant: neutiquam vero ad *Partes Esther vel supplementa illa*, quæ VII. po-
 stremis absolvuntur capitibus, & e Græcis codicibus in Vulgatam trans-
 lata, apud Pontificios, autoritate Concilii Tridentini ad Canonem refe-
 runtur. In qua quidem discutienda controversia eo nobis licet esse bre-
 vioribus, quo copiosius pertractarunt illam Theologi, præter citatos
 S. præc. Hunnium, Fræreisenium & Kortholtum, magnus Gerhardus
Conf. Cathol. Lib. II. P. I. Art. I. p. 36. & Exeg. Loc. I. de Scriptura S.
 S. 198. sqq. & b. Scherzerus in *Anti-Bellarmino Disp. II. p. 87. sq.* Quæ-
 cunque enim pro evincenda supplementorum horum autoritate & au-
 toritate urgent Pontificii Patrum & antiquioris ecclesiæ suffragia, tanti
 sene, vel tam evidenti non sunt, ut eorum anteponi possint testimonis,
 qui e Canone illa eliminarunt. Unum audiamus Origenem in epist. ad
Julium Africanum ita pronuntiantem: ἐν τῇς Ἐσθῆρ, ἔτε ή τῇ Μαρδ-
χαίοις εὐχῇ, ἔτε ή τῇς Ἐσθῆρ, σινοδομῆσαι δυνάμεναι τὸν ἐντυγχάνοντα,
παρὰ Ἐσραιη; Φέροντα, αὐλήσθε αἱ ἐπισολαὶ, ἔδε ή τῇ Αἴμαν ἐπὶ μαθητέ-
σαι τῷ τῷ Ιεδαῖον ἐθνας γεγραμμένη, οὐδὲ ή τῷ Μαρδοχαῖος, ἐξ ὀνόματος

Aaa 2

Ap-



De libro
Estheræ,

Αρχέζες ἀπολύτα τὲ θυντὴ τὸ εὐγ. Ex Estheræ historia, neque Mardochæi preces, neque ipsius Estheræ, quæ edificare legentem possunt, apud Hebreos (in Canone) feruntur: sed neque epistola vel Hamanis, de gentis Iudeorum interitu conscripta, vel Mardochæi, nomine Artaxerxis, a morte gentem absolvens. Cum itaque canonici V. T. libri Judaicæ ecclesiæ tradi- tui sunt Rom. III, 2. adeo ut Judæos Augustinus cont. Faustum Manicheum lib. XII. c. 13. librarios nostros & capsarios vocare soleat, qui studen- tibus Christianis codices portent, ut illi portando deficiant, hi legendo profi- ciant; Christiana certe ecclesia canonicum censere nullum potest, quem ex Hebraeorum canone exclusum, per manus velut traditum ab illis non accepit. Hinc porro certum est, supplementa illa non Hebraeo, sed Græco exarata fuisse sermone; neca Propheta vel viro Prophetico, cum post Prophetarum demum tempora, constitutumque & clausum ab Es- dra & Synagoga magna canonem, procusa demum sint; multo minus ab eodem, qui librum Hebraicum Esther concinnavit, autore profecta, ob insignes illas αὐτικόνια, quibus adversa fronte invicem pugnant, a b. Gerhardo annotatas c. I. Exeges. §. 201. Unde, vel ipso fatente Bellar- mino, cordatiore Papistæ, ante Concilium Tridentin. quidem, Dionys. Carthusianus, Hugo Cardinalis, Thomas de Vio Cajetanus, & post Con- cili definitionem, Sixtus Senensis, a Canone illa secludunt. Obier- tandem hic observo, quod Græca Hebraici libri Esther versio multum & a fontibus, & a seipso, in diversis editionibus, abeat. Geminum totius libri græce versi, una cum suis laciniis hinc inde insertis, exemplum do- ciissimus Jacob. Usserius Syntagma de LXX. Interpretum versione in calce subnexuit, ex Arundellianæ Bibliothecæ codice MS. mutuo sumptum: quorum alterum, Origenicum, asteriscis ea signat, quæ in Hebraeo reper- ta, a LXX. omisla fuerunt; obelis vero ea, quæ Hebraicæ veritati sunt adjecta; alterum longe contractius, verus tamen & illud; unde docu- mentum capere licet, quam fluxo & incerto nitamus fundamento, si a fontibus Hebræis discedentes, in dignoscendo textu Biblorum authen- tico, Græca stare velimus versione.

VIII.

Chronolo-
gia.

Circa chronologiam, quæ dubium movere poterant, maximam- jam partem sunt discussa & expedita §. præt. 3. quo Xerxem Estheræ mari- tum, eundem cum Ahasvero, demonstravimus, cuius anni diserte in Estheræ libro signantur. Hujus igitur anno regiminis tertio splendi- dum istud celebratur convivium c. I, 3. septimo Estheræ in regium ad- scicitur torum c. II, 16. duodecimo de Hamane contra Judæos conspi- rante



rante supplicium sumitur c. III, 7. VII, 10. hinc ad Xerxis obitum, qui estherae annis 21, præfuit in universum, novem annis imperii consors Estheræ fuisse creditur, ita ut summa regiminis administratio penes Mardochæum esset; quo paeto annorum 18. & amplius, ambitu totus hic definitus sit liber. Post solutam autem captivitatem convivium istud in 53. incidit annum, Estheræ in regale solium evectio in quinquagesimum octavum, Hamanis suspendium in 62. qua ratione Mardochæus centenario quidem major, Dei tamen beneficio vegetus, animoque & corpore pollens, administrationi regni sufficere adhuc potuit. In tabulam si redigantur anni, ita habebunt:

A.O.C.

- 3519 Xerxes regnum capessit, in libro Estheræ Ahasverus dictus.
- 3522 convivium instituitur, in quo repudiata Vashti Esth. I.
- 1526 Estheræ Xerxi jungitur conjux Esth. II, 16.
- 3531 Haman Judæis exitium molitus, suspendio ipse perit c. III,
1. 7. IX, 1.
- 3539 Xerxes ab Arbano Praefecto occiditur.

IX.

Ceterum capitibus liber absolvitur X. vers. 166. quorum medius Partitio est c. VI, 10: & aliis in tres, aliis in duas dispescitur partes. Qui tripartitam instituunt partitionem, vel admodum Dramatis, pro ratione personarum vel actuum, in Protasis, epitasin & catastrophen dispescunt, ac Partem (I.) Estheræ c. I. & II. (II.) Hamani c. III—VII. (III.) Judeis tribuunt, quæ b. Walthero arrisit ratio Offic. §. 883. a quo non adeo multum abit Hottingerus, cui in Thes. Philol. L. II. cap. 1. Sect. 3. p. 489. P. (I) evectionem tradit Estheræ, ad connubium Regis Ahasveri & regnum Persicum c. I. 2. (II) subjicitur exitiale illud Hamanis consilium, de delenda tota Judaica gente c. 3—6. (III) subnectit gloriosam populi a præsentissimo exitio per Mardochæum & Estheram liberationem, simulque summam Mardochæi in regno Persico dignitatem, c. 7—fin: vel ad naturalem historiæ structuram propius respiciunt, ut b. Balduinus, quo in Idea Disposit. Bibl. c. 4. p. 87. judice I. προγένεσις, quæ sint regis Ahasveri majestas, repudium uxoris Vashti, assumptio Esther in aulam & desponsatio cum rege, ac decretum de interficiendis Judæis, procurante Hamano c. 1—3. I I. πραξιθέτρα, ut persecutio Judæorum ex mandato regis, iactus Mardochæi hanc ob causam, intercessio Esther pro Judæis, retractatio regii mandati & Judæorum vindicta de hostibus suis c. 3—9. III. ιπογένεσις, novi quippe festi institutio, nominis divini celebratio &c. c. 9.

Act. 3

10. ex-



10. exponuntur. Qui vero duas taliter constituant partes, ad historias contentas, seu primarium rei gestæ actum, qui liberatio populi Judaici est, digitum cum primis intendunt, adeoque P. I. Estheræ ob populum Domini exaltationem c. 1. 2. II. populi Domini ab internecione per Estheram liberationem c. 3—fin. asserunt tradi, quorum cum b. Galovio Bibl. Ill. in b. l. p. 876. vestigiis nos quoque insistemus.

X.

Tabula
Synoptica.

- Tradit itaque liber
I. Estheræ ob populum Domini evocationem, cuius
a) occasio, convivium Ahasveri & repudium Vasthi est c. I.
b) actus cum concomitantibus c. II, 1—18.
c) consequens, regis ab insidiis, vita ipsius structis, per Mardochæum liberatio v. 10—fin.
II. populi ab internecione, per Estheram, liberationem, ubi
a) antecedentia, quæ sunt
1. consilium adversus Judæos sanguinarium c. III.
2. Mardochæi luctus, datumque Estheræ consilium c. IV.
b) concomitania factum,
1. convivium Estheræ prius c. V.
2. Mardochæi primi honores c. VI.
3. convivium posterius, in quo Reginæ supplicatio & Hamanis suspenditum c. VII.
4. Mardochæi honores insigniter aucti, & literarum missio c. VIII.
5. hostium Judæorum internecio c. IX, 1—16.
c) consequentia,
1. tripodium Judæorum, &c. instituta festivitas Purim v. 17—fin.
2. honorum Mardochæi complementum c. X.

XI.

Commen-
tarii P. A-
strum:

Mirari sane subit, qui factum sit, ut Patrum quidem, quorum nostra adhuc ætas volvit scripta, nullus omnino curas suas atque operam in illustrando explicandoque Estheræ libro ponere voluerit, qui tamen apocryphos v. g. Tobiæ, Judithæ &c. libros commentariis ornare non dubitarunt. Quod enim D. Friedlieb *Theol. Exeg. b. l. p. 453.* e Patribus BEDAM huc citat, in eo frustra est, cum per octo Bedæ Opp. tomos nihil in hunc librum reperiatur scriptum.

Eo autem frequentiores spissioresque dedit in h. l. commentarios Synagogæ, gentis suæ gloriam inde aucupatura. Præter Medrasch enim,

R. AB-

Rabbino-
rum:



R. ABDIAM SPHORNI, R. ELISAM GALIKO, R. IO-
SEPHVM TITATZACK, R. ISAACVM ARAMAH,
R. MOSEN ALMOSCHNINO, R. IOSEPHVM IA-
CHIJAM, R. ABRAHAMVM fil. R. Mosis Germani Heilbrun-
nensis, & RABBOT H in quinque Megilloth, de quibus singulis su-
pra jam c. XI. §. 8. p. 206. sq. actum est: a Bartoloccio in Bibliorb. Ma-
gna Rabb. suis locis adhuc citantur R. ISAAC LEON ben Elieser
ben Salomon, Hispanus, cuius in h. l. commentatio Venetiis prodiit in
4. ap. Joh. de Gara An. 1565: R. SALOMON ben ZEMACH,
qui tribus libris, **הַפְּאָרָת יִשְׂרָאֵל gloria Isaelis** ex Thr. II, 1. inscri-
ptis expositionem in Esther edidit Venetiis: R. ABRAHAM ben
R. Isaac TZAHALON (quem R. Abraham Tsabulon appellat.
Hottinger. Smegm. Orient. Lib. III. P. II cap. i. p. 10. & Heidegger. in En-
chirid. p. 132.) Hispanus, abbreviate **רְבָנִי צָדְקָה** dictus, qui literalem, alle-
goricum & moralem, ex antiquorum gentis sua Doctorum scriptis
commentarium in h. l. composuit, **יְשֻׁעָה אֱלֹהִים Salus Dei** inscriptum,
& procsum Venetiis in 4. A. 1595. ap. Joh. de Gara: & R. SAMVEL
ben R. Judæ Valerii, qui commentarium in XIV. explanationes divisum,
in h. l. concinnavit, quem **וְדַם הַמֶּלֶךְ manus Regis** ex Esth. I, 7. inscri-
ptum, Venetiis edidit in 4. A. 1585. His addatur R. SALOMO LEVI
ALCABAZ (Normanno ex Siphte Jeschen. R. Salomo Levita Elk-
him dictus) cuius super lib. Estheræ expositio Venetiis in 4. edita
מִנּוֹת הַרְחִי portiones Levite inscribitur, ap. Placcium Theat. Anon. cap. XVII.
n. 280 p. 706: R. LEO Pragensis, cuius commentarius in Esther Pra-
gæ in fol. A. supputat. min. 360 lucem adspexit, **אוֹר חַרְשָׁה Lumen no-**
vum appellatus, ap. Placc. cit. loc. n. 37. p. 683. qui & prec. n. 35. pag. 682.
anonymum in h. l. commentar. allegat, **אוֹר תּוֹרַת Lux legis** dictum,
cuius tamen, præter Hottingerum & Bartoloccium, neminem meminisse
observat: R. SAMVEL, filius R. Pinchas Sacerdotis justitiae, exposi-
tionem super Targum Esther, qua ipsum quoque librum & historiam
declarat, **הַזְוָלה רְבִי שְׁפָאָל principium verborum Samuelis** inscri-
ptam, publici juris fecit Pragæ in 4. A. supp. min. 361. Præter hos ab
Hottingero & Heideggero cit. loc. in Estheræ commentariis recensentur,
סִזְרָה וּסְפָר לְקִמָּה augebit doctrinam R. ELIEZARI Germani: porro anonymi duo,
מִשְׁׁה דָּעַךְ שְׁלֹמֹם אֲסֹתָר iter Mosis inscri-
pti. R. SALOMONIS JARCHI in h. l. commentarium, latina ver-
sione illustratum seorsim edidit in 4. Parisis A. 1623. Ludov. Henric.
Aquinas.



De libro
Estheræ.
Lutheranorum:

Nostratum hoc spectant. JOH. BRENTIVS, cuius commentarius latinus Opp. T. II. p. 1114. legitur, tum & in Anglicum sermonem translatus, Londini in 8. A. 1584. sub tit. *A Discourse upon the Book of Esther* prodiisse fertur: & qui vernaculo sermone Estheram explicarunt, GOTTFRIED. MÉISNERVS, niedrige/ober nachmahlē erhöhete Esther/ mit Biblisch-historischen Schmuck angehan/ Hamburg in 12. A. 1687: BALTHAS. KERNER, Ehren-Crone der demüthigen Esther/ Ulm in 4. A. 1666: WOLFGANG. LVDOV. ASSVM, der Kirchen-Regiment und Hauss-Spiegel/ Nürnberg in 8. A. 1672: HERMANN. EWALD, qui XLV. in h. l. homilias evulgavit Smalcaldie in 4. A. 1618. Tandem & AHASVERI FRITSCHI Biblische Seelen-Gespräche P. IV. p. 67 sqq. huic facere censentur.

Pontificis-
rum:

E Pontificiis OLIVERIVS BONARTIVS S. J. commentario literali & morali, multa sane ac varia referto eruditione, h. l. enarravit, Coloniæ in fol. 1647. Tum & hoc spectant PETR. BERCHORIVS Lib. XIX. *Moralitatum* p. 162. sqq. DIDACVS CELADA S. J. cuius comm. cum duplice tractatu, de convivio Ahasveri mystico, i.e. de Eucharistia, & de Estheræ figurata, i. e. beata Virgine, Lugduni prodit in fol. A. 1648: HVGO de S. CHARO T. I. Opp. Lugduni in fol. A. 1645. ADRIAN. CROMMIVS Lovaniæ in 4. A. 1632: LAURENTIVS CVPÆRVS, Episc. Tornacensis & Carmelitarum per Belgium Provincialis, Moguntiæ A. 1600: DIONTS VS CARTHUSTANVS, cuius enarrationes in lib. Hester alii ejus commentariis junctæ prædictunt Coloniæ in fol. 1534. p. 158. sqq. IOH. FERVS cuius explicatio Estheræ germanica Moguntiæ excusa est in 4. An. 1567: FRANCISC. FEVARDENTIVS Coloniæ in 8. An. 1595: THOMAS de MALVENDA Tom. III. Opp. A. 1650: RABAN. MAVRVS T. III. Opp. Colon. in fol. An. 1627: LEANDER de MVRICIA Madrit. in fol. ap. Alph. de Paredes An. 1674: FRANCISC. PAVLVTVS in Commentario in lib. os Historicos V. T. suo loco, Rome in fol. A. 1625: RUPERTVS TVTIENSIS: CASPAR SANCTIVS Antwerpiz in fol. A. 1627. & 1628: NICOL. SERARIVS, commentario in Tobiam, Judith, Esther, & Maccabeos, Moguntiæ in fol. A. 1610: JOH. EVSEBIVS NIBREMBERGIVS Stromatum sacrorum XIV. quod Assuerus inscribitur, p. 344—422. Lugduni in fol. A. 1642.

Reformato-
rum:

E Reformati nominandi hic veniunt FRANCISC. BVRMANVS, sapientis nobis laudatus, cuius ultimus in hunc librum labor exægeticus fuit: RVDOLPH. GVAL-
THERVS, cuius homiliarum Syntese Gel Archetypi Tiguri excludantur in 8. A. 1587: LUDOVIC. LAVATERVS, cuius XLVII. homilia in Estheram, a Job, Pontisella latinitate donata, Tiguri prodierunt in fol. A. 1586: CONRADVS PELLICANVS Tom. II. Comment. Biblic. Tiguri in fol. A. 1583: VICTORIN. STRIGELIVS: FRANCISC. TATLOR, cuius Targum prius & posterius in Estheram latine versum Londini prodit in 4. A. 1655: JOH. WOLEIVS Tiguri in fol. A. 1570: ARTHURVS JACKSON: JOSEPH. HALL Bibl. Geschichte P. II. p. 1290. sqq. CHRISTIAN. SCHOTANVS Biblio. Hist. Sac. V. T. P. II. p. 178. sqq. Tandem quoque referri hoc poterit CORNELIVS ADAMI, qui obseruatione Theologico Philolog. cap. II. e Persarum ritibus totum librum Estheræ secundum ordinem capp. & commatum persequitur & illustrat. Prodierunt Groningæ in 4. A. 1710.

Remon-
strantium:

In JOH. CLERICI in V. T. commentariis ultimum locum ille tenet in Estheram, in quo inquit ipse præmissæ Dissertat. de Scriptoribus Libror. Historic. §. 10. librum illum ita illustrassimus ex iis, que betteres Graci de Persis, deg. imperio Persico scripserunt, ut paucæ obscura reliquerimus, præ iis, que a Scriptoribus Gracis lucem non dubiam acceperunt.





Landesbibliothek Oldenburg



Landesbibliothek Oldenburg

H



Landesbibliothek Oldenburg



Landesbibliothek Oldenburg

Carpzovii
introductio
in libros
historicos
biblicorum

Theol II
B h
2

